






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL. 2.6.505










Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.505





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.505






Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL. 2.6.505










2. b. 505



















2.6.33

XXXVIII

CARPENT.

V. Bern. PTO








2.6.505









EMINENTISSIMO, ET REVERENDISSIMO

D. D.


PETRO MARIAE  
BURGHESIO

SANCTAE ROMANAE ECCLESIAE  
Cardinali amplissimo

Oliuetani Ordinis Patrono  
peruigili.

D. PAVLVS CARPENTERIVS  
NEAPOLITANVS

Eiusdem Ordinis Abbas, & seruus  
humillimus deuinctissimus F.

 Xerit caput redimitum,  
stellanti gloriae sermo ad  
augustam tuae purpuræ  
maiestatem, facemque  
micantem meus Bernar-  
dus, Eminentissime Princeps, & iam è

a 2 cali-





caliginosa obliuionis abyſſo, in qua per  
tot ſæcula paſſus eſt deliteſcere, tãdem  
emerſus nō lumine orbatus, nō ſqualēs,  
nō tenebris obſitus, ſed centoculus, ſed  
totus Argus, greſſu hilari ad Te candi-  
do amiſtus indumēto feſtinat. Et qui-  
dem cæleſti fato, quòd ipſe Eremita cul-  
tor ſacræ, tacitæq; ſolitudinis ſtudio-  
ſus, inter Acconenſium inhospita val-  
lium teſqua, & rupes tumulatus opa-  
cas cum adhuc in terris huiuscè lucis  
frueretur uſura, ab hominum ſubdu-  
ctus oculis, innoteſcere Mundo no-  
luerit; & vita etiam functus idem, per  
tot Olympiadum tempora, tenore non  
abſimili, ſe ſpectandum renuerit. Ex-  
pectabat ſiquidem, ni fallor, Cardina-  
lis ampliſſime, Te militantis Eccleſiæ  
ſeraphim ſacra ſplendeſcentem pur-  
pura, & igne, ſuæ hiſtoriæ, ſuiquè Or-  
dinis Tutorē. Hinc & benè me arbi-  
tratus ſum facturum, ſi grauiffimæ au-

tho.



14  
thoritati Burghesiæ exiles meos labo-  
res, quibus Beati Patris Bernardi Oli-  
uetanorum post Deiparam Condito-  
ris, percenseo gesta, exhibuero. Quis  
enim vnquā ambiget, gloriosissimi tati  
nominis caractere obfignatam histo-  
riam non fore æternandam? Felices  
meæ lucubrationes, nullo verborū fa-  
stu, nullo sententiarum, & flosculorum  
lenocinio comptæ, si læta eas frōte ex-  
ceperis, tuoquē fuerint patrocinio lo-  
cupletes. Argentum litteraturæ, &  
vberrimæ eruditionis aurum non est  
mihi: offero tantum quod habeo, mei  
nēpe calami humile rusticitatis obse-  
quium. Faxit Deus, vt noster candidus  
cœtus tuis sub auspicijs (vt maior, &  
melior pars eiusdem inhiat, & sperat)  
ad seueriorem cœnobiticam discipli-  
nam, & perfectionis apicem editiorē  
conscendat. Seruet amplitudinem  
tuam Deus multos annos incolumem

ad



ad suæ Maiestatis maiorem gloriam,  
ad Christianæ Reipublicæ fulgorem,  
ad Oliuetani Ordinis nostri denique  
decus, virtutumq; cælestium incre-  
mentum. Vale.



PETRO



PETRO MARIA BVRGHESIO  
CARDINALE

PAVLI V. Maximi Pronepote optimo,  
Prudentia Nerua,  
Beneficentia Tito,  
Grauitate Catone,  
Religione Pompilio,  
Sospite, Auspice,  
Optata fruitur luce trecenis post annis  
Luce clarior

BERNARDVS PTOLEMAEVS.  
Sub Principe Senense Senensis adhuc  
eruitur Heros.

Aquilæ tegumento non aquilo en Cycnus,  
quod olim admirandum, associatus:  
immunis ab immani liuoris fulmine  
Orbis nubes tranabit cum alite  
nubiūga:

Suauiora concinet modulamina  
ad BVRGHESIAE Purpuræ  
Mæandrum.

En



En DRACO Hortorum quondam custos  
Hesperidum,  
nunc Montis Oliueti  
non fabulosæ Ioue natæ Palladi,  
at MARIÆ,  
Verè Filiæ, Matriq; Dei, dicati,  
huiuscæ opellæ  
Defensor, Tutator.





CANDIDO  
LECTORI

CANDIDI  
AUTHORIS  
PROLOQVIUM.



**B**Eati Bernardi Ptolemæi  
Senēsis Oliuetanorum  
Cenobitarum Parentis  
gesta, virtutes, & mira  
multi viri graues scri-  
psere, sed carptim (vt uerū fatear) po-  
tius, saltuatimquē magis (si per paucos  
exceperis) quā ex professo. At nec de-  
sunt Authores alioqui nobilissimi, qui  
de Oliuetanę Cōgregationis exordio,  
origineq; inter se valde discrepēt. Me  
aūt, licet cōtexēdæ tāti Patris vitæ vi-  
ribus imparē, nec piguit, nec puduit

*Lucidus  
Cassaneus.  
Pauinius.  
Polidorus  
Virgilius.  
Raphael  
Volaterra-  
nus. Gener-  
brardus  
Card. Bel-  
larm.*

§

ad



ad subeundam huiuscè Prouinciam  
animum appellere, eorum præsertim  
iussu, quibus obsequi, & parere absque  
dubio debeo. Selegi ergo in hac opel-  
lula, quæ magis comperta, & historica  
sacra narrationi consona à probatissi-  
mis, vel antiquis, vel Nuperis Autho-  
ribus enarrantur, excerpſiquè quæ in  
ijsdem sparsim cernuntur, atquè in  
vnum veluti collecta fasciculum or-  
dinatim nexi, alligavi, & in breuior-  
i exhibeo opusculo quinque digesto  
libellis, quorum hæc methodus, atquè  
epitoma.

*Epitome  
primi libri.*

In primo enim ea percenseo, quæ  
ad Bernardum Ptolemæum prout cō-  
stitutum in sæculo spectant. Quod ni-  
mirum eius fuerit Solum natale, quæ  
Patriæ dignitas, Senensis Urbis descri-  
ptio, origo, laudes, encomia; quo pro-  
gnatus noster Heros stipite, quanta Pro-  
lemæorum nobilitas, maiestas, antiqui-  
tas.



VII

tas. Mira eiusdem post emissum Deo,  
Deiparæquæ à pijs Genitoribus votū,  
conceptio. Faustissima Matris de albi-  
simo Cycno visio, seu cælitus iniectū  
eidem somnium. Bernardi ortus, atque  
cū in spiritu, tum in litteris Religio-  
forum sacra inter claustra educatio.  
Quantum extrā eadem pia septa in  
omnigenis litterarum studijs ipse pro-  
fecerit, quo spiritus ardore, æstuquæ in  
Deum flagrauerit, rebusq; sacris quo  
pacto nauauerit operam. Insuper qua  
Doctoratus laurea in ipsa ephebia co-  
honestatus effulserit. Eundem vide-  
bis itidem totum fulgentem in armis,  
equestrisquæ gloriæ illustrem inter  
Imperatoris Cæsarei ascitum proce-  
res, arma tractantem, equitantem. De-  
plorabis sciētificum simul, & militem  
Bernardum in toga, & sago (tanta est  
humanarum rerum fragilitas) lasci-  
uientem. Admirabimur Dei nostrum

*Greg. Lom-  
bard in  
vita B. Ber-  
nard. lib. 1.  
cap. 2.*

20

§ 2

cogno.



cognoscentis figmentum, miram pietatem sua gratia excitantem adolescentem, qui & Martis castra contemnit, floccifacit ludicra, Mundique ludibria, Christi vexillum alacrius prosequitur cælestibus intentus operibus; neque ocio torpet; impensius enim, & litterarijs studijs dat operam, & è sapientiæ cathedris Auditoribus defœcatam, puram, & sacram doctrinam exhibet. Bernardi sapientiam quaquè tublimioribus obstupescas tubis decantatam. Quæ, & quanta fuerint à Senensi Republica demandata Iuveni munia, quouè pacto in conspicuis suæ Patriæ locatus gradibus se gesserit. Quæ sui ipsius exempla principibus viris, Reipublicæ, atquè Exteris præbuerit. Quæ viri pietas, quæ Religio, qui mores; sed inter hæc miseri Bernardi deflebis iterū casum, scientia turgescens, superbia inflatus, ac tumidus excidit

ex



VII  
ex illo penè excelfo virtutum apice,  
iacuitquè in fæculi vallibus. Pietatis  
operibus vale dicit; folum uana fe-  
ctatur, friuola Mundi oblectamenta.  
Sæculi iam contemptor fæculum ar-  
dentiffimè profequitur, in ijsquè, quæ  
Mundi funt, diftinetur infelix. Lege,  
& luge Bernardum defipientem, va-  
gantem inter filuas, & nemora venati-  
cis ftipatum canibus, ferarum feftato-  
rem, vel inter fluenta cryftallina, la-  
cusquè pifcosos terentem dies, vel in-  
ter vertiginofas choreas in nocturnis  
Senenfibus vigilijs vanefcentem. Mi-  
raberis deniquè virum annis grauem  
repuerafcere, nihil penè cæleftia cû-  
rantem, amariffimas delicias perditè  
inhiantem. Euehes fimul diuinæ pie-  
tatis viscera; dū enim inter inania ina-  
ni gloria plenior, & leuior verfatur  
Bernardus ftatuît, pollicetur, fe exhibe-  
re docentem è fuggellu, ecce tenebris

ple-



plexus, ecce lumine orbatus cælitus,  
interq; caligines illas ipsa luce fulgen-  
tiores seipsum omnium agnouit mi-  
serimum, votum Deo, Matriquè Vir-  
gini pro amissis oculis nuncupans,  
fit voti compos. Luculentam, &  
admirabilem frequenti auditorio ora-  
tionem, concionemquè habet de Mũ-  
di ludibrijs, contemptuquè. Pauperi-  
bus quæ possidet erogat omnia, & om-  
nibus, quæ sæculi erant, denudatus, nu-  
dum sequitur Christum. In squalentis  
Eremi solitudinē, omni humano præ-  
sidio destitutus, festinanter secessit.

*Epilogus  
secundi li-  
bri.*

In secundo considerabimus inter  
siluas silentes, & rupes, concauas inter  
valles, supinosquè colles spectaculum  
poenitentiae Eremitam Bernardum,  
ipsamquè Eremum factam Numinis  
mirabilium admirabile theatrum. Spe-  
ctabis alterum Baptistam setis tunica-  
tum hirsutis, humiliquè melote præ-

cin-



11  
cinctum, non locustis pastum, sed ole-  
ribus, herbarumq; radicibus; non Ior-  
danis laticibus excurientem sitim, sed  
pluuialibus aquis. Suspiciens hominem  
in terris positum, mente solum inter  
cælites in Empyrio conuersantem. Fit  
terra illa deserta, atque inuia adueniē-  
tium videndi Dei mirabilia, visendiq;  
animo Bernardi, noua Hierusalem.  
Audies nostrum Ducem Deo dicatum  
eructantem verbum bonum, concio-  
nantem de mundanis miserijs, hortan-  
tem cunctos ad sectanda cælestia. Ob-  
stupesces felicitatem Deserti, lugebis  
huius sæculi misérias fluctuantis. Non  
desunt cælesti athletæ in Eremi pale-  
stra pugna, certamina, à Mundo, à Dæ-  
mone; sed semper victor, triumphator  
euadit. Videbis laruatos, vel eremiticū  
ementitos habitum, vel femineam in-  
dutos vestem, pallamque inhiantes vi-  
ctoriæ Dæmones. Sed quot passus Bea-

-115789  
tus



rus Pater est pugnās, tot erexit tro-  
phœa. Cernes è depressis vallibus sca-  
las surrectas argenteas ad cæli fastigia  
tas cæcumina Bernardo uictori paratas  
post partam de obsceno phantasmate  
palmam, eidemq; socijsq; Eremicolis  
Iesum, Matremquè Virginem seipfos  
conspiciēdos exhibitos. Iterum ærum-  
nis Dei seruum contemplaberis exa-  
gitatum tanquam hæreseos reum, atq;  
in Galliam proindè maturātem Sum-  
mi Pastoris in throno Petri sedentis,  
Ioannis nempè XXII. iussu euocatum,  
benignissimè tandem ab eodem inibi  
exceptum, gratijs pontificijs locuple-  
tem ad Italiam, ad Tusciam, ad Arreti-  
nam urbem, eiusdem Beatissimi Patris  
nutu, remeantem. Non desunt longo  
in itinere multa nostro Duci rerum  
discrimina. Attollunt ceruices in eum  
Tartara. Sæuit Mundus, sæuit caro, sæ-  
uit Cæli inclemētia, tempestatis rigor;



paratur mille thecnæ, fraudes, cōuicia,  
carceres, cruciamēta: sed sunt hęc Ber-  
nardi triūphi, trophœa. Angeli ipsum  
edocent, dirigunt, custodiunt, nutriūt,  
solantur. Ad genua procumbit tādē  
Guidonis Petramalij Antistitis Arreti-  
nam sedem regentis Bernardus, pon-  
tificias exhibet litteras, eiquē ieiunium  
triduanum indicitur, sicut & Eremi-  
colis socijs, ut Deus ostendat, quo sub  
uexillo, & tessera grex ille humilli-  
mus sit contra Inferos initurus certa-  
mina. Effunduntur interim preces, su-  
spiria, gemitus, ieiunijs serui Dei pal-  
lent, cooperiuntur flagris, uarijsquē  
pijs operibus è cælo auxilium, atquē  
lumen efflagitant. En Cælorum Im-  
peratrix Beatissima Virgo, cuius uestis  
Solis textitur radijs, cuius coma siderū  
redimitur fulgentissimo sermo seipsam  
Arretino Præsuli ostendit, ostenditq;  
cuius sub instituto Bernardus noster,

ss

Acco-



Acconensesquē Eremitæ militare sta-  
tuerit. Ipsa vestes porrigit niueas, ipsa  
nostri insignia Ordinis, Montes, Cru-  
cem, Oleas, ipsa Oliuetantum Montem  
sibi erectum, sibi sacrum testatur. De-  
niquē candidis Antesignanus noster  
indutus vestibus, ijsdem conuestit &  
socios monasticam professuros vitam  
inter siluas, & resqua.

*Tertij li-  
bri summa*

In tertio Bernardum conspicias,  
deposita iam fuscetudine vestium, totū  
candidum, nemorum Angelum, lucif-  
quē filium Patriarchæ Benedicti fan-  
tissimi regulam, iussu Guidonis An-  
tistitis, immo Virginis Matris, Eremi-  
colis socijs, nunc cœnobitis danten-  
tem. Pensitabis tanti viri humilitatem  
renuentis sui Ordinis regimen, cuius  
regit habenas primò Patritius de Pa-  
tritijs. Secundo Ambrosius Piccolo-  
mineus. Deniq; Simon de Thure Se-

nen-



nenses. Eriguntur Deiparae templum, &  
Cœnobitis cellulae. Atque ecce furen-  
tes Dæmonū cateruæ, quæ pij viri ex-  
truuunt, destruētes. Suspice interim Ar-  
changelū Michaelē lapsum è cælo, in-  
feras fugantem turmas Beati Bernar-  
di precibus, fitquē loci Michael tute-  
laris, & custos. Euehitur inuitus Bea-  
tus noster Pater ad sui Oliuetani  
Ordinis moderamen. Quis illius  
prudentiam, doctrinam, sanctimo-  
niam, dignis verbis recenseat? Po-  
situs erat omnibus in exemplum. Quæ  
docuit? Quæ præstitit? Eo regente no-  
bilius Dei, & Matris Virginis domus  
celeberrima panditur, cuius de-  
scriptio & hic habetur, minutatim.  
Humillimus noster Pater respuēs Re-  
ctoris sedem, vel solium in eodem  
Cœnobitarum precibus persistit, disci-  
plinam monasticam mirè prouehit,  
Oliuetanam Congregationem ponti-

*Pij secundi  
Summi Pon-  
tificis in  
Itinerario.*



ficio diplomate confirmandam curat,  
ditatque, augetque cœnobijs; sed ecce  
ambitione, & avaritia, Dæmonis astu,  
tentatur noster Hæros, verum binos  
de vtraq; ipse vnus refert triumphos.  
Insidiatur eius itidem pudicitia, annis  
penè fracti, baculo innixi gressus tra-  
hentis, malus Dæmon; verum spiritu in  
flaccidis membris factus robustior vi-  
ctor euadit. Post tot bella, & tot Tar-  
tari post insidias, ecce Cælorum Regi-  
na seipsam dat Beato Patri videndam,  
illumq; tutum de corona, & futura glo-  
ria reddit. Reuelatque seruo suo, ante-  
quam purissimam afflet animam, Deus  
arcana diuina. Apparet eidem Mona-  
chorum coriphæus Benedictus, diem-  
que sui obitus clarè denunciat. Euola-  
turus ad Cælum Monachos destinat  
per villas, cōpita, pagos, Xenodochia,  
vt peste laborantes adiuuent verbis,  
varijsque laboribus, ut in eorum cūm

ani-



XII  
animorum salutem, rùm sanitatem  
corporum operam nauent. Ipse uerò  
inter eos charitatis Princeps in agro-  
rantium pariter curam totus incum-  
bit. Fratribus, & quos in Christo ge-  
nuerat filijs, suum patefacit obitum,  
diem, & horam. Concionem habet  
feruentissimam, hortatur ad regulæ  
custodiam. Tandem diuinas inter ul-  
nas molliter foras, interquè charitatis  
uerba, & psalmorum concentus Cælo  
inhians eius anima purissima ad Em-  
pyrij coronam euolat, Non defunt  
post animi egressum felicissimum  
multa mira.

In quarto per Beati Patris nonnul-  
las percurremus uirtutes, quanta eius  
fuerit humilitas, quantum precandi  
studium, quanta pænitentia, quot ei  
largitus Deus gratiarum dona caele-  
stia.

In quinto, & ultimo deniquè quæ-  
dam

*Quarti li-  
bri compen-  
dium.*

*Quinti li-  
bri conclusio.*



dam mira in medium afferemus ex ijs,  
quæ hucusquè habemus comperta, &  
excerpta post trecentos, & amplius  
annos, fidissimis, & probatissimis ex  
Authoribus. Stylum aliquantulum  
fortè floridum, & ab historica seueri-  
tate recedentem affirmaueris; sed cum  
de re sacra agamus, pretium operæ  
duximus auribus etiam, ac delectatio-  
ni consulere, Scriptores sacros plures  
imitati. Digredimur multoties, & per  
quædam eruditione digna excurri-  
mus. Profana (ne hilumquidem à ve-  
ritatis fundamento recedentes) inter-  
teximus, & pleraquè uerosimilia, ut  
soliloquia, conciones, præcepta, de-  
scriptiones, grauissimos secuti Autho-  
res, qui & iuuare, & delectare studue-  
runt; nè legentes, etiam perbreue opu-  
sculum, tæderet. Quare ea omnia su-  
perflua minimè putauimus. Suffecit  
tandem nobis, ne inerti silentio gesta,

lau-



XII  
laudesquè Beatissimi Parentis Bernar-  
di præterirent, nec perpetuò laterent  
in claustrorum recessibus, atquè an-  
gulis cellarum. Si quid boni, Amice  
Lector, nostris in lucubrationibus de-  
prehenderis, Deo, omnium bonorum  
inexhausto fonti referas; si quid mali  
meæ tribuas inscitiae, meiquè calami  
rusticitati. Benèuale.





laudatque beatissimi Patris Bernar-  
di praeferunt, nec perpetuo latent  
in claustrorum recessibus, atque an-  
gulis cellarum. Si quid boni Amice  
lector, nostris in lacubrationibus de-  
prehenderis, Deo omnium bonorum  
inexpulso fonti refers; si quid mali  
meae tribus indicis, meique calamita-  
tus indicis. Benevale.





INCERTI AVCTORIS  
**B. BERNARDI**  
**P TOLEMAEI**

Diuinitus excœcati resipiscentis

*PROSOPOPAEIA*

O D E

**A***T* ò nitentis Arbiter mundi potens  
Sator, parensq; luminum.  
*Scelerum seuerus ultor, & vindex Deus,*  
*Idemque mitis parcere:*  
*Da pronus aurem supplici, & nostras prius*  
*Nil non valere da preces.*  
*Solis nitentis orbitam, & purum diem*  
*Videre casum lumine*  
*Aequus negasti; Palladis vana sequax*  
*Dum lubricas tero vias,*  
*Tumidasque fibras cordis aura spiritu*  
*Ambitiosus impleo:*  
*Sensi seuerum vindicis dextra flagrum*  
*Sat doctus heu malis meis:*  
*Nunc parce lentus ira, & errantem diu*

§

In-



*Inter tenebras mentium  
Redde o diei pronus : En menti nouum  
Affulsit e celo iubar  
Liceat nitentis igneas lucis vices  
Solemque & astrorum decus  
Oculis tueri, redde poscenti diem  
Et prisca fronti sidera.*



Pa-



Patris Ioannis de Ribadineijra  
Societatis Iesu.

D. PAVLO CARPENTERIO

Montis Oliueti familiæ  
Abbati meritissimo.

Obstupuit Antiquitas,  
Quod Cæsar calamum, & gladium feliciter  
pertractarit.

Admiretur hæc nostra ætas,  
Quod, tu Paule, & scribendi stylum,  
& lances Astreæ

Felicissimè exerceas.

Anceps pendet in libra animus  
Cui primas ferat,

Prudentiæ ne qua regis,  
An sapientiæ qua scribis?

Præfulum norma, quod ita præsis,  
Auctorum gloria, quod ita exares.

b

2

Sed



Sed merito pro stemmate vtrumque iacta,  
Et Benedicti Coruum, & Palladis Noctuā.  
In Cœnobio, cui nomen Mons Oliuetus,  
Typis mandanda es meditatus;  
Vt nihil non sublime feras,  
Qui laudibus in Cælum ferris.  
Nihil à Pallade non auspiceris,  
Quæ tibi famulata luce prætulit,  
Vt in Solem prodires.  
Quàm auspicatum tui operis prælum,  
Præliū obscuræ obliuioni perpetuò illaturū.  
Quam splendida literarum signa,  
Quæ veluti militaria sibi secula oblitterantia  
deuincient.  
Inuidit Alexander Achilli,  
Quod Homerum sortitus esset historicum.  
Inuideret in præsentia,  
Quod B. Bernardus in vitæ suæ scriptorem  
Te de Cælo delegerit  
Docentē Beatum è Cathreda dū describis,  
Auditorem Famam habes,  
Non surda buccina te prædicabit,

Quòd



XVI  
Quòd eius adstrictam Religione  
Exponis doctrinam;  
Quod catenulis scribendi aureis  
Felicior Hercule Gallico  
Animos Deo deuincis  
Neapolitanus Nestor  
Candidum sortitus tegumentum  
Lacteam præfers orationem,  
Melleus nō minus in baculo,quā in calamo,  
Dū Beati Bernardi gesta suauissimè digeris.  
Nee ideo viperinos timeas Aristarchos,  
Quando tua insueta lactis dulcedine,  
Vel serpentes hebetantur.





Patris Iosephi de Campora  
Societatis Iesu.

IN AVCTORIS LAVDEM.

Elogium.

Felix argumento, Felix stylo  
B. Patrem Bernardum Prolemæum vitæ  
integrum castigatus ipse Narrator  
exornas.

Eius morum puritati vnus accedere poterat  
tui candor sermonis.

Incertum, vter felicior, an ille agendo quæ  
scriberes, an ipse scribendo quæ egerit

Illud tamen certum, & fixum  
Vnum te gesta eius præclara edere potuisse  
in lucem

Hinc festiuè, reor, laudabunt te Posterì:  
Quòd Religiosi Parentem Ordinis Pius Tu  
filius in lucem edideris.

Quin



XVII  
Quin bellè etiam dicent accidisse,  
Vt ille nunc tibi pium cedat in librum, qui  
præcesserat magister pietatis  
Verùm quàm egisti præclare!  
Vt sanctissimi mores parentis exprimerent  
Posteri, literis imprimendo curasti  
Mandasti typis, vt hærent altius animo.  
Sed vnum Te in primis crediderim in-  
stere paternis vestigijs, qui vitæ cur-  
sum tam probè inuestigas

ac prodis.  
Ceterùm commodè tibi historiæ argumen-  
tum Bernardus Ptolemæus obuenit.  
Vt non vnum Ptolemæum iactet Posteritas  
illustrem mathematico radio, sed alte-  
rum, à tuo nempè præclarum  
historico stylo.





# PAVLOCARPENTERIO.

Qui

E virētibz Romanæ pratis Eloquentiæ non paulo carpit sudore flosculos: in appin- gendo Bernardi Deserto disertus:

calamo thalamum cōsternit

immortalitati :

Struit liuori tumultum virtutum cumulo :

Nestoris fluenta, Platonis apes, Periclis

tonitrua, Alcidis renouat catenas:

Suadæ medulla.

In cuius

Charactere Charites accinunt, plaudunt le-

pores, saliant sales: Cato grauitatem, leni-

tatem Lælius, imperum Gracchus, ca-

lorem Cæsar, Hortensius distribu-

tionem, argutias Caluus, parsi-

moniam Salustius, opulen-

tiam Cicero desiderant


nequicquam.

Cuius



XIX  
Cuius  
Atramentum vulgi fœcem non olet, obli-  
uionis toxicum: elemēta Æternitatis ali-  
menta manus Pallados est munus:  
nec mirum,  
Cum inter Oliuas, quarum Pallas inuentrix,  
æuum ipſus exegerit:  
Hocce Perpetuæ monumentum obseruan-  
tiæ posuit.

*Iosephus Baptista*



§§

D. Ber-



D. Bernardi Mater parere Cyc-  
num somniat.

D. Ambrosij Marię Piccolominei de Ara-  
gona Monachi Oliuetani Epigramma.

**L** Vmina lethæo sepelit dum Fulvia somno,  
Sedibus astriferis somnia missa videt.  
Exposuisse putat sinuoso è viscere fœtum,  
Isque nitet niueo tegmine blandus Olor.  
Stipatus turmis liquidas euerberat auras,  
Nubila mellito murmure Ductor arat.  
Grande omen, fatale solo. Cycnumquē Therapnæ  
Tyndarææ discant nunc reticere suam.  
Pacem prole noua, propriæ certamine stirpis,  
Hic feret Ausonijs, perdidit ille Phryges.



Cel.



Cellulam D. Bernardi Dæmon  
demolitur.

D. Pauli de Guevara Monachi Oliuetani  
Epigramma.

**A**sfurgit vix cæca inter spelæa ferarum.  
Bernardi exili cespite facta domus:  
Diruit illius fragilis fundamina muri  
Cum violenta phalanx agglomerata stygis  
Luctisqñi tetros Orci modo cernito mores,  
Diuersoque dehinc discite tenore Polum.  
Euertit casulas humiles Regnator Auerni,  
Fulminat astripotens tecta superba Deus.





PATRIS CAROLI AB HERCULE  
Societatis I E S V

AD AVCTOREM

Epigramma.

**H**istorię mandare Tibi benè contigit vni  
Quo Ptolemęus sidera calle premat  
O decus Ausonia, Nostris Lux addita terris  
Nectareum Syren cui dedit ore melos  
Omnia par Graijs, par omnia Scriptor Hetruscis  
Par Latijs, calamo postera secla beas  
Lethæos vicisse lacus Tua nomina possunt,  
Calica dum Letho Tu monumenta rapis.



14 s tt  
IDEM



XXI  
IDEM  
Ad eundem.

**O** Mihi quæ celeres urunt præcordia flammæ!  
O mihi quæ calamo fulmina missa iacis!  
Ferte precor fontes, date vos mihi flumina fluctus,  
Scilicet ut flammæ temperet unda meas.  
Audior. eloquij liber hic sua flumina fundit  
Nam fluit ex illis lactea vena notis.  
Mira fides! gelidis sociat liber hic incendia lymphis,  
Unda dedit flammæ & dedit ignis aquas.



PA  
IDEM



IDEM

Ad eundem !

B. BERNARDVM PTOLEMÆVM

Diuinitus excecatur, ac deinde res-  
piscens historię mandantem.

**P**Anditur historica magnum tibi mole theatrum  
Ac tua letheis fama reuixit aquis  
Fortunate Heros, oculos tibi reddidit olim  
Virgo; nunc calami munere vita redit.



PA-



XXII  
PATRIS BARTHOLOMÆI

De Rogatis Societatis Iesu


Ad Paulum Carpenterium

Abbatem

Vitam B. Bernardi Ptolemæi scribentem.

Epigramma.

**S**cribis, & æternis inscribis nomina fastis,  
Nomina diuinus quæ bene signat honor.  
Marte suo superis Tolomeus viuit in astris,  
Marte tuo celebræ viuit in ore virum.  
Illum sublimem deuexit ad æthera virtus,  
Quem tua sublimem nunc quoque penna leuat.  
Scriptorem, scriptumque simul mirabitur ætas  
Omnis, & attonito sic dabit ore sonos:  
Tam bene qui vitam traducat non erit ullus,  
Vitam qui scribat tam bene nullus erit.



PA-



Ad eundem.

Aliud

**T** Am bene Paule tuus per te describitur heros  
Vivat ut in chartis mortuus ille tuis.  
Immortalis erit qui te Scriptore per orbem  
Euolat, & gemino vivet honore Sacer  
Et pietas illum leuat, & tua penna per auras  
Vtraque dat longos ducere posse dies.  
Nec potuit pietas meliori in pectore condi,  
Describi calamo nec meliore potest.  
Quid loquar? heroas cum fama attollet in altum  
Optabit penna posse volare tua.





XXIII  
Facultas Abbatis Generalis.  
D. VALERIANUS SCALEA  
A Brixia Abbas Generalis Oliuetanus.

**B** Eati Bernardi Ptolemæi vitam  
in libros quinque digestam, Au-  
thore D. Paulo Carpenterio Neapoli-  
tano Congregationis nostræ Abbate  
Sanctæ Mariæ Montis Oliueti Neapo-  
lis; Cum ij ex nostris, quibus demanda-  
uimus, recognouerint, probauerint, di-  
gnamquæ prelo censuerint; Nos quod  
possit eidem subijci, ac in lucem edi,  
quantum ad nos attinet, tenore præ-  
sentium licentiam facimus. Mediolani.  
Ex nostro S. Victoris ad Corpus Cœ-  
nobio. Nonis Decembris 1641.

D. Valerianus Scalea Abbas Generalis  
Oliuetanus.

D. Dominiens Minutulus Abbas, & Canc. de Man.

§§§



Approbatio, & licentia Curiae Archie-  
piscopalis Neapolitanæ.

**E**go Don Io. Dominicus Aulifius Sacrae  
Theologiae Doctor, Collegij Theologorum  
vnus è Magistris, Ecclesiae Sanctae Metropolitanae  
Neapolitanæ Præsbyter Canonicus, Pœniten-  
tarius; Sancti Officij Inquisitionis Consultor, &  
librorum Censor.

B. Bernardi Prolemæi Senensis Cōgregationis  
Oliuet. institutoris Acta, Authore D. Paulo Car-  
penterio eiusdem Ordinis Abbate meritissimo  
conscripta legi, & eruditam elegantiam styli mi-  
rè laudo. Quibus, historicam fidem habendam,  
tantam censeo, quæ puræ narrationis certitudi-  
nem, haud quaquam supergrediatur, omni iudi-  
cio Sedi Apostolicæ, quod ad Beatitatis, aut Sā-  
ctitatis declarationem, ac miraculorum eviden-  
tiam attinet, penitus reposito, ac reseruato. Quā-  
uis adnotare nō prætermittam istius B. Bernardi,  
graues, ac probatos Auctores vitam, ac gesta  
scripsisse. Inter quos, Benedictus Gononius Bur-  
gensis Monachus Cælestinus Lugdunensis lib.  
6. de vitis Patrum Occidentis, pag. 385. col. 2. qui,  
speciatim recenset, à B. Virgine Bernardo oculo-  
rum lumine repente orbato lucem restitutam. Fr.  
Philippus Ferrarius Alexandrinus Ordin. seru. B.  
Virg. In catalogo generali Sanctorum, qui in  
Martyrologio Romano non sunt, Typis mandato,  
Ann. 1525. dictum Bernardum appellat Beatum,  
vt videre est XI. Kal. Septembris, quem, in adno-  
tatio.



XXIV  
tationibus dicit, è vita migrasse Anno 1348. Sil-  
uanus Raz refertur Bernardi vitam narrare lib. de  
SS. Hetruriæ, necnon Historia Monastica Diario  
primo. Insuper D. Arnoldus Vvion Belga Dua-  
centis; Monachus S. Benedicti de Mantua lib. cui  
titulus, Lignum vitæ, edito, Anno 1595. vbi XI.  
Kal. Septembris, appellat præfatum Bernardum,  
Sanctum. De quo, prætereà agunt Raphael Vo-  
laterran. lib. 31. Anthropologia. Lelius Zecchius  
de Repub. Ecclesiast. in tractatu de Religione. Al-  
phonus de Casarubios initio compendij priui-  
leg. FF. Minor. & aliorum Mendicant. Platus de  
Bono stat. Relig. lib. 1. c. 34. & lib. 2. c. 22. Philip-  
pus Bergomensis in supplemēto. Hi omnes apud  
Benedictum Gononum supra citato loco, dicētē  
se nunquam legisse Bernardum Ptolemæum fuisse  
se canonizatum. Cuius etiam vitam scripsit Ioā-  
nes de Populonia Ordin. Prædic. Mag. & Doctor,  
ac in ditione Senensi quæsitior Sancti Officij. Itē  
Gregorius Lōbardellus, opusc. tribus libellis di-  
gesto. Michael Angelus Bonhauerti Ferrariensis  
Dialogo ad Nuperos Oliuetanos. De eodem  
agitur in Historia Oliuetana. D. Marius Matte-  
sillanus Bononiensis in vernaculam linguam tran-  
stulit orationē B. Bernardi Oliuetanor. Fūdatoris,  
latino idiomate ab eo habitam, quam eruditio-  
nibus plurimis exornauit, & hanc etiam orationē  
à multis mēdis expurgauit, Horatius Lombardel-  
lus Frater Gregorij Lōbard. vt hic testatur lib.  
1. vitæ eiusdem Ptolemæi, c. 12. His adnotatis,  
concedi possunt Typis. Neap. 16. Apr. 1642.  
Idem qui suprà D. Io. Dominicus Aulifius.



*Imprimatur.*

Alexander Ruffus Canonicus, & Vic. Gen.

Andreas Letteresius Can. Dep.

D. Io. Dominicus Aulifus Can. Dep.

Facultas Regia.

*Illustriss. & Excellentiss. Domine.*

**D** Paulus Carpenterius Abbas Monasterij Montis Oliueti de Neapoli, Beati Bernardi Ptolemæi vitam conscribit, maxima animi obseruantia erga sui Ordinis Oliuetani Parentem, & Conditorem, nihilquæ interferit, quod Potentissimi Regis Hispaniarum, aut Regni Sactionibus contradicat. Immò, Christianam Religionem fouet; à qua, tanquam à Sanctitatis fonte riuus profluunt Sanctorum virorum. Valeat Excellentia tua diutissimè foelix. Neapol. 16. April. 1642.

*Illustriss. & Excellentiss. Dominationis tuæ*

Addictissimus Seruus

D. Io. Dominicus Aulifus.

*Vidit Arias de Mesa R. Conf. pro reuisione librorum.*

IMPRIMATVR.

Tappia Reg.

Zufia Reg.

Brancia Reg.

Sanfelic. Reg.



XV

I

BEATI  
BERNARDI  
PTOLEMAEI  
SENESENSIS,

Congregationis Sanctæ Mariæ Mon-  
tis Oliueti Conditoris Vitæ

Liber Primus.

BERNARDVS IN SAECVLO.

*Eius Patria.*

*Cap. I.*



Rbem Senam nouerit ne-  
mo, qui ceteras inter Vr-  
bes, nè dum Hetruriæ, sed  
Italiæ penè totius sat spe-  
ctabilem non credat. Af-  
surgit illa monte feraci,  
seù potius amœnissimo  
colle non longè ab Ar-  
biæ fluuio dissita, suaque se spontè in cælum  
erecta clementer, vernantibus redimitur superba  
siluulis, terræquè semper, seù herbescentis, seù

*Sena descrip-  
tio.*

A

flo-



*Senensium  
laus.*

*Sena positus.*

*Sena origo.  
Plin. l. 3. hist.  
natur.  
Tacit. l. 2.  
Ptol. in  
geogr.*

floreſcētis delicijs, ac diuitijs fruitur. Sidus enim influens adeò benignum quid inſpirat, vt Solum fructibus ſecundiſſimum, plurimiſquē faciat fœtum frugibus. Publico inſuper omnis litteraturæ Lycæo celeberrima, ſacrarum ædium ornatu nitens admirando, ædificiorum pompa, turriumq; celſitudine inſignis, maiestate demum, antiquitate, ciuiliquē decore maximis ipſis fortè anteferenda. Gens ipſa cultior, & mitior, patiens laboris, ſtudijs inexpleta, munifica in exteros hospitalitate, ingenio dulci, linguæ ſono, ſermonis candore, nulli certè gentium Italo ſub cœlo ſecunda. Iacet inclyta hæc Vrbs, ad poli altitudinem gradu ſecundo, & quadrageſimo, minutis additis quinq; uaginta, vel, vt alij ponunt Mathematici, gradu quadrageſimo tertio, ternis additis minutis, ſed penès ipſos fides de hoc ſit omnis; Eurum à Valle plana, eiſquē paludoſis ſtagnois excipit Sena, ſub Fauonium Tyrrhenū proſpectat mare, Volaterras, Piſas, & Arnū fluuiū; Hetruſiæ multum pelagus in Auſtrum, & Argentaurum montem; ad Boream verò, Florentiam, Bononiam, Apenninumquē, Italiam interſecantem, habet.

Non eadem de Senæ origine, & conditoribus Scriptorum ſententia. Illud tamen magis inconfefſo, VRBEM ESSE VETVSTISSIMAM, cuius nimirum Plinius, & Tacitus hiſtorici, & ipſe Geographus Ptolemæus meminerunt. Sed nec deſunt qui aſtruant à Senio Remi filio, Romuliq; nepote acerrima patruī declinaturō odia, Roma

pro.



profugo, cōditam, & ex suo Senij nomine Urbem Senam dixisse, adduntquē hinc Senenses Lupam gemellis recēns natis prābētem lactantia vbera; Romuli, Remiq; insigne, & priscum ipsius Romæ stemma, ad hāc vsq; ostentare tempora.

*Sena stemma.*

Habuerē Senam, bello fractis Tusciæ populis, à principio Romani, deductisquē illō Colonij Publio Corn. Rufino, & M. Cur. Dentato Consulibus, per Præfectos rexere. At Romano deflecente Imperio, sub Odoacre fuit Erulorum Rege Arriano, quem in Capitolio ipse Romanus Populus, & Urbis, & Italiæ Regem acclamabundus cōstituit, regnavitq; Odoacer omniū primus post Augustulum, in quo occidētale Imperium ab Augusto gloriosē erectum miserrimē occidit, tenuitq; Italiam annos sexdecim; donec Theodoricus, etiam Arriani hæretici, Gothorum Regis, armis oppressus, victus, doloquē (pacto fœdere) peremptus, in Gothorum ditionem gentis effere, Italiēquē pestis, Sena redigeretur. Imperat Theodoricus, de Bulgaris triumphat, Pannonicam coronam Italici addit Tyrannus iuxta, & sacrilegus annos vigintiquatuor. Amittit dein Regnum, ad cuius iam vita functi euehitur solium, Amalefunthæ matris opere, Athalaricus adhuc puer octennis, cui ē viuis sublato succedit Theodatus eiusdem Amalefunthæ, Gothorum Reginae, artibus, feminæ litteris supra sexum excolitissime, insigniquē prudentia præditæ. Hanc ipse Theodatus Regni potitus, beneficij immemor, omniū ingravissimus, exilio, & capite mulctat; sed & ipse

*Sena qui positi.*

*Sena sub Romano Imperio.*

*Sena sub Gothicis.*



ignauissimus, & bellicæ artis penitus expers, tribus in Regno stolidè exactis annis, à suis met Gothi, tanquam indignus Imperio, multis plagis confoditur, & ex Dalmaticis oris vocant Gothi Vitigē, qui horrenda armorū illuue in Italiam plagas ruit, sed à Belisario ad Rauennā victus, catenisq; vinctus ab Italia, cuius sceptrum quatuor tenuerat annos, Constantinopolim fortunæ blandientis, & sæuientis ludibrium, in triumphum trahitur. Subijt dein Regnum Theobaldus, lapsoquē anno perimitur, & ad Regni fastigium assumitur à Gothi Araricus, quo etiam, vix tribus expletis mē-sibus, necato, Italiæ Rex constituitur Totila, eius nepos, bellicis artibus præclarus, ingenio tamen efferus, & truculentus. Verū monitis Benedicti, Sanctissimi Monachorum in Occidente parentis, cuius rumor sanctitatis, & miraculorum Orbem penè vniuersum peruaferat, mitiorē se præstitit. At varios post bellorum euentus, Narsētis, vel, vt alij asserunt, Longobardorū pro Imperio præliantium, decimo Regni anno armis funditur, nec nō, vt ei spiritu prophetico à Diuo Benedicto præ-sagitur, occumbit. Post Totilam, fuit in Regno Theias nouissimus Gothorum omnium in Italia Rex, qui à Narsete Iustiniani Imperatoris Eunuchō, & à consilijs primo, dirē perimitur. Bello tandem fusa Gothorum barbarie, qui infanda seruitute, annos ferē quinquaginta duos Italiam opprēsserant, ad Græcos (tanta est Regnorum inconstantia) transit Imperium. Perditis hisce temporibus toti Orbi infaustissimis, quibus vexabantur Ca-

*Sena sub  
Græcis.*

tholici



tholici in Africa à Vuandalis; Occidentis Imperium sub impio Anastasij Euthichiani hæretici sceptro fundebat lacrymas. Italiæ, Hispaniarum, Africæquè amplissima Regna Arrianorum iugo premebantur tyrannico; Gallorum verò, Anglorum, ac Germanorum latè effusæ regiones sub gentium tyrannide gemebant; in tanta Orbis squalentis caligine tetra, nunquam Catholicæ fidei lumine, radioquè purissimo destituitur Sena; quæ sub Græco Narsete fuit, Italiam, Ducis aucto titulo, moderante, decem, & septem annos; fuissetquè sub Græcis diutius, ni ipse Narses Sophiæ Imperatoris vxori indignatus, Longobardorum arma in Italiam acciuisset. Fuit Narses vir bellica laurea vbiquè clarissimus, sed Phocæ periuri proditione, antiquos gloriæ candores nimis impio vorante fumo, viuis igne absumitur. Senenses diù fuere sub Longobardis Regibus, quorum primi Alboinus, & Clephis, quibus, inidente fortuna regnantibus, variè necatis, Duces Longobardi absquè Rege per annos decem Italicas sibi diuisere provincias; sed constitutus Rex deniquè Autaris Longobardus, septem annos regnat; Agisulphus quinos, & videnos; Adalualdus decem; Arionaldus, hæreticus Arrianus, duodecim; Rotaris decem; Rodoaldus quinque; Aripertus duos; Gudipertus vnicum; Grimoaldus, & Garibaldus nouem; Tertaricus decem, & septem. Hoc regnate Principe pio satis, atq; ad res diuinas mirificè propèso, generalis Synodus, iussu Agathonis Pont. Max. anno repara

*Sena post su-  
sceptam fidē  
semper in ea-  
dem constās.*

*Sena sub Lō-  
gobardis.*



*Monotheli-  
tarum here-  
sis.*

*Sena inter  
Urbes conu-  
merata.*

*A S. viro An-  
sano Christi  
fide imbui-  
tur.*

æ salutis sexcentesimo septuagesimo sexto Cō-  
stantinopoli habetur contrā Monothelitas vnam  
in Christo Domino asserentes voluntatem, ope-  
rationem, ac proinde naturam; *Vitalianus* inter-  
fuit inter Catholicos illos Patres, sequē Concilij  
decretis subscripsit, obsignauitquē: *Sanctæ Senen-  
sis Ecclesiæ Episcopum*, sed condecorauerat iam  
Ciuitatis titulo Senam Ioannes Primus, qui  
sedem Petri tenuit post Hormisdam Anno à  
Matre Virgine vigesimo quarto supra quingen-  
tesimum, tunc cum prima monasticæ discipli-  
næ in Occidente à Diuo Benedicto iacta funda-  
mina. Euangelium verò suscipiunt Senenses  
Anno corporati Dei tertio, & trecentesimo,  
pro Petro sedente Marcello, imperante Diocle-  
tiano, à Sanctissimo Viro *Ansano*, qui in eadem  
Urbe martyrium pro fide, quam inibi seuerat,  
Diocletiano Octauum, Maximiano Septimum  
Confl. strenuissimè subiit. Tertarito Longobar-  
dorum Regi Cunipertus, & ipse Catholicus in  
Regnum successit, in eoquē fuit annos duo-  
decim; Luitpertus verò Regimpertus, Ariaper-  
tus, Aspirandus regnauere ferè totidem annos,  
at Luitprandus, & Hildibrandus, annos ille vi-  
ginti, hic menses septem. Rachis vero sex, qui  
Zachariæ Pontificis pietate eruditus, regio abie-  
cto diademate, cum Christo apud superos regna-  
turus sub Diui Benedicti instituto monasticam  
init vitam. Potitur corona post Rachim Aistul-  
phus annos sex, post quem omnium Longobar-  
dorum nouissimus Desiderius annos decem, &

octo



octo regit Italiam, à qua tandem pulsus, post annos ferè centum octoginta octo, Longobardis, translatoquè Regno ad Francos, fruitur Sena. Pipini filius Carolus cognomento Magnus, anno nati Numinis octigentesimo, qui, barbarico à Senensibus excusso iugo, libertatem instituit.

Libertas huius Reipublicæ varias nouit series. Optimates primùm, expulso vulgi arbitrio, eam rexere; Populi dein subiaceret principatui. Armis, & viribus Respublica viguit, magnamquè fortita gloriam ex insigni illa montis aperti de Florentinis victoria ad Arbiae flumen, tribus millibus trucidatis, & in prælio quatuor millibus captis, eorumquè curribus, & vexillis detractis. Postremò ciuilibus discordijs fessa, & obruta (Nihil liberioribus Urbibus infestius) exteris proinde victa, & triumphata armis sub monarchicum magni Hetruriæ Ducis redacta tandem Imperium, tranquillè degit, speratq; gloriosissimo sub Principe Mediceo, antiquis discordiis, si deletis cicatricibus, secula se ducturam faustissima.

Clarissima insuper extitit sèper Sena viris præclarissimis, quibus omni ferè tempore affluit; non enim illi, & togarum, & sagorum defuere gloriæ, non insulæ, non sacræ purpuræ, ostrique tyrij maiestas, non Summorum Pontificum diademata, tergemina, quæ omnia & vetustiora incorrupta monimenta, & ipsa hæc nostra ætas luculentè testantur.

Augustissimè postremò Urbis emicat suis vndiquè coronata filijs, incorruptæ pietatis, religionis

inte-

*Sena sub  
Francis.*

*Sena Respu-  
blica armis,  
& viribus  
floridissima.*

*Senensium  
de Florenti-  
nis victoria.*

*Sena discor-  
dijs ciuilibus  
fessa.*

*Sena sub ma-  
gno Duce  
Hetruriæ.*

*Sena illustris  
a togis, & a  
sagis.*

*Senarū Alū-  
ni sanctitate  
florentes.*



integerrimæ, insignis sanctimonix, morum, & meritum gloria illustribus viris. Prouidum enim decebat Numen, vt Tuscia nobilissima Italiae Regio, augurandi inanis artis magistra, & inuentrix, extispicum, atque aurispicum, fulgurumque interpretum vndique plena, foedæque religioni apprimè addicta, fieret postmodum (diuino Sole Christo in terris viso, & nostra recto humanitate illucescente, disiectis superstitionum tenebris) veri cultus exemplar, & Sena seminarium propè euaderet omnis integritatis. Sena Bernardinum edidit seraphicæ familiæ instauratorem, qui vt loquitur Summus Pontifex Pius II. Italiam ob ambulauit prædicando, in vitia fulminauit, virtutes erexit. Sena Catherinam Virginem Ordinis Diui Dominici seraphici in amoris notam Redemptoris stigmatibus manibus insignitam; eadem Ioannem Columbinum Iesuatorum auctorem; Stephanum Carthusiensem instituti propagatorem, aliosque innumeros Ecclesiæ Heroas, quos inter omni ex parte recensendus Bernardus Ptolemæus Senensis suæ Patriæ splendor, totius Tusciæ decus, Italiae gemma, Orbis ornamentum, Eremi gloria, monasticæ collapsæ disciplinæ fulcimentum, nouum Cæli sidus, & Sol fulgentissimus, quem parentem, quem Coriphœum candidus Oliuetanus cœtus agnoscit, colitque, cuius vitæ seriem, & admiranda, gloriosissimaque patrata facinora, quæ hucusque habui ex incorruptis, vel calamo exaratis, vel typis editis, fidelissimisquæ tabulis post trecentesium supra se

*Beati Bernardi  
di Ptolemæi  
encomium.*

xage-



xagesimum quintum annum rudi calamo, auspi-  
cante Numine, aggredior, Inclyto Pare ti humil-  
limi filij debitum certè laborem.

*Bernardi Ptolemai genus:*

C A P V T II.

**N**ihil minùs sancti viri habuere, quàm gene-  
ris claritatem, eorum nempè, & deliciae,  
& gloriæ Crucis opprobria. Nihil prodest probro  
sè degentibus auita nobilitas. Ex obscuris sæpè  
genitoribus illustrissimi filij, & ex Parentibus  
Aurum fumosis imaginibus claris quoties orta  
famosa proles, & eò merfa fumo, quò antiquos  
splendores turpissimè nigrantes fecerit? Passim  
molles rosæ spinoso è cæspite prodeunt, & ex  
grauelentibus herbis consurgunt inter flores  
venustate, & odore triumphantia lilia. Abeunt  
sæpè semina in degeneres foetus, & optima seges  
infelix in lolium, & steriles auenas. E pulcherri-  
ma Rebecca nascitur Esaù setosus, & horridulus,  
ramum stipitis tam venusti crederes portetotum.  
Nemo sibi generoso desperet. Dabit euieta tan-  
dem fortuna triumphos claros magis, quò fuerit  
ortus obscurior. Nemo alieno, sed suo vitio de-  
coloratur. Omne genus negat, qui opera genito-  
ris non exprimit. Nouerat Adam mortalium pri-  
mus solum Deum genitorem, sed culpa sorde-  
scens è Paradisi aula eiicitur, eripitur ab eius ma-  
nibus latè effusum Vniuersi sceptrum, & pro sce-

*Spreta No-  
bilitas*

*Genes. 27.*

*Vera nobili-  
tas ex virtu-  
te.*

*Genes. 2.*

*Genes. 3.*

B

ptro



ptro, vili donatur ligone. En homo rusticus, qui iā  
 penē diuinus; en rudis terræ fossor, Orbis iam  
 Princeps; & vxor eius Eua iam virago, nunc vo-  
 rago malorum, villica ducit fuso stamina, & quo-  
 rum ob collatum Mundi Imperium frontes, & tē-  
 pora aureis splendebant coronis, vigilibus nunc  
 scatent sudoribus, reatus, & laboriosæ seruitutis  
 miserrimis tropheis. Quis ergo virtutis expers  
 ad sanguinis splendores eriget cristas? Insigniuit  
 Deus nomine filij primogeniti sui Israel, sed vitij  
 sordescens eiicitur, dispergitur mancipiū gentiū,  
 opprobrium, risus, & sibilus. Seipsum abiectæ con-  
 ditionis fatetur Zacharias, virum nempē agrico-  
 lam sarculi primi Parentis hæredem. E carcere  
 educit Iosephum moderatorem Aegypti con-  
 stituit Pharao, non quod claro sit progenitus sti-  
 pite, verum quia Spiritu afflatus diuino, secretio-  
 ra cælestis aulæ dignouisset arcana. Euehitur ad  
 regale fastigium Saul è viliori ministerio, & dum  
 Asinas quærit, Regnum inuenit. Ab ouili suscipi-  
 tur David ad coronam, ex pascēdis ouibus ad po-  
 pulos regendos, à baculo erigit manum ad sce-  
 ptrum. Ad diuinum Sacerdotium eligitur Melchi-  
 sedechus, cuius nec memoratur profapia. Et ipsi  
 Romani quondam ab aratro ad fasces, à fascibus  
 ad laureatos vomeres, felicioribus illis sæculis,  
 conuertebantur. Nouit Deus ab æternitate ho-  
 minis ingenium, utquē vesanam illius infringeret  
 arrogantiam, voluit suammet in homine formato  
 ex luto sculpere imaginem.

At si quid profapiæ debemus, si quid gloriæ in

poste-

Exod. 4.

Zach. 15.

Genes. 41.

1. Reg. 9.

2. Reg. 4.

Hebr. 7.



Posteros Parentum clarior sanguis effundit; non enim, ut vulgò fertur, Parens pauidi cervi Leo magnanimus, nec albissimi cycni nigerrimus coruus, non imbelles columbæ progenitæ à fortibus aquilis, non ab efferis tigribus agni mitissimi; fortes nascuntur à fortibus, est in iuuentis, est in equis patria virtus. Detur ergo mihi hæc venia Bernardi texturo vitam, in hoc operis vestibulo Ptolemæorum iuxta, & Oliuetani Ordinis primordia augustiora pandere, quandoquidem sacræ historiæ, & generis, & natalium Sanctorum meminerunt, et si prosapiæ splendorem gloriosè Dei famuli contempserint, cōtempnit quoque noster Bernardus, qui ortus amplitudinem virtutibus effecit clariorem.

E regio Ptolemæorum stipite, ex ijs nempe Regibus, qui post Alexandrum Macedonem gloria belli, pacisque florētes, Aegypti, Africæ, & penè totius Arabiæ sceptro fuere potiti, genitos Ptolemæos Senenses, ex quibus editus Bernardus, & historica fides, & vetusta monumenta, & celebris fama ipsa vulgavit. Quod hic altiùs, ut omnimoda notitia habeatur, non pigeat exponere.

Fuit gregario cuidam Alexandri Regis Macedonis militi, Lago nomine, filius, Ptolemæus dictus. Hic suprà suetum bellorum, & equestris disciplinae decus in expeditionibus pluribus experitissimus, militari gloria præcellens, extitit Alexandro carissimus. Sed supremū diem expleturus in ipso ætatis flore Alexander, Alexāder, qui Persa-

*Nobiles sepe  
ex Nobilibus;*

*Ptolemæi Senenses ex Regibus Aegypti*

*Benauertius in dialogo ad nuperos Oliuetanos.*

*Ptolemæorum origo.*



*Diod. lib. 17.  
 § 18.  
 Joseph. lib. 12  
 antiquit.*

*Bellar. Card.  
 in cronol.*

rum Monarchiam ad Græcos transtulerat, vix ea  
 sex annos fructus, Alexander ille, quem immor-  
 talem, Iouisquæ filium diçitauerat hominum af-  
 sentatio, Alexander magnus, cui parvus Mun-  
 dus, hic mox angusta concludendus urnula, Im-  
 perium tot sudoribus partum breui hora distri-  
 buit, Regnorumquæ hæredes, non sanguine sibi  
 quoquomodo coniunctos, sed eos prudenter in-  
 stituit, quos minimè ab eius virtute degeneres,  
 sed ijsdem Regnis dignos agnouerat. Sapiens  
 optio: Regnum bello partum bellicæ dat virtuti,  
 quia tamen Lagi filium Ptolemæum longè præ-  
 clarissimum fuerat expertus, totquæ bellorum,  
 quæ ipse pertulerat, totquæ victoriarum, quibus  
 ipse potitus socium habuerat fidissima virtute  
 præstantem, eidem Aegypti, Syriæ, & magnæ par-  
 tis Arabiæ amplissima Regna legauit. Ab hoc  
 Ptolemæo primo ( qui effudit Demetrium, & an-  
 nos regnavit quadragenos ) ceteri Aegypti Re-  
 ges, Ptolemæorum nomine, profluxere, succe-  
 duntquæ hæreditario iure, cohærentiquæ serie in  
 Regnum Ptolemæus Philadelphus, Evergetes,  
 Philopater, Epiphanes, Evergetes secūdus. Phis-  
 con, Alexander, Phiscon secundus, Dionysius, &  
 Cleopatra. Dominantur patrio iure in Aegypto  
 post defectionem Macedonici regni, annos nona-  
 genos ducentenos, Ptolemæi Reges; ab Orbe  
 condito tribus millibus sexcētis sexaginta tribus,  
 ad annum vsquæ ter millesimum noncentessimum  
 quinquagesimum tertium, sub auspiciatissimum  
 Seruatoris Christi diem natalem. Deficit in Cleo-

patra,



patra, quæ viginti duos annos sedit in regio trho-  
no, Scepterū. Nec nisi in femina vitij obruta desi-  
nere poterat corona, quā virilis, bellicus labor pe-  
pere rat. Ruit sub illa Regnū situm in Africa, quod  
ab Oriente mari rubro, ab Occasu Palestina, à  
Meridie Aethiopia; à Septentrione Aegyptio cin-  
gitur pelago, Regnum vetustissimum, dictum ter-  
ræ Parens, venustissimum, cuius Cæli serenitas  
nullis, vel quatitur procellis, vel obfuscatur nu-  
beculis, Paradisi imago. Regnum vberimum por-  
tentosæ feracitatis; secundatur enim quotannis  
alto affluentis Nili, post æstiuale Solstitium, gur-  
gite. Regnum Orbis emporium, promptuarium.  
Regnum omnium amplissimum viginti millia vr-  
bium occludens, verè diceret Orbem in Regno.  
Regnum ob omnigenas, quibus efflorescebat  
scientias, Mineruæ regia. It in Cleopatra pes-  
sum. Hæc illa Cleopatra Ptolemæa Regina vi-  
tij scatens plurimis, perditæ libidinis portetum,  
temerarij consilij monstrum. Cleopatra hæc illa  
est terrarum Orbi vniuerso infaustum sidus, Mar-  
ci Antonij vsa est impudicis ardoribus pro flam-  
ma, qua Regna perderentur in cineres. Pellexit  
obscena femina ad sui amorem Antonium, arde-  
bat petulca pro libidinis pretio Romanum Impe-  
rium. Excitantur horrida bella, rutilant minabūda  
Orientis hinc indè arma Occidētis, paratur naua-  
le bellum, superbit triremium, nauiumquē comi-  
tata acie, ambitiosa Cleopatra, confertur pugna,  
qua Orbis summa disceptabatur; sed dubio ad-  
huc vtrinquē Marte, pluma mobilior femina canit

*Cleopatra no-  
uissima ex  
Ptolemæis  
Aegypti, Re-  
gina.  
Aegypti de-  
scriptio.*

*De æliacæ  
pugna Plut.*

rece-



receptui, funduntur vento superba carbasa, datur  
 vnde spumanti agiles remi, aufugit Regina foeda  
 fuga; fugientē barbarā regia ira, obsceno simul, &  
 amore fremens sequitur Italus Princeps. Quid in-  
 terim horrifonos inter fluctus, spumati pelago, lu-  
 ctantibus ventis, triumphate Augusto, tu Antoni  
 paras? Quis iusserat instabili fidere pectori? Quid  
 expectas vltices manus? Cadis, qui terras ter-  
 rueras omnes; & nulla parili crudelitate obtinca-  
 dus eras, nisi propria, qui in Patriam, Ciues, & sa-  
 ctas leges surrexeras armatus. Necat Regina viua  
 Imperium, moritur fugiens captiuitatem, mordet  
 cor impium pharius aspis, gaudetque proprio ve-  
 neno escam nancisci parem, quaeque Africam in  
 extremas vocarat ruinas, par erat Africo ultore  
 mori. Triumphat Augustus. Principes Ptolemæi  
 sanguinis regij miserum in modum eiiciuntur,  
 exturbantur, relictoque patrio regno, exteras pe-  
 tiere sedes, contenderuntque primò in Germani-  
 cas oras, indè vir quidam nomine Balestriccus, ex  
 genere Ptolemæo maturauit in Italiam, Senā te-  
 nuit, domiciliū statuit, vbi, & opibus, & honoribus  
 auctus plurimis, iecit Ptolemæorum propagi-  
 ni fundamenta, sedente Gregorio II. Pōtifice Ma-  
 ximo; in Italia regnante Luitprandro, imperante  
 Leone Isaurico, anno partus Virginei septincēte-  
 simo quindecimo. Senæ noncentos circa annos  
 vitam Ptolemæi peragunt nobilissimā, clarissimis,  
 & in sago, & in toga semper stipati heroibus, atq;  
 heroinis pudicissimis, & celebratis. Nō opum ful-  
 cimenta, vt vndique tanta familia foret cōspicua,  
 defue-

*Ptolemæi eis  
 Et ab Aegypto*

*Balestriccus  
 Ptolemæus.*



defuere; sacra sacella, templa decora, opulenta. Xenodochia sunt pia Ptolemæorum insignia; elatae turres, magnificæ ædes, amplissima tecta, & penè tentoria, regiæ magnificentiæ vestigia, intus, & extra Senensium antiquissima moenia à Ptolemæis erecta, ac de ipsorum nomine adhuc usquè tempora nuncupata, augustissima sunt eiusdem familiæ monumenta. Sed nec passa est nobilissima propago terræ finibus coerceri, Baptistæ, Bonaventuræ, Christopheri, Recuperi, Matthæi, & Neræ, omnes beati, ex stipite Ptolemæo, fuere astra fulgida Ordinis Diui Dominici. Notissimi etiam sunt Gerardi, Bartholomæi, Tobia, Seraphicæ familiæ Diui Francisci conspicua sidera. Celeberrimus insuper alter Bartholomæus beatus Ordinis Diui Augustini, sic duæ sorores sub Catherinæ Senensis disciplina eruditæ ad integritatem. Ex ijs Ptolemæis ortus Minus Ptolemæus Eques auratus, nuptus Fulviæ ex nobilissima Tancredorum familia, habuitquè filium Bernardum Olivetani Ordinis primum, & Antesignanum.

Ptolemæorum insignia triplici Luna in Orbe cæruleo condecorantur, transuerso repagulo inter binas supernas Lunas, & vnam, quæ infra. Exiit Luna vetustæ Aegypti stemma, & signum nobilitatis penès priscos Romanos; in calceis enim argenteæ lunulæ, non secus, ac aurei anuli digitis inserti, nobilitatis fuit argumentum.

*Ptolemæorum  
præclara monimenta.*

*Texuit beatorum ex Ptolemæi ortoria historiam Gregor. Lombardellus Senensis Ordinis Predicatorum & S. Officii. Quistor in ditione Senensis.*

*Bernardus ex Minus Ptolemæo. Ptolemæorum stemma.*

*Ber-*



*Bernardi Ptolemai mira conceptio, festi-  
uissimus natalis dies.*

C A P V T III.

**I**Nhiabant ardentissimè, multis post annis in-  
conjugio exactis, virilem prolem Minus, &  
Fuluia; adibant pro eadem benignitatis omnis  
authorem Deum, & Deiparam, qua cuncta nobis  
è Cælo profluunt munera, clementissimam prece  
plurima, & inexpleta; similiquè voce pium, & fer-  
uens Numen nuncupant: REX simul, & Pater, qui  
alto Cælo regnas, & penitas terrarum abyssos,  
cordiumquè arcana rimaris; tu, qui iustus fulmi-  
na, & pius effundis munera, exspiratum diutissi-  
mè dato, precamur, filium. Hunc tu Mater, & Vir-  
go sanctissima, si orantibus impetres, ex nunc tuo  
filio spondeas. Vterquè Parens à primis annis  
Deo iurant deuouendum, vt diuino Numini, Dei-  
paræ Matri benè viuus viuat. Annue clementissi-  
ma Virgo, quod enim confidimus, te volente, re-  
portabimus. Non pro beneficio pollicentur voti-  
uas se suspensuros tabellas, nō erecturos facella,  
vel posituros aras, sed ipsum à teneris vnguiculis  
consecraturus, quem dedissent, filium. Eiusmodi  
emisso voto, Deus, qui te precibus vinci finit, &  
ipias arentes, nè dicam ardentes, filices vberri-  
mis fecundat aquis, voti compotes reddit genito-  
res. Ecce iam foetum Fuluia gerit sinu, faciliquè  
itidem sub Auroram semisopitam eam Deus sua-

ui tra-

*Viriusquè pa-  
rētis pro su-  
scipianda so-  
bole votum.*

*Fuluia fetū  
gerit post vo-  
tum.*



ui trahit imagine, & solatur. Videbatur enim sibi ipsa Fulvia puerpera, enixaquè postmodum Cynnum insueto plumescens candore, cumquè inter vlnas, & sauiiores suos illum foueret amplexus, eiquè è suo vbere lac sugenti blandiretur, cernit, vix lacte sucto, auem illam de suis vlnis subsilientem, alis auolantem, exultantem pennis, datoquè cantu, per aera ferri, conscendere insuper virentem oleam, atquè ex hac vellicare rostro ramulum, eodemquè gestire, candidis deniq; circumuolitantium cynulorum stipatam turmis, vêtos velocissimo alarum verbere perbellè findere, nubes altissimas tranare; perosam hæc infera, sublimia petere, inferriquè tandem se cælo vnà cum illo niueo volucrum agmine, stupentibus interea mortalibus, inclytum illum volatum suspicientibus, adorantibus. Candida profectò propago cernitur nascitura, vel potius candida via, per quam ad cælestes orbes datur ascensus.

Excusso somno, in se collecta Fulvia, quid læti experitur in corde, quid in mente tranquillī, quæ per somnium viderat sæpè admirabunda rimatur; & anceps, quò somnium tenderet, Mino viro tandem enarrat. Non semper somnia nostras mentes eludunt, etsi vt plurimum inania, fallacia sint; rerum nempe inuicem occurrentium phantasmata, eorūquè simulacra fugacia, quibus præpedimur, vel vigiles distinemur; iniecta interdum à Deo, qui arbitratu suo nostris phantasmatis vitur, futurorum certa sunt præfagia. Sol, Luna, & stellæ vndecim, quæ sibi per somnium cernere visus est

*Eius somniū*

*Somnia iniecta à Deo vera portendunt.*

C

pudi-



pudicissimus Ioseph, regiam Iuveni præmonstra-  
 uere maiestatem, atq; inuidos in Fratres imperiū.  
 Sic Pharaonis Pincernæ, atquē Pistoris sōnia di-  
 uinitus interpretatus est ipse Iacobi filius. Quid  
 de septem spicis, & bobus, quæ per somnium ipse  
 Pharao vidit, & eorum prælagium idē Vates ape-  
 ruit? Quid de simulacro Nabucco ostenso, in quo  
 Daniel fugacia Regna Chaldeo Regi prædixit; &  
 vt nostratia non prætereamus, Sāctissimi Patriar-  
 chæ Dominici Genitrici visus est somnianti canis  
 ex eius vtero egressus facē ore gestans, quod sci-  
 licet tanti viri soboles inclyta foret in exteros la-  
 tratura semper, Orbemq; totum amoris diuini flā-  
 mis accensura, & præclarissimarum virtutū radios,  
 atquē splendores terræ, cēloq; allatura. Quis ergo  
 in eo cycno, quē religiosa Fulua somniat, non vi-  
 deat nitidissimos Bernardi nostri mores, mentis,  
 vestiumq; cādorē, quas ipsa Deipara suis manibus  
 induit? Quis in eo ē maternis vlnis volatu non vl-  
 trō intelligat, audiatq; vale illum dixisse sæculo, &  
 huius se abdicasse fœdis sordibus, & insanis illece-  
 bris? Quis in illo oleæ ramulo, quē ore præfert, nō  
 excogitet Oliuetanā familiā, cuius tessera Mōtes  
 hinc indē Oliuiferi purpureæ subiecti Crucis? Quis  
 demū ex altissimo illo sublimiū geminarum alarū  
 conatu, & ex cœtu cycnorū cōuolūtū, Bernardi  
 nostri in cælis cōuersionē, Deoque fixū animū,  
 & futuros filios Parentem secururos, Regniq; cæ-  
 lestis potituros, Numinis largitate, non augurabi-  
 tur? O felix somnium in placido somnulo!

Expletis igitur nouenis mensibus, enixa est

Ful-

*Fulvia som-  
nij interpre-  
tatio.*



Fuluia infantulū, anno à contrito Serpente, mille-  
no ducenteno secundo, & septuagesimo, Sexto  
idus Maij. Sedebat ea tempestate Gregorius X.  
Pontifex Maximus. Occidentis Imperium Ro-  
dulphus, Orientis Michael Paleologus modera-  
bantur. Sæculo quidem Italiæ vniuersæ funestis-  
simo; Clemens enim huius nominis V. ad Ponti-  
ficium euectus culmen ab Vrbe in Galliam Petri  
sedē asportauerat, quæ inibi penè annos septua-  
ginta fuit. Profanari per Italicas oras inrerim sa-  
cra, Sacerdotes, & monastica claustra pietatē pri-  
stinam miserrimè exuere: seueriorem disciplinā lan-  
guere; laicos viros, ferarum more, impudicitiam,  
& crudelitatem omnem affectare. His tantis cala-  
mitatibus, datus Bernardus noster ad subsidium,  
qui Eremum adit sub annum millesimum trecent-  
tesimū tertiumdecimum, & Oliuetanam familiam  
instituit ab eius conuersatione anno sexto, nempe  
millesimo trecentesimo decimo nono. Longè er-  
rant, qui secūs asserunt. Illa luctuosissima Ecclesiæ  
tempora deplorabat Pelagius Aluarus Ordinis  
Minimorum Sancti Francisci, Episcopus Siluen-  
sis, libello edito de planctu Ecclesiæ. Viuebat  
Pelagius oculatus testis circà eadem prorsus tē-  
pora, cum Oliuetanus Ordo institueretur. Multa  
tunc Oliuetanis sacra claustra à Summis Pontifi-  
cibus, vt diplomatibus constat, seueriori discipli-  
næ restituenda, à qua deflexerant, conferuntur.  
Nemo ad lacrymas, nemo ad squalorē describen-  
dū idoneus, quibus rigabatur, quo obsitus Italiæ  
vultus ob Sanctissimi Pastoris absentia. Ardebat

*Nascitur  
Bernardus  
sæculo Eccle-  
siæ fune-  
stissimo.*

*Pelagius Al-  
uarus de  
planctu Ec-  
clesiæ.*



*Catharina  
Senensis in  
Gallia pro  
Florentinis,  
& de resti-  
tuenda Apo-  
stolica Sede  
Romæ agit  
cum Summo  
Pontifice.*

præ ceteris feruentissimo diuini amoris incendio Catharina Senensis, tantaq; diuina excitata zelotypia erat, vt ipsa, omni humano destituta subsidio, solis virtutis, & religionis stimulis socijs Pontificè Summū adiuerit. Conatur seraphica femina Florentinos Ecclesiasticis fulminatos censuris Primo, & Pio Sacerdoti humillimè subiicere, vt in pristinam Dei, Ecclesiæquè gratiam reuocarētur. Multa Amazon gloriosa tētauit, perfecit multa, scripto, voce, prece, tandemquè de reditu exspirata refert vota; reducitq; sedem ad Urbem Gregorius XI. omnium mortalium plausu, & lætitia. NEC fas erat alibi, quàm in Vrbe principe sedem Principis Apostolorum consistere.

*Periclitanti  
Ecclesiæ præ-  
sto est Deus.*

*D. Benedi-  
ctus.  
D. Domini-  
cus.  
D. Franciscus*

*D. Ignatius  
Loiola.  
D. Terefia.  
B. Caietanus*

Exitit mira semper præpotētis Dei erga sponsam Ecclesiam cura, & sollicitudo; Basilij ordo in Oriente occasum habet: surgit vel in ipso Occidente Diuus Benedictus, illustrissimæ monasticæ familiæ Sanctissimus Parens. Penè lapsus instabat Ecclesiæ, cū Diui Dominici sapientia, & humeris Francisci sultam vidit in somnis Innocentius Pontifex. Cæco è barathro surgit furens, & fremēs Hydra illa Lernæa, Luterus, datur è cælo Diuus Ignatius Loiola electissimæ militiæ Dux sanctus, & sapiens. Parili sorte eximiū languet decus illud Carmeli; Ecce Terefia floridiori virtutum. Vere Carmelum ipsum expingit. Datur suo tēpore Caietanus, vt noua progenies antiquissimam Ecclesiæ regulam, ipsamquè redoleat Apostolici Senatus formam, & moderamen.

Numen ergo prouidens lacrymosa illa ætate,  
nostrum



nostrum donat Bernardum monasticam leuaturum disciplinam, nouæ sobolis parentem, vt Ere-  
mo, claustrisque sacris subsidium, & suppetias mi-  
nistret, quo titulo multis pontificijs oraculis Oli-  
uetanus noster ordo condecoratur.

Ortus infantulus verè filius orationis, & voti,  
sacra Baptismatis vnda perluitur, abluatur, sancti  
Spiritus salubri flante aura, ex originaria labe; di-  
citurque primò Ioannes; hoc enim nomen pro  
nato orat, & exorat Fulvia mater ex sui Genitoris  
fato iam functi memoria. A nobis verò sēper Ber-  
nardus appellatus, quod nomē Deo votus ipse vl-  
trò cum veste monastica induerat, vt tali nomine  
insignitus futurum se Diui Bernardi Claræuallis  
Abbatis, doctrina, & sanctitate admirandi, fateretur  
imitatorem. Gratulata Mino, Fulviæque Res-  
publica omnis Senēsis prolem diu exsuscipit; cele-  
bratus est natalis dies ingenti nobilium pom-  
pa, procerum corona clarissima, populari iubilo  
per Urbem ad Ptolemæorum gloriam sempiter-  
nam; nitidissimus præ omnibus emicuit Lucifer,  
plurimæ canētium exaudita voces. Mos quidem  
à Barbaris, Medis nempè, Persisque ad nos dila-  
tus; eundem enim diem, quem vix natus infans  
salutat lacrymis, vagituque funestat, risu, cantuque  
prosequimur. Melius fortè Thraces miseriarum  
huius incolatus memores, consociatis parentum,  
affinium, amicorum lacrymis natalia deplorabāt.  
Miseri enim Mundo nascimur certaturi à die or-  
tus, vsque ad obitum, ad lutea castra hæc descen-  
dimus, in quibus anceps victoria, æternæ mortis

*B. Bernardus repara-  
tor instituti  
monastici.*

*Natalis dies  
Bernardi fe-  
stiuissimè ce-  
lebratur.*

*Festa in Na-  
talibus mos  
apud Barba-  
res.*

*Thraces na-  
talia depla-  
rabant.*

discrī-



Quorum na-  
taliū me-  
minit festi-  
uē Ecclesia.

Vagientis  
Bernaduli  
pulchritudo  
index futuræ  
gloriæ.

discrimina. Sanctissimus Iob peccati, in quo con-  
ceptus, datusque ab utero matris in has, malim  
dicere tenebras, quam lucem, recordatus, infau-  
stam horam, in qua conceptus, in qua ortus, exe-  
crabatur. Quare nec cuiusquam natalis dies festi-  
uē meminit Ecclesia Sancto Spiritu edocta, nisi  
sponsi sui Christi peccati immunis, quem conce-  
lebrauere Angelorum in cælis exercitus polliciti  
terræ pacem; Deiparæ Virginis omnis labeculæ  
expertis, cuius natiuitas Orbi vniuerso contulit  
gaudium; atque tandem Ioannis Baptistæ, quem  
ex utero sanctum scimus, multosque in eius nata-  
li luce gauisos. Ceterum vbi reatus, ibi mœror, vbi  
peccati fomes, ibi militaria castra, dura militia.

Ab utero Matris egressus Bernardulus in illo  
exoriente ætatlæ exordio, in quo ligatur rationis  
usus, visus omnibus nimia præditus elegantia, &  
nescio quid in illa infantia Aurora, vitæ nunquam  
occasuræ deprehendebatur. Sic in Moyse vix in-  
lucem dato, ad amnis crepidinem exposito ad in-  
teritum in scyrpea adhuc vagienti fiscellula, quid  
regium Imperio dignum Pharaonis filiæ obijcie-  
batur.

Ber-



*Bernardi Pueruli in ade sacra educatio, eius  
progressus in spiritus pietate, & studijs  
litterarum.*

C A P V T IV.

**S**Vxit adhuc è cunis in patria domo Bernardus  
vnà cum lacte piæ deuotionis sensum vber-  
rimum, & antè peractam penè infantiam, voluit  
Minus filium ad aram Deo sistere, & inter sacra  
Regularium virorū claustra, in quibus diuini cul-  
tus, & virtutum efflorescerent studia, contineri, vt  
in illa molliori, & meliori ætate sancti diuini amo-  
ris, & timoris, & litterarum tyrocinium addisce-  
ret. Moris tunc erat nobilium filios penè à mater-  
nis auulsos vlnis, inter sacra loca educandos tra-  
dere, & virili pietate ad seuerioris disciplinæ clau-  
stra proijcere, nè in sæculo crepundijs, blanditijs,  
mollibusquè voluptatibus perfusi, effeminarètur.  
Sic magnus ille Thomas Aquinas vix ablactatus,  
nè quid sordis è nimia sæculi licentia traheret,  
neuè eius puritas taminaretur, Cassinensibus  
Monachis Ordinis Sanctissimi Patriarchæ Bene-  
dicti, pietate, moribus, litterisq; imbuendus à Ge-  
nitoribus datur. Facilis ætas ea puerilis, & licet  
viā ad vtramq; flexibilis, pronior tamen ex viola-  
ta in primo Parente natura in id, quod deterius, in-  
cipit enim tunc mali Dæmonis temptationibus  
quati, & nisi puerilis puritas Dei timore valletur,

*Pene anti-  
quos nobiliss  
filiorum edu-  
catio in sa-  
cris claustris*

& ar-



*Educatur  
Bernardus  
in claustris  
D. Dominici.*

*Operibus pie-  
tatis studet  
adhuc pueru-  
lus.*

& arceatur ab ipsis ioculis, sensim aura maligna inficitur, & non secus, ac molles rosæ, quæ sunt agrorum risus, spinarum sepimento destitutæ, lugent, languescunt. Datur itaque Bernardus Christophoro Ptolemæo consanguineo Ordinis Diui Dominici, viro scientia, & probitate inter ceteros Prædicatorum familiæ adeo eminenti, ut dignus extiterit, qui ad Episcopale Souanæ Ecclesiæ munus eueheretur. Huic traditur filius vnicus Bernardus à parentibus, ut sub tanti viri solerti pedagogia non modo à prauis amoribus auerteretur, sed optimis quibusquæ imbueretur. Sollicitus ergo Christophorus de infantuli salute illi indefessè erudiendo excubabat, quotidie puer roborabatur in omnium virtutum sudore, & sæculi nescius angelicam vitam degere, carnis mollitudine oblitus, ab ijs, quæ carnis erant, longissimè versari, Dei timorem haurire, ipsum Creatorem ardentibus suspirijs ardere, quærere, exsuscipere semper. Et didicit ingeniosus puer, quàm amara, quàm ludicra, quàm casibus diuersis obnoxia, quàm denique contemnenda, præter Deum, hæc omnia. Exardescibat illa suarum carnum lilia cooperire, lacerare flagris, vigilijs, inedia torquere, & sexcentis eiusmodi lanienis edomare, quamuis nullæ ipsas titillauere voluptatula, tortor erat, & vindex carnis, eò quòd tātū audierat infensam illam esse spiritui ad similitudinē Dei efformato. Sacras imagines ardore inexplēto amabat, attrēbat, deosculabatur; Oculi. n. illi castissimi diuinis picturis capiebantur, sæpè blandas manulas

oculis



oculis cælo defixis, diuina contēplaturus ad astra  
efferebat, dixisses expansis illis, ardenti prece, su-  
spirijs, iras flectentem Numinis, victoriam repor-  
tantem. In virtutes omnes giganteo gradu ten-  
debat, nec sui adhuc benè conscius Deo, & cælo  
viuebat, superis delicijs affluentissimus. Quæ men-  
te piè recolēda proposuerat Christophorus, terræ  
hærentibus genibus, meditabatur. Sæpenumero  
tanquam peccator maximus obtundebat pectus;  
frequens nocturnis, diurnisque vigilijs, tenera il-  
lius lingua psalmorum, & canticorum dulcedine  
imbuta, in odæo sacro canebat, silentij itidem,  
statutis horis, cultor fuit eximius. Si vestem à Ber-  
nardulo detraxisses, in qua vna vnus è sæculo di-  
gnoscebatur, pœnitentem Coenobitam credidis-  
ses. Idem, quasi Sacramēto adstrictus, Rectoris, ac  
Doctoris nutui obsequentissimus; sub tanto ma-  
gistro, pascebatur lacte, & Paradisi nectare in ora-  
tione, atquē ita in omni virtutum genere profecit  
puer, vt illius exemplo instruerentur senes, ad eas-  
demq; virtutes erudirētur. Sed nec desijt pruden-  
tissimus Christophorus vnà cum ijs, quæ ad Dei  
cultum pertinent, humanioribus litteris, quibus  
magis ipsa Dei à nobis maiestas dignoscitur, in-  
formare puerum, qui præcoccissimi ingenij, breui  
temporis curriculo, prima elementa, & erudimen-  
ta litterarum didicit, Italum sermonem in Latinū  
vertere, & hunc, in illo ætatis flosculo, maturè cal-  
lere; eademq; ingenij feracitate, grandior factus,  
Rethoricæ artis præcepta hausit ità egregiè, vt è  
rostris omnium encomijs, & plausibus audiretur.

*Litterarum  
studijs dat o-  
peram in sa-  
cris septis  
Bernardus.*

D

Quan-



*Magna Bernardi humilitas in scientijs.*

*Mini iussu sacra Claustra deserit Bernardus.*

Quandoquē per florida Musarum prata, sed sacra, spatiabatur, reficiebatur poeticis lenocinijs. Iaciuntur præterea, eodem Duce, ac Magistro, in puerum Platonica, & Peripatetica disciplinae doctissima fundamina. Mira Bernardus noster, inter eiusdem sapientiae candidatos, demissione versabatur, & in ipsis scientiarum disceptationibus, maiestate quadam senili, oculis, totoquē corporis habitu in seipsum collectus, suam aperiebat, absq; garrulitate sententiam; etsi ceteris intellectus sublimitate, doctrinaquē præstabat, nunquam tamen scientijs tumuit; sic ad omnium virtutum brauium, cursu quasi Atlantico, festinabat. Enim verò cum admiranda eius sanctitas esset futura, altissimum iaci debebat in eo humilitatis fundamentum. Delectabatur mirum in modum Bernardus humili illo religionis iugo, quod ab infantijs in claustris portauerat, decretumq; sibi erat è sacris illis septis nunquam discedere, sed instituto Diui Dominici inhaerere, interq; illius cooptari alumnos, ardebat, quod haud dubio euenisset, ni certior factus Minus ad paternos lares reuocandum curauisset. Nolebat sui immemor ille vnicum, quem genuerat filium, spem posteritatis, flore sui virginei lilij, sobole, cui inhiabat, frustrari. Torsit ad Genitoris, in ipso amore crudelis, imperium Bernardus, fufisque lacrymis, relicta sacra æde, & socijs, moestissimus Patri morem gerens, ad sæculum, sæculum vitabundus reuertitur, nescius ipse tunc augustioris, & vberioris se prolis Patrem futurum. Prolem nescierat,

lon-



lōgo temporis spatio, Minus dat assiduas preces,  
geminat lacrymas, nouat suspiria, fert votū Deo  
filium consecrandi, parit Fulvia, filius exspira-  
tus tenetur, inter sacra loca educatur, religiosi-  
simam traducit vitā; & genitor voti immemor, sum-  
ma pueri fortē perniciē, ē claustris illum reuocat,  
tragicos quidem peperisset euentus, ni amantis-  
simum Numen suo æterno decreto parentis Mini-  
fragilia elusisset consilia.

*Bernardus in patrijs laribus pubescens omnige-  
nis studijs impensius operam nauat, mirē  
proficit, quæ discit vniuersa ad Dei  
gloriam religiosē refundit.*

## CAPVT V.

**L**itterarum studijs innutritus Bernardus ab  
ipsis teneris vnguiculis in domo Domini,  
nec potuit, nec voluit extrā sacra Dei viridaria  
positus, ad eadē studia non incumbere, imō aui-  
diori cura ea prosequutus; assiduæ eius exercita-  
tiones erant, Philosophorum placita euoluere,  
rationis lance omnia pensitare, nulli prorsus, nisi  
veritati, quam assequi conabatur, additus. Præ-  
ter Peripateticam, quam primò didicerat, discipli-  
nam, Platonicę mentem appulit, & ad alias capef-  
sendas scientias progressus, ius Pontificium, &  
Cæsareum, quibus populi reguntur, mira crudi-



*Ad aliores  
scientias ca-  
pessēdas pro-  
greditur in  
seculo.*

*Omnia que  
discit ad ani-  
mi salutem,  
et Dei gloriā  
reuocat.*

*Aristotelis er-  
rata reuolū-  
ciūdem mi-  
seratur.*

tione affecutus est. Mathematicis ulterius imbui-  
tur disciplinis, & cum illo astrorum scrutatore  
Claudio Ptolemæo, polos, & altitudines digno-  
scit, afflatusquē siderum ex varijs illorum aspecti-  
bus, & irrequietas illorum vertigines attentissimē  
scrutabatur; naturales scientias moralibus subij-  
ciebat; morales theologicis, in quibus lætissimē,  
& latissimē spatiebatur Bernardi ingenium; læta-  
batur animus, gloriabatur, & maximē triumphaba-  
bat in impenetrabili illa Omniregentis abyssō, &  
gloria; theologica enim arcana secretiora totus  
venerabundus rimabatur à Sacris Doctoribus  
reclusa, & in illa fulgenti caligine triumphalibus  
fidei rotis captiuum trahebat intellectum. Non  
seiuuebantur in adolescentulo theoremata, vel  
profana, vel sacra ab humillimo pietatis sensu;  
quidquid speculabatur eius mens, ad mores can-  
didos, ad animi salutem, ad Dei præ omnibus tan-  
dem gloriam reuocabat. Pietate condiebat, mi-  
scebatquē quod in Aristotele subtilissimum, vel  
in Platone politicum deprehendisset. Miseresce-  
bat sæpius Stagyritæ, quod versatus miser in te-  
nebris, necessitatem operanti Deo imposuisset;  
atquē interminam eius potentiam ad vnus orbis  
angustos limites, in quibus Alexander lacryma-  
bundus æstuabat, tanquam in arcto positus, coar-  
ctasset; quasi verò si Deus vellet alios, & quidem  
vastiores, pulchriores, vnico nutu, condere ne-  
queat; deplorabat eundem Orbis æternitatem;  
Deumquē à prouidentia alienum, asserentem. Et  
quis, aiebat Bernardus, cælestes Orbes, rotasquē

lu cis



lucis indefessè versat, astra rotat, elementa moderatur, terras tuetur, pugnantia necit, viuientia temperat, vasta coerces suis limitibus maria, nè suos fines prætereant, nisi ille, cui curuantur, qui portant Orbem, nisi admirabilis ea sapientia, quæ attingit à fine usquè ad finem fortiter, & disponit omnia suauiter. Miserebatur, quòd Deum primo illi stelligero cælo, quasi argenteis clauis suffixisset, quòd Intelligentias à corporea mole seiunctas, ad cælestium Sphærarum numerum, quibus eas conglutinauit, redigisset; & tamen, teste Iob, non est numerus militum eius. Deplorabat, quòd hæsitantè, & obscurissimis captus tenebris, de nostris animis differuisset.

Iob. 38.

Iob. 9.

Sap. 8.

Iob. 25.

Applaudebit postmodum Platoni, quòd naturæ afflatu, cuius author Deus, caducas cælestes rotas dixerit, & peritura omnia, nisi Omnipotentis brachio, à quo efformata fuere, fulcirentur. Quòd pro suo arbitratu creatorem affirmauerit Deum, animosquè mortalium hominum fecerit mortis expertes, quòd cælestes orbés actos in gyrum festiuè fasius fuerit muscos edere sonos, quasi illorum concentum didicisset à Iobo. Quòd omnia sub lunæ conclusa concauo fluctuantia, & indefessè vicissim pugnantia dictitauerit. Cum eodem Philosopho Idæas, sed in mente Summi Opificis rerum omnium, collocabat æternas, ad quarum typum, imaginemquè vniuersa, statutis temporibus, libero eiusdem decreto, efformarentur. Arridebat Bernardo magis Plato, quàm Aristoteles vt, & ipsis Sæctis Patribus magis arrisere il-

*Platonica  
placita, vt ve-  
ritati consona  
arridebant  
Bernardo.*

Iob. 38.

lius



August.

Christiani  
Philosophi  
Aquilis com-  
parantur ge-  
ntiles Nocturni

In iure pontifi-  
cio, & Cæsa-  
reo excelsus  
Bernard.

Astronomicis  
moralibus,  
& theologi-  
cis discipli-  
nis ornatus  
Bern.

lius dogmata, è quibus, si per pauca demantur, (aiebat Augustinus) Platonici haberentur ex nostris. Seligebat studiosus iuuenis ex utroque Philosopho quidquid pietati, quidquid religioni consonum, & rerum naturalium scalis ad supernaturalium fastigia conscendebat. Aquilas Christianos Philosophos appellabat, Nocturnas Ethnicos; si Aristotelicè diserebat, Aristotelem sonabat, si Platonizabat Platonem credidisses, sic argutè, elegantè, & inoffenso semper pede, per illorum vagabatur doctrinas.

In iure Põtifício, & Cæsareo, Dei omnis æquitatis authoris, maiestatem rimabatur, & quàm arduum esset regere homines ijs, qui non quid altius suprà humanum captum contenderent, optimè dignoscebat. Callebat etiam eam, quæ pararetur corona illis, qui vitia poenis premerent, virtutem eueherent præmijs, Deum imitãtibz virtutum remuneratorem copiosissimum, culpæ vindicem severissimum. Vicem dolebat eorum, qui corporatum Numen non agnouissent, & impia carnis lege ducti, in omnia sese scelera diuinis affigendi legibus, prouissent.

In præcipiti motu calorũ, & sphærarũ influxibus hauriebat diuinę gratię, diuinæq; lucis afflatũ, & quomodò, dempta Dei prouidentia, vniuersa hæc sterilesceant, & ad nihilum pristinum redigerentur. Moralibus disciplinis seipsum moderans ad virtutes omnes aptabatur, eorumquè miserebat, qui homines cùm essent, ferinos mores induerent. Theologiæ, fidei hinc in terris vmbra salutari

con



contectæ, inhiabat, eandemquæ clariori luce nouissimè inter superos exspirabat, vt in Deo, omnium scientiarum scaturigine, intellectus, summa tandem tranquillitate, & dulcedine conquiesceret.

Ex aliarum verò litterarum elucubrationibus mel cæleste fugebat, tanquam ex odoris flosculis apis operosa. Assiduas Deo agebat gratias cum Ethnicorū perlegeret errores, quod inscrutabili æternæ Sapientiæ consilio, multa essent reuelata paruulis fidelibus, & abscondita ijs, quos stultus Mundus sapiētes appellat. Hiscè meditationibus, scientijsquæ, spiritu auctior, & locupletior reddebatur Bernardus, eratquæ virtutis candor ad eandem virtutem nobile calcar, taliquæ pacto adulescens scientias, breuissimo temporis gyro, profundissimè comparauit; maiori etenim doctrina erat præditus, quàm ætas pateretur, sapientia magis è cælo potitus, quàm in terris imbutus. Hinc factum, vt Bernardi nomen percrebesceret semper, illiusquæ rumor complurium disfitarum gentium peregrinas aures gloriosè occupari; Nulla sunt virtuti confinia, gloriæ nulli termini, famæ carcer nullus.

*Omnia ad  
Dei gloriam  
& animi sa-  
lutem reuoca-  
bat.*

*Nomen Ber-  
nardi unde-  
quaquæ dif-  
fusum.*

*Puber*



*Puber Bernardus in sodalitia Sancti Ansani  
Operibus pietatis strenuam dat operam.*

C A P V T VI.

**E**Xtat vsquè modò Senæ Sodalitium antiquis-  
simum iuxtà, & pijsimum D. Ansani, qui, vt  
diximus, Christi reparatoris fidei in ea vrbe, cuius  
nūc est Patronus, prima iecit semina, & in eadem  
etiam martyrij purpuram gloriosè induit. Egres-  
sus ergò Bernardus è sacris claustris, nè in cente-  
nos sæculi scopulos allisus, lethiferis fluctibus, mi-  
serè obrueretur, voluit inter eos asciri, qui idem  
sodalitium frequentarent; erat enim illud, velut  
palæstra virtutum, in qua electior, & magis pia  
Senensium adolescentulorum nobilitas excerce-  
batur ad ea, quæ Dei erāt, explosa mundi, in quo  
omnia miserrima, consuetudine. Efflorescebant  
sacro in eo viridario, aura flante Sancti Spiritus,  
virtutibus primæui illi flores, & lilia, eò gratiora  
quò puriora. Non poterat Bernardus non eorum  
hic meminisse, quæ in Dei septis ab ipsa libauerat  
ætatula; quapropter sanctis moribus reliquos so-  
dales lōgius præstabat. Exercitationes nobilissimæ  
iuuentutis erant in schola illa pietatis, sæpiissimè,  
vel leuissimas animi labeculas ad Sacerdotis,  
prouolutis genibus, pedes, pandere; pēnitētiæ la-  
uacro se abluere, reficere se Eucharistico frumē-  
to admirabili, interesse quotidie sacro, eiquè plu-

ries

*Exercitatio-  
nes virtutum  
in sodalitia  
S. Ansani.*



ries angelicū, & amātissimum ministerium nimia puritate exhibere. Pij libelli quandoquē circumferuntur, ex quibus materies sacris meditationibus comparatur, & ad rerum diuinarum contemplationem mentes teneræ tollebantur. Psallunt interdum alternis chorulis, Beatorum Spirituum in cælis æmulatores. Plurima humilitatis inter eos agnoscuntur vestigia: nunc deosculando, ad Rectoris nutum, parentem tellurem, è qua eruti, & in quam tandem aliquādò, laboriosi hisce functi fatis, gradum referemus; nunc etiam emulo ardore humi strati optimi triumphatores inuicem pedibus humillimè figunt oscula; inter eos habitus ille dignior, qui humilior. Non deerant pubescentibus sensuum castigationes; sub serico, molliquē tegumento latitabat villosum cilicium, quo virginea illa membrula macerescabant; flagrisq; tundebantur nondum in animum functa tyrannide; eratquē fusus sanguis eò gloriosior, quò de nullo hoste victo fluebat. Pluriès adolescentuli illi ieiunijs palliduli, & liuescentes; si quid maiores profusè illis concedebant, largè pauperibus ipsi erogabant. Ad omnia pietatis munera, & virtutum exercitationes accedebat Bernardus primus, ab iisdem nouissimus recessurus, eratquē (ut cum D. Bernardo Claraualis Abbate loquar) senili grauitate indutus, & probata quadam continentia pueriles annos regebat, feruoremq; virētis corporis cana morū maturitate decorabat. Non enim tā annis, quàm bonis moribus progrediebatur, ætas puerilis gradus gigāteos habebat.

Bernardus  
Claraualis  
Abbas.

E

Ber-



Bernardus nondum ephæbus doctoratus laurea  
honestatur, & inter Cæsaris equites asci-  
tur. Occupationibus equestribus  
distentus pietatis sensum in-  
ter arma tepefcentem  
nouit.

## CAPVT VII.

**P**Rima ineunte adolescentia sub annum sex-  
tumdecimum, adeò in omnigenis litterarū  
studijs profecerat, & excelluerat Bernardus, ut  
dignus extiterit, qui virenti doctoratus laurea,  
spectante, & stupente tota Senensium Republica,  
condecoraretur. Ex utroque iure Pōtificio nem-  
pè, & Cæsareo; ex philosophia utraque Platoni-  
ca scilicet, & Aristotelica, exorta, atque contexta  
candidato iuueni multiplex corona. Non scien-  
tia tumet, non superbiam redolet sapiens, & mo-  
destissimus Bernardus; non quòd vnanimi voce,  
plausuque præ ceteris doctissimus acclametur;  
quòd eius digito aureus, non ad humanæ illece-  
bræ, vel iactantiæ notam, sed ad sapientiæ deco-  
rem, anulus inferatur; quòd disciplinarum, & bo-  
narum artium omnium infulis flauētia cingantur  
tempora; quod Doctorum ei volumina oblata,  
miro ingenij acumine, euoluat. Non quòd citissi-  
mos sapientiæ fructus, vix florifero adolescentiæ

Vere

*Humilitatis  
custos in sciē-  
tijs B. Bern.*



Vere protulerit. Non superbit conuentu illo togatorum, vel stupefcentium, vel conclamantium; gestiebat potius ad hæc felicissimus patens, lætabūda adsonat Respublica, præclarissima omnium exitit dies illa Senæ, patuere cunctis opulentæ Mini ædes; odoris sternuntur floribus, & vernantibus folijs viæ; pendet vrbis è muris, moenibusq; serica barbara, coronæquæ, & maiorum antiquæ imagines, eorumq; regia gesta populari acclamatione perconsentur; reboant prædiuites aulæ musicis, & harmonicis vocibus; morum tamen face splendescbat augustiūs Bernardi sapientia, eratquæ ipsarum coronarum adolescentuli modestia, virginali suffusa pudore, corona, & decus.

Atquæ Minus haud rem nimiam ducens litterarum fama celeberrimum, togatumq; adolescentulum vidisse filium, eiusquæ celebri laurea redimitam frontem, inhiabat eundem tum fulgētem in armis cōspicere, caputquæ amat cristata clausum calside, laurumquæ cauo ære protectam. Inexsaturata ergà vnigenam genitorum vota sunt. Nō poterat à veritate abire Veritas ipsa, quæ inter nos viuens homines domesticos hostes homini esse testata est. Adit ergò supplicibus codicillis Imperatorem Minus, vt inter Cæsareæ eius Maiestatis Equites cooptare vellet filium Bernardū. Imperium tūm regebat Rodolphus inter ceteros augustissimus, qui & regnauit annos viginti, probataquæ iuuenis ex vtroquæ genere Ptolemæorum, ac Tancredorum æquæ clara nobilitate, ad Cæsarei equitis gradum Bernardum libentissimè

Matth. 10.

Bernardus inter Cæsareos milites ascriptus.



*Apparatus  
bellicus, &  
festiuis, pro  
Bernardo  
ineunte mili-  
tiam.*

*Militaribus  
studijs disti-  
netur Bern.*

euexit. Egit gratias Cæsari Minus, voluitquè festiuissimè illucesceret illa dies Senensibus, insuetam nempè Nobilium pompa, triumphali penè decore, regaliquè paludamento. Ferebatur bellicus apparatus magno equitatum comitatu, & inter populares lusus, Martis spectacula horridè videbantur lætissima, tubarum clangore, ac tympanorum raucedine, tum fidium, & cithararum multifono concentu hilarescebat Sena. Canunt iuueni viri fortissimi, & bellatores, & carminibus triumphalibus, Romanorum more, plaudunt. Gaudet ipse equitans inter arma effusa, & confusas inter armatorum voces, quibus omnes supremum militiæ sceptrum illi ominantur. Signa auris sparsa fluctuant, ventisque tument, & Signiferi nouum equitem venerantur. Inter enses, & hastarum siluas, complacet esse, exuisse iam prætextam, & induisse Bellonæ arma; pendet ab illius latere ensis; regit, premitquè frontem galea, lorica pectus, fulgido ferro corpus totū, clypeoque, ostro, & auro vndiq; splendet. Sic ferebat sese media vrbe equitās solemni pompa inter equos, & arma, quasi triumpho potitus nouus bellicosus heros. En iam lætos inter, martiosq; plausus Bernardus collacrymandus; terit inter equestris turma militiam, militumquè studia, præclaros dies iuuenis deuius. Studiū omne, omnis cura, & sollicitudo est in bellatoribus equis non æquā via. Lupato nunc spumante rapidum acriorem frænat sonipedem, nunc sanguineis calcaribus ad cursus agit, impellitquè; nunc contractis, vel molliter

flexis



flexis habenis,coercet, seu mouet ad numeros;  
 nunc in orbem flectit, excussa virgula, vel ferulae  
 sibilo; nunc tergo percusso, ad saltus excitat, vel  
 compositis gressibus ire suadet. Auet rem edi-  
 ficere militare,cursum celerare,in insensu ruere  
 bellum,in acriorem sese dare conflictum, hastas  
 vibrare, corriperequē, rotare ferrum, ferroquē  
 media inter praelia barbaros hostes vlcisci, castra  
 ponere, muros conscendere, obsidere moenia, ex-  
 pugnare vrbes, strages edere, lanienas agere, ne-  
 ces geminare, militari labore consuescere, inter  
 caedes, & cadentium cadauera cruentē commi-  
 sceri, inimica effundere Militum agmina, victorie  
 voces praena canentium inter fulgurantium en-  
 sium, & vibrantium hastarum lucos exaudire; ex-  
 citari tandem Victori sibi, sub vmbra ferrei imbris,  
 pompale trophœum. Intumescebat de nominis  
 claritate suorum, qui belli laurea florere, de aui-  
 tis regnis, patriisque sceptris. En (pro humanæ  
 mentis fragilitatem!) En Christi bellator pij, im-  
 pij armiger Martis! En qui Christo puber milita-  
 bat sagax, nunc improvidus Bellonæ feræ ancil-  
 latur! En qui solitariam ducturus vitam in spelæis  
 abdicatus ab hominum consortio videbatur, nūc  
 inter vanissimos armorum strepitus, militari luxu  
 lasciuiens, vanescit! Quis nesciat obtundi animi  
 sæpissimè aures belli fragore? Spirantem cæle-  
 stem auram repellit martius fremitus, & cor pa-  
 catum Dei amoris assuetum nouisse voces, per-  
 turbatis sensibus, eas præterit, languet ardor bo-  
 nus, igne furentis Belli. Tepuit ergo Bernardus

*Vanescit in-  
 ter arma  
 Bernardi pie-  
 tas.*

inter



*Mollibus  
curis disti-  
netur.*

inter arma; & virtutes sensim incipiebat miserè exuere. Lauit, obliquat crinem; nutrit, studetquè desidiosus comæ, pectit, pexamq; suffit, dat effuso capillo, & tortilibus cincinnis pectine, & acicula legem; vngueto illitus nitet, spirantquè militares vestes. sagum, palliolum arabico odore. En militaria, & simul effeminata adolescentis, oculis potius, quàm armis ferientis, studia! Distinetur mulierculæ, intermissis Numinis, curis. Obliviscitur Sodalitij illius sacri, pietatis operum, litterarum, studiorum, & suipsius immemor, vacuos transigit dies, equos inter, arma, barbaricas vestes ostro plurimo, auroquè diffulgentes. En quòd hominis cum Deo consortium, vt leui vel aura turbetur, maculetur! Documētum genitoribus, qui nimio amore, vel potius nimio erga filios ducti odio, ex sacra, & pia consuetudine eos auocant, sibi, illis, familiæ, patriæ detrimenta plurima parituris.

*Diuina gratia munitus Bernardus militiam  
dctestatur. secum sermones miscet pios,  
pietatisquè operibus iterùm impen-  
sius studet.*

### C A P V T V I I I.

**P**rolapsuro iuueni, & scelerum fluctibus ob-  
ruendo clementiæ manum adhibuit Deus,  
nè vitijs fractus miser caderet, collideretur, peri-

ret.



ret. Exiguo temporis interuallo, per paucis nempe mensibus, in ea mollitudine, & vitæ leuitate, versatus est Bernardus; iisdemquæ enim armis, quæ inter languescebat, voluit Deus, generosus sui ipsius triumphator adolescens existeret, & ut perspectis armis Martis memor esset Mortis induturus postmodum arma lucis, funestis exutus. Quadam enim die laxaturus membra otio, arma belligerum in modum aptarat Hercules noster imbellis. Suspenderat muro galeam, scutum, enssem, lorica, frameam; cumquæ auidius ea intueretur, tactus cælesti manu, contemplabatur sibi ipsi spiritualis arma militiæ, & quasi abrupto, excussoquæ lethali somno, sic secum locutus. Hæc cinè arma, quæ induor? hæc nè in sacris illis scriptis, in sacro meo sodalizio gerere didici? Promisi nè lustralibus Baptismatis aquis ablutus, hastas intorquere, vibrare ferrum, scutum rotare? Hæc nè illa militia, cui me adhuc vagiens sacramento addixi? Militia componitur vita hominis degentis in terris; iam noui, & noui nunc, quod milito ego in hac carne, sed non his armis, in hoc vallo, in hac arena pugnandum; non his conferenda mihi cum hostibus manus. Lacesor ab obsidentibus Dæmone, Mundo, sensu, sed his armis segni veterno torpeo, & arma mea in me sunt. Ensem gero, sed hoc mihi vulnus infigam acerbius. Ferrum induor ferream semper ætatem traducturus? Non ego ad hæc arma vocor, non ad hæc arma mihi tam noxia efformatus, nihil casti in his castris. Silent sanctæ leges inter horribiles

Bel-

*Ferreis armis ad spirituales militiam reuocatur Bernardus.*

*Iob 7.*



Bellonæ fabulosi Numinis strepitus inter tympana, & tubas. Discedā ergo ab his inglorijs armis; eruntquē illa iterum artes, exercitationesquē virtutum. Hæc sunt instrumenta, & tessera christianæ militiæ. Illud est nobile bellum, illa gloriosa concertatio, in qua cum voluptate dimicans virtus de ipsa voluptate triumphat. Quæ sunt ista militaria insignia; qui militares hi ornatus, nisi improvidæ vitæ infelicia monimenta? Tueor cauo ære, pressa coma, caput; non protegar virtutis casside animam? Subijciam nē caniciem tandem meam galeam, ut de terrenis certem; non pugnabo, ut cælum expugnem usquē ad finem? Induo manus ferro, non induā operibus pietatis? Ostro, & ære claresco, nullis virtutibus effulgebo? De-flecto, deflecto his armis à veræ gloriæ cursu, iisdemquē infelix grauatius ad nigrantia gradum festino tartara. O quàm fortius virtute, quàm lorica, & tegor, & protegor. Iam in vestro fulgore, incautæ caliginem mentis meæ optimè intueor. Nouam, nouam moliar militiam, noua arma, arma lucis induar. Vexillum illud sacrosanctum Erebo reformidatum sit mihi militare signum, sit mihi labarum gloriosum sub Christo cruento Duce, cui tantum deinceps strenuè militabo; omnia bellissima nouero in hoc bello. Erit gladius eiusdem Iesu, omni ferro penetrabilis Verbum; assumam pro comanti galea salutis cassidē, pro lorica, fidei operimentum; pro scuto, æquitatis clypeum; pro ludicris martijs castris, libidini bus foedis, & maculosis; erunt mihi iterum soday

litia



litia sacra, vbi innocentia, vbi nitor. Si pro exanguis meæ vitæ Seruatore non dabitur sanguineas inter machæras animam agere, dabitur saltem inter sanctissimas suę legis pedicas, dulciter irritus, iugo suo pressus suavissimo, vivere, & mori. Nacet hæc mollis coma arido in cinere, prematur caro hæc iam loricata, horrētibus cilicijs, & dextera hæc desinat ferro furere, sed armata flagro assuescat animo reluctans corpus fortiter subijcere. Tergat, & curet pœnitentiæ plaga animi plagas. Iam obliuioni dico Martis furentis arma. Sic secum arma intuens, obortis lacrymarum fontibus, proloquitur Bernardus cæli miles iterum, Superiorum alūnus. Quam verè antiquus ignis fauillam seruare potis! Obliterata itaque omni sæculi huius imagine mendaci, abiectis luctuosis armis, & militari ornatu, quibus quò cultior, eò incultior; quò formosior, eò deformior anteauctos errores detestatur ad Sacerdotis pedes, flexis poplitibus, sistit sese humillimè; lacrymæ penè in riuos profluunt, geminantur suspiria, & certè dolor, fletus, & tormenta ea fuere, quæ amantissimū Christi decebant, quæ malè patrarat explicat omnia. Miratur Sacerdos candidum penè animū tam fortiter dolentem; inter sacros, & paternos amplexus illum reuocat, consilijs monet, spe leuat, benignitate linit, plurimoquè pio colloquio solatus, ad inceptos olim pietatis cursus hortatur. Ille firmissimè omnium memor, humiliori gratias agit responso; tū impensius pietatis studia colere, membra edomare, cælestemquè sedem

*Detestatur  
militiā Bernardus, &  
humiliter  
suos confite-  
tur errores.*



gloriosiores inter heroas exsuscipere.

*Bernardus  
in sodalitate  
sanctissime  
Mariæ de  
Scala,*

Fuerat à teneris annis Bernardus sanctissimæ Virginis apprimè studiosus; erat, extatquè nunc Senæ Sodalitium in Xenodochio vniuersæ Heretrurix celeberrimo, quod de Scala appellatur, Matri Deiparæ, (Mariæ noctis vulgò dicūt) sacrū; ob reportatam reor de vmbris victoriam, vocant Mariam noctis; sic Scipio ex Africa victa, dictus Africanus. Deipara est ea Mater lucis, quæ Deū lucem fulgentissimum peperit. Mater lucis, quæ terram, quæ cælum complet lumine, quæ in cœcas tenebras errorum, & in caliginoso scelerum pelago fluctuātibus tota misericors, & prestò est.

*Alumni sode-  
litij S. Mariæ  
de Scala.*

*Pia exercita-  
tiones in so-  
dalitio S.  
Mariæ de  
Scala, vel  
de nocte.*

Ex hoc sodalitio plusquam ex illo Illo equo, prodire viri, verè omni sanctimonia insignes, qui nedum Senæ, sed Orbì toti intulere radios sanctitatis, qui non Ilium pro Helena infami mēcha, sed cœca barathra pro animo Christi empto cruore, expugnauere. Ex hoc virtutum lycæo, ex hoc sodalitio, inter ceteros, extitere Bernardinus, Seraphici Francisci Ordinis instaurator, & author fratrum, quos dicunt, lignipedes, Ioannes Columbinus Iesuatorum institutor; Stephanus Maionius Carthusianæ austeritatis ornamētum, de quibus nos suprà, omnes illius sacræ palestræ alumni. Ad hanc fulgentissimam pietatis noctem magis elucescit Bernardus, & felicissimo omniū prælagio, libenter inter sodales ascitur. In hoc pietatis coetu confessionum lauacro expiantur persæpè animi, & cælesti esca, pascente Deo homines seipso, reficiuntur. Hic electi Christi, Virgi-

nilquè



ni squè milites, ardentissimo studio, ineffabile  
 Numen colunt, adorât Matrem purissimam, glo-  
 riosos Cælites venerantur. Hic viget erga proxi-  
 mos pia flamma, sæculi contemptus, diuinorum  
 præceptorum custodia. Hic flagrorum rigido  
 verberare, & cruento flagello comprimitur caro, &  
 pungenti cilicio subijcitur spiritui triumphanti.  
 Hic religiosi viri, probatiquè Sacerdotes docu-  
 menta præbent non maculandæ castitatis, tole-  
 rantia adipiscendæ, humilitatis amplectendæ,  
 amandæ mendicitatis. Sodalium assiduam insti-  
 tutum, & vsus, deuos salutarem edocere viam, in  
 carceres coniectos inuisere, ægrotos solari, ijsq;  
 pium omnem famulatum præstare, omniaquè tã-  
 dem ea exercere, quæ christiana pietas suadet.  
 Bernardus, quibus hic diffulserit virtutibus, expli-  
 catu difficile est. Sæpè ad vsquè humiliorum pe-  
 dum oscula laxat genua, egenos, & graueolenti-  
 bus detentos carceribus, famescientes inuisit, ad-  
 iuuat, pascit. Non sordescunt loca pijs Bernardi  
 ardoribus, vel tæbe horrida, vel horrore inacces-  
 sa. Vulnere adorat, vt sidera, vtquè lucis ostia pal-  
 pat, amplectitur. Obstupescere quisq; in adole-  
 scente tam antiquam virtutem; foetidè languen-  
 tibus sine stomacho regia proles accurrit, cibum,  
 potumquè toleranter exhibet; morbis fessos, quos  
 cadauerosos censeret, piè subleuat, succollat, le-  
 ctos, quibus cubent molliùs, componit; morituris  
 suprema ministrat; functos vita religiosè condit.  
 Euiscerat sese totum, mira delibutus dulcedine,  
 in hiscè factis. Verùm nec litterarum studia inter-

*Mira virtu-  
 tum exēpla  
 de seipso præ-  
 bet Bernardus.*



mittit, sed enixè ista prosequitur; pietatis enim munus est, ignaros edocere. Magnanimi proculdubio ausus magnæ, augustæq; sobolis.

*Bernardus è cathedris docet publicè, eius doctrina undiquè referta pietate.*

### C A P V T IX.

**P**Rætermiſſis conſultò ſuprà memoratis exercitationibus, quibus interdum cum ceteris ſodalibus piè alias trãſigebat Bernardus, in litterarum ſtudia conſtantem operam nauabat, cum præcipuè multa illi de Republica credita fides, & munera deſtinata; nihil tã reipublicæ pernicioſũ aſſerens, quàm ab ineruditis gubernari. Si enim non à pecudibus, ſed ab hominibus reguntur pecudes; pluſquam ab hominibus, ab ijs nempè, quibus quid commune cum Superis eſt, regi deberent homines. Quomodò enim ſine litteris litteres terentur? Quomodò præmonſtrabitur iter ad ſempiternam lucem ab ijs, qui cœci inter ignaviæ tenebras verſantur? Palinurus apud latinum Vatem ſauam nunciat tempeſtatem, vt vitet, at non, vt ceteri humili loco deſidioſus, ſed in ſublimi aſſidet loco, in alta virtutis, & vigilantiaſtat ſpectula. Sapientia mater omnis magiſterij, æquitatis cathedra, bonarum artium nutrix, omnium rerum moderatrix. Dilectionem iuſtitiaſadmonebat Sapiens terræ Iudices; ſed quis diligere

*Aeneid. 6.*

*Sap. 1.*



gere potest, quod sibi ignotum? Hæc benè hauerat Bernardus, cuius animus erat ad maxima natus; quapropter, ex quo doctoratus laurea fuerat insignitus, nunquam, excepto martio illo armorum otio, à litterarijs elucubrationibus abstinuit, utquè omnibus perfectissimè imbutus erat scientiarum disciplinis, voluit & alios easdem scientias edocere. Bernardi nomen gloriosissimè claruit, & adeò quaquà percucurrit, ut breuissimo temporis cursu, inclytus, sapiens, & eruditissimus per ora virum circumferretur; inter doctos enim illius tempestatis primum locum facillè sibi vendicabat. Insurrexisse Senæ nouas credidisses per ea tempora Athenas; non solum enim ex Italicis regionibus, sed ex longioribus Orbis tractibus celeberrimi viri Bernardum Ptolemæum audituri properabant. De vtrisque iuribus difficillima aperiebat; Platonem, Aristotelem, Stoicos, ceterosque philosophos accuratissimè interpretabatur. De moralibus, de politicis, de mathematicis disciplinis mirè differebat. De siderum motibus, aspectibus, eorumque in hæc inferiora influxibus; de theologicis thesibus, & secretioribus diuinæ naturæ stuporibus, ceterisque abditissimis sapientiæ arcanis sermones instituebat sapientissimos. Lacteo eloquentiæ flumine quædam impercepta obscura, seu arida, diuino perfusus lumine, dilucidabat. Nihil vafri, ostentationis nihil in illius doctrina deprehendebatur. Pietas, qua, ut insigniori dono, præcellebat, fax illi extitit fidissima; illa quidem ab inexhausto Deitatis fœte lumina hau-

*Mira Bernardi sapientia.*

ferat



Bernardus  
candida do-  
ctrinam, mo-  
rosque, &  
animi salu-  
tem suos au-  
ditores edocebat

ferat lucidissima, illaque nunquam eius mens de-  
uia flexit à vero, neque lingua titubavit, vel cala-  
mus. Fontibus sacris inspergebat Ethnicorum,  
placita è limosis lacunis hausta, vt vndique mun-  
dam auditoribus propinaret doctrinam. Hæc ea-  
dem religiosa, & pudica pietas, Deique amor fer-  
uentissimus, effecerat, vt semper illis, qui eum au-  
diebant, iteraret virtutum decorem, vitij turpitu-  
dinem, sapientiæ cultum, Numinis formidinem,  
sanctam; rapiebat omnes verbo, & exemplo. Hinc  
admirandus fuit, Senensis præcipue iuuentutis,  
progressus, erantque Senenses moribus senes; ij  
autem disitis è locis, qui aduenerat diuinæ pro-  
pè sapientiæ acclamatores reuersam habebant  
semitam, ita vt Ciues, & exteri omnes firmiter  
assererent natos ad Imperia Prolemæos, quos in  
vrbes, in Regna, in hominum animos, & in scien-  
tias omnes viderant dominatores; scholamque  
illam sapientiæ celeberrimam euehebant, nec in-  
feriorem Atheniensibus quondam, vel Lycæis,  
vel Academijs esse fatebantur.

Ptolemæi ad  
maxima na-  
ti.

Ber-



*Bernardo conspicua munia Senensis Respubli-  
ca statuit, de eademquē optimē meritis  
iura plura sancit, egregiē se gerit  
in omnibus.*

## CAPVT X.

**P**robitate, & doctrina celebris Bernardus à  
florentissima Senensium Republica, sapif-  
simè, eo inuito, ad spectabiliores honores, &  
onera insignia, ætate virenti, euehitur. Non expe-  
ctanda canicies, sed canus sensus, & est à Iuvene  
sene honor ipse honestatus. Annos nōdum natus  
viginti inter reipublicæ eiusdē proceres, & opti-  
mates, quos dominos appellare consueuere, ascit-  
tur. Binos, & videnos annos vix expleuerat, & Si-  
gnifer, vel, vt Senarum vernacula vtar lingua,  
Consalonerius pro tertio, vt aiunt, Camuliæ de-  
cernitur. Quinque lustra numerabat, cum Populi  
Dux, & totius nobilissimæ reipublicæ Senensis  
Princeps, auspiciatō, felicioribus auibus, omnium  
viris suffragijs, conclamatur, constituitur. In hoc  
præclarissimo reipublicæ apice multa decreuit,  
quibus vrbs eius patria, & tota Senæ magna ditio  
diuinis præceptis, humanisquē sanctionibus, iu-  
cūda pace perfrueretur. Felix quidem Respubli-  
ca, ad cuius sceptrum manum erexit philosophus  
virtutibus, sapientia, regijs natalibus, probitate,

deni-



*Multa decre-  
uit Ber-  
nardus ut  
respublica  
Senensis im-  
munis esset à  
vitijs, virtu-  
tibus efflore-  
sceret.*

deniquè clarissimus. Studuit Bernardus statim ac maximum regimè illud inijs, diuini cultus præ ceteris incremento, ideoquè ardebat omnes ad bonam frugem allicere; errones salutarem ad semitam reuocare; deuos adolescentes hortari ad virtutes; litterarum studia splendide augere; in scelestos piè simul, & fortiter aduertere; probos viros præmijs cumulare, in patriam virtutes plurimas introferre, immunemq; potissimùm ab impetu, turbis, reliquisquè sceleribus reddere. Vexit omne Catholicorum cum Iudæis (quippe quos perfidos ipsa Ecclesia appellat) commercium, sciens ex illa hominum fæce consuetudinè futuram exitialem: seuerissimis poenis coercuit foeneratores, fescenninam poesim, ac petulcas musas, tanquam reipublicæ luem, imitatus sapiētissimos viros Platones, Lycurgos, Augustos, à Senensi republica procul expulit, & relegauit; facinorosas confabulationes, & conuenticula radicitus auulsit; patet siquidem magis à flagitiosis ciuibus, quàm ab exteris hostibus atrocissima Repuspublicis bella inferri; nullumquè peius malum, quàm quod inter domesticos parietes, ut sequa flamma, excurrit. NON benè patitur pax ciuica factiosos. HOS Catilinas quisquis regnas expellito, melius timebis linguam, quàm manum. Eiecit insuper è patria pellices, vitiorum satores, corruptores iuuetutis remotius exturbauit; ludicra, & obscena theatra, vetitos à sacris Præsulibus libros, ludos molles, & effeminatos, scurras, blaterones, parasitos, iactatores, umbratiles

Mar-



Martes, nebulones, ebrios, & id genus homines, tanquam Reipublicæ inquinamenta longissimè eiecit, dissipauit, perdidit. In mēdaces, periuros, blasphemos, adulteros, libidinibus captos irruit hostis acerrimus; luxuriantes vestes, dotaless excessus, sumptuosa conuiuia, non æquam supellectilem, æquissimos ad tenores redegit. Peccatorū laqueis irretitos multos scelerum poenitentes fecit; puellas in pudicitiae discrimen adductas sanctis nuptiis à pudoris iactura vindicauit. Pro iuuentute educanda gymnasia crexit, quæ Reipublicæ propugnacula vocabat. Ad tanti Principis typum mores Ciuitas omnis Senensis componebat suos; ipsi senes, & proceres sapientissimam Bernardi virtutem, tanquam prodigium venerabantur. Primus omnium passus est ipse iura, quæ sancierat. Statuto tempore Xenodochia, carceres, & miseros omnes, vel ferro detentos, vel morbo languentes, nequid pietatis deesset, inuisebat, imitatus sepe Alexandrum, qui vulneratos suos milites propria manu dicitur medicatus. Nō in longum erga innoxios, vel contrà fontes decreta differebat, præfiniens ipse tempus causæ dignoscendæ, nec quidquam eo inconsulto decernebatur. Pessimè utiq; labant membra nutante capite; nunquam infantium sanguine fœdabat ex incuria manus. Sedebat, iplo moderatore, in suo regali solio æquitas, æquitatis studium collegis Iudicibus suadebat, eos monens sæpissimè eadem lance à Deo diiudicandos, qua alios pōderassent. Diuos patriæ Patronos, ac Tutelares

*Opera misericordiae reipublicae Princeps exercet.*

G

cultu



*Pietas erga  
Diuos Patrię  
Tutelares, et  
in res sacras.*

cultu magnificentissimo iussit concelebrandos, ac sublimibus templa pompis splendescere. Adeo tunc floruit, cum senili consilio noster Bernardus iura ferret, Dei amor, proximi studium, salutis ardor, Ciuum bonum, & innocentie cultus eximius, ut iure quidem optimo dixisses melius ab ipso gestam Rempublicam, quam difficillimis monitis tradiderat gerendam olim Plato.

*Hec inter gloriosa gesta, inani gloria, mali Dæmonis artibus miserè succumbit Bernardus.*

### C A P V T X I.

*Mira Bernardi sapientie fama.*

**A**Rx illa horribiliores in hostes perpetuum statura, generosis munita virtutibus, vallata tot congestis diuinæ benignitatis opibus, quā deterrimus Satan, Dæmon vaser, toties arte sæua arietauerat, licet irridendo conatu, nunc (Proherum volubitatem humanarum!) insidiosè superbie machinamento, humilitatis labante fundamine, miserrimum in modum corruit. Quinodenos annos incredibili penè spiritus feruore traduxerat Bernardus, cum humani generis hostis conscius nequiuisset adolescentem iam, pro suo arbitrato, sternere in armis, studuit, rabie actus stygia, firmiori in ætate deicere, ut lapsum eò altiore, & truculentiore offenderet, quò magis, tumidus superbia, iactantie gliscente Notto, efferretur. Nouus Aristoteles, viuens Plato,

ipse



ipse Lycurgus circumferebatur hetruscus noster Sapiens, eius doctrina miraculo similis habita, nemo ea tempestate illi par, sæculi illius felicissimi gemmam vnicam affirmasset, & vnicum phœnicem. Gloriabantur multi, (ac alter ipse esset Pythagoras) eius esse potius auditores, quàm multorum doctores. Confluebant vndiquè Senæ, vt sapientissimis Oraculis à Bernardo erudirentur. Omnium oculi in illum conuertebantur, frequentissimæ turbæ ab eius ore in ecstasim raptæ, pendebant. Hinc callidus Dæmon inanis gloriæ pestilens virus inspergere cœpit, pietatis succos exhaurire, incessanti violentia pacatissimum animum exagitare. Arescit interim Bernardi mens, & paululū noster inclytus Antesignanus sui immemor, intumescit, torquetur superbissimo spiritu, & veluti cæco merfus pelagi turbine, miserri-  
mè fluctuat, iam ceteros despiciatos habet, se omnibus præfert iā impares propriæ virtuti quicumquè oblatis honores videntur; iam sese effert, ac iactat dignum, qui plures regat Orbes, cui noua aperiantur terrarum climata venerabunda, buccinantia suam sapientiam. Queritur secum non pro meritis, pro dignitate dignosci, omnigenam eius doctrinam non ægmine confertissimo acclamari, adorari. Lamentatur coerceri angustos inter carceres, vel Hetruriæ, vel aliquarum Regionum cæcellos. Vndequaquè venerationem venatur, placet illi digito ostentari non solum ab eruditis, & litteratis viris, sed à muliercula, & abiecta plebecula; omnes in hoc vno volebat sa-

*Superbit  
ebrius sua  
scientia Ber-  
nardus.*



pientes, vt ipsum omnium sapientissimum haberent. Ex hac efræni gloriæ libidine, æstuquæ; mœstitudo, & macies quædam pallida oboriebatur, qua ferè omnes ambitiosi, & superbi infelicitè molestantur. Dedignabatur ceterorum philosophantium celebrioribus placitis assentiri, erubescere ab alijs, quàm à seipso doceri, complurima suoptè ingenio superbè nouabat, potius ad sui iactantiam, quàm ad auditorum vtilitatem appetebat disserere. Hinc obstruitur Bernardo semita ad pias prosequendas exercitationes; non inuisere, non solari morbis, vel carcere afflictos curat: displicet humiliora quondam exercuisse ea ministeria, quæ nunc infelix abhorret. Sodalitium illud virtutum domicilium, aut penitus deserit, aut rarò, frigido quodam stimulatus vsu, adit. Euanuere, velano superbiæ aspectu, tot pietatis, tot virtutum, tot exempla illustrium facinorum. Accessit, quod perniciem fouit, intima quorundam nobilium familiaritas, qui candorem innocentiae Bernardi, & ingenuos mores profanis colloquijs, poeticis nugis, & ludicris scenis commaculauere. Sic insumebat flebiles horas leuandæ mœstitudinis studio, flebiles inquam horas, & fletu largissimo dignas. Ipse defleuit postmodum mœstissimus Bernardus. Amans es Deus, errantes non odisti, aufugientes vocas, expectas, humanam imbecillitatem diuina ponderas tolerantiae lance.

*Deserit Bernardus multa pietatis opera.*

*Mul-*



*Multis intentus ludicris Bernardus miserrimè  
desipit.*

## CAPUT XII.

**N**on solum ergò de primo penè angelico statu deiectus Bernardus tepuit, & vacua cèu cymbula fluctuauit superbiæ ventosis aquis, sed omninò euauit charitatis ardor, pessumquè se terrenis sæculi delicijs, & illecebris dedit, nil amplius moratus cælestia. Deliciæ eius, longè ab Vrbe rus colere, villicari; deniquè viro principi atridet (caniciem exuto venerandam) rusticari. Cura illius, atq; sollicitudo voluptario ocio indulgere, pomeridianis horis lusibus vacare. Vacua eum iactantia ad vacuas siluas eiecit. Equitare per nemora, remotas permeare valles, frondosos lustrare montes, specuum recessus, siluas cæcas penetrare secretius, venaticorum agmine canum stipari, lepores, & damulas insectari sunt nostri studia effeminati Alcidis. Fit ipse volucrum hostis, omnium volucrum mobilissimus. Amicos multos, multa secum ducit garrulitate, equitant, saliant, discurrent festiui, ardent inter dumeta, & antra musco viuo virentia, ferarum inuestigare vestigia, fallere nodosis laqueis. Anhelant omnia venandi perficere studia, saltus opacos cingere indagine, rauco cornu clangore somniculosas excitare belluas, perterrere, latratibus fugare,

*Rus colis Ber-  
nardus.*

*Venatui in-  
cumbit.*

cla.



Magna Ber-  
nardi muta-  
tio.

Piscatui ope-  
ram perdit.

clamore petere, sectari fugaces, cursu, & iaculo  
fatigare, agitare molossos; vel excussalancea, &  
iacto telo, vel quasso venabulo transfigere spu-  
mantes apros. Pleni ferinae caedis, per auia nemo-  
ra, & praecipites valles iuuat ruisse, conscendisse  
montium iuga, strauisse multa strage fessas ani-  
mantes. Tāgit Bernardum siluarum gloria, quem  
iam tetigerat splendor lycei, & litterarum maie-  
stas. Delectantur aures Echo per caua saxa ad la-  
tratus canora, quae quondam sapientiae concerta-  
tionibus oblectabantur. Pharetratae Dianae feri-  
nas inter caedes in saltu bella gerit, qui iam in sode-  
litijs sacris militauerat Christo. Fallit dolosis la-  
queis feras, qui scientiarum callebat melius ne-  
xus exsoluere. Amat pallentes lucos, & siluestres  
excursus, qui religiosa delubra ad plurimam no-  
ctem multa prece coluerat. Scrutatur nunc lon-  
gè seposita latibula ferarum, qui selectiora scien-  
tiarum rimatus fuerat arcana. Qui iam inter diffi-  
ciliores fuerat labyrinthos versatus, seipsum nūc  
inter dumeta, & spinarum tricas inglomerat. Qui  
de inscitia gloriosum erexerat triumphum, nunc,  
vel feras triumphat, vel triumphatur à feris. Qui,  
vndanti, obambulabat urbem, auditorum, & no-  
bilium turba stipatus; nunc insequentium canum  
grege vagatur per nemora. Et utinam solum siluae  
Bernardi animum detinerent, saepe numero ve-  
natorijs dolis demissis, venatu fessus, inter pisco-  
sa fluentia, lacusq; tranquillos iisdem vnà cum  
amicis curua vectus phaselo terit, incumbens pi-  
scatui, irremeabiles dies. Fallit escatis hamulis

pisces,



pisces, vel nodosis eos retibus implicat; contem-  
 platur interdum è crepidine fluminis deceptas  
 squamosas turmas, piscesquè venatrice penden-  
 tes arundine, alios ponderosis nassis tractos ad  
 littus, plerosquè, vel madentibus linis, vel vimi-  
 neis labyrinthis conclusos. Hæ ferè diurnæ occu-  
 pationes Bernardi; sed nec nocte ille cebris absti-  
 net. Notescit cunctis clarissima ea fama noctur-  
 narum Senensium vigiliarum. In his nobiles pro-  
 miscui sexus ingeniosis scommatis, & fabellis, ni-  
 gras fallunt horas; placidis tripudiantes persultât  
 pedibus; citharis, & fidibus harmonico tympani-  
 striarum, & fidicinarum contentu. Ludicris illis  
 vigilijs se commiscet miser Bernardus, interquè  
 vultus larvis obductos versatur, & inter iocosas  
 delicias. Personant lætis salibus facundiæ acu-  
 mine, & lepido risu tecta. Teneros lusus ineunt,  
 mutua geminant gaudia, iocantur ad cyathos, in-  
 ter lyras, fistulas, & buccinas sæpè repetunt cho-  
 reas, dulces illecebras, molliores iocos, mul-  
 centq; omnia cantu. Ibi inuitamèta poculis spu-  
 mantis meri plenis, ibi læta, & sumptuosa conui-  
 uia; nec nunc amplius abhorret infelix ab his,  
 quæ iam ceteris damnans inhibuerat theatralia,  
 & profana scenica. Existimasset Bernardū nostrū  
 nouum illius ætatis Salomonem, omnem sapien-  
 tiæ, seueritatisquè exutum sensum, in alium mu-  
 tatum virum, desipuisse miserum ludicra omnia  
 tantum consecrari, atquè cecidisse à cælestibus  
 totum ad terrena transpositum. Tantum est, (heu  
 monstrum) humani pectoris volubile consilium!

*Lasui in  
 vigilijs no-  
 cturnis Sen-  
 sibus.*

*Senensium  
 vigiliarum  
 descriptio.*

Tanta



Tanta diuinæ tolerantia benignitatis ! Sequere Bernarde filuas, sequere vndas, & ocia, nec tuis filuis diuinus sterilestet amor, nec ipsis vndis deerit diuinus ignis.

*Bernardus ad inanis fomitem gloriæ difficillima axiomata tradit discutienda, sed diuinitus excæcatus se omnium insipientissimum, & miserrimum nouit.*

### C A P V T X I I I.

**L**Entescebat rumor ille, cui præ omnibus, ambizioso fastu, Bernardus studuerat sua sapientia elatus. Nihil enim bonæ famæ labefactandæ aptius, & bonæ doctrinæ opinioni, vel cuiusvis rei eximio decori, crimine. Nec quidem poterat, vel inter ipsas Mundi voluptates, conscientia vermiculo, non contorqueri, non morderi noster Bernardus. Transfigebat enim viscera honoris stimulus, quem suspicari prudenter occeperat deperditum. Angebatur, se duce, lapsos plerumque in vana, & ludicra, quos ipsemet quondam efformauerat ad virtutem. Erubescibat secum penes probos, & senili sapientia viros, esse contemptui. Pudebat illi sodalitio interesse, ubi iam tot virtutum signa dederat, ac sanctimoniam. Contra stimulum tamen, vel honoris, vel

*Bernardus  
sactus hono-  
ris stimulo  
torquetur.*

con-



conscientiæ calcitrabat voluptuosa vita; eodem ergo superbiæ tumore, & inanis rumore gloriæ inflatus ex intimis latebris quarumlibet scientiarum curiosius quædam conquirat, excerpit, de iisdem axiomata edit apertissimo disceptaturus campo, fusèquè docturus; atquè, ut eius sapientiæ fama longiùs, latiùsq; diffunderetur, circumquaque promulgari iubet, ut Senam convenirèt è diffitis locis viri, vel eruditissimi, ipsum audituri, & cum ipso de vulgatis thesibus concertaturi. Iam Lycæum illud, quod appositè Sapientiæ nacta est nomen, litterarium eximij ingenij Bernardi theatrum luculento apparatu instruitur; illustri pompa expolitur, sericisq; suggestus, è quo lacteū illud flumen eloquentiæ torrētissimum perfundere statuerat Bernardus ad scientiarum affluētius superbas opes pandendas. Aduolare, confluere pleriquè Senam adituri, audituri non in Delphicum illud mendax, sed verax oraculum Senense, veritatis nempe portentum, uti afferebatur. Indicitur litterarijs concioni, & concertationibus tēpus. Orem mirādam! Decretæ diei proximior nocte, ecce lumine, oculis captus Bernardus. Iactato nunc tuas palmas, tuos decores mortalis fastus! Cœcus heu Bernardus. Discito tandem malè cauta hominum superbia tumores exuere. En quem cœperat superbia capit cœcitas. Non videt iam, qui ceteros despiciens aspiciebat. Cœcis obuoluitur tenebris, qui aperta in luce appetebat plausus, umbras manu tenet inanis palpator gloriæ. Exclamat hæc inter ipse cœcus:

*Bernardus  
fit cœcus.*

H

Manum



*Bernardus  
in cœcitate  
Deum fla-  
gellantem  
agnoscit.*

*Bernardus  
in cœcitate  
suos errores  
detestatur.*

Manum agnosco Numinis ferientem, paulò ante  
suavi lucis fruebar vsura, nunc à veræ lucis can-  
dore remotus merita obfundor caligine. Inania  
sunt inani superbo, cœco Bernardo medicamina,  
ars omnis medica inutilis; non enim hæc ipsius  
naturæ ministra naturæ fines potis est pertransire.  
Nulla, hinc indè ciens caput infelix, naturalis  
est origo, inquit, meæ cœcitatis, ipsius Dei om-  
nium authoris est opus. Quid mea mens effera  
acta in facinus, facinoris non prætermisit? Quid  
inausum, intèratumquè? Quis error? Quæ culpa?  
Corrui per omne nefas, per omne vetitum, non  
veritus ipse rempublicam meam foedissimis vio-  
lare vitijs. Quos nō corrumpti oculos meis oculis?  
Ijs oculis, qui mihi dati sublimes, ut cælum intue-  
rer intuitus terrena deiectos habui. Priuer ocu-  
lis non benè vsus oculis. Obruar tenebris con-  
temptor lucis. Foedaui sceleribus meis aureum  
cælum, sidera violavi purissima, lucem eam pe-  
rennem oculis funestavi. Quid ergò si in tenebris  
versor, & lumen cæli non video longior factus,  
meo vitio, à Deo meo, Sole, luce mea? Sic men-  
tis oculi ab oculis corporis clausis recluduntur.  
Indicitur Bernardo cœcitas, ut velut alter, sed no-  
bilior Democritus contempletur non ridens, sed  
lacrymās terrena, non cælestium Orbium motus,  
sed constantissimum Motorem. Excœcatur Ber-  
nardus non à semetipso, ut ille miser stultescens,  
sed à Deo, ut sit verè sapiens, & verè sapijt cum  
resipuit; melius vidit erutis oculis, quā oculatus.  
Novit animi sordes corporeæ fuisse cœcitatis

cau-



causam, & cœcas sensus illecebras peperisse orbitatem, & iure ambulare ut cœcum, quia in Deū Lucē peccauerat. Fatetur superbuisse ut Nabuc, perindē dum seipsum hominem vidisse non sategit mendicum, extitisse dignum, qui orbatu oculis, se mente videat belluam despicabilem per deserta loca inter caliginis areas fœnum propriæ vilitatis esuram. Nouit ut Samson lasciuisse, atquē ideo excœcandum ab eodem inanis gloriæ Idolo, cui sacrificarat, seq; ipsum litauerat, ac deuouerat. Errata mente recolit, discutit, ingemit, lacrymatur. Quam inanes sunt, inquit, Mundi pompæ, apparatus, quā exigua, quā innumeris omnia, sub Luna, casibus obnoxia! Affulsit mentis oculis diuina lux, & dolens, pectus clausis palmis agit, lacrymas profundit, exorat Deum, obtestaturquē ut sui eum misereatur; inhiat efficacioris gratiæ radio, & si oculis labefactatis, etsi binis luminum pupulis vaneſcunt omnia in tenebris merſa, ſaltem manibus, in cœcitate exquirat Deū, tenet crucifixum, ipsumq; iteratis efferuētissimis amoris amplexibus nunquam relicturus obstringit.

Peruadit interim cœci Bernardi rumor Urbem totam Senam. Tristantur exteri, qui aduenerant audituri, luget Patria viri calum, collacrymantur omnes; ſocij verò ſacri Sodalitij tenebras Bernardi perſpicaciùs, & lucidiùs contemplantur. Extollunt ſinguli ſapientiſſimæ Numinis abyſſi conſilium, ſperantquē errantem ouiculam per mundanos anfractus, per ſuperbię, inaniſquē glo-

*Soph. 1.  
Daniel. 4.*

*Iſai. 1.*

*Bernardus  
in cœcitate  
nouit ſe pœ-  
nitere.*

*Pſal. 76.*



riæ apices præcipitem, per voluptatum valles deu-  
iã Satanæ faucibus expositam, ad ouile demùm  
amantissimi Pastoris Iesu, à quo superbè discesse-  
rat, stimulo illo cœcitatatis reuersuram. Sciebant  
punire Deum ad monitionem, sternere ad salutē,  
affligere ad beatitatem, perimere ad vitam. Inte-  
reà amici, consanguinei, Senatores, Nobilitas  
omnis, Respublica tota Senensis ad ædes Bernar-  
di confluunt inuisuri cœcum; mœrebant, crucia-  
bantur pro amico, pro Duce, pro Reipublicæ  
oculo de amissis oculis, & ipsi solamine egentes  
solabantur vtcumquē Bernardum cœcum.

*Bernardus Iesu, & Deiparæ votum nuncupat  
pro amissa luce, fitquē diuinitus lucis  
compos.*

#### C A P V T XIV.

**L**Vcescit in illa diuina caligine Bernardi mēs,  
fuerequē illæ oculorum tenebræ eximij lu-  
minis oculæ mentis origo. Clauduntur morta-  
les oculi, patefcunt immortales clariores; & ò  
quàm meliùs ille nunc his mentis oculis videt  
cœcus, quàm viderat videns; vidit in corporis  
cœcitate cœcitatem lōgè obscurissimam animæ,  
illam, vt temporariæ vmbram mortis, hanc per-  
petuæ mortis imaginem. Vidit cœcus, & benè di-  
scriminat nūc quod lumine pollens nondū agno-  
uerat. Vidit seipsum præcipitem, fragilia videt

gesta,

*Multa videt  
in sua cœci-  
tate Bernar-  
dus.*



gesta, videtq; fuisse in nocturnis fabulis suæ patriæ  
fabulam, & utinam ait, profundo è cordis intimis  
suspicio emissio, utinam ipse luam hac cecitate  
corporea cecitatem mentis. Vidit cælum simul,  
& barathrum. Inhiat iam corporeæ luci, ut vir-  
tutis exēplis benè extrueret, quod malè destrue-  
rat. Virginem ergo pijsimam mediatricem,  
cui ab ineunte ætate fuerat addictus, supplicibus  
precibus adit, votoquè compellat flagranti, & ir-  
reuocando. Spondet Iesu, quod si vnquam de-  
perditæ luci restituatur, ea vsurum se imposterum  
non amplius ad perniciem, sed solum ad animi sa-  
lutem; clausurum semper oculos ad lethales ille-  
cebras, sacroquè se mancipaturum Eremitæ, inter  
inhospita tesqua Deo tantum vitam traducturum.  
Sic vouet, sic firmissimè statuit. Mirum! Habuere  
alas perniciosissimas, volauere extemplò ad Dei  
thronum, ad Virginis solium feruidæ preces, quæ  
benignissima Virgo veri Solis Aurora, & nūcia,  
& ipsius Genitrix luminis, utpotè tota perfusa  
luce, cuius aurea coma fidereo redimitur serro,  
cuius manus tornatiles cæruleis plenæ hyacin-  
this, cuius amictus lucis radijs textitur, cuius sub  
pedibus radiat Lunæ candidæ globus, luminis ipsa  
tota p̄diga, ecce ipsa è Bernardi oculis sua luci-  
fera manu tenebras discutit, pellit, fugat, redditq;  
lumen lumine capto, diemq; clarū. Fugatis tene-  
bris in lucē sereniore exierit oculos, diuinitus hau-  
rit cæli lumē Bernardus, p̄soluit gratias, effundit  
ingēti præ gaudio lacrymas vberes pro restituto  
visu ad pijsimæ Virginis pedes. Hæc inter fa-

*Votum nun-  
ciat pro lu-  
ce deperdita.*

*Cant. 5.*

*A Beatiss-  
ma Virgine  
cæco Bernar-  
do restitui-  
tur lumen.*

ma



ma eadem, quæ oculis orbatum prædicarat, eundem etiam, videntem clarè prænunciat. Fauſſiſſima ea dies illuxit omnibus; ingens Reipublicæ, ingens fuit amicorum, ingens ſodalium, exterorumquæ omnium, qui Senam Bernardum audituri conuerant, gaudium. Complentur ædes confertiſſimis turbis. Omnes gratulantur, pleriquæ orant, ſolicitis precibus obteſtantur, vt promiſſis faciat ſatis, nolitquæ inani cunctos expectatione ludere, ſequæ à Cathedra diſſerentem, omneſquæ edocentem præbeat. Spondet non modò ſe ſtaturum promiſſis, immò certam diem ſibi verba facturo decernit, qua illuſcente, confertiſſima multitudo conchiliati Patrum Ordinis Senatorij, Togatorum, Nobilium, Ciuium, Exterorumquæ ſeſe in vndam profert. Adit illuminatus Orator Sapientiæ palæſtram inſueta pompa fulgentem. Conſcendit ſapientiæ Cathedram illius ſæculi, vel Cato, vel Salomon. Pendent ex eius ore ora, animi, oculi, auresquæ omnium, ipſe humillimè Auditorum intuitus, & veneratus Theatrum, orationem præter omnium expectationem de Mundi contemptu habuit, atquæ in hunc ſerè modum exorſus.

*Ingens omnium letitia pro Bernardo lucis fa-  
cto compote.*

*Promittit ſe à Cathedris  
verba factu-  
rum.*

Con-



*Concio de Mundi contemptu in Schola Sapien-  
tia Senæ à B. Bernardo Eremum con-  
cessuro habita.*

## CAPVT XV.

**S**I vnquam ex hoc nobilissimo, & aptissimo orationis loco, curiosa iuxtà, & vtilia, confessus hic vester, Auditores præclarissimi, auido animo percepit, auribus hausit, memoria custodiuit. Si magnum vnquam quid vobis visum singulas, singulis sermonibus meis, percipere disciplinas, nunc curiosiora, & vtiliora vobis proponenti, nunc omnes disciplinas vnica hac mea, & omnium nouissima concione, aperienti, faciles aures, & quod magis exopto, animos faciliores, spero mihi vos impensiori cura, & studio præbituros. Non audituri vos hodiè me Idæas platonizantem supra ipsos cælorum vertices, nec cum Stagyrita penitiora, occultiora naturæ perscrutantem. Non orbes novos in Lunæ orbe designabo, nō Terram sua graui mole iacentē æternū. Non nantia sidera, aut cælo inhærentia; non astorum meatus, seu vertigines; nō maris falsedinem, æstumquē, atq; alia, id genus, explicabo. Sunt hæc spinosæ ingeniorum curæ nullo prorsus emolumento, in quibus mens humana obuoluta siluescit. Proponam, & exponam mihi, vobisque quæstionem omnium latissimè peregrinam, & exper-

to mi-



to mihimet notissimam. Tenebras ostendam lucidiores esse ipsa luce; lucem ipsis tenebris tenebrosiorem. Demonstrabo captos oculis sapientius, & acutissimè videre, oculos præ omnibus cecutire. Omnia cæli clausa amplissimo gyro pûctum esse, & nihil; & id quod nihili faciunt mortales esse omnia. Quid per vestram fidem, Auditores, curiosius, & quid his quæstionibus vtilius? Quid à luce longius dicetis vos, quàm tenebras? Quid à tenebris remotius, quàm lucem? Quis iste lynceus in isto lycæo carens lumine? Quis iste cæcus Argus in hoc theatro scatens oculis? Quæ noua ista cognatio lucis ad tenebras? Quæ affinitas nihili ad omnia? Hanc probabo Mundi senatoribus. Tu mihi Deus Optime Maxime, Tu Deipara Mater, & Virgo, vos Superi beatissimi, quos iam in lucubrationibus meis rectores, vel aduocatos habui, & peculiaribus precibus volui lucidiores aperite nunc mihi vndas, & ex meo ore fontes date fluere vberes, & salutes. Et ut clariori luce clarissimam meorum thematum veritatem hauriatis, umbras à vestris mentibus fugate omnes, tenebras soluite præteritas.

Percrebuit Auditores meæ cecitatis rumor, vidistis me non videntem, verùm quænam fuerit origo, quid uè cecitas mihi præstiterit, non una fuit omnium, nec fortè nunc est sententia; fuistis (& quis scit an modò sitis?) meæ cecitatis cæci iudices. Cecatatem meam mea scelera peperere, & ipsa cecitas peperit mihi lucem, & in tenebris, quas à Deo habui in pœnam, effulsit mihi lux pu-

rior,



rior, & penè diuinior. Vidi cecus, quod videns non videram, & vmbas interpenitissimas mortalia omnia optimè noui. Faustissima mihi nox tanti luminis parens. Videram iam antequàm cecitatem mihi Deus benignè elargiretur, hæc mundana, quasi quid omne forent. Vidi benè cecus ea omnia nihil esse. Vidi in hoc nihilo, velut lethales ad syrtes ruere præcipites, mori mortales. O quam benè vmbæ illæ meæ fuere lucidissimæ! Claudite quæso mecum tantisper tot pro sæculo oculos, & metimini mentis lumine, vniuersa hæc intra concaua cæli conclusa, & luxus fastuosos, & superbas opes, & sceptras, & coronas, Regna, & Imperia, porticus, & academias, corporis speciem, animi robur, armorum fulgorem, cataphractos exercitus, sagos, & togas, & intuebimini omnia volubilia, fugacia, nihil, & mortales pro his æterna, omnia pessundare. Quid enim Orbis hic vniuersus, cuius fines nos miseri cæci somniamus in immensum porrectos, si cum cælo composuerimus, nisi punctus nulla dimensione partibilis? In hoc puncto insanimus, angimur, deprimimur. Sub hoc puncto carbasa damus ventis, armis digladiamur, minusquàm de semipuncto certantes. O ridiculos fines! Somniauit Alexander, insipienter dictus Magnus (Quis in puncto quæso Magnus?) plures Mundos, & fudit lacrymas, & cum nescio quid Deitatis molitur, mortalem se tandem, & vermibus non imparem, luteamq; carnem agnouit, dedissetquè libenter pro philosophico Diogenis expilato pallio auri-

I

tam



tam chlamydem; pro dolio, (pauperrima philosophi casula,) prædiuites aulas, pro vili scutellula, gemmantes pateras. Defuit Pompeio vniuersa terra ad triumphum, defuit & pauperculo modica terra ad sepulcrum. Triumphat de Parthis, de Gallis bellicosissimus Cæsar, & tandem impieternis, & vicenis ictibus miser confoditur. Bellifarius Vuandalos trucidat, Italos perterret, Orbem commiscet, atqui tantorum gestorum terminus quis? Coecitas, & egestas miserrima. Emendicat panem famescens, qui Regna fame expugnat. Palpat tristes umbras terror rutilantium agminum, & nihil inuenit humanæ amplexator gloriæ. Audistis Dionysium Syracusanum ex Tyranno Ludimagistrum. Demiramini sceptrum versum in ferulam; ex fera bellua crudelitatis, monstrum puerilis disciplinæ. Accepistis senio-rem Marium de Iugurtha Rege triumphantem, (Sylla insectatore) in limosis minturnensibus delitescens paludibus trementem, foedum, infelicissimum. Notescit vobis Tarquinius Superbus Romanorum Rex nouissimus militari gloria perillustris, regio deiectus folio, sub Cumarum Tyranno miserrimè cadens. An non inspicitis Persium Regis Macedoniae filium eò adactum egestatis, vt ad pellendam famem regiae immemor famæ, Regijquè decoris, in fuliginosa Fabriferrarij officina folles inanes exagitet, vt excitet igne, exagitatus ipse dolore. Agitat ignem infelix potius suspiriorum, quàm follium ventis. Inter incudem, & malleum malleat ferrum conscissa ve-

ste,



ste, immundo præcinctus linteo, ore turpato carbonibus, sudoreq; madidus, vilissimi artificis nobilissimus famulus. Inspecite Mitridatem Ponti Regem tot clarum trophœis, in cœcos carceres trulum sibi ipsi mortem consciscentem. Ea manus, quæ tot militum ad gloriam captandam fugarat cateruas in seipsam furit omnes vnico ictu pompales ademptura triumphos. Proponite vobis Policratem Samiorum Tyrannum suspensum cannabe, fune claudentem fauces, & vitam. Darium aureis compedibus vinctum, multis confossum vulneribus expirantem. Baiazetem Turcarum Regem regios curuantem humeros victori Tamurlano equum conscendenti. Priamum tot Regum parentem, sepulcri egentem post fatum, & flammæ ad Rogum, ardente Troia. Achillem Pelei filium Troiani belli fulmen, Ilij excidium, ad Apollinis simulacrum à Paride occisum. Urbis, & Orbis idolum iuxtâ, & ludibrium Seianum, quò Imperio vniuersi viciniorem, eò famosæ neci proximior. Nonnè temporis momento ad culmen felicitatis euectum conspicitis, & datum ad barathrum miseriarum? Prætereo Heroinas Reginas, Cleopatram ex Ptolemæis regibus ortam spontè peremptam. Zenobiam eodem stipite natam pöderosis circumplicatam catenis ab Aureliano Imperatore in ignominiosum tractam, triumphum. Hecubam Troianam ex Regina famulam, tot filiorum necibus dolore insanientem, infelicitè obeūtem. Quot Reges insepulti, abiecti auibus, vel canibus laniandi? Quot sua dexte-



ra, suo ictu interfecti? Quot coronæ aureæ, quæ  
 Regum augustius cinxere tempora factæ ferreæ  
 turpius vinxere eorumdem pedes? Quot impe-  
 rantes onerati ferreis laqueis in seruitutem re-  
 ducti? Quot dati seipsis præcipites? Quot fame  
 absumpti? Quot exercitus triūphatores triūpha-  
 ti à morte? Inspicite tumulos, busta, Cadauera, ci-  
 neres. Vfus sum profanorum exemplis, vt ab ipsis  
 profanis redarguantur profani. Sed quid memo-  
 rem monumēta sacra? Nabuc ex regia ad nemus,  
 ex fero Rege in feram efferam mutatus, & qui iā  
 regijs dapibus vescebatur, vix vili fœno, bestia-  
 rum pabulo, excutit famem. Quid Saul regem  
 necis cupidum suo ferro cadentem? Quid Sede-  
 chiam ex rege mancipium, catenis onustum Ba-  
 bylonem protractum excecatur, miserrimè vita  
 functum? Quid Iezabelem è turri in præceps de-  
 iectam, equorum protritam pedibus, deuoratam  
 tandem à canibus. Fumo similis hæc Mundi glo-  
 ria, quò ascendit altius, eò citius euanesceat. Quā-  
 tula hæc felicitas? Tātula, vt contrahatur ad dies,  
 ad horas, ad puncta, ad momenta, vt citissimè fu-  
 giat. Quid diuturnum in sæculo, si nec sæculum  
 ipsum diuturnum? Sol ipse velocissimè raptus an-  
 nos rotat, & sæcula, nec superest deniquè mo-  
 mento momētum. Quid stabile in Mundo labili?  
 Mundana, dūm florescunt, exarescunt, gloria ipsa  
 caduca, & languens. Morimur, & quasi aqua dila-  
 bimur non amplius reuersuri; bullæ sumus tume-  
 scentes, inanefcentes. Spatiolum inter huius vitæ  
 ingressum, & egressum, ipse ingressus egressus est.

Id



Id quod dicimus, quod manet manat, & fluit, nec tantillum durat. Dum dormimus, tempus euolat, & ad sepulcra, cursu labente sine mora agimur velocissimè, cōcitissimè rapimur. Sauli regnum promittitur, & pāditur sepulcrū. Nihil felicitatis, nihil ergo perenne sub cælo. Braçteata est hæc Mundi gloriola nullis nixa radicibus. Somnia sunt, visionesquè nocturnæ. Consuevit Deus dormientibus ostendere Mundi gloriam; Sic patefecit Iosepho, Pharaoni, Nabuco, & ceteris; somniantium enim bona sunt, umbra, vapor transiens, cæcus fumus, scenicum, nihil. Quid sodēs Regno fragilius? Quàm ponderosa gestantibus sceptrā! Regum coronæ spinis potius texuntur, quàm gemmis. Magis lugent aulæ, quàm caulæ. Turres illæ procerissimæ quàm aptæ fulminibus! Momento antiquissimi rapiuntur, & absumuntur fulgores. Quæ amicum iam tempus erexit, edacissimum deuorat tēpus. Vbi Persarum felicitas? Darij thesauri? Macedonum Imperium? Aegyptiorum ditio? Aethiopum Regna? Europa quassata bellis, Asia diruta, & cetera omnia, susquē, dequē iactata veluti marinis fluctibus. Vbi Dianæ templum? Qua manu sacrilega, quibus ausis incensum, cinerfactum? Vbi Pyramides? Vbi mœnia miracula Memphis? Vbi Portæ Thebarum? Vbi Solis simulacrum? Vbi Artemisæ Mausoleū? Vbi Vrbes? Vbi Regna? Vbi Regnatores? Fuit Ilium, & ingens Teucrorum gloria, & vbi olim Troia, nunc seges, dumeta. Iacet alta Carthago, cecidere Thebæ. Vbi nota fama Thenedos? Vbi

iam



iam florentes Athenæ, scientiarum altrices, Academia, Porticus? Ibi nunc agri, & arua, & pecudum pabula. Et ut aliquid de sapientibus viris dicam; An non ubi quondam Philosophi, ibi bubulci, Pastores? Vbi cathedræ, ibi rastrorum, & vomerum copia? Vbi calami esculatissimi ibi impolitissima sarcula? Quis habet Aristotelem, diuinumq; Platonem? Paruus cinis. In quid abiit celeberrimus Solon? In paruum cinerem. Quem obtinere gloriæ terminum Isocrates, Anaxagoras, Pythagoras, & Salomon omnium sapientissimus? Paruum cinerem. Qua maiestatis insula ornantur eloquentissimi Demosthenes, Tullij, Hortensij? Paruo cinere. Quanam tantorum Heroum, vel litteris, vel armis fulgentium vestigia? Nihil, vel paruus cinis. Vnus vnus omnia cinis æquat. Homo vas fragile, luteum, quid superbit terra, & cinis? Quis exiguo orationis gyro vana Mundi prætexet? Prosequamini vos mecum, Auditores, ubi Chalceorum, Persarum, Macedonũ scepra? Vbi Romanorum imperium nullis penè coercitũ finibus? Truci hinc omnia obuoluuntur volubilitate, & vorax vicissitudo vorat deniq; omnia. Vbi Urbium Regina Roma? In suis cineribus, & caduere quæritur, nec inuenitur. Sed inspicite ipsa elementa sese mutantia, pignantia, pereuntia. Assurgunt marinos inter fluctus, quasi alieno in Regno Syrtes, Scopuli, & Vrbes, & ipse Oceanus fauce, latratuquè horrido Regna vastissima absorbet; & ubi lufere ludibunda nauigia, ibi miserè iacent sepulta vorricibus. Nunc æstuat ma-

re,



re, fremit, & tumet, & altissimis vndarum montibus coniurat in sidera, & sua aspergine cælum lacerat, & foedat, modò detumet, & deijcitur, & inter minutulæ arenæ fines se continet. Labat, hiascit, sequè ipsa absorbet concussa tremore tellus. Extinguitur ab aqua ignis, absumit ignis aquam; militant, & concertât aereo in campo, fremuntq; bellicosiores venti. Deficiet ista reciprocantium sphaerarum vertigo. Iubar hoc Solis, coma illa texta radijs, globus hic menstruæ Lunæ, multiplex hic abibit planetarum aspectus, ac siderum: Præstigiator est Mundus, & fascino lethali tenetur acies nostri oculi in illius purgamentis, rerumq; quiscuilibet. O quam citò fulgēt, & auolant, florent, & arent! Fucata illa venustas, quam innumerī insanientes ardent, sequuntur, labyrinthus omnium est scelerum. Deceptrix forma oculos lippientes depascit. Illæ choreæ vertiginosæ nos dementant, dementauere iam Herodem, qui pro saltu petulcæ puellæ Regni fuit pollicitus medietatem. Det pro saltu Regnum, Regnum ipso saltu mobilius. Abdicemus oculos tandem aliquando ab his terrenis spectris, ab hoc phantasmate ludicro, ab hoc miseriarum theatro. Simus memores excidendam tandem dura mortis securi, diraque falce vitam. Omnia vanitas, scenica sceptræ, scenicæ coronæ, mimici splendores. Rissus ipse luctus. Quis ad Iridem pacis nūciā, & gemmeum aerij campi pontem, pluuiæquē indicem non stupet? Ridet ipsa inter florum nubes, & gemmas, sed quas refert gemmas, profertq; flores, nec gē-

Mare 6.

mæ



mae sunt, nec flores, sed nec quidem colores. Explicat superbus Pavo pennarum gemmulas, rotat fastosus scatentem mille oculis caudam, vel stellatam, vel cōcatam, sequē ipsum iactat volucrum Argum, & sui Caeli vel floriferi, vel stelliferi Atlantem; sed in fūco versatur insipiens, nec colores, nec gemmas, nec stellas habet; pedes tantum benè videt, non fucatos, sed cinereos, tunc detumet, in orbem complicat alas, contrahit in acervum pennas, & moestissimè luget. Obstruamus, miseri aures ad Syrenum cantus in hac malefida pellicientis, ridentisq; freti malacia. In Caelum, & in illa æternitatis lumina oculos quisquē vertat suos. Mentem advertite fortissimam ad ea solum, quæ fidem habent, & voluptates fidas; ad ea, inquam, quæ non vt hæc terrena mobilia, fugacia, nihil; sed quæ nec tempore perditæ, nec euentibus corruentia, nec seditionibus perturbata, nec ærumnis cōcussa, nec vicissitudine irrequieta, nec calamitatibus obruta; ad hæc mentem, Auditores, mecum dirigite; ad ea, quæ semper voluptaria, semper amœna, constantia semper, beantia semper; ad ea immortalitate florentia, vigore firma, decore inclyta. In Caelum tantum risus, ibi vernant rosæ sinē vllō spinarum aculeo. Illuc appulēdum, vbi dies nouissimus nobis promittitur, dies, qui non habet occasum, omnes, præter septimum, habent. Quæ vera sunt, æterna sunt. Me miserum foedissimi sæculi vsquē modò sectatorem, vsquē modo deceptum. O me coecū cum videbam! O me oculatissimum excoecatū!

Eli-



Eligam partem meliorem à terrenis rebus auul-  
sus. Vitam, Auditores, mihi eremiticam eligam  
poenitentiae in locis antea vitae crimina per-  
petuum lacrymaturus. Vleiscuntur sacrae vigiliae  
voluptuosos sonos; carnis meae illecebras asper-  
rima cilicia; magnificas aedes rigidae cautes; con-  
uiuorum luxus seuerissima parsimonia; spuman-  
tes crateres arida sitis; leues saltationes, immorae  
preces; musicos cantus, psalmorum concentus;  
lepidos risus, perennes lacrymae; Mundi tandem  
studia, diuinæ exercitationes. SorDESCANT mihi  
posthac porticus, academiae, lycaea caligine ob-  
uoluta omnia. Non iactabor impofterum opinio-  
num fluctibus ex aduerso pugnantibus. Non ha-  
sitabo in duris humanae scientiae salebris. Me mi-  
serum texi, & retexi, constanter tuitus, quod faci-  
le reieci. Hoc nimirum tantum credite, Audito-  
res, esse in nostris scientijs certum, nihil esse cer-  
tum. Non est verum, quod varium est. O dissipato-  
rum humanae sapientiae puteos, circa quos sitien-  
tes mortales perfremunt, nec eis pura aqua da-  
tur haurire guttulam! Sciamus, oro, atque obre-  
stor, Charissimi, vnum Sciamus Iesum veram sa-  
pientiam, salubre mentis nostrae consilium, salu-  
tare amantis cordis oblectamentum. Velificemur  
animo. Sciamus Iesum sapientiae fontem, doctri-  
nae thesaurum, integritatis typum, deliciarum  
scaturiginem, voluptatis pacatissimum pelagum.  
O Amor mi dulcissime, te veridicum non tenet  
alienigena philosophia. Te beatum non foren-  
ses audiunt turbationes; Te amantem non impu-

cib

K

dicæ



dicæ noscunt voluptates; Te pudicum, non mortalium sapiunt inquinamenta, Te sapientem non improba reperiunt consilia. Iesum, depulsis mentis tenebris, felicissima mea me edocuit Cæcitas; Iesum scilicet amatorem, dulcedinem, sanctimoniam, delicias, beatitatem meam. Pro vilibus, evanescentibus his terreis, expetit nos ipsos à nobis, nostros animos Satanas. Pro caducis tentorijs mansiones æternas nobis adimit. Pro nihilo à nobis vult adorari. Quid? Et quid hoc? Excutiamus somnum ab oculis nostræ mentis, adoret nos Satan Dei gerentes imaginem, Christum indutos. Magna res est anima, sanguine, & vita immaculati Agni redempta. Mentis attollamus, quia tanti valemus, quanti Christi sanguis, & si tanti non valeret anima; nō tam copiosè sanguinem effudisset. Effudisti mi Iesu sanguinis flumē, cuius stillula infiniti valoris; nouisti animam, ut quid infinito infinitius. Transisti totus mi Conditor in pretium meum. Pluris me fecit Genitor tuus, penè ac te, cum te filium pro me dedit in pretium. Ego vnicus thesaurus tuus, & tu circa me cor tuum apponis. Abscondam me ipsum, ego thesaurus tuus. Lugebo obliuioni à me traditam iam, & neglectam animam meam, opus tuū. Tu Virgo Parens, cuius prece, lumen recepi, tu, qua lucem nunc haurio cæli, tu, cui vota nuncupauī, da, ut ab his oculis nunquam desint lacrymæ. Vos Ciues, vos Auditores omnes, ignoscite ijsdem meis oculis, quibus toties, improbo exemplo, oculos vestros fœdaui. Sint pœnitentis cordis,



dis, & ingenui doloris mei geminata suspiria, & lacrymæ fidi testes, & linguæ. Pateat posthac mihi cælum illuminato è cælo; hinc è cælo mihi lux data, vt cælo semper sim fixus. O si mihi liceret, ò si mihi daretur, vellem in Aegypti arenis, vel in Africæ desertissimis antris degere, vt Deus solus mei esset inspector, vt solus soli Deo vitam ducerem. Detur mihi saltem, ò Accona, tuas opacas valles incolere, cælestes in tuis rupibus delicias sapere; in te meos omnes possidere solitarios amores. Vos rupes, & antra eritis mea dulcissima Tempe, tu Paradisule, horte tu mi deliciose; in te quidquid vitæ superest vitam impendam. Tu Senensis Respublica, vos amici, consanguinei, vos meæ Patriæ mœnia valete, meiquè amoris erga vos hoc sit monumentum, hoc pignus: Omnia humana nihil; cursus vitæ breuissimus; æternitas momento amittitur. Qui veram vitam inhiat, discedat saltem animo à sæculo.

His dictis è suggestu profiliit ad vniuscuiusquè pedes genibus prouolutus, veniam humillimè lacrymabundus petit. Orabat, vt omnes pro se orarent. Non poterat ad tanti viri demissionem, ad discessum non stupere theatrum, nec ad Bernardi largas lacrymas continere ceteri lacrymas; ruebat ille conuētus ad genuflexi Bernardi collum, qui humillimè in crucem efformauerat brachia, amplectabatur. Ipse tandem miris sanctimonix futuræ signis, ad ædes suas confertissima turba è ciuibus, ceterisque conflata, reuertitur.



*Bernardus Pauper ad Eremum contendit.*

C A P V T XVI.

*Matth. 46.*

*Ioann. 13.  
Cant. 5.*

*4. Reg. 14.*

*Genes. 39.*

*Exod. 13.*

*B. Bernardus omnia pauperibus erogat, & aedes, quas incolit Ordinis D. Dominici Fratrum largitur*

**E**Mpturus euāgelicam beatitatis margaritam Bernardus dedit omnia sua. Currendum erat ei ad brauium gloriæ, ideo deferit sarcinæ pondus. Sic iturus Iesus ad Patrem vestimenta sua deposuit. Nec palliolata Sponsa ruit in diuini Sponsi amplexus, ni angelicis exuta manibus vestes, & vt amoris insciola mastige cæsa. Elias ad Cæli Regna festinans dimittit Mundi pallium. Non è manibus impudicæ mulieris elabi, poterat pudicus Iosephus, nisi palliū floccifecisset. Moyses ab Aegypto egressurus, post terga habitis opibus, tulit secum sola Iosephi ossa. Sic Bernardus è sæculo nil asportat, præter mortis memoriam, veram philosophiam. Quidquid habebat, vel mobile, vt vulgò dicunt, vel stabile erogauit egenis. Cœnobio D. Dominici aedes, quas ipse incolebat, dono dedit, religionis, & munificentie argumentum, gratique animi indicium præclarissimum, vt qui cellulam puerulus pauperulâ incoluerat in sacris septis, pro ea aedes redderet magnificas. Religiosi verò illi viri easdem postmodum proposuere venum, dedereq; núbili, & nobili puellæ ex Ptolemæorum familia, vt ex eorū tabulis liquet. Omnium sæculi solutus nexibus Bernardus, Deo tantum fretus ad Acconenses specus, loca pœni-

ten-



tentiæ aptissima gradu contēdit hilari, & festino,  
iter est pedestre, amictus vulgaris, pecuniā ex-  
cratus, & quoduis humano vſui, vel abusu deser-  
uiens. Concioni de contemptu Mundi, inter ce-  
teros, adfuere viri Senenses nobilissimi, Ambro-  
sius Piccolomineus, & Patritius de Patritijs, qui  
sermone illo mirificè permoti integritatis viam  
alacrem arripuerē. Igniti enim eloquij diuina  
flamma, etsi per singula audiētium corda serpsit,  
itā, vt omnes sæculi huius vices detestarentur, ta-  
men tunc ē vestigio cælestium amore, & eremiti-  
cæ vitæ rapti fuere Ambrosius Piccolomineus, &  
Patritius de Patritijs, qui strati ad Bernardi pe-  
des rogitauiere, vt seipsos non dedignaretur in eo  
itinere comites, & in Eremo socios. Proficiscun-  
tur vnanimēs, & hoc trino, sanctoq; numero ere-  
miticæ vitæ viri nobiles fundamenta in Accona  
posuere, quam sibi retinuit pœnitenti, & ipsum  
sequi volentibus Bernardus. Abeunt ergo pes-  
fundatis rebus omnibus. Multi vdi lacrymis, & re-  
ligioso fletu exclamant: dextera Numinis, quā  
potentissima! Egredimini de terra vestra, de ve-  
stris laribus, de cognatione vestra, properate in  
terram, quam mōstrabit vobis Deus, beātius erit  
ibi humile tugurium, quā in sæculo peregrina  
palatia, ibi spatiabitur liberē mēs vestra per ope-  
ra Creatoris, transcurrēt, circumuolabit ultra  
Océanum euolabit ad cælum, penetrabit abyf-  
sos, perlustrabit Orientem, Occidentem. Ite feli-  
ces sine pera, sine sacculo, vbi vel cibaria, vel pe-  
cunia condantur; sine zona enim, & sine ære di-

Habet comi-  
tes in desertū  
contendens  
B. Bernar-  
dus Ambro-  
sius Picco-  
lomineus,  
& Patritius  
de Patritijs  
Senenses na-  
bilissimos.

Gen. 12.

Zeno Vero-  
nensis in  
Psal. 129.  
Luc. 9.

uites



*Luc. 14.  
2. Cor. 6.  
Psal. 54.  
Matth. 6.*

*Isai. 3.  
Basilus de  
laudibus  
Exemi.*

*Crisostomus  
serm. 118.  
Nanzian. de  
laudib. Basil.*

*Genes. 28.*

*Psal. 44.  
Bernardus  
serm. 40. in  
Cantic.  
Psal. 44.  
Isa. 49.*

uites eritis, affluent vobis omnia, quia aderit vo-  
bis Deus. Renunciastis omnibus, quæ possideba-  
tis, ut nihil habentes possideatis & omnia. Iasta-  
stis vestras curas in eum, qui vos enutriet. Respi-  
cite volatilia cæli, non ferunt, non metunt, non  
congregant in horrea, & Pater cælestis pascit ea.  
Stillabunt vobis scabræ ille rupes dulcedinem,  
fluent vobis colles lacte, & melle. Properate in  
Eremum ad cælestis doctrinæ scholam, ad diuina-  
rum artium disciplinam, ibi erit mors vitiorum, fo-  
mes, & vita virtutum, Paradisus deliciarum. Ite  
vivi Martyres sacrificate sine corpore corpus, &  
sine sanguine sanguinem, sustinete iram, retundi-  
te linguam, frænate oculos; tactum, & gustum co-  
ercete, irridete risum. Pergite ad locum horroris,  
& vastæ solitudinis, dirigite gressus in locum ter-  
ribilem, sed ibi non erit aliud, nisi domus Dei, &  
porta cæli. Ite spectacula Deo, Angelis, & Homi-  
nibus. Ite gementes turtures in loca solitaria, se-  
dete nihil vobis, & turbis, nihil cum multitudine  
ceterorum, obliuiscamini populi vestri, & domo-  
rum Patrum vestrorum; concupiscet enim Rex  
decorem vestrum. Leuate manus vestras ad Do-  
minum Deum excelsum. Flabit vobis suauior Sã-  
cti Spiritus aura. Non esurietis, neq; sitietis, non  
percutiet vos æstus, vel Sol, quia miserator Deus  
vos reget, & ad fontes aquarum potabit. Ite tan-  
dem gloriosa cadauera Mundo defuncta, Deo  
viuētia. Ite cælestes Heroes, expectat vos Paradi-  
sus, nō specus; Angeli nō feræ, Empyriū, nō antrū.  
Primi Libri Finis.

BEATI



BEATI  
BERNARDI  
PTOLEMAEI

SENENSIS

VITAE

Liber Secundus.

B. BERNARDVS IN EREMO.

*Beatus Bernardus in Acconam, una cum  
Ambrosio Piccolomineo, & Patritio  
de Patritijs Senensibus, Deo  
deseruiturus contendit.*

CAPVT I.



Relinquitis rebus omnibus, quas  
possidebat Bernardus, agrum tan-  
tum ab Vrbe Sena quindecim mil-  
lia passuum longè, cui nomen Ac-  
cona erat, sibi retinuit. Ager silue-  
stris, incultus, felicosus, sterilis, dumetis oblitus.  
Inter foueas, & barathra desertissima solitudo, à  
plebe procul, & ab omni hominum cultu tacitur-

*Acconensis  
deserti de-  
scriptio.*

ma



na seruat silētia, vndequaquē interclusa rupibus, ferum quidem receptaculum, nec ipsis commodum feris. Accona argillosis coercita in gyrum vallibus profundioribus, quibus imperuij sunt solares radij, horridis pallet nemoribus, cecis fuscatur umbris, interq; ferales cupressos consepulta luget. Tesqua ibi inhospita, hispidæ siluæ, obscura caligo, noctem habet locus, tenebras in ipso meridie viator, metumq; mutum. Non admurmurat ibi ruens è muscoso saxo riuulus, non è marmore, topquoquē scabro scaturit fonticulus, non canorus interfluit amnis; non surgit, vel ruit vnda garrula argentea arcendæ siti, ripa ibi florens nulla ridet. Viæ cretaceæ, & lubricæ, pes titubans gradu firmo consistere nequit. Ne ille labatur, vititur ferreis vncis gens illa rustica, ferratas habet calceorum plantas, vt vndē surgit vita ferreos reliquos mores consideremus. Hyemis tempore à vorticosis torrentibus datur sæpè præcipientes rupes; Imbres, ventiquē perfremunt, reboant valles, & excussa truculento eorundem ventorum impulsu, corruunt antroꝝ fragmina, & veluti tonitruum horribili mugitu, ad horroꝝ intonat, respōsatq; Echo. Incutit Accona nescio quid in ipso squalore religionis, atq; pietatis; ipsa tamen tetra, afflante diuino Spiritu, inspirat pias preces, sanctas lacrymas, dulcissima suspiria, ardentissimos amores. In hac tacita Eremita, in hoc terræ siluoso angulo latent spectacula poenitentia subducta ab hominum oculis. Hic tacentes siluæ, exesa antra, rupium iuga, latebrosæ specus,

inac-



inaccessa latibula, ferina cubilia mentes ad cælestia dirigunt; sunt etenim rupes illæ scruposæ scalæ fastigiatae ad Empyrium, ad Numinis soliū. Vno ex vallis latere oculi nonnisi nimis erecti, & defatigati valent cælum contueri, vt benè mēs notet, vi opus esse viuida animo Superos conspecturo. Habet ex altero (vbi curuius sinuatur in Vallem) Accona Clusurium Oppidulum conterminum pendens præcipiti vertice. Vnus est, & quidem angustissimus ad eandem vallem aditus, nec nisi per pensilem pontem ligneum datur descensus. Sunt ceteræ inaccessæ rupes, & inuiæ. In hoc deserto, quod circumquaque marginat horror, vitam incipit pœnitentiæ sacram Bernardus, proprijs manibus, & sudoribus vnâ cum socijs in coeno, nescio, an loculos, an cellulas excitat. Extruunt Eremicolæ rusticum sacellum, arâq; Virgini Sanctæ Scholasticæ Diui Benedicti sorori dicant; colitur nunc cultu satis pio, memoria profectò ad posteros; huc ad religiosum psalmodum concentum conueniunt, sacro intersunt, & profusissimis lacrymis quotidie sacra, cælestique dape vescuntur. Non longè ab hinc scabro è topho stillat parcissima vndula, nec arcendæ siti sufficiens. Mugit hic quandoquæ opacis cauernis, profundisq; latebris, ex intercluso spiritu, vallis, estq; ille mugitus minax in Tartara, & in scelera tubæ clangor. In hac valle, in hoc vallo adest noster heros Bernardus sui victor, sensuum triumphator, Erebi debellator. Sumptuosa conuiuia, spumantia pocula fame punit, ac siti; superbos

L

tumo-



tumores horrens fugat specus, & anteaetos errorum calles asperæ castigant sanctimonie, & seueritatis viæ. In hac demum terra verè deserta, inuia, & inaquosa experitur Beatus Pater, quò magis humana, & mortalia absunt, eò magis diuina, & æterna adsunt, & vbi horror infremit horribilior, ibi suauitas diuini amoris dulcior instillatur.

*B. Bernardi in Eremo indumentum, corporis maceratio, vita genus.*

### C A P V T I I.

**C**oncessit in Eremum Bernardus anno à debellatis tartareis vmbis millesimo trecentesimo tertio decimo, Clemente V. Pontifice Summo regnante, exutusquè interiùs, & exteriùs veterem hominem cum suis actibus, nudus, & liber solutus sæculo, mūdano calcato fastu, Iesum Christum induitur pauper. Eius indumentum horrens cilicium ad pedes vsquè demissum, vt durum, sic pium, hac veste æstiuo tempore nimis æstuat, hyemali nimum alget. Præcingit nodoso, asperoquè fune lumbos, nudis pedibus per aspera sētetica perambulat. Hic etiam sociorum amictus, exiguus, pauper, despiciatus, & pungens, hic omnium, qui ad Acconam sub Bernardi disciplina victuri properabant. De vestium colore nulla prorsus Eremiculis cura, dummodò ad fuscum, pullumquè tenderet. Nemo asperiori indumento

*Quo anno in desertum secessit Ber.*

*Ex Gregorio Lombardello lib. 2. in vita B. Bernardi.*

*Amictus Ber. & sociorum in deserto.*

ami-



amictus, quàm Bernardus, quippè qui omnium se facinorosissimum dicebat, miserrimum, & penitentiae egentissimum. Hanc unicam hauriebat lætitiā flendo, quod ab eius oculis nunquam cessarent flumina lacrymarum. Cibi illius non ad delicias, sed ad vnum corporis fulcimentum, ad refocillanda, stimulante fame, languida membra. Erat esca incondita leguminum pauperies, olea agrestia auulla è terræ glebis, herbarumquè radices. Vescabatur quandoquè, vel concussæ arboris fructibus, vel ex illa discerptis, data opera, immaturis. Victus hic inops, optimæ erant epulæ, erantquè illius bellaria ipsa esuries; nec arcebat fames tam misero cibo, nisi ad breue tempus; preces tamen, quæ præmittebantur, erant longissimæ. Potus, aqua è cælo missa, è pluuijs collecta multis efflagitata suspirijs, siccis faucibus, supinis manibus. In fame, qua torquebatur, Seruatoris Iesu famem protractam quadraginta diebus in deserto, totidemquè noctibus, considerabat; & in siti, qua vrebatur, vel in turbida, & limosa aqua amaritiem fellis, & aceti, quam in Cruce libauit Iesus, contemplantur. Fame, & siti carnem excruciat, edomat, vt de illa spiritus benè, & tutius triumphet. Condiebantur tamen escæ illæ rusticæ immortalis Paradisi vitæ Indico saccharo. Amariora aromata seruis Dei dulcescunt, Omnis cibus illis nectar, aqua cœnosa fit crystallina. Famem, sitim, æstum, frigora tolerare experiebatur Bernardus quid dulcissimum; appellabatquè omnium rerum in Erema pauperiem, & egestatem,

*Cibus, & potus B. Ber. in Erema.*



Seruis Dei  
omnia dul-  
cescunt.

affluentissimum Dei munus. Inexhaustæ etenim diuitiæ iugis erant æternæ beatitudinis meditatio. Ipsa corporis afflicti lassitudo erat robur spiritus, nec tam rabida sitis vrebat guttur, quam inebriabatur anima æterno felicitatis torrente. In atrociori spirantis Boreæ frigore suismet calefiebat suspirijs, nec ei vnquam placidi Zephyri murmur spirauit suauior. Sanguineis flagris lacerabat seipsum, sui quæ sanguinis operimentum, erat ei regalis purpura, pretiosa toga; humi strata storea, vel nudæ terræ proiectus cubabat. Traducit quâdoquæ dies, noctes quæ insomnes. Oriebatur Sol, nec vllus illi occidebat poenitentiæ feruor. Primas Aurora præmittebat faces, & ipse suos ardores sacros augebat. Nè sopor orationi, manuum quæ operibus tempus eriperet, cervicalis durus ei erat, vt per horulam somno datam, esset etiam irrequietus in requie. Miserrimus cibus, parcissimus potus, pungens operimentum. nostri Ducis Deo tantum diuitis in deserto, delicia. Illi siluestres volucres, vel cælestes Angeli nemorum sacras concinebant laudes, quibus ad æterna rapiebatur. Excreuit Bernardo confectio macie, pallore quæ, impexa coma nulla coercita ferro, promissa quæ barba pectore tenus; aspexisses in Eremito monstrum seuerioris sanctitatis, vidisses Ioannem Baptistam non edentem, non bibentem. Tantus est in homine Deus cum inspirat.

Pia



*Pia B. Bernardi in Eremo exercitationes.*

C A P V T III.

**I**Vgis, & quidem iucundissima in opacissima  
cæspitibus, siluisquæ horræti valle, quies Ber-  
nardi, suauissimæq; deliciæ erant Deo omni bo-  
no frui, mentemquæ in cælum semper attollere.  
Exspatiabatur eius animus libero volatu solutus  
Mundi curis, veluti sublimis aquila per intermi-  
na illa Empyrij beatitatis spatia. Eleuabat se su-  
prà se, fiebatq; se ipso maior, & ipsius Dei, inces-  
santi cogitatu, & amore feruentissimo, capax.  
Meditabatur sæpè beneficia illa Dei hominibus  
communia, ceterisquæ creaturis, productionis  
nimirum, & conseruationis. Quamlibet ob rem,  
quæ vel menti, vel oculis, vel auribus, sensibusq;  
ceteris obijciebatur, Numen Creatorem, & Ser-  
uatorem laudibus, vt creaturæ concessum est,  
euehebat. Stupore corripiebatur ad primæuæ  
creationis memōriam. Quomodò ex nihilo tot,  
ac tam mira tùm in cælis, tùm in terris Dei potēs  
manus excitasset; quomodò constanti vicissitu-  
dine eadem suo nutu conseruet, non per hæc cu-  
riosa philosophiæ indagine vagatur, nō tumorem  
veritatis affecutio redolet, sed christiana pietate,  
cælestiquæ amœnitate refertur animus rimans  
hæc omnia. Videbātur iam contemplanti Deum  
Bernardo vallis, & nemora, rupes, & antra, her-

*Mira B. Ber-  
nardi contē-  
platio ex om-  
nibus, qua  
sēsis hauri-  
ebat.*

bulæ,



bulæ, & flores, siluæ, & saltus, Cæli theatrum, quo summoperè delectabatur angelico sensu illa percurrent. Micat soporifera nocte Cælum errabundis suis sideribus, & Bernardus seipsum ditat, quasi sibi fulgentibus, superis illis piropis. Ex qualibet re messem eruebat meditationis amplissimam. Ex apicula, arenula, herbula, flosculis, ex minutis reliquis efferebatur ad omnipotentis gloriam euehendam. Si in vitis frondem angulosæ vento excussam, si in viridans arboris folium tot veluti nervis distinctum figebat obtutum, æternæ sapientiæ artem expingētis admirabatur. Discebat ex auibus è ramis pendētibus, cantuq; mulgentibus nemora laudare sapissimè Deum, pictarum volucrum voces tubæ ad spiritalem militiam, ad psallendum Deo fiebant. Quidquid intruebatur vox erat suis auribus reboans, vt pro restituta luce gratias referret immensas, & cum ipsi nunquam deerat quod videret, nec eidem deerat pabulum feruentissimæ meditationis, & laudum. Nunquam ergò ociabatur in deserto. Sibi vni omnia ab effectrice Dei manu, & creata, & conseruata dicebat; fatebatur se tamen seruum indignissimum, qui Cælum conspiceret, qui contemplaretur quæ in Cælis sunt, vel cælestes spiritus, vel reciprocos cælestium sphærarum motus, vel beatas animas, quæ in Empyrio degunt, vel æternæ felicitatis Authorem Deum. Querebatur quod de omnibus, quæ, vel mentis, vel corporis oculis proponebantur, nesciret vniuersa refundere ad gloriam cōditoris. Cū verò ad redem-

ptio-

*Mysterium  
redemptionis  
contemplatur  
Bernardus.*



ptionis opus, vel suæ vocationis, & ad cetera peculiaria beneficia, quæ ei Deus contulerat, mentem appellebat, irrigabat vberi lacrymarum imbre genas; sitiebat suum è venis cruorem effundere pro sibi à Iesu effuso sanguine; spargebat tamè eundem Bernardus rigidi flagri verberibus. Surgens ex oratione, sacrisquè iteratis precibus, diuinæ scripturæ libros, sanctorumquè Patrum monumenta euolvebat, Eremitarum austeritatem attentissimè adnotabat, inhiabatq; illorum vitæ austerioris hære vestigijs, nunquā satis putans quæ ipse operabatur. Tempus male tritum in Mundi ludicris deplorabat assiduè. Ex vtriusquè noui, & veteris testamenti voluminibus, & Sanctorum Patrum codicibus, quos Diuus conscripsit Hieronymus, multa excerpebat ad Dei laudem, & ad incrementum pietatis, sic è collationibus Cassiani, & opusculis Ephremi Syri, necnò Bernardi Claræuallensis elucubrationibus, & ceterorum, vel Eremiticæ, vel Cœnobiticæ vitæ insignium, gesta virorum sanctimonia excellentium rimabatur, vt eorūdem imitaretur virtutès; hyblæa erat apis, sugebatquè mel cæleste, & in aluearium mentis condebat, seruabat operaturus iuxtà Sanctorum exempla gloriosa. Presso verò spiritu mortalis corporis sarcina, ne in ocia rueret animus, & noxios, lethalesquè ebiberet ocioso è poculo sensus; exercitationibus, operibusquè manuum dabat operam. Aliquando ligone terram effodit, fruticantes versatquè glebas, nunc virgis, mollibusq; iuncis sportulas, seu vimi-

nibus

*Lectioibus  
SS. Patrum  
incumbit.*

*Operibus  
manuū dat  
operam.*



nibus intortis fscellas texit; nunc scirpicula ramos amputat, sentes, & cæspites deruncinat, securi cædit arbores, ramosq; lasciuentes abscindit, colit agellum, hortulum; excavat ad aquas è nubibus datas, puteum; cellulas, seù potius tumulos vnà cum socijs in argilla plures extruit, sepiolas componit gratissimos oculi labyrinthos. Vias, callesq; parant in valle præcipiti, & lubrica, & tetrica castigata rupium seueritate, molliores redduntur semitæ; trahunt onerarium lignis, vel terra onustum sancti Eremicolæ, nunc ad arcendum frigoris rigorem ligna componunt ex fneftis plantis, ramisquè recisa; nunc olerum, florūq; iaciunt, creduntquè telluri semina, ornantquè vallem cypressorum funebri siluula ad iugis mortis memoriam; nunc easdem cyparissos ad vias firmandas contrà aquarum profluentium impetum hinc indè ordinatim disponunt, nunc nouas aduenientibus hospitibus specus effodiunt, sicq; informi deserto contendunt vicissim dare formam cultissimam, & interiorem simul hominem nutriunt. His agrestibus laboribus distenti, vel psalmodiæ vacant, vel tantum inest silentium, vt nullo habitatas à mortali valles illas fatereris; totos ergò dies in meditatione, in recitandis psalmis, in sacris lectionibus, & manuum operibus transigebant Bernardus, & socij in deserto. Contemptores Mundi nudis pedibus pessundabant honores, opes, purpuras, coronas. Astra, in Empyriū iāiā ascēsurī, videbātur p̄mere; inter gloriores Diuos post momētaneā pugnā, numerādi.

Con-



Confluunt plerique in Acconæ valles. B. Bernardum visuri, quos ille ad Eremiticam vitam hortatur. Rogatus renuit sociorum regimen, nec peculiares leges statuit, conciones plures, & pias ad Eremicolas habet.

## CAPVT IV.

**Q**uamuis in Eremitico recessu, & cauernosis penè sepultus in spelæis esset Bernardus, non potuit tamen diù latere; Sic Sponsa cælestis in canticis, etsi humilitatis pallio virtutes, & penè diuinam formositatem celare contenderet, detrahitur tamen ei ab Angelis populum, vulneratur amicè à custodibus, & Ciuitatis circitoribus, atq; vigilibus, vt innotescat eius pulchritudo, decorque eximius circumquaque magis effulgeat. Sic Elia Elisæo præcepit, nè triumphum, quo Deus illum cohonestare statuerat, cuique aperiret, hinc pergit vsquè Bethel; è Iericho ad Galgala gradum festinat; voluit tamen Deus, vt agmina prophetantium filiorum Eliam triumphantem in igneo, luciferoque curru, cælestibus radijs fulgentissimum, admirabunda spectarent. Umbra humilitatis est lucis parens candidissima. Radiant vndique cælestes fulgores. Currus per æthereos campos paratur humillimo solitario. Volat currus, volant ignei equi, exsuf-

Cant. 3.

Sanctorum  
gloriæ Deus  
patefacit.

4. Reg. 2.

M

flant



Exod. 34.

Luc. 7.

B. Bernardus pia monita adueniensibus ad Eremum dabat.

Eremita felicitas pie uiuentibus.

stant scintillas, & flammæ, & circumuolat fama, repletque Orbem. Veli volumine, inuolucroque precingit frontem, & fasciat tempora Moyses, ut vultus claritatem populo tegat, fulgent nihilominus insueto iubar in radios fusi crines. Scintillabat, præradiabat frons, excurrerat inundans lux, & penè diuinus decor, etsi premantur nitores, ita tamen erumpunt, ut in eum nequirent oculos intendere Israelitæ. Clauditur in deserto magnus ille Baptista, & inundant ad eum turbæ adorabundæ daturæ Messiae sceptrum notiori in specu, quàm in Vrbe. Sic Bernardus noster clarior in Eremito, quàm in turbis, percrebuerat ubique; nomen illius sanctimonie, & admirandæ poenitentiae; quare multi alloquuturi, ipsumque videndi studio, ex longioribus tractibus ad recessus Acconæ properabant; aliqui illius coecas Deserti habitaturi cavernas, multi spirituali vita B. Patris documentis instruendi. Alij pressi mentis angoribus leuandi pijs solaminibus, & consilijs. Hortabatur omnes ad optimam viuendi normam, solabatur, edocebat sanctiores vitæ ritus, Iesum sequerentur, à quo solum animi quies. Dato Campanulæ tintitu Acconæ incolæ conueniebant Bernardum audituri ad aliquam frondentem illius vallis rupem Psallebant postmodum alternis choris, nunc hoc, nunc illud facellum, quod per valles extruxerant, inuisant dispalati, vel bini. Aues ipsæ ad diuinas laudes eos excitant, vel excitantur illarum plallentium Eremitarum vocibus. Nihil illis anfractibus, atque cavernis horridis, tranquillis

eorum



eorum cordibus amore diuino feruentibus, vel concinnius, vel suauius. Nemorosus illis rupibus sæculi nobiliores, & potentiores oblectati, verbisque allekti nostri Ducis de Mundi concionantis quisquilijs, ludibrijs, de breuissimo euolantis vitæ cursu, de æternis coronis legitimè certantibus paratis, de immensa beatitate, mundanis illecebris se abdicantes, sæculiq; voluptatibus statuebant esse in illis vallibus magis, quàm retrogredi ad Patriam. Erāt Bernardi labia victæ coccineæ charitate fragrantia, quibus vinciebantur aduenientium illuc, & audientium corda. Hi ad B. Patris pedes humiliter prouoluti rogabant multis lacrymis, & precibus, vt in Acconensi solitudine, latebras saltem, vel latibula eis largiretur Deo famulaturis; excipiebat ipse vlnis charitatis, quos diuinitus nouerat in spiritu eremitico, & sanctoribus disciplinis profecturos, hi elegantioribus mundanis vestibus abiectis, neglectisque crinibus, vanoq; ornatu induebantur pullo, vel cinereo aspero amictu. Felix mutatio, cinerea vestis ignem claudebat immortalitatis, asperiores horrentis cilicij stimuli calcaria sunt ad æternitatem, ad deliciarum cælestium cursum. Sed aucto Eremitarum numero, informi, squalentique deserto, multitudine operantium manuum penè ciuica, vel cælica datur forma, fitq; horror ipse Eremiti venustus, & ipsa venustas horrida. Procul erat ocium vitiorum Sator. Vidisses rupes excultas hilares, sepes fruticosas calamis textas; hinc indè areolas instructas violis, lilijs, rosisque, & disco-

Cant. 4.

Multi in  
Eremo esse  
contendunt.

Eremiti horror  
fit venustus  
incolentium  
manibus.



Gen. 27.

loribus ridentes floribus. Concinunt in opacis  
 siluulis pēnigeri auium greges, eratq; suauissimus  
 odor illius agri pleni, quippè cui benedixerat  
 Deus. Sermonem habebat Beatus Pater ad Fra-  
 tres, ad pusillum Eremitarum manipulum. Præ-  
 stat, aiebat ipse, non esse in deserto, quàm in de-  
 sertō ociari, discamus hic fortiter Deo inhaerere  
 fame, siti, algore, æstu; puras in cælum manus ex-  
 tollamus, cum Satanae machinamentis, vel terreis  
 rebus vexamur, suspiciamus Cælū, ubi, post per-  
 breue certamen in valle hac, in eiusdem Cæli api-  
 ce æternæ nos expectant coronæ. Moriamur  
 Mundo, ut vni Deo viuamus; adigamus carnem  
 in seruitutem, ut vnus spiritus dominetur. Deri-  
 damus purpuras, præter quas nostris manibus,  
 sanguineis flagris, comparabimus.

Eremiticæ  
 efflagitant a  
 Bernardo, ut  
 ipsorum sit  
 Pastor cu-  
 ramque ha-  
 beat.

Magna B.  
 Ber. humili-  
 tas.

Efflagitāt interim, Ducem ex virtute sumptu-  
 ri, orant, obsecrant, obtestantur Bernardum, ut  
 ipse vnus Eremitæ sceptrum habeat, iura sanciat,  
 statuatur iussa, vni omnis sacrae solitudinis Principi  
 obsecuturi. De asciscendo Rectore non est, quod  
 pij viri disceptent; renuit humillimus Bernardus  
 omnium se mācipium laqueis charitatis vinctum  
 dicitur, omniq; prælulatu indignissimum. Horta-  
 batur tamen eos ad diuinæ legis custodiam, ad  
 euangelica adimplenda monita, ad Catholicæ  
 parendum Ecclesiæ, ad Sanctorum Patrum salu-  
 bres institutiones; meminissent insistere vestigijs  
 eremiticæ vitæ Patrū, qui Aegypti, Syriæ, The-  
 baidis arenosas, desertaque solitudines incolue-  
 runt, qui in cauernosis terræ saxis, & visceribus

latue-



latuere in specubus, quibus non erat dignus Mū-  
 dus. Sit, exclamabat, charitas omnium nostrum  
 gubernatrix, nitetur alter alteri in religiosiori vi-  
 tæ austeritate præstare. Simus pauperes corpore,  
 & spiritu, oremus pro Guelphis, & Gibellinis,  
 quorum dextera cognato sanguine scelerantur,  
 & funesta cæde horrescunt sordescunt Italiae pla-  
 gæ. Non erimus ociosi in deserto, nec Mundo  
 inutiles, si sæculi ludibria, & crimina defleueri-  
 mus. Non minus operabatur Moyse, manibus  
 immotis ad cælum supinis in loco solitudinis,  
 quàm milites ceteri conferētes inuicem gladios,  
 ad victoriam Israel; proficiebat magis ille vnus  
 orans in deserto, quàm multi manibus dimicātes  
 in campo; gladius est oratio vtràquē parte acu-  
 tus, & qui habet illum in ore, habet cæli stellas,  
 diuina scilicet munera, in dextera. Vos, qui ma-  
 num feliciter ad aratrum apposuistis progredia-  
 mini vltcrius, vt apti Regno Dei beatissimo sitis.  
 Mementote vxoris Lothi vertentis se ad Penta-  
 polis conflagrantis incendium in statuam salis  
 cōuersæ. Nolite egressi de Aegypto, Pharaonisq;  
 imperio, nec mente illuc reuerti effusuri denuò  
 miseros sudores inter spinas, & ignem addicti lu-  
 ti, & laterum operibus vilibus. Nè foetidas Ae-  
 gypti elcas appetamus pasti hìc cælesti cibo. Eli-  
 gamus excruciami magis nunc cum populo Dei,  
 quàm venenato gaudio sæculi frui. Non tantum,  
 ò socij, peregrini, & viatores hìc simus, sed Mun-  
 do etiam mortui, vt vita nostra abscondita sit in  
 Christo, in quo est salus, & resurrectio nostra.

*Pios sermo-  
 nes habet B.  
 Ber. de perse-  
 uerantia in  
 Eremo.  
 Exod. 12.*

*Apoc. 1.*

*Luc. 9.*

*Gen. 19.*

Simus



Num. 20.

Psalm. 2.

Simus Mundo crucifixi, nè ad quippiam, quod Mundum oleat, se nostra manus extēdat. Auscultemus diuinis monitis, libemus in hac solitudine hostiam iustitiæ; nè bibamus de calice Babylónico, qui etsi appareat aureus foris, verè intus ferreus est. Dabit, qui dedit de asperrimis silicibus in deserto potabiles dulcedines, ex his siccis rupibus dulcissimas aquas, ebibemus ex ipso fonte diuinitatis. Apprehendite disciplinam ne quando in iram concitetur Deus. Referemus tandem de hostibus trophæa insignia, præclaros triūphos, æternæ gloriæ spolia. Ingrediemur ad terram promissam lacte, & melle manantem; lacrymas fundimus mæstas, sed risus amœnos habebimus; angores toleramus, sed dulcores colligemus; serimus tormenta, sed gaudia metemus; iacimus suspiria, sed quietissimæ pacis pondera Beatissimi consequemur. Nostra egestas ditissima est, suauissimæ lacrymæ, dulcissimi dolores, felicissimæ poenæ; nostra paupertas, faustum cælestium diuitiarum præludium. Victus noster herba si simplex, si vestis cilicium, si cubile humus, si puluinar saxum, mutabuntur hæc omnia in æternas delicias. Cilicium cingulum erit sidereum; spinosa humus stellatæ viæ trames ad Dei solium lacteus, & suauis. Decreti sunt nobis Cæli post terrestre certamen, & ultra sidera, quæ intuemur, degemus. Recolite Eliam degentem in torrente Carith, Elisæum in Carmelo, Baptistam, cuius cibus erant locustæ, & potus aqua, in solitudine. Audite horū voces. Non hic Antonios, Paulos, Hilarios, Pacomios,

Mar-



Martinos, & ceteros eremiticæ vitæ Principes memoro. Nè patiamini saltem imbelles, mollesq; feminas de vobis in vitæ eremiticæ austeritate reportare victoriam. Quem vestrum latet pœnitens Magdalena in deserto? Quem Aegyptiaca Maria? Pugnemus ergò nos homines alacrius, quàm illæ cum carne, cum sanguine, cum Tàrtari tenebris. Vertemus Dæmonum minas, & arma innugas, & in eorum ludibrium. Duremus, tolemus. Latetur, & triumphet in Deo Iesu suo, sub quo militat, quilibet nostrum. Ebibamus de turbido pœnitentiæ torrente, vt inebriemur in cælla vinaria diuinæ charitatis. Prosequamur nudi nudum Christum, baiulemus cum illo crucem, erit ipsa crux virga, & baculus nostræ peregrinationis, mutabitur eadem in sceptrum gloriæ, & virgam decoris. Esuri hîc, siti hîc anima mea, epulaberis ibi, dabit amans Deus pro cœnosis aquis fontes crysta linos, pro amaris cibis dulcissimas escas, pro breuissimo doloris curriculo, sempiternam felicitatem. Intueamini mea viscera, Cælos, Sidera, Solem, Lunamquè, ipsam lucem Dei pretiosissimam supellectilè, & despicietis, fœdissimam terram. His, & similibus Bernardi verbis excitabatur eremiticus grex qui longa siti, & fame penè enectus, vix spirans, & protrahens non tam vitam, quàm asperam mortem, gracilis, pallès, promissis barbis, incomptis crinibus, contextus cili-cijs, lugubri amictu, nudis pedibus, præcinctus funibus, expugnabat Dæmonum agmina. Exemplo nostri Ducis militant strenui Athletæ; & qua-

si ad



si ad pacis littus appulsi ad illas rupes, nolebant amplius insanis Mūdi fluctibus agitari, memores sæculi ludibriorum, brevisquē Eremitæ laboris, & certaminis æterna parituri gaudia, & coronam felicitatis. Cognoscebant cælestia, illudebant Terræ nānias, & proditrices illecebras. Sedebāt à Mundi strepitu alieni, solitarij. Hæc Eremitarum vita, & hi mores; sed quid de Bernardo dicam? Acclamabatur ille omnium Pater, columna Eremitæ, nouus Baptista. Si quis in Acconensi deserto fortè imbecillis, roborabatur solo tanti Ducis aspectu. Siquis fortis, euadebat fortior. Si quis tepidus, seu frigidus inflammescibat. Felix Pater tam illustrium filiorum. Felices filij sub tanto Patre. Vos hic labor habet vnus, habebit, & in empyria sede vna quies beatissima eternitatis.

*Venenata dona mittuntur B. Bernardo, ut pereat in deserto, sed diuinitus ea dignoscit, signoq; crucis toxicum depellit.*

#### C A P V T V.

**H**ic rerum in Accona status; cum callidissimus ad nostram perniciem propensissimus Satanas Bernardo insidias parat, ut pereat; utq; citam, certamq; obeat mortem, impium quid ipse impius struit, infremit ira ob tot animas, hominesq; illius exemplo, ac suasorij verbis, ab eius faucibus, imperioquē ereptos, ob sacrum, cæleste

bel-



bellum in ea sibi solitudine esurie, siti, flagris, precibus, ceterisque pijs operibus parandum, ob gloriosas pugnas quæ electa ea, & eremitica insignium virorum castra essent gestura. Occasionem nactus impietati aptissimam, quid horridum mente agitat. Efferuescebant odijs tunc temporis Guelphorum, & Gibellinorum factiones hostiles. Gibellini, ut hostibus suetum, crudelissimâ in omnes, qui à Guelphis erant ferociam, atrocitatem omnem, internecionem parabât. Causam hic breuiter, atquæ tantorum odiorum originem cursim perstringam.

Pistorij, quæ est celebris Tusciæ Ciuitas, duæ erant sectæ, altera Panciaticorum, Cancellariorum altera, duoquæ fratres Primus nomine Guelphus, secundus Gibellinus. Guelphus Panciaticos, Gibellinus sequutus Cancellarios, aspera eorum odia, & truculentas inimicitias ipsi etiam ebiberunt; atquæ uti è potētissimo phalerno grauiores, & retriores emergunt facis reliquiæ; sic duo hi Fratres, fraternis calcatis beneuolentiæ legibus, in acerrimos conflictus, & odia se dederrunt præcipites. Ex his igitur fratribus armorum strepitu insignibus cœptæ vocari in Italia infensæ factiones Gibellinorum, Guelphorum. Gibellinus cum affeculis à fratre Guelpho fuit Patria pulsus. O quàm verum; Regnantes duos vnica non capit aula! Horum fratrum exemplo diuidebantur nedum in vrbibus italjs, sed oppidis, oppidulis, suburbijs, compitis, domibus, & in ipsis familijs hostiles sectæ, cruenta odia. Dixisses è

*Origo Gibellinorum, & Guelphorum factionum in Italia.*

*Lege Sabellium.*

N

bara-



Fridericus  
II. Imperator  
pro Gibelli-  
nis.

Greg. IX. cō-  
cionem habet  
pro extin-  
guendis tur-  
bis pugnan-  
tiam factio-  
num.

barathris excitata praelia humanum genus deua-  
statura. Pugnabatur acerrimè pro ipsis tantum  
Guelphorum, & Gibellinorum nominibus. Erat  
in illo funesto, & ferreo sæculo Pisis Imperator  
Occidentis Fridericus Secundus Romanæ Eccle-  
siæ infensissimus, Pontificique Gregorio IX. tum  
sedenti, ut ceteris prædecessoribus barbarus ho-  
stis, & nescius quænam ipsum foret factio secu-  
tura, se tandem ex Gibellinis est passus, quorum  
armis Imperator auctus, & Imperatoris itidem  
accessu, auctior facta ipsa Gibellinorum secta,  
Ecclesiæ toti, Guelphicæque parti strages innu-  
meras, & neces intulit (quæ nec mente percipi  
queunt) horribilissimas. Boni omnes, pijque viri  
in tetra luctu, & mesto squalore iacebant, præ  
omnibus verò sanctissimus, & Summus Pastor de-  
plorabat Italicas oras diabolicis agitata furij,  
ferino more, comite tantum perfidia, contra fas,  
& ius omne, arma capientes, pugnautes, depopu-  
lantes, deuantantes seipsas. Indixit sacra, & pia ie-  
iunia, frequentiores Sacramentorum usus, & alia  
multa, ut pestem illam ferocissimam, vel fugare,  
vel linire posset. Concionem habuit feruentissi-  
mam ad populum, quod summa stulticia pro no-  
mine Guelphico, vel Gibellinico homines seip-  
sos darent præcipites interitui, fratres interfice-  
rent, in proprios sæuissent parentes, sacra profa-  
narent, templa polluerent sanguine, Dei tandem  
Ecclesiam, eiusque Pastorem acerrimè persequerentur,  
foedarent, funestarent denique cuncta. Tetigere animos, populi que corda, verba effer-

uen-



uentissimè effusa à Beatissimo Summo Pontifice ità, vt omnes illum sequerentur, starentquè pro eo subituri millies mortem; sic, authore Psalmista, peccatorum desiderium perijt, & impij, crudelesquè conatus Gibellinorum euauere. Mens & voluntas omnium ad Guelphos versa, & ad Summum Pastorem. Abeant aridi, & mortui eorum conatus, qui caput non agnoscunt suum. Habet Ecclesia insurgentia sternere monstra, habet ipsa gloriosos Hercules suos. A Pontifice ergò, & ex pontificijs asseclis fuit Minus Bernardi genitor, & etiam ipse veluti fidissima Pastoris ouis, quare à Gibellinis, etiam tanquam caput Eremiti, & strictioris sanctimonie cultor odio habebatur acerrimo. Nihil tam saeuè inimicos torquet, quàm virtus, & probitas; & vt omnia inter, nil tam vnquam habuit infensiores hostes, quàm virtus, sic eosdem vidit semper ipsa fugaciores, & perditos. Arx est fortissima virtus, & probitas, non verba eam quatiunt, nec enses feriunt, nec odia agitant, nec inuidus perdit liuor; spumet, & latret vnda ferocior animorum, fremit impetus acrior aduersatium, illa ridet vndas, spernit ictus, calcit austros, fremitus prosternit sonoros. Ex asseclis, seù potiùs ex diris Gibellinorum furijs, quidam Bernardi glorie invidentes sanctitatis fama vndequaquè celeberrimi, & Ptolemaeorum nominis noui fulgoris, Bernardum (Nihil sanctitate augustiùs, nihil ad æternandam prosapie memoriam concinniùs) perimere moliuntur. Et quid belli parat vobis homo nudus, inermis?

*Psal. lxxi.*

*Ptolemai ex  
factione  
Guelphica.*

*Virtutis  
quanta sit  
prestantia.*



Quæ formido, qui terror expectandus ab Ere-  
mocola? Instabat lætissima resurgentis Numinis  
dies, qua Seruator noster, subacta morte, trium-  
phale corpus resumpsit. Statuunt in tanta cele-  
bri luce vitæ, mortem, mortis filij Gibellini, Patri  
nostro inferre, rati etiam ceteros Eremum reli-  
cturos, amoto Bernardo Principe. Destinant  
famulum callidum, & in versutis cunctis versatū,  
qui venenatas in desertum ferat epulas. Asportat  
truculentus ille veneno infectæ carnis cistellam  
brachio insertam, vinumquæ itidem sæuissimo to-  
xico inspersum. Audet calcare viam tantæ lator  
mortis? Viuit gradiens ad Bernardi, & Eremi ex-  
cidium sacrilegus Histrio? Cui fulmina cælum,  
tonans referuas? Tenet iam consilium in mente  
pessimus nuncius, aitquæ effrons, & venerabun-  
dus Beato Bernardo à viris pijs ad eam se solitu-  
dinem missum, ferrèq; cibum, potumquæ, elee-  
mosynam frugalem, vt ipse, & Sancti Eremicolæ  
socij in tanta vitæ austeritate reficerentur, vtquæ  
piè, ac religiosè pasti die omnium solemnissima,  
alacrius Deo inseruirent, precesq; funderent pro  
ijs, quos charitas tetigerat, & illa miseruunt. Ber-  
nardus è cælo monitus, dato humili feruenti su-  
spirio. Non me præterit, inquit, à quibus mitteris,  
& donorum, quæ sit charitas; sit mihi testis cæ-  
lum, quod vobis ignosco, precorquæ Deum, qui  
hostes iussit amari, & tibi, & his qui tua vsi sunt  
opera, propitium. His dictis, cistam aperiri præci-  
pit, & detrahi tomentum ab ænophori ore, & ma-  
nifestat adstantibus, factoque, vt moris est bene-

dicen-

B. Bernar-  
dus epulas  
venenatas  
diuinitus  
agnoscit.

Greg. Lom-  
bard. in vita  
B. Ber. lib. 2.  
cap. 14.



dicendi regulæ, crucis signo, quasi ignem suppo-  
 suisset sufferuet, & bullit vinum, non secus ac fi-  
 ctilis olla; effluit indè liquor niger, & spumeus,  
 dat colorem caro cæruleum, palamquè munera  
 toxici luridi præbent apertissima signa. Dein de-  
 ferenti famulo ait Bernardus; frustra contrà Dei  
 seruos struuntur insidiæ, ò fili, triumphauit signum  
 crucis de morte, de qua ipse Christus moriens  
 egit triumphum. Ijs referas, qui pietatis pallio  
 hæc ista largiti sunt, gratissima mihi, & socijs ex-  
 titisse, lethum misisse, non dedisse, si enim morti-  
 ferum, vel edamus, vel bibamus, Deo pollicente,  
 non nobis nocebit. Feras bestias in cicures om-  
 nipotens, & serpentum venena in salutaria phar-  
 maca mutat. Ederunt itaq; Bernardus, socijquè  
 de mortiferis cibis; nec quid mali perpessi; ille  
 verò, qui munus detulit Bernardi sanctitatem  
 admiratus, ad illius prouolutus pedes, veniam  
 humillimè poscit, tandem discedit. Viuit iustus,  
 ceù Palmes Christo viti iunctus, quem circum-  
 strepere potest coluber antiquus, non officere.

Marc. 16.

B. Bernar-  
 dus, & socij  
 vescuntur ve-  
 nenatis, nec  
 leduntur.

*Grassantur adhuc mali Dæmonis insidiæ, in-  
 hiatquè iterum Bernardi, sociorumquè  
 Eremitarum victoria.*

## C A P V T VI.

**Q**Væ per eos, qui extrà degebant non potue-  
 rat consequi malignus Dæmon, studuit

per



per domesticos Bernardi, qui eandem solitudinem incolebant, obtinere. Eremitæ enim plerique eam vitam perosi, inito inter ipsos consilio, quasi diu nequirent in illis rupibus degere, discedere statuunt, solumque B. Bernardum, si abire nollet, ibi destituere; quapropter ipsum adeunt, asseruntque firmiter illuminatos se esse cælitus, ut illinc statim abeant, quod tandem absque bonorum fructuum opere, desperati in deserto, ocij rei perituri essent; consequuturi tutius animæ salutem actiue vitæ in sæculo operam dantes, ibi plura charitatis studia peragi queunt. Asseuerant nocte à Deo admonitos per ipsius Angelos, quos habuerunt consiliarios. In sæculo carceres inuisemus, Xenodochia, perditis viris consilia præstamus salutifera, in sæculo Sacramentorum est administratio, ruituras puellas nuptui dabimus, sitientes potabimus, famescentes pascemus, indoctis pijs, ac sapientibus monitis præstò erimus; viduas, pupillosque tuebimur, & alia exequi plurima, quorum à nobis nouissima die seuerissimum exigetur iudicium. His omnibus Eremus caret bonis, & desolata loca destituta sunt, ibique vberior meritorum messis futura est, ubi maior indigentia. In deserto asserunt ferino penè more trahi vitam ociosam, aut homines Dij esse deberent. Et quis ad diuinitatis culmen in terra degens conscendere valet? Sumus hic puluis, & cinis. Et si quid in his spelæis valemus nulli alteri, nisi nobis ipsis frugi sumus. Non inter cancellos Vallis huius continendum amplissimum charitatis præceptum.

Bona opera  
pia, quæ in  
sæculo exer-  
centur, pro-  
ponuntur B.  
Bernardo à  
Demonibus,  
ut desertum  
deserat.



ptum. Omnia hæc seditiosè obmurmurant hi, quorum in ore loquebatur Dæmon tentator, qui in Angelum lucis se transfigurans pugnat, suasque faces auernales per illas rupes funestè rotat, videtquè Beatus Pater inclinata penè Christi eremitica agmina, & penè labantia, & dum constantibus precibus, & sanctis monitis restituere nititur, ecce maior ingruit sæua tentationis procella; duo enim Dæmones ementiti eremiticum habitum, alter ad viuum referebat Ambrosium Piccolomineum, alter Patritium de Patritijs, primos Bernardi socios probitate insignes, & illius solitudinis firmiores columnas, Dæmones ergò pallore insueto perfusi, humilitate profundiori, modestitudine cinericia, demissis oculis, complicatis brachijs ad Beati Patris pedes strati, ruentibus per genas lacrymis, summissa voce aiunt à Deo sibiipsis indignis seruulis patefactum perpetuis auernalis barathri damnandos cruciatibus vnà cum ipsomet Bernardo, nisi posthabito eo deserto ad feruentiora opera charitatis ab ipso Deo eis ostendenda, ad sæculum reuertantur. Non vocari ad ociosam solitudinem, sed ad oues perditas, vel palantes, & errabundas reducendas. Imperitis viris deserta loca, rupes, & specus, frondosas siluas cyparissos, quercus, & fagos, & inaccessibleia nemora esse parata. Maledictis subesse, qui talenta ad proximi salutem collata, in valle deserta effodiunt. Quid tibi ò Bernarde prodest, quod à cælo tam profusè participas? Quid tot anni in scientijs, in toga, in Reipublicæ exacti

*Dæmones referentes Ambrosium Piccolomineum, & Patritium de Patritijs suadent B. Bernardo à deserto discessum.*

*Greg. Lombard. lib. 2. cap. 13. in vita B. Ber.*

munc-



*Multa con-  
gerunt Da-  
mones men-  
titi eremiti-  
cum habitū,  
vt B. Ber. re-  
lictā solitu-  
dine ad se-  
culum reuer-  
tatur.*

*Psal. 12.*

muneribus? Quid ingenij acumen, sanguinisque  
tibi profapia dabunt ducturo saltus inter silentes,  
& umbrantes siluas vitam inertem? Nec con-  
cessum tibi lumen cælitus, vt hæc nemorosa cir-  
cumspicias resqua; sustolle sodēs ex his depressis  
vallibus oculos, intueri cælum, & ad opera cælo  
digna gressus celerato, properato viam; solare  
mœstos, Patriæ ruituræ, de qua iam sic optimè  
meritus, consule tandem. Tot illius miseras, tan-  
tam pauperum inopiam, tales calamitates, tot  
suspiria, tot languores, tot mala audis, & toleras?  
Nosti, & non accurris auxilio? Vel fera es sub  
hoc cilicio latitans, vel efferus homo feræ veste  
contectus, ingratiq; animi monstrum. Et nos te-  
cum hic peribimus, damnabimur omnes? Mise-  
reat te tādē nostrum, miseras vide, & provide.  
Nos vnā tecum ruemus in Patriæ periclitantis  
auxilium. Ferto opem turbis inter calamitosas  
interneciones gemebundis. Misereare indigna  
tolerantium. Abeamus hinc, discedamus, auole-  
mus, exurgamus tandem propter miseriam ino-  
pum, & gemitum pauperum, vt ipse nobis Numē  
conclamat. Sed patieris nē tu siccis oculis videre  
tot Eremicolas, tanquam Mundi iēctamenta om-  
ni spe destitutos ex his arborum truncis penden-  
tes, laqueo viam vitæ intercludere? Nos seposi-  
tas in has valles non cælestis, sed tartarei spiritus  
impetu delati sumus. Incolatur hæc solitudo à  
segnibus nullius frugi hominibus. Exaudi tu in-  
terim femineos vlulatus, infantium vagitus, ege-  
norum miseras, hi probati testes, & laudatores

penēs



penès Deum, cuius eris imitator, charitatis. Hæc  
 Omniregentis voluntas, hoc Superi iubent amo-  
 re erga proximum etiam in Empyrio flagrantem.  
 Resistere his vocibus, quàm impium. Conuer-  
 siquè larvati illi duo Dæmones ad Eremitarum  
 gregem sublatis manibus, signoquè discessui da-  
 to, exclamabant. O quicumquè has rupes, has  
 valles incolitis, si viam salutis, & promissæ quæri-  
 tis beatitatis, si æternam inter cælites vitam cu-  
 pitis, ab itote hinc, euolatote, en è Cælo vox no-  
 bis intonat. Nos derelicta patriæ moenia, nos ir-  
 rigui lacrymis pauperes, nos consanguinei, nos  
 amici, nos raptaræ Virgines, nos lugentes, passis  
 crinibus, Viduæ vocant mœrore confectæ. Quæ-  
 ramus, quæramus tandem non quæ nostra sunt,  
 sed quæ Dei, cuius sunt animæ, posthabeamus  
 cetera omnia, & charitati nitamur vni omnis per-  
 fectionis nobilissimo vinculo. O Bernarde, Ber-  
 narde, quid mente hæsitās? Quid longiùs adhuc  
 protrahis moras? Discedemus nos citissimi, di-  
 scedes & tu si sapias, & ingredi ad vitam optas.  
 Beatus Pater demùm, post longos ab illis sermo-  
 nes contextos, cælesti perfusus lumine, in eos  
 coniectis oculis, dignovit, non esse Ambrosium,  
 non Patritium, sed tenebrarum spiritus larvatos,  
 Eremicolarum ementitos vultus, quare actutum  
 ipse exclamat. Ite malis omnibus addicti rebelles  
 spiritus vestras in abyssos igneas, abite sulphurea  
 in cubilia, & loca, quæ vos expectant lata nocte  
 silentia; linguæ vestræ mendaces, quæ tanta con-  
 gerūt, expectantur à flammis, non est cur mentia

*B. Ber. novit  
 Dæmones re-  
 tiores, eosq;  
 fugat.*



mini ora Ambrosij, Patrijque. Monstra estis sty-  
gis, & inferorum; charitas vobis inest nulla, inui-  
dia vos vrit, & torquet, dignus, & aptus est ardor  
inferus sempiternus vestrae inuidiae. Discedite à  
sacra Eremo, terga hinc nunquam reuersuri ver-  
tite, datoq; praepotenti Crucis signo, ite tandem,  
subdit, praecipites in nomine Iesu ad barathra.  
Illi, horribilibus ululatibus, plangente silua, fu-  
mante nemore, lugente Valle, squalentibus ru-  
pibus, turbida flamma, pestifero sulphureo foeto-  
re, funestoque igne obuoluti, euanescere. Accona-  
felicis tantae spectatrix victoriae, tantorum admira-  
trix triumphorum Bernardi. O nemo beatissimū  
praestantissimi nostri Ducis sedes gloriosissima!  
Infremuit plausibili horrore nemo totum, & ex-  
cussae silulae Io, Io, euge Bernarde canebat. Plu-  
res Eremicolae Daemonum dolosis decepti verbis  
discessui accincti, coecitate diuinitus percussi,  
manibus palpantes tenebras, viā egrediendi à de-  
serto, inuenire nequibant, sed pio Patre orante,  
restituitur illis lumen, ipse vero fraudulentas tec-  
nas, artesque mille nocendi Daemonum pandit,  
& quā sauius grassentur in omnes, qui munda-  
nis abrenunciantes Deo se mancipauere; aperit  
profusissima oratione fructum certissimum ere-  
miticae vitae. Manifestat Christum ipsum triginta  
annos in desertis Nazareth, & Aegypti Eremitā  
fuisse. Refert sanctissimos, & antiquissimos Patres,  
qui solitarium viuendi genus instituere, & in eo  
sanctissime Deo seruientes degerunt, monstrat  
multas esse diuinæ vocis electiones, & Martham

*Idem Lom-  
bard. ubi su-  
pra.*

*Eremita à  
deserto di-  
scessuri coe-  
citate plectū-  
tur B. Bern.  
precibus lu-  
men recipiūt*

*B. Bern. tecnas  
Daemonum,  
& solitariae  
vitae laudes  
aperit.*

ope.



operosam vniri in ipso Euangelio Magdalena oranti, immò, hãc ipsa veritas testata est sortitam fuisse partem meliorem. Proximis, amicis, consanguineis, Patria nil supra Deum deberi, solum nos pro illis, & pro humano genere vniuerso affluas teneri preces effundere, vt vnusquisquẽ Deum cognoscat, & amet, & cœlestem deniquẽ gloriam assequatur. Laudat eos, qui actiuam vitam sanctè prosequuntur, omnesq; monet in sua manere vocat[i]one. His dictis, diuina cooperante gratia, in pristinum feruorem eremitici instituti cuncti redacti sunt.

*A Demone malo tentatur, vt in lasciuia  
labatur cœnum, sed diuino munere  
victor euadit.*

### C A P V T VII.

**T**entationibus seruos suos exercet salutis  
elargitor Deus nè longo, marcentiquẽ nu-  
triti ipsi ocio miserrimè tandem fatiscant. Iuuat,  
porro cœlo duce, persequendo malus Dæmon.  
Alienam materiam exuit, cum crematur aurum.  
Aurea puritas, & fulgor sœuientem habet flam-  
mam nutricem. Expiat tempestas mare, & pellit è  
sinu pelagus putrescentia, & cadauera sordida  
cùm ventis nimbisonis quatitur. Validius, sed  
vtilius apparatus à Barathro in Acconensi Valle  
Bernardo bellum. Nulla labes carnis spurcitie



*Libido om-  
nium culpa  
rum foedissi-  
ma.*

*Sæuius ten-  
tatur libidi-  
nis face B.  
Ber.*

*2. Corintb.  
13.*

foedior, nihil aptius emasculandis, effeminandisq; animis foeda libidine; sint testes Samsones fortissimi, sapientissimi Salomones, Dauidesque fidelissimi passi in hoc ægæo æstuant inter fyrtes, & scopulos infelicia sua naufragia. Hac tænarum, bellicaque machina arietare, & solo sternere studeat Satanas arcem illam fortitudinis Bernardi, totamque, strato duce, sacram funditus euertere Eremum. Sæpè, sæpius ante oculos obuersionantur, & vagabantur spectra foedissima libidinum, quæ, & si à se vigili cura arcere fategebatur, aliò conijciens indignabundus lumina, nihil prorsus efficere videbatur. Claudebat oculos corporis, ut versaretur in tenebris, castigarentq; informes umbræ viuas illas foeditatis imagines; at nihil proficit, habet umbras ipsas pedisse quas tenebrarum pater; sæuius enim volitabant in mente impudica phantasmata, spurca luxuriæ irritamenta. Ieiunijs, flagrisque macerabatur, & tamen adhuc grassabatur amara illa simulacra dulcedinis. Orat prolixius cruciabilibus suspirijs, & feruidis lacrymis, velut alter Paulus, ut à se auferret Deus Satanæ Angelum ipsum tam dirè deserto in eo loco colaphizantem; nec exaudiebatur, sic ferociter, & sæuè illis mollissimis cogitationibus, & voluptarijs phantasmatibus eum oppugnabat Tentator. Si dormit, lasciuus vultus apparens non obdormiscit. Si aduigilat, peruigiles amoris illecebrosæ voluptates adsunt. Si sitit, caro in voluptatem vellicatur sitibunda. Si emortua penè læguet famelica, adhuc flamma illecebrosa exuri-

tur.



tur. Si flagris se excruciat, torquetur mens lasciuæ face; ardet tandem caro in ieiunijs, in siti truculentior; in nuditate videbatur arma induere ferociora, inter flagella calcitrat stimulo sæuiori. Quadam die cellulam pauperrimam, breuemquæ specum suis effossum manibus, oraturus ingreditur, atquæ ecce inibi formosissimam reperit puellam, quasi de via lassam, humi fuscam, quæ, interruptis suspiriis tenerrimos ocellos hæc, illæc, amatoriè conuoluebat, erigit illicò plantas, pharetratis gliscit nutibus, gestit aspectu, blanditur signis, tenerescit vultu, auri scobe coma inauratur; calor, & color purpureæ genæ torquet impuri amoris iacula, nudat candida pectora. Quid nō faceret, vt succumbat Bernardus, obscœnissimus Dæmon? Illa, post patentissimas libidinis notas, iniicit in eum brachia, manusq; amplexatura. Adstate Superi è Cælo, dies allabere purius, & sereniùs. En quæ audet per femineum spectrum Styx auernalis! Pallet intereà, albetquæ attonitus penè exanimis Bernardus iam, iamquæ cælesti iuuante, & instillante vitali aura, collectis paululùm viribus, fugam, non secùs ac gorgoneum si vidisset colubrum, arripit fugacissimam; illa tamè dolis instructa innumeris, nullo dato fugæ loco, brachia strictè Bernardi collo nectit iterum. Affatur blandulè de suo æstu; antiquas prosequitur suspirabūda flammæ, memorat choreas, ludicra, senenses vigilias, repetit, insuperabili amoris excitam se stimulo, iaculoquæ pungenti illuc tandem aduentasse tantis flammis medicamen ali-

*Dæmō emētītus puellæ formam impudicissimā trahit B. Ber.*

*Gregor. Lombard. in vita B. Ber. lib. 2. cap. 17.*

quod



quod repertura; dicit, & lacrymulas mendaces  
 spargit, ancipitem se viam ingressam clanculum  
 per rupes asperas, dumis horridas, cruentam,  
 Bernardi captam ardore effræni, pericula omnia,  
 & mortem ipsam ex feris silvæ contempsisse; non  
 mei memor fui, sum, nulla coercita lege huc  
 anhela rui. A quo amâtibz dari, & præscribi pos-  
 sunt leges, ac iura? Maior lex amor mihi fuit, quo  
 nunc languesco. Egi me præcipitem hos per an-  
 fractus, & mæandros cespitibus, spinisq; horren-  
 tes, huc veni sudore madida. Ex ore suspiria ar-  
 dentia exspirabat, exspirabat ætnas, incendia, ge-  
 rebat in oculis limphati cordis faces; rubebant  
 genæ simulato igne, corpus totum tanarias fauil-  
 las vomebat. Bernardus ex illius interim se ex-  
 plicare amplexibus conabatur, Numinis auxiliû  
 præsentius exsuspirabat, inuocabat ardentius  
 Cælites Patronos; nequibat tamen se ab illis, vel  
 summa vi, auellere nexibus. In eo arcto vinculo,  
 & penè insolubili impudicæ feminæ nodo moras  
 nectentis, in illa tartarea amoris impudici tæda  
 quid faceret Beatus Pater? Misero nec fuga per-  
 mittebatur, vnicum eiusmodi belli effugium; ob-  
 secrat, vt dimittat, illa non passa repulsam, gemitus  
 trahit longos, irrigat lacrymis dolentibus ge-  
 nas, speiq; plena non cedit pertinax. Non disce-  
 dam, suspirat, tui amoris expers, æstuantis animi  
 causas mille aperit, illecebrosa tota; quò reuertar,  
 inquit, nescio, & quis mihi in hac solitudine comes  
 mei erit itineris? Proripui me præcipitem  
 per has rupes, vt in hac valle haberem commo-

dioris



dioris amoris flosculum. Ingressus huc mihi fue-  
re dum, egressus inuij, vnde veni nescio, quò va-  
dam ignoro. Bernardus sustollens ad cælum hu-  
midiores lacrymis oculos Deo, & Virgini poten-  
tiora suspiria, ardentiores offert preces. Tan-  
dem, plaudentibus Cælicolis, aura suauiore di-  
uinitatis afflante, vires illi adduntur potentissimæ,  
statimquæ dissoluitur ab illius spectri fœdis am-  
plexibus, cognoscitquæ Bernardus, eodem mon-  
strante Numine, non feminam, sed Satanam esse  
petulcissimæ meretriculæ eumentum obscœnis-  
simam formam. Spectrum illud fuisse, Dæmonis  
arte, ex aerijs campis conglobatum, proindè in-  
uocato Iesu nomine sacrosancto, quo Tartara  
contremiscunt, protinùs terga vertit ingenti cla-  
more victus Satan fuscus, & luridus. Germinet  
tot palmas triumphales Accona, quot cyparissos  
habet ipsa ferales, cingat palmis victricibus triũ-  
phantis inter sua nemora, & specus nostri Bernar-  
di tempora de Dæmone, immò de femina trium-  
phantis, nec dirè sic scæuisset Diabolus, ni armis  
feminæ indueretur, maior victoria de obscœna  
femina, quam de maligno Dæmone. De vtroquæ  
simul triũphum reportat noster Dux de femina,  
& de Dæmone. Ingere nunc inferna styx sacras  
pugnas, conflictus execrâdos noua, noua instrui-  
to machinamenta bellorum; quæquæ pugna erit  
Bernardo triumphus, quilibet conflictus tro-  
phœum, quicumquæ certaminum apparatus glo-  
riosa plausuum spectacula, & theatra.

*Novit Ber-  
nardus sub  
deceptrice  
forma Dæ-  
monis, & Iesu  
inuocato no-  
mine fugat.*

*Cale-*



Cælestibus fauoribus post carnis victoriam  
Deus solatur Bernardum. E terra ad Cæ-  
lum scalas argenteas videt erectas, Iesum,  
Matremque Virginem scalarum fastigio  
herentes, & nouæ sobolis habitus, & gloria  
apertissimè ei ostenduntur.

## CAPUT VIII.

**M**ortificat, & viuificat Deus, facitque, teste  
Apostolo, cum tentatione prouentum,  
fugato ergò Dæmone, Bernardus acturus pro  
parta victoria ingentes gratias ipsi Deo, cui om-  
nis triumphus gloria tanquam vnico auctori, re-  
fundenda, & contemplaturus diuina, æterna, ip-  
sumque; cælum intueretur lætiùs, puriùs, (oblecta-  
batur enim nimium cæli aspectu) ex ea specu,  
quasi, illa larua Tartari impudicissima foret pol-  
luta, egreditur, vt flexis genibus oret; iamque su-  
pinis ad sidera manibus sublati, preces suas hu-  
miliores, & ardentiores fundebat. Vix orare in-  
ceperat, cum Iesus, cum Deipara insueto fauore  
se ipsos Bernardo præbuere conspiciendos, &  
imagines, & finem beatissimū eorum, qui ipsum  
essent in deserta illa solitudine secuturi, eiùsque  
adhæsurus vestigijs. Discriminat Beatus Pater, nō  
vt Iacob humi stratus, sed terræ hærentibus geni-  
bus, non somno sopitus, sed apertis oculis; non

nocte

Michael An-  
gelus Bonha-  
uer. in Dial.  
ad Nuperos  
Oliuetanos  
pag. 7.  
Hist. Oliuet.  
lib. 1. pag. 3.  
Lombar. lib.  
2. in vita  
B. Bern. cap.  
18. & alij.



nocte in tempesta, sed ipsum sub meridiem argē-  
 teas scalas è terra ad sidera fastigiatas, scalarūq;  
 cacumini Deum innixum, & Beatissimam Matrē.  
 Prospicit Christum immensa, & gloriosa inter  
 paternæ lucis trophœa vndequaquē effulgētem,  
 eiq; de parta ex hoste victoria congratulantem.  
 Exultat Bernardus, gaudioquē triumphat, fidum  
 se Deo extitisse, nouasquē, iuuante Numine, pu-  
 gnas exardet. A dextris filij Deiparam Virginem  
 intuetur è medio cuius pectore effulgebat sidus,  
 cuius ad radios ipse Sol tenebresceret; non ob-  
 tundebar tamen fulgor ille, lux illa diuina, sed  
 cælesti robore firmabat visum; notatq; filiū Dei,  
 Matremquē Virginem niueis, & nitidioribus ra-  
 dijs, candidisquē stolis amictos; videt eos quasi  
 de præclaro illo triumpho plaudentes, lætantes.  
 Aspicit dein scalarū argenteos per gradus ascen-  
 dentes socios in labore eremitico suos alumnos  
 stolis amictos albis, associantes Angelos, turma-  
 timq; de cælo descendentes ad terram, & labori-  
 bus fractos immortalem comitantes ad Empyrij  
 gloriam. Raptus tanta ecstasi, nec à visu seiūctus,  
 suprâ seipsum eleuatus Bernardus gestiebat ani-  
 mo (tanta eius cor ardentissima charitate æstua-  
 bat) vt quod ipse contuebatur, ceteri quoq; Ere-  
 micolæ, ad diuinam gloriam euehendam, prospi-  
 cerent. Precatus hoc à Deo Opt. Max. à Virgine  
 genitrice, vota fert. Quid non possunt Sāctorum  
 preces? Noster B. Pater, velut alter Isaias fruens  
 Dei conspectu sedentis in solio excelso, mitti pe-  
 tit ad Fratres; graditur tandem exultans lætitia.

*B. Bernardus  
 videt Iesum,  
 & Deipara  
 in argentea-  
 rum scalarū  
 fastigio can-  
 didis stolis  
 amictos.*

*Isai. I.*

P

Aduen-



Psal 83.

B. Bernardi  
socij in Ere-  
mo videt ea  
dem quæ B.  
Pater mira-  
bilis cōspicit.

Rom. 8.

Aduentate, clamat, venite, accelerate fratres, socij, mea viscera, commilitones mei, cernite, quas parauit Deus ascensiones è lacrymarum valle. Sustollite oculos ad mirabilia has inter vmbrosas rupes factas nobile Cæli Theatrum omnium festissimum, & ex porrecta manu, indicat digito scalas argenteas, Iesum, Deiparam, Angelos, seq; ipsos datos in scenam beatam. Figunt obtutum cuncti in ea, quæ ipse suspiciebat Bernardus, procumbunt genibus, & ceu sublimes aquilæ solariibus pendentes à radijs, admirantur, immota oculorum acie, nunc Iesum, nunc Deiparam, nunc Angelos datos peregrinationis comites, nunc seipsos gloriosos de Mundo triumphatores; tundunt interim, tanquam indignissimi qui tanta viderent miranda, humillimè pectora, ruunt è genis vbertim dulciores lacrymæ, deosculantur terram. Hæc dum apertissimè venerabundi intuentur, quasi inter eos, & spectaculum illud gloriosum interiectū esset siparium, ab eorum corporeis oculis iucundissima visio euauit, factique alacriores in pugna cogitabant non esse condignas huius sæculi passiones, dolores, cruciamenta, & pœnas quascumquæ ad futuram gloriam, quæ à Deo preparatur fideliter sibi inseruientibus. Inibi, vbi data tanta videndi copia, crexit Bernardus Iesu, & Deiparæ, & Archangelo Michaeli aram, estq; nunc odæum maiori Ecclesiæ ostio propinquius, monumentum certè ad posteros pijssimum, ut nocteq; diequæ psallant Cœnobite in Dei, Virginis, Angelorum, Cælitumquæ omnium conspectu, ut

con-



contemplantur remuneratorem munificentissimum Deum, innumeris laudibus, incessabili voce laudandum. Tene rescunt ad hæc spectatores Oliuetani, rigidi eliquescerent filices.

*Aerumnas patitur iterum Bernardus tanquam nouæ, & detestandæ sectæ Princeps.*

## CAPVT IX.

**N**Ouo Cælestis gratiæ oleo Athleta noster fortissimus vnctus, taliquè aura Sãcti Spiritus maximè perfusus, ad nouam palæstram, ad nouam ærurnarum luctam euocatur; non enim semel atquè iterum, vel sæpius victus Satanas è pugna recedit; semper enim bellua illa, & tortuosus draco circuit famelicus deuoraturus escas, feruos Dei, cum præcipuè sit cibus illius, vt inquit Iob, electus; nullo enim, teste Bernardo Claraualis, illa vis ferox premitur somno, inedia affligitur nulla, vigil semper, feruidus sèper, inspirat, instillat, immittit pestiferum tentationis virus. Stimulat ergò zizaniorû sator quosdam, vt Bernardum deferant tãquam hæreseos reum, nouæq; sectæ Authorem. Pallio igitur charitatis tecti mendaci, summum integritatis, & publici boni zelum perditissimi homines præferentes Quisitorem Senensem adeunt, vt ignem stygij barathri (sic dicebant) inter Acconenses valles conclusum, ac serpentem, animaduersionis, & seuerissi

*Benbaurt.  
in dialogo ad  
Oliuet pag. 9.  
Histor. Oliu.  
lib. 1. fol. 7.  
Lombar. lib.  
2. cap. 19. &  
ali.*

*Seuit cru-  
delius in B.  
Ber. Demon.  
Bernar. Cla-  
reualis.*

*B. Bernar.  
Defertur vt  
hæreseos reus  
ad tribunal  
S. Officij.*



*Hæresis quæ  
perniciosa.*

2. Corint. 10.

marum illicò pœnarum aquis extinguat, nè latius  
diffusus pariat Tusciæ, Italiæ inextinguenda in-  
cendia. Hæresis quippè flâma est impia, inquit,  
nulli parcens; spurca lupa omnia vorans, pestis  
rapida permeans per maria, per terras; foeda pro-  
cella cuncta deuastans; bellua inëxplebilis sua in-  
gluuië quæcunq; absorbens, eius initia semper  
exigua, abiecta, sordida; sed, velut igniculus sen-  
sim cinesfacit immensos frondosorum nemorum  
montes; parua flamma, flante protectrice aura,  
crepitat, fragorasquë siluas cõsumit volanti scin-  
tilla. Homines insignioris scientiæ, tumidi super-  
bia nolentes captiuare intellectum in obsequium  
fidei, dati præcipites, æmulati Luciferum, qui  
quò altior, & sapientior efformatus, eò abiectior,  
dementior ab Empyrio pulsus. Quot militantis  
Ecclesiæ veluti micantia sidera altius cecidere è  
cælo ad barathrum? Scimus, scimus nos Bernar-  
dum & sanguinis prosapia, & litterarum omnige-  
no studio, doctrinaquë admirabilem. Tenemus  
diffitis populis notissimum, tantæquë esse fidei, vt  
ipsi eruditi, & sapiētissimi viri per eius iurare ver-  
ba non dubitent, sed ex ipso tanti nominis incre-  
mento metuendum excidium. Nos religiosa mo-  
ti pietate ad hoc sanctum tribunal sistimus, defe-  
rimusquë Bernardum, sociosquë. Celant morti-  
feros ignes Eremitæ illi in Accona, huius pesti-  
feræ sectæ, non modò fautor, sed author est Ber-  
nardus Ptolemæus, cuius, & sociorum maxima  
ingenia nequeunt in magna solitudine non ma-  
gna moliri. Viuunt exleges in valle delitescētes,

ne



ne damnari ad condignas, & meritas poenas possint. Maior lex Eremicis illis est id, quod arripit, placetq; Bernardo. Equus est ut in Illo illa vallis foeta armis, & bello, ut qui inclusi ibi egressi tandem fecerint, vrant, destruant, depopulentur afflictam, lugentem, squalentem, his funestis temporibus in hac italica plaga, Dei Ecclesiam, ubi tot hostes immanissimi, ceu lupi rapaces perfremunt in ouiculas Iesu, summo Antistite, & Pastore absente. Medela opus est. Obstandum principis, nunquam offecit praevidere, & semper tutum fuit in tuto esse; futura enim praevidere sapientis est. Quid si aliquando hic ignis erumpet? In re ancipiti extirpanda infirmi animi est esse ancipitem; non minus umbræ, quam res ipsæ grauioribus in rebus nos territos, nos admonitos voluit, veriùs in ijs, quæ ad religionem, fidemq; spectant; initio enim non auulsus parvus error altius radices ita agit, ut penitus eradicare nequeas. Labes est hæresis, cui ni celerrimè occurras, longè, latèq; effunditur; statim sanguine est expianda. Inuise illos Eremicolas, scrutare quid agant si vales, quid struant, si potes, sic vnanimis sunt, sic inuicem cohærent, ut ne verbum quidem extorqueas ab vno, quod non ab alio. In arce intellectus conditur, latitatque hæreseos error, & scelus; quod ibi latitat, latet & ipsos Angelos. Humanæ mentis profundissimæ abyssi vnus Deus scrutator. Sit imminentis publici periculi remedium, ipsum periculum. Eijcere perperam è specu fraterculum. Quid inde? Nihil Reipublicæ infestius, quam

*Multa Dæmonis astu  
iactantur in  
B. Patre  
conuicia.*

quod



quod priuati homines noua moliantur. Stupidi animi est nihil vereri. Non semper minæ ruinas antecedunt. Quod si nihil certi contra Eremicolas constat, in hoc tamen incerto valde quid mali occlusi pertimescendum. Certum tamen est nulla probata lege solitarios illos viuere. An expectas, vt quod viri probi verentur infauus aliquis probet euentus? Sed innocens sit Bernardus, sociique in Accona secum degentes. Quid virtuti tuæ Quisitor? Quid tuo muneri exacta studia, & conatus omnes officient? Nemo sub initiū magno excessu Christianam Rempublicam perturbauit, magnarum rerum euersiones tollit, exorientes umbras qui dirimit. His tam profusè, tam dolosè prolatis suasus aliquantulum Quisitor prudens cogitauit, & stādum proximi famæ, præferimquè Bernardi ab omnibus integerrimæ vitæ habitū, & sui muneris partes simul exequi, quare iter tenuit medium. Nec euertere sacram Ereum incolentium austeritate, & poenitentia celeberrimam, nec interturbare voluit Dei seruos iactatis conuicijs hæreseos postulos, sed nè seris remedijs malè obiecta fortè augerentur, certiore fecit Summum Pontificem de sibi in Bernardum Eremitæ Principem, sociorumq; ascitorum delatis. Aperit insuper sanguinis splendorem, doctrinæ præstantiam, viuendi austeritatem, sed nullo peculiari esse vallatam instituto Ereum, & fortè arbitrato suo vitam quemquè ducere, vel eiusdem vnus Bernardi ductu. Multos esse qui deserta ad ea loca accurrant. Dubitari à quibus-

dam

*Quisitoris  
sancti Officij  
prudencia.*



dam falsis dogmatis esse solitudinem, vallesq; illas imbutas. Sub ruvido tegumento inesse aliquando, abscondiq; spiritum ruuidiorem euangelio dissonum. Specus, & nemora aptissima struendis sectis. Orat epixè à summo illo pontificio throno digna iussa, & mandata veniant. Scribit à se nihil decretum, nec inconsultò summa sede veritatis columna, se quidquam decreturum. Addit, quod si in Accona serperet hæresis, maiori vi eradicanda planta lethalis, radix pestifera, quàm efficere possent propriæ vires contra tot viros, & nobilissimum Antesignanum. Precatur, prospiceret vexatæ Italiæ lacrymis, semidirutæ Ecclesiæ gemitibus, ait, poenitentiam illam Eremitarum fictam, umbratilè esse posse. Quot tumultus, quot rixas, quot calamitates, quot proditiones frons blanda, vel poenitentia pallida quandoquè non ipsa celauit, & tandem cōceptum virus in Prouinciarum, Regnorumq; irreparabile prorupit excidiū? Timebat Quisitor, nec sciebat, quid timeret, venerabatur nomen Bernardi, & Eremi famam, sed quis scit, aiebat, quò verget illud in deserto tantæ austeritatis pondus? Circumuallantur hoc tempore omnes penè Italiæ vrbes horrentibus errorum vorticibus, circumstrepunt blasphemix, tunditur fluctibus petra illa Ecclesiæ, quam suo sanguine fundauit Christus, absit, quòd inter scopulos, & syrtes infidelitatis, Ecclesiæ nauis frangatur, absorbeatur, & pereat. Quis scit, si latent angues in herbis illius solitudinis? Tardiora remedia in ipsum morbum quandoquè conuertun-

tur.



*Hæresis Fraterculorum, qui fuerunt Duces, & quo tempore insurrexit, & quæ eorū stultitia, Cardin. Belarm. in Chronologia.*

*Alvarus Episcopus Siluensis.*

tur. Incesserat fortè Quisitorem suspicio, nè Bernardus vnus esset ex Fraterculorum, vel Fraticellorum secta; (sic enim vulgò dicebantur,) facessabant enim maximum negotium exortæ paulò antè hæreses Fraterculorum, quorum duces quidā Hermannus, & Dulcitius Nouariensis, Innocentio V. Adriano V. & Ioanne XX. regnantibus qui Summi Pontifices eodem penè anno millesimo ducetesimo septuagesimo sexto fato concessere. Inuehebantur hi Fraterculi in auctoritatem Romanæ Ecclesiæ, & in Summos Pontifices, sequè stolidè dictitabāt veros esse Apostolos, in ipsisq; veram esse Ecclesiam, nulliq; eos, nisi immediate Christo esse subiectos. Damnavit impia illorū dogmata Summus Pontifex Bonifacius hoc nomine VIII. Præterea accessit secta Begardorum, & Beghinarum, cuius Princeps. Bogonatus. Begardi monasticum habitum ementiti. Beghinæ erant moniales, nulla tamē vota religionis emittebant, passimquè dicebant homines in hac vita fieri posse impeccabiles, nec ipsis posse augeri gratiam; quamobrem orationes, ieiunia, & cetera id genus, pia opera omninò irrita, & inania assecebant. Hinc tam fusè Alvarus Episcopus Siluensis deplorabat illa tēpora Ecclesiæ funestissima. Verū sponte sua lux emicat, etsi tanquam sub modio delitescat in valle. Splēduit in throno illo pontificio veris radijs, & euangelicis vitæ nitoribus Bernardus, effulsere & focij, quidquid contrā eos fuisset infernus draco molitus. Suspicio Quisitoris, Dei fuit prouidentia, ipse certiorē

fecit



fecit Pontificem Maximum, vt maximus nostri Ducis nitor, & Eremicolarum ceterorum probitas nobilius elucesceret. Sol candidus purior nigra è nube emergit, nec omnis potis est crassus, ac fuscus alitus decores illos, & radios turpare fulgentes. Ne timeas quidquam mali à rebrarum Rectore ò sacrae Princeps Eremiti Bernardi.

*Auenionem contendit B. Bernardus à Pontifice Ioanne XXII. præipientibus litteris euocatus.*

## CAPUT X.

**A**Venione in Gallia tunc temporis Summus sedebat Põtifex, & purpuratorum Patrum Senatus, defuncto enim Benedicto XI. Pastore sãctissimo Italo Ordinis Prædicatorum, qui vitæ nitore extitit illustris, seditquè in throno menses sex. Dissentiebant de eligendo successore, penè annum detenti in Conclau, Cardinales. Galli enim purpura decorati Heroes Gallum efflagitabãt Sũmũ Põtificẽ, Itali Italũ, vtraq; pars potens, æquæ vires. Vtitur sapientissimus Deus ipsis nostris cupidinibus, ardore, & diffidijs ad sua peragenda decreta, in hoc semper laudandus, euehendus, quòd vbi nobis satisfacere ipsi conamur, & videmur, tunc magis ei obsequium, famulatumq; præstamus. Conuenere tandem inter se purpura-

*Platina Sa-  
bellicus, &  
alij.*

*Quomodo  
translata  
Apostolica se-  
des Auenio-  
nem.*

Q

ti ele-



ti electores, vt Galli Italos Cardinales tres seligerent, vnusq; eorum à Gallis eligeretur Pontifex; vel contrà, Itali tres Gallos proponerent, ex quibus vnus esset sessurus, eligentibus Italis, in Pontificio Solio. Ab Italis ergo Patribus tres ex Gallia nominati sunt, Gallicæ tamen coronæ infensissimi. Regebat tunc Galliam Philippus cognomento Pulcher Romanam in Ecclesiam (ob turbas inter Summum Pontificem Bonifacium VIII. exortas, & ipsum) non admodum bono propensus animo. Inter tres Gallos ascitur Raymundus Antistes Burdegalis; statimq; ac nomina innotuere, quàm citissimè à ceteris Cardinalibus Gallis fit rei certior Philippus Rex, qui ardentissimis litteris ad sese illū aduocat, studiumq; suū in posterum testatur, multa; verbo regio pollicetur, aitq; se in ipsum fore studiosissimum, secum de summa rerum acturum. Nec defuere, qui Raymundo suaderēt, vt à Philippo vocatus, eundem statim adiret. Perrexit ergo ad Regem, qui properanti Antistiti occurrit, eumquē benignior, totusq; fauorabilis amplectitur, exosculatur, affirmat tandem pontificia dignitate, & tergemina corona summa illa donandū, si quædā ipsi promitteret Episcopus Burdegalis. Pollicetur Antistes omne se perfecturum quod Rex appeteret, Sacramentoq; firmavit. Exemplò Cardinalibus Gallis mittit secretò Rex codicillos, atq; obsecrat, vt Raymundum eligant. Eligitur ergo, licet absens, in Summum Pontificem anno millesimo trecentesimo quinto, dictusq; est Clemens V. Lugdu-

Clemens  
Quintus.

num



num statim contendens iussit in Galliam transferri Principis Apostolorum solium, quod inter cetera Rex ab ipso expetuerat. Illuc Roma purpuratos heroes omnes Clemens accersit, iussitq; totam Curiam, magna Italiae, & Urbis, & Orbis pernicio, ibi esse. Lugduni coronatur Clemens magna pompa, quasi triumphante Gallia; vixitq; inibi Pontifex ferè annis nouem; eiq; successit Ioannes XXI. dictus XXII. transtulitq; Auenionē sedem. Auenio Vrbs Galliae Narbonensis est posita ad Rhodanum flumen, quod ortum habet ex Alpibus, Galliamq; rapidissimè interfuit. Hanc Urbem Ioanna Neapolitani Regni, Galliaequē Narbonensis Regina Clementi VI. vendidit. Manet Apostolicus Thronus annos septuaginta sex, Pontificibus successiuè sedentibus Clemente primū V. Ioanne XXII. Benedicto II. Clemente VI. Innocentio VI. Urbano V. Gregorio XI. Hic Romae pontificiam sedem restituit, suasu etiam Seraphicae Catharinae Senensis, quae arcana ipsius Pontificis nemini, nec per nutum patefactum, Deo reuelante, cognouit. Celerrimis triremibus, aura sancti Spiritus flante, Gregorius vehitur, tota Gallia inscia, tenetq; Urbem Romā sub annum millesimum trecentesium sexagesimum quartum ingentissima Urbis latitia. Huius rei praeclarissimum monumentum in marmore excisum Romae visitur in templo Sanctae Mariae de Noua sacro, quod nos Oliuetani curamus. Sic tandē mœstae, & luctu sordidatae Romae, sicq; tandem calamitas Italiae desijt. Crescit praesenti hu-

*Platina in  
vitis Pontificum.*



more planta, eoq; aret absente. Discat quisque Princeps Sedem Imperij vultu cohonestare suo. Sed redeamus ad rem. Ioanes igitur XXII. Summus Pōrifex Auenionem causam dicturum euocat Bernardum nostrum, qui nulla interposita mora ex Hetruriæ deserto ad Summi Pastoris pedes, vti obsequentiſſima ouicula, ascito sibi ex eadem Acconensi Eremo, comite, & socio Ambrosio Piccolomineo, maturat.

Scio à quibusdam non Bernardum, sed socios ab eo missos ad Pontificem Maximum affirmari. Nos firmioribus tamen nixi tabulis, Bernardum ipsum proculdubio iuisse asserimus; sequimurq; ea quæ scripsit doctissimus, & fidiſſimus Ioannes Baptista de Populonia Ordinis Prædicatorum, quæ sequutus est Gregorius Lombardellus eiusdem familiæ, sacre Theologiæ Magister, vir celeberrimus, & Sancti Officij in vniuersa ditione Senensi Quisitor. Sed Ioannes Baptista Populonensis cocetaneus extitit Beato Bernardo, & oculatissimus testis, & pro eiusdem Sancti Officij munere nostri Patris vitæ, morumq; scrutator acerrimus. Accedit, quòd sub eadem Patris nostri Bernardi seueriori disciplina erat eius frater, cui nomen Gulielmus. Neq; simile vero est Bernardum vti nouæ caput sectæ postulatum, accitumq; à Beatissimo Patre alios suo loco, tãquam Eremi membra destinauisse. Nec constat virum graui aliqua præpeditū cura, aut viribus detectum imbecillis, aut grauesciente ætate ineptum itineri. Adde illum in diluendis sibi obiectis ad Pontifi-

*Ioan. Bapt. de  
Populonia.  
Greg. Lombard.  
in vita  
B. Ber. lib. 2.  
cap. 20.*



tificium thronum, alterius non indigum ministerij, atq; operis. Quod verò asseritur, ne eius discessu, qui in Eremo remanerent, tristarentur orbatu tanto Parente; aut quasi oves, Pastore absente, Luporum Dæmonum insidijs latius paterent. Nam in deserto non deerant viri & prudentia, & probitate insignes, quos in suum locum Bernardus sufficeret. Nec æternus illius futurus erat discessus, ut reditu desperato, periclitaretur Eremus. Instant hi, missos à Bernardo Auenionem, viros omni ex parte sapientes, vitæq; integritate Spectabiles Pontificem Summum alloquuturos. Sed quorsum, si omnia per se ipsum præstare poterat, debebat aliorum opera uti? Obijcient, nè Accona sine rectore esset. Sed liquet humilem, & sapientem Bernardum regimen respuisse, vocariq; Ducem; verum voluit ut omnium Dux esset una charitas. Deniq; ut dicemus cum regulam Sancti Benedicti à Beatissima Virgine per Guidonem Petramalium accepisset Eremus, primum Generalem Abbatem extitisse constat (renuente dignitatem illam Bernardo) Patritium de Patritijs; hæc autem electio fuit omnium Eremicolarum, vel Cænobitarum, ex quo clarè patet Beatum Bernardum sibi semper consimilem alijs in deserto noluisse imperare. Cur ergò ad itinera, aliaq; peragenda graua munia, ad ea quæ ad ipsū peculiari iure spectabant, alios destinet, quæ etiā maximam arguebant authoritatem? Tandem quia etiam multa admiratione digna in hoc ad Galliam itinere edidit noster Pater, quæ in iisdē

tabulis



tabulis exarata habentur, quibus procul dubio standū. Proficiscitur ergo Bernardus ex Accona pannosus, pungēti cilicio grauatus, absq; pedum tegmine, non alia instructus ad iter diuite sarcina, quā crucifixi Iesu lignea cruce è latere, Virginisq; Matris rosario è collo pendentibus; baculo humili cui innitebatur, & fasciculo ubi pia opuscula cum breuiario, & horario libello eiusdem Virginis, & asperi linteoli ad sudorem tergēdum condebātur. Discedit igitur deosculatus Fratres pacis osculo, emissis lacrymis; gregemq; tuēdum Christo, Deiparæ, & Patritio de Patritijs commendauit. Multa, & grauia tolerat tam graui, & longo itinere noster Beatus; in viam etenim se dedit horridioris temporis anno, mense nempe Decembri ipse, & Ambrosius Piccolomineus. Inter populares turbas, per valles, & montes hæc illi sunt sola leuamina, & solatia, incessanti prece in Deum se leuare, frequenti oratione custodem Angelum, Cælites omnes, & sibi peculiare Patronos aduocare comites, nunc sacra, & immota mentis eleuatione, meditatione, nunc vocalibus precibus sanctissimæ Triadis vnioni aspirare. Victum tenuem eleemosynis emendicare, somno humi stratus paululū indulgere. Vos Beato nostro Duci, vos testes Superi, & feliciores socij, & leuamē omne illi eratis. Sæpē inuidus fecit malus Dæmon, permittente Deo, vt Bernardus, & Ambrosius è via aberrarent in solitudinibus, in nemoribus, & siluis, vt à pagis, & vrbibus longè facti vel frigore, vel fame perirent, vel à feris de-

uora-

Greg. Lomb.  
lib. 2. in vita  
B. Bern. cap.  
21.

siludm



uorarentur. Sed ecce cælestes Angeli humanam præferentes imaginem, panem in deserto ministrabant cum deessent herbæ, vel olerum radices. Eorumdem ministerio redduntur cicures pluries ipsæ feræ, & sine toxico venenati serpentes; interdum ab ijsdem adiuuantur in fluminum discriminibus, aliquando errabundi in viam reducuntur.

*Angelos habet Comites in viarum discriminibus B. Ber.*

Orant interim in Acconensi Eremo socij impensius, gemitibus lacrymantur, charitatis ardētoribus feruent suspirijs; & licet ieiunijs se ipsos iugiter sancti Eremicolæ macerabant, nunc consueto ieiunio addūt durius, ac asperius, flagorum iatibus recalent; resonat sonus, & flagor ille religiosus pientissimis Dei auribus. Solliciti sunt cūcti pro Bernardo iter ingresso longissimum, innumeris refertum discriminibus. Ipse Auenionem tandem consequutus fama notissimus ad Pontificem Summum statuit sese alacri animo, illius iudicio subiturū; ad quē ingressus (flexo terrę poplite gemino) Sāctissimos obosculatur pedes humilimē, dataq; fādi copia. Ad tui (inquit) Beatissime Pater, Imperij, quo nullum in terris maius, nūrum ex Acconē Eremo euocatus, hic adsum indignus vermis, non homo, peccatorum omnium miserimus, dignus tamen nunc effectus, qui veneratione prosequar tua largitate, tuorum veneranda pedum vestigia. Ecce, Summe omnium Pastor, vna ex innumeris Catholici tui gregis ouiculis obsequentissima tuis paritura mandatis, Bernardus poenitentiae tantūm egentissimus. Humi-

*B. Bernar. ad pedes Summi Pōtificis.*

liter,



liter, & breui facundia differuit de sui conuersio-  
ne, de mundi rebus abdicatis, de secessu in Ere-  
mum, de sociorum vita, & moribus, de orthodo-  
xa fide, quam vnà cum Acconensibus eremico-  
lis socijs profitebatur.

Ioann. 22.  
alloquitur B.  
Bernardum.

Isai. 33.

1. Petri 3.

Psal. 79.

Vix in Bernardum Pontifex Maximus iniece-  
rat oculos, cùm in eius horrida, & incomposita  
coma, vultuq; circumfuso pallore quid Angelici  
fulgoris deprehendit, & tanquam Dei intus to-  
nante voce in hæc Christi Vicarius verba deue-  
nit. Non nobis vilia tua, & sociorum in Acconæ  
Eremo opera, candidi mores, impolluta fides.  
Esto tu vnà cum tuis socijs deserti loci viror, &  
decor: reuifcant per vos floridæ quondam, foe-  
tæq; sanctissimis viris italæ Eremitæ. Restituatur de-  
cus Carmeli, & Saron, & gloria Libani. Sit squa-  
lens Italia restitutæ monasticæ disciplinæ lætissi-  
ma spectatrix. Te duce, omnia in deserto Acco-  
nensi benè cessura speramus. Poteris tu nunc vi-  
ua esse regula, & exemplar bonorum operum, &  
forma gregis existere. Sed te vita functo quid de  
tuis socijs sine aliqua regula, sine aliquo institu-  
to? Forte errabundus peribit grex sinè lege, sinè  
regulâ disciplina palabitur? Erunt tot sententiæ,  
quot capita. Frendent in illis vallibus tartarei Lu-  
pi. Inuadent rapaces sine Pastore ouile. Exter-  
minabunt Dæmones, apri furentes vineam Sa-  
baoth; sit vna omnium ouium tessera. Cùm bel-  
lum intentauerint Tartaræ turmæ, irruite for-  
tes cuncti vnanimis in exercitus vnico sub vexil-  
lo salutis. Certate alacriter, fugate, disperdite,

vinci-



vincite; ordo magis, quàm numerus de hoste triū-  
phat. Non ex institutoris spiritus feruore metiē-  
dus est ceterorum feruor, & spiritus. Viget cēlestis  
ardor magis in capite, quàm in membris. Subli-  
miori radiorum iubare voluit sapientissimus opi-  
fex fulgeret Sol, quàm cetera Cēli alstra ex eodē  
Sole suos susceptura fulgores. Tu Bernarde, qui  
humillimē ad nostros festinauisti pedes, iussis ob-  
temperato nostris. Eremum quam tu, & socij tui  
colitis, esse sub Diœcesi Arretina audiuius; Ar-  
retij ergo Antistiti nostras dato litteras, quibus  
illi mādamus, vt te, prout Spiritus sanctus decre-  
uerit, & docuerit, alicui regulari, p̄batoq; institu-  
to subijciat vnā cū Acconēsibus Eremitis. Inte-  
rim pro hac s̄cta Sede, Petriq; nauī inter bellorū  
procellas fluctuāte, pro vexata Italia, p̄ Orbe pe-  
nē armis quasso rogate Deum; t̄agite vestris pre-  
cibus diuina, & benigna illa viscera. Sit vallis ve-  
stra conclusus hortus consitus fructiferis plantis  
omnigenarum virtutum. Irrigabit Deus Paradi-  
sulum suum omnium torrente voluptatum. In  
Italiam nostra fulcitus benedictione regressum  
felicem habeto, qua ditatus Bernardus, & cēle-  
stibus thesauris locuples, etiam socijs Eremicis  
impertiendis, ingenti l̄etitia delibutus, irriguis  
vdus lacrymis, exosculatus iterum Sanctissimi  
Pastoris pedes discedit, eodemq; quo progressus  
in Galliam itinere ad Italiam, Arretiumq; matur-  
rimē regreditur. Tolle gressus serue Dei, age, cō-  
sule multis ò Euangelice Pastor. Iter tuum im-  
mota claustra pariet; tui labores sanctas in Eremo

R

deli-



delicias; vade humilis, magnus eris. In nudus, Cælo tibi rexitur stellatus gloriæ amictus, gloriæ chlamys.

*Narrantur aliqua, quæ B. Bernardo sua per itinera obuenere.*

### C A P V T X I.

**F**lagellis eorum vitam, quos diligit Deus metitur, amat enim, & corrigit; ærumnis virtus clarissimè emicat. Follis percussus euolat, & quò demissius, ac fortius iacitur; eò altiùs eleuatur, & surgit. Rosas dat Numen amans auricomas, & purpureas, miscet tamen sentes asperos, & feriètes. Suauissimas afflat auras serenitatis sæuâ post procellam. Ad Urbem Auenionem properanti Bernardo, à qua distabat trium dierum itinere, Eremicola quidam obuiam sit aspectu venerabilis, senio confectus, nouus Macarius, ieiunij ipsa videbatur effigies, charitatis credidisses imaginem, humilitatis & virtutum omnium exemplar illustre. Sicq; Beatum Patrem alloquitur. Et cur ad Eremum vir sancte non refers pedem? Caue, ne Auenionem contendas, ne pergas vltcrius: vbi Urbem illam tenueris, consumeris vltatrici flamma, solues nō perpetrati criminis facinorosas poenas. Mors te manet inibi famosa tanquam hæreseos reo. Ab incepto ergo desistito itinere, fugam arripito quam celerrimam. O infelix sæculum con-

*Lombard. in  
vita B. Bern.  
lib. 2. c. 22.*



trā infantes ! Teneris tu tuæ, lociorumq; tuorum  
consulere famæ. Virtutibus hæc tempora infauſta  
sunt. O tempora, ò mores ? In quos probos non  
ſcruitum ? Quod dico à Deo reuelante percepi.  
His auditis, ſubticuit aliquantulum Bernardus,  
& ſecum mente agit, quomodò vir nunquam  
antè nec quidem de facie cognitus arrepti iti-  
neris tam benè calleret cauſas, originem. Cogi-  
tat inſuper, quod Sanctiſſimus Pontifex ſapien-  
tiſſimi Dei cum gerat vicem in terris non niſi iu-  
ſtiſſima, ipſo inſpirante Numine, ſanciat in rebus  
præſertim ad ſanctiſſimam, qualis ea erat, fidem  
ſpectantibus. Sic tandem ait. De fide, de afſec-  
lis meis interrogabor, meam fidem & ſociorum Ca-  
tholicæ Eccleſiæ conſonam, Apoſtolicos, vt pro-  
fitemur, ſic patefaciam mores. Auenionem Sum-  
mi Paſtoris iuſſu feſtino, madatis obſequar, etiam  
vitæ quouis periculo, ad omnium Patrem pergo  
piſſimum, beatiſſimum, mortem nec timeo, nec  
fugio; immò amo, & inhio. Sed tu quis es, qui iſta  
loqueris ? Signat Beatus Bernardus interim tre-  
mendo Crucis ſigno aerem, & in fumidam ſolu-  
tus nebulam vanefcit falſus is Eremicola, Dæmō  
vaſer & impius, talemq; diſcedendo foetorem  
emittit vt Bernardus penè exanimis in terram  
caderet. Hoc eunti obuenit. Reuertentem verò  
ex Gallia in Italiam, excepit benigno hoſpicio  
vir nobilis, & pius Taurini, quæ eſt Vrbs Pede-  
montij. Inſtigat hoſpirantis ſeruum malus Dæ-  
mon, ſuadetquè eidem, vt ſuo hero vâſcula quæ-  
dam argêtea ſubripiat; nè autem ipſe furti argue-



retur, inter pauperrima quædam Bernardi (tanquam innocentis Beniamini) inuolucra, argentea paterulam recondit ex plerisque argenteis, quæ ipse erat furatus; moxquæ hero suo ait multa ex argenteis deesse, suspicarique; valdè Eremitas, quos tam humanè exceperat, arripuisse, asportasse. Furti certus ille prolapsus in rabiem, lictores destinat, qui citissimè pauperculos Eremitas Bernardum, Ambrosium, denudatis gladijs assequuntur, detinent, furtum obiectant, ad virum illum retroferunt. Explicantur patenter inuolucra, & in Bernardi sarcinula argenteum vasculum reperitur. Excandescit benignus hospitator; causa certè iustissimæ foret iræ; nec enim beneficia benè pendet latrocinium. Bernardum, Ambrosium in fœdum carcerem coniiciendos iubet. Tu nè, exclamat in nostrum Ducem vir ille, sanctimoniam olens, bella, & arma inferno minitans, Hypocrita, vage, latro, raptu viuens? Refer citò ubi nam reliqua argentea vasa condideris, appenderis squissimis fidiculis; aperies malus homo quæ malè patraasti. Sic benignissimo meo respondes hospitio? Sic polluis hospitales leges? Tranquillo interim animo, & imperturbatus ignominia illa affectus respondet Bernardus. Tibi vir bone nil vnquam surripui, nec alterius furti reus sum, sicut neque hic meus socius. Furtum Dæmone authore factum, nec me fur later; furtum scio, furem, & locum ubi argentea condantur, Deo præmonstrante, omnia benè calleo. Verùm vnum ex te enixè efflagito, quod si mihi fueris pollicitus, subrepto-

*B. Bernardus ut fur triduo in carcere detinetur.*

*Lombar. loco supra citato.*

rem



rem & subrepta detegam. Miratur primò hæc audiens vir nobilis, tùm instante Beato Patre, promittit quod petit. Subdit noster Bernardus: stet coram me seruulus ille, qui nos furti reos dicere est ausus, cui aduentanti sic loquitur. Ego nè, dicito, furatus sum paterulam? Ego vascula argentea? Nonnè tu in illo inuolucro tali hora, tali loco abscondisti quæ tu ipse furatus es? Pete, pete veniã, parcat tibi Deus, fili mi, resipisce & ablata hero redde tuo, nam ipse pius, meis precibus, tibi libenter ignoscet. Ille algens simul, & æstuans ruboreq; perfusus, deiectis in terram oculis se ipsum furem fatur, tentatum dicit à Dæmone, petitq; amaris lacrymis humillimè veniam ad pedes prouolutus Bernardi, & sui Domini. Vir ille ingenuus, cognita Bernardi innocentia, ingenua procumbit, orat, & obtestatur vt sibi nimis credulo parcat, Beatiq; nostri Patris sanctimoniam admiratus, paulò post sua omnia vendidit, & ad sacram perrexit Acconensem Eremum Deo famulaturus; atquè indutus monasticam vestem dictus est Frater Basilus Taurinensis, qui sanctissimè, & primos, & dies duxit extremos. En in se ipsum tela videt Satàn retorta validissimè, dumq; trucem enodat in Dei seruos arcum, seipsum sua pungit, feritq; sagitta. Fuere tres dies antequam eorum claresceret innocentia in tetro carcere Beatus Pater, & Ambrosius, sed habuere Angelos cōsolatores, qui & pellebāt e loco tenebras, & mutauere carceris miseras in Paradisi delicias.

*B. Bernar. &  
socij. habent  
Angelos con  
solatores.*

*Arre-*



Arretium tenet Bernardus, Antistiti Guidoni  
Pontificias exhibet litteras. Triduanum  
indicitur ieiunium.

## CAPVT XII.

**T**ot casibus, rerumq; discriminibus in eo ia-  
ctatus itinere Bernardus Arretinam Vr-  
bem tenet tandem. Episcopalem Sedem regebat  
tum Guido Petramalius, qui fratribus suis nostrā  
exutis mortalitatem Arretij Dominis, ipse vnus  
Ecclesiasticum, & sæculare fuerat regimen con-  
sequutus. Vir præstans, Pastor bonus, & egregius  
miles, diuiniq; cultus, cui alia omnia posthaben-  
da, studiosissimus; Urbis insimul, & temporariæ  
dignitatis Princeps, cultosq; iustissimus. Hic fu-  
gauit è Patria hostium militum districtis gladijs  
agmina, versisq; signis coegit eos sapius ad ca-  
nendum receptui. Soloq; insurgentes aduersan-  
tium turmas strauit fortissimè; hic mœnibus Vr-  
bem vndè vndè, arcibusquè turritis muniuit, mar-  
tijsq; vallauit aggeribus. Huic præstâtissimo Præ-  
fuli humiliter Summi Pontificis datam Epistolam  
porrexit Bernardus, qui post eam lectam, valdè,  
ait, commendatitiæ sunt, quas mihi Auenione à  
Summo Pontifice defers, litteræ. Gratulor tibi  
de summa erga te Summi Pastoris benignitate;  
arduum tamen, negotijq; plenum illud est, quod  
mihi Sanctissimus mandat, vt nimirum Te, Acco-  
nen-

Guido Pe-  
tramalius  
Episcopus  
Arretinus.

Michael An-  
gelus Benha-  
ueri. pag. 10.  
in dialog. ad  
Oliuet.  
Hist. Oliuet.  
lib. 1. folio 8.  
& alij.



nensemq; Eremum alicuius probatæ regulæ religioso iugo subijciam. Ex nobis enim ipsis non sumus sufficientes, tanquam ex nobis, quid boni excogitare. A Patre luminum, lumen omne & expetendum, & feruentissimis suspirijs expectandum. Radius ille diuinus solus est, qui caligines, mentisq; umbras discutit nostras. Fulgor hic lacrymis inuocandus, ut optimum rerum exitum assequamur. Si de re vna ageretur, quod priuatim tu Bernarde exposceres statim assequerere; nunc vniuersæ Acconensi Eremo consulendum, totq; viris, ut fama ipsa loquitur, virtute conspicuis; his modò danda lex, instituta, moderamen. Maturanda semper de rebus publicis consilia. Ad quæ incolitis ergò spelæa reuertito, socijsq; ea, quæ omnium Pastor mihi exigui gregis custodi de vobis præcepit statuendum nunciato, meoq; nomine indictum sit tibi, ceterisq; Eremicis ieiunium triduanum. Nihil enim aptius ad diuina nobis arcana aperienda ieiunio, quo diuinæ voluntatis mens nostra fit capax. Mementote in Sinai monte post ieiunium datas Moyfi fuisse leges. Leges antecessit semper ieiunium, & exorientis mundi tempore, quo nullum datum erat præceptum, non defuit primis Parentibus vna ieiunij lex. Daniel vir desideriorum tres hebdomadas aqua ipsa abstinuit, sic reuelationes post ieiunia accepit, & secretiora Numinis sacramenta dignouit. Prodeunt de ieiunio sanctæ cogitationes, rationabiles virtutes, consilia saluberrima; ieiunio roboratur mens, alitur anima, eòq; ipsa velocius eleuatur,

2. Corinth. 3.

Iacobi 2.

Exod. 34.

Prima omnium lata lex de ieiunio.

Daniel. 1.  
Ieiunij laudes.

quò



3. Reg. 19.

Lucæ 7.

Matth. 4.

quò magis per illud à terra sensuquè abstrahitur; pennas quippè producit ieiunium, quibus in sublime nostra mens effertur contemplatura quæ Dei sit voluntas. Torpescit cibo vigor mentis. Elia ieiunās quadraginta dies, totidemq; noctes arido ore ad montem Dei Horeb peruenit, familiariq; cōgressu à Creatore excipitur, & à ieiunio spirituales oculos obtinet. Aequatur ieiunantis mens Deo qui sine cibo viuit. Ieiunat in deserto Ioannes ille Baptista, sibiq; parat alas, quibus cōscendens ad Cælū redditur penè homo diuinus. Obruuntur nostræ mentes, non secus ac naues oneribus graues, ciborum ponderibus. Institutus Apostolicum collegium Dei sapientia Christus Dominus ieiunauit. Vos Christi famuli pœnitentes Eremitæ peculiaribus ieiunijs in re tam graui date operam. Additote insuper ieiunio sanctas preces. Ex ieiunio, & oratione virtutes prodeunt omnes. Oratio viuendi norma recta est. Oratione quasi vim ipsi Deo iuferimus, ipsumq; vincimus, ita vt quod petimus elargiatur, reddimurq; illa dignum Numinis templum, Deumq; in nobis ipsis exaudientem experimur. Sit prolixa oratio, qua rem tam arduam quærimus. Aperiat Deus quod vestræ omnium saluti magis consonum. Ego pro mei muneris vice vestris operibus pijs meas quascumq; addam humiles preces, vt mihi ostendat Pater pietatis quid de vobis decreuerit. His auditis, acceptisq; mandatis, discessum habet Bernardus, atq; ad Eremum festinanter maturat, nec cibos vnquam in sæculo libarat dul-

ciores



ciores supra huiusmodi eloquia . Iussus est quod ardet.

*Reducem Bernardum latenter accipiunt Acco-  
nenses Eremita, quibus ipse omnia aperit,  
qua Summus Pontifex, & Arretinus Anti-  
stes decreuere, cuius nomine ieiunium, &  
orationem denunciat.*

### C A P V T XIII.

**N**Equit sacre Eremita laetitia, ex B. Bernardi re-  
ditu satis explicari. Iam nullus horror Ac-  
conæ, sed magnus decor inest. Umbra ibi nullæ,  
sed lumen. Iam non Rusticorum saltus, sed hortus  
deliciarum creditur Beatorum. Gestiunt rupes,  
specus, antra latè horrida; collectique in vnum  
cuncti heremita Deo immensas præcinentes lau-  
des reuertenti Bernardo fiunt hilares obuij, &  
ad eius venerabiles prouoluti pedes vicissim  
exosculantur sacras vestes, præclarasq; amantis,  
amatiq; Patris manus, vberimq; fundunt gaudio  
delibuti dulces lacrymas. Ipse quoq; in fletu ef-  
fusus tenerimū, obsequiis amplexus reddidit  
ardētiore, fouebat quos Deo genuerat humanis  
simè ad pectus; figebat frōtib; Apostolicę pacis  
oscula, peractisq; de more precibus, sic suos allo-  
quitur filios, & socios; nec hominem diuina ea cū  
voce videbatur sonare Bernardus. Dilectissimi

*B. Ber. socios  
alloquitur.*

S

Deo



Deo innumeras gratias impendamus enixiores, cantemus laudes, suspiria iterantes. Discessi, & vos ignito amoris sēsu Numini cōmēdatos reliqui. In Galliam cælesti auxilio iter sollicitus habui; sollicitus inquam de vestra salute; amo enim vos mihi in Deo genitos; reditum alacriorem nunc communi gaudio dulciter experior; à Summo omnium Patre Beatissimo benignè exceptus fui, de obiectæ nobis hæreseos sorde, ne verbum quidem Christi Vicarius protulit; noluit enim Deus tantæ labis, cū infantes simus, murmur aliquo pacto subaudiretur. Sumus, & erimus, ò Fratres, ò socij, semper parati pro Ecclesia Catholica Iesu irrigua, & ditata sanguine, pro Apostolica Sede, pro fide, pretiosissimo Dei dono millies, si opus esset, centenas in vndas è venis vitam diffundere; exundaret hæc vallis nostro cruore. O si per mare tam gloriosum ac voluptarium daretur ad Beatissimæ portum, littusq; eternitatis appellere. Sanctissimus Pastor, etsi nullius in nos criminis, Dei munere, extitit censor, mandavit tamen, vt sub aliquo instituto à summo illo veritatis approbato folio viuamus; & regula, quā vos à me efflagitastis sæpius, ipse quē dare renui imbecillitatis, & tenuitatis meæ optimè cōsciū, dabitur vobis, & mihi à nostro Arretino Antistite, ad quem idem Christi Vicarius benignissimas per me litteras destinavit, cui iam illas exhibui humillimè. Verū in re tam graui, in qua de omnium nostrum, & eorum, qui nos in hac veneranda valle sequi voluerint, salus agatur, prudenter

plu-



plurimi consilij Arretinus Præsul decreuit, vt, implorato Dei auxilio, & lumine, quo sine nihil bonum statui potest, indicat sibi quisq; triduanum ieiunium, & peculiare orationes; sic etenim sperat sibi diuini Spiritus lucem afflaturam, seq; cogniturum quid de nobis decernendum sit. Vos ergo dilectissimi additote suetis vestris ieiunijs noua asperiora ieiunia; ieiunet in re tam ardua, ipsum ieiunium. Pertingite vestris suspirijs, vestrisquæ lacrymis sidera, & precibus feruentissimis; pulsate pientissima Dei, eiusq; Matris viscera, denudate humeros, resonentquæ cælesti in aula vestrorum flagorum religiosi ictus. Desinant triduo opera cetera manuum, exceptoque tempore exiguo leuamini dato, totum reliquum vni Deo sacrum in ieiunio, vigilijs, orationibus, precibus, psalmodijs, corporisquæ afflictationibus impendatur. Mementote Eliæ orantis, cuius lingua facta est Cæli clauis; iubet enim illud claudi, & clauditur; orat postmodum & aperitur. Eremitæ intoleranti mora expectabant talium verborum finem; ardebant enim ocissimè exequi quod sacer indixerat Antistes. Nihil difficile militi sub Duce forti & operante; alacre feruet opus Antesignani exemplo. Ipse igitur optimus Princeps Bernardus quæ mandarat primus aggreditur, atquæ illo triduo ab omni cibo, ac potu abstinit; tantoquæ ardore in sacras preces profudere se omnes vt Acconensem vallem non militantis Ecclesiæ, sed triumphantis beatissimæ pacis asyllum gloriosissimum appellasset.

3. Reg. 17.

B. Bern. ante  
receptam re-  
gulam triduo  
ieiunat.



*Beatissima Virgo Mater in somnis Arretinum  
Antistitem admonet quid de B. Bernar-  
do, & de Acconensibus Eremitis  
ipsa statuerit.*

C A P V T XIV.

**P**Eractis triduoano ieiunio, & insueta carnis  
afflictione, effusisque pro exoriente noua  
Ecclesiæ sobole supplicibus precibus, & suspi-  
rijs, nouissima ea nocte, ò mirum! Ecce Dei Ma-  
ter Virgo sanctissima, quam mille Aligerum ag-  
mina circumstant, apparet obdormienti lenissi-  
mè sacro Antistiti: Fulgurat diuinæ Genitricis  
decora frons lumine, eoquè fulgore ipsa nigre-  
scent micantia sidera, eiusquè crinium auro  
cælesti terrenum rutilans palleret aurum. Genæ  
placidissime purpureis florent rosis, quibus can-  
dida maritantur lilia. Reliquum corpus ebur pos-  
sidet candens. Nec suauiore affluant auram  
pictæ cælestis agri areolæ, quàm qua spirat bea-  
tissima Virgo; qua amicitur vestis ea luce albet,  
ut fuscæ, & nigrantes alpinæ niues appareant.  
Plurimus affidet ore dius decor, & venustas;  
stellæ coronam texunt, stellas profert oculis,  
stellas calcit pedibus, stellis quoquè, cætantis  
redimita, & induta pyropis, diffulget tota. Auge-  
bant speciem supra charites diuinæ Virginis pu-  
dores.

*Hist. Oliuet.  
lib. 1. pag. 9.  
Michael  
Ang. Bonba-  
ueri. in dial.  
ad Nuperos  
Oliuetanos.  
fol. 10.  
Greg. Lomb.  
lib. 2. c. 26.  
in vita B.  
Bern. & alijs  
multi.*



dores. Comitatus ille Cælestium spirituum tantus, ut suis videretur ciuibus aula viduata Empyria. Completur siderea luce habitaculum, ta-  
ctoquè primū diuinitatis imperio Arretini Præ-  
sulis animo, sic illum Cæli Regina Beatissima  
verbis affatur amicissimis. Ipsa, o Guido, Bernar-  
di protectrix, & hospita: Ipsa ei cæco lumen elar-  
gita: Mihi sacra Eremus, Acconquè vallis. Mihi  
Eremitæ inter illa rupium sepimenta, Mundi cō-  
temptores summæ sunt curæ; Lucus ille mihi sa-  
cer, mihi sacra illa tesqua; mihi surgit hæc noua  
monastica soboles, antiquas cœnobiticas restitu-  
tura delicias, decoresequè. Non aliam, nisi Mona-  
chorum Patriarchæ Benedicti regulam Bernardo  
Ptolemæo, & socijs eius trades. Subdent placi-  
do illi iugo serui mei lubetia colla. Exuant nunc  
atra mœstitudinis indumenta, vestesq; pullas; da-  
bis pro mœroris pallio pallium cādīdum gaudij,  
& triumphī. Sit ergo Bernardi, & ceterorum, qui  
vallem incolunt verendam amictus albus; eritq;  
mei virginei nitoris, & intaminatæ puritatis in il-  
lis monumentum æternum. Notet vestem cādor,  
notetquè animum candentem patens in veste  
nitor. Non vocabitur posthac vallis illa Accona;  
sed ex valle consurget in montem, & Oliuetus  
Mons appellabitur ex Ascensionis supra sidera  
immortalis mei Numinis, filijq; gloriosa memo-  
ria. Ipsa vero Congregatio, nouaq; Cœnobita-  
rum progenies, dicetur ex me *Congregatio San-  
ctæ Mariæ Montis Oliueti*. Ecce insignia, quibus  
ipsa vtetur, quaq; notescet. Exporrigit Virgo ma-

*B. Virgo Ar-  
retinum An-  
tistitem allo-  
quitur.*

*De cœcitate  
B. Ber. & lu-  
minis cœlitus  
receptione  
agūt Autho-  
res supra ci-  
tati, & alij  
omnes, qui  
B. Ber. vitam  
elucubrarūt.*

num,



num, montemq; trifidum ostendit, cuius in cacumine surgebat sanguinea Crux; hinc indè vernabant virentes oleæ; manuq; dein altera candida, & virginea albissimas profert vestes, quas iussit Bernardum, sociosq; induendos. Quibus dictis, quibus ostensis, sua occlusa Virgo nitida luce extemplò euauit, habilem tamen reliquit suauitatis, & diuini vigoris sensum. Euigilat stupidus, & venerabūdu Guido: Repēdit tacita mēte quæ viderit, quæ dixerit, quæ Virgo ostēderit; visa, dicta, ostensa omnia attonitè volutat, piaquē Antistes delibutus supera voluptate, supinis manibus, lacrymisquē fluētibus agit Cælitum Reginæ gratias humillimas, quòd ipsum seruulum inuifere, & alloqui fuisset dignata; cœpitq; de Bernardo, & de socijs Eremicis (licet alta de illis percrebuerat sanctimonix fama) altiùs, & sanctiùs cogitare. Sint semper præ nostris oculis tanta hæc prodigia, non obliuioni dentur candida data vestis, Virgineæ, puræq; tradētes manus; non montes, non crux, non oleæ, non Oliueti montis præclarissimum nomen; Tuquē Virgo clemētissima, quæ pia dextera inceptasti, eadem serua, & perfice potentissima.

Guido I



*Guido quæ per somnium vidit B. Bernardo  
aperit, D. Benedicti regulam, candidas  
vestes, & insignia Religionis  
Deipara iussu tradit.*

## C A P. XV.

**L** Vce tantæ visioni proximior, Guidonis  
obsecraturus mandatis vnâ cum Ambrosio  
Piccolomineo, & Patritio de Patritijs delectis in  
Eremo socijs, Arretium nudis pedibus conten-  
dit Bernardus. Effulgebant in horum oculis mi-  
rum in modum charitas, & claritas propè cæle-  
stis; quos statim ac vidit sacer Antistes, stupuit; &  
in Bernardum amplexibus corruit sanctè violen-  
tus. Sit tecum, exclamat, Bernarde benedicte,  
sæper Deus, semper Virgo, quibus sic vnâ cū tuis  
in Eremo degentibus socijs es dilectus, & carus.  
Nihil mihi, nihil amplius tibi de instituto, de re-  
gula excogitandum, nihil de veste, nihil de no-  
mine; quid amplius? Nihil de ipsis insignibus,  
quibus Cœtus sacer dignoscendus, & cohone-  
standus. Omnia decreuit Virgo Mater Beatissi-  
ma. Vidi ego ipse per quietem in summo noctis  
silentio, o me felicem! Vidi Deiparam, præcepit-  
quæ mihi indignissimo seruulo, vt vobis custodi-  
dâ exhibeâ Diui Benedicti regulâ, cuius sub ve-  
xillo incunda tibi, & tuis Cômilitonibus gloriosa

mili-



militia. Nomen loci non amplius Accona, sed Oliuetum. Vestri ordinis insignia, tres erunt montes, seu potius mons trifidus, candidusque, medio in cuius iugo Crux figurabitur sanguinea; hinc inde viridantes vernabunt Oliuæ. Perpenditæ, quæso, quàm magna, quàm plena mysterijs, quàm sint omnia referta beneficijs. Non tu Bernarde nouæ huius familiæ, nouique ordinis author, sed verè Deipara Virgo prima fundatrix. Recolite, sub quo militetis parente Benedicto scilicet, cuius sub vexillò tot Imperatores, tot Reges, calcatis coronis, posthabitis sceptris, deuictoquè Mundo, deserta Deo seruituri petiere loca: sub quo tot Pontifices summi, tot sapientes, tot Principes, tot Duces, tot milites, tot heroes, Insulæ. Tiaræ floruerunt. Vos vetustam disciplinam edaci tempore collapsam vestris moribus restituite, Deponite in lætitiæ signum pulas has vestes lugubres; Conuertit enim Deipara luctum vestrum in gaudium. Sint semper candida indumenta vestra, externæquè albedini cõsonet interior animi nitor ergà purissimam eam Deiparam. Inexpletum sit vestrum omnium studium, & vestra in Christo progenies, illi sacra, suo de nomine est appellanda. *Congregatio Sanctæ Mariæ Montis Oliueti*. Sit vobis triceps mons iste Sanctissimæ Triadis imago, & altissimæ speculum contemplationis. Ascendite in montē Euangelizâtes Sion magis operibus, quàm verbis; nunquam vocibus sunt præclara facinora destituta; & si multoties operibus verba careât.

Sit

*Prima Fundatrix, & Auctrix Cõgreg. Montis Oliueti fuit B. Virgo, à qua habuit ipsa nomen, habitum, stema, & regulam.*

*Hier. 31.*

*Eccles. 9. Benedictine Religionis sectatores, & filij præclarissimi.*

*Isai. 40.*



Sit in faxei montis albedine, candida, & incorrupta fides nostra, in quā portæ Inferi nūquam praeualeant. Cogitate fratres charissimi, ex Oliueto Monte expansis manibus ad cælestia regna euolantem triumphis onustum Seruatorem Iesum, qui suæ passionis vulnera, etiam ascendens super sidera, reportauit innuens porro non nisi per ærumnas, & corporis afflictationes dandam nobis æternam cæli felicitatem; & si plagæ nobis non dantur, exhibetur in monte cruenta Crux, vbi vestræ manus, vestri pedes, & pectora affixa, sint confosso Christo; si enim compatiemini, conglorificabimini; si eritis conformes passioni eius, eritis & gloriæ; & vt intelligatis magis in cruce quiescere Dei seruum, quàm in pluma sectatorem Mundi, inspicite in vestro stemmate vallatam, crucem virentibus oleis, quæ certè Christi pacē nunciant, Christi quidē, qui cuncta quæ in Cælis, quæuē in terris sunt, dulcissimè serenat. Sit Crux vestrum vexillum, præferre in hostes omni labaro augustius. Erit mons vester, auspice Virgine, mōs pinguis, mons coagulatus, mons, in quo beneplacitum erit Deo habitare. Regum mammillis lactabimini, & nutrices vestræ, iuxta Isaia vaticinium, Reginae sublimes erunt. Manabit vestra vallis lacte, & melle. Stillabunt montes dulcedinem diuini solaminis. Vernabunt flores virtutum. Pardus accubabit cum hædo, nullæ feræ nocebunt. Deserta, & inuiæ vestræ solitudini gloria Libani dabitur, decor Carmeli, & Saron. In terra sitienti riuī, & fontes aquarum erumpent. In vestra ger-

Rom. 8.

Psal. 67.

Isai. 60.

Ierem. 11.

Amos 9.

Isai. 11.

Isai. 35.

Isai. 32.

T mina-



Isai. 42.

Quo tempore  
B. Bernarai  
monastica  
fuerit  
veste indu-  
tus.

B. Bern. Am-  
brosius, &  
Patritius pro-  
fiterentur post  
acceptum mo-  
nasticum ha-  
bitum regu-  
lam Sanctis-  
simi Patris  
Benedicti.

minabit Eremo cedrus, myrtus, & lignum oliuæ. Interea Deo gratias agamus innumeras, eiusque Virgini Matri; mihi verò castino Sole hostiam oblaturo diuinā, vobisque quæ Beatissima Virgo exhibuit daturò, adestote. Anno igitur à Virgineo partu millesimo trecentesimo decimo nono, è discessu Bernardi à sæculo ad Eremū sexto; die ante Kalendas Aprilis septimo, hebdomada secunda, in æde sacrosanctæ Trinitatis, tota penè spectante Arretina Vrbe, Antistes solemnī ritu infulatus litauit, peractoquē incruento corporis, & sanguinis Christi sacrificio, præcibatis, pastisque diuino tritico Bernardo, Ambrosio, & Patritio, vestem candidam coram imagine Christi Cruci affixi, quæ vsq; hodiè cernitur, & religiosissimè colitur, dat idem facer Antistes Arretinus induendam. Nequē elapsa horulæ mora, flexis genibus vota iuxta Sancti Benedicti regulam profitentur. Lacrimabatur penè tota Ciuitas tanto prodigiorum aspectu; fletus, vt profusus, sic suavis omnibus; dies illuxit præ ceteris serenior, ipse gaudēs phœbus Lucifer inrer homines mortales nitores immortales albescere suos. Addit, traditis vestibus, pias preces, & feruida cōmiscet Præsul colloquia, quæ ad instituti obseruantiam pertinebant. Bernardus verò, Ambrosius, & Patritius (quibus iam cæsaries, & luxurians coma recisa, & ad curtem detōsa, gloriosæ seruitutis tessera, monastico more) repēdebāt, quæ fuerat Virgo mirè operata. Gratia siquē, & diuini fauores sanctis hominibus noui, & acriores ad benè operādum stimuli sūt.

Priui-



*Priuilegium B. Bernardo, & socijs conceditur  
extruendi templum, & vitam insti-  
tuendi cœnobiticam.*

C A P V T XVI.

**M**onastico habitu indutis B. Bernardo, eius-  
quē socijs, Antistes Guido his verbis ami-  
cis affatur. Fratres aspiret vobis Regina, & Impe-  
ratrix Cælorum Maria Virgo, quæ à vobis est.  
Lætamini in Domino, triumphate, & sanctis ope-  
ribus dehinc feruentius operam nauate. Sanctis-  
simæ Deiparæ oraculo confurgit hæc noua Mo-  
nachorum soboles. In honorem eiusdem semper  
Virginis datur à me tibi Bernarde facultas & eri-  
gendi templū, & cœnobium extruēdi sub regula  
Beati Patris Benedicti. Monasticam obseruātiā  
institue, & ceteros sub eadem regula victuros re-  
cipe, & monastico habitu indue: concessitquē  
bonus Pastor vt Monachorum nullus postmodū  
sæcularis fori, vel vectigalibus, vel collectis foret  
obnoxius. Annuit etiam vt Abbates, & Monachi  
possent in ijs constitutiones facere, quæ spectarēt  
ad ipsam rem cœnobiticā benè gerendam, iux-  
tā tamen Diui Benedicti mentem, & regulam.  
Priuilegium à Guidone Petramalio Pontificio  
nomine concessum Oliuetanis, fusiùs in historia  
Oliuetana habetur primo libro. Hæc Duci, Pa-  
trique nostro Beato Eremitæ obuenerunt, vmbra

*Guido Anti-  
stes Arreti-  
nus B. Ber. &  
socios alloqui-  
tur.*

ITABE

T 2

inter,



inter, & antra, & solitudines. Expertus ipse umbras fulgentes, solitudines frequētas, horrores floridos, felices cauernas, spelæa beata. Nihil aut mirum: nulla hæc propè sunt Deo in sanctis viris. Quæ sūt exeunt ab Omnipotēti dextera, cui obsequentissimus semper honor, & gloria immensa per æternitatem.

Libri Secundi Finis.



BEATI



BEATI  
BERNARDI  
PTOLEMAEI

SENENSIS  
VITAE

Liber Tertius.

B. BERNARDVS COENOBITA.

*B. Bernardus Dini Benedicti regulam ab Ar-  
retino Antistite Guidone Petramalio  
iussu Deiparae acceptam, fratribus  
exhibet observandam.*

C A P V T I.



Andido amictu, habituq; cœno-  
bitico indutus Bernardus (ad  
Vallem, an ad Montem dixerim?  
Vtrumq; dicam, ad vallem siqui-  
dem si positum, situmquē inspe-  
xeris; & quidem profundam, hor-  
ridisquē marginatam rupibus; si verò à Matre  
Virgine inditum eidem valli nomen rependas,

Mon-



B. Ber. Cœno-  
bita ad Ere-  
micolas ser-  
monē habet.

Greg. Lomb.  
in vita B.  
Bern. lib. 1. c.  
2.

Mōtem dices Oliuiferum, inclytum, excelsum, ex quo mens supra ipsa se fastigiat sublimia sidera. Ad Montem Oliuetum reuertitur cœnobita Bernardus benignissimo omnium plausu exceptus. Obscuris adoperti regumentis Eremitæ socij circumfusi admirabundi fiunt diuinas laudes præcinentes Beato Patri obuij, corruuntq; certatim hinc indè ad manus, ad vestium simbrias humillimis osculis reuerenter. Singulos ipse circumspectos, sacraquē benedictione donatos, sic iater Patritium, & Ambrosium alloquitur. O Fratres, ò in Domino filij ò hac in solitudine tot, tantaq; Dæmonum astu perpeffi Commilitones, & mei socij; iam mira perfecit Deus; iam seruos suos solatus, iam exaudita nostræ omnium preces, & gemitus. Quam me indutum aspicitis candētem vestem, lætitiæ argumentum, candidissima Virgo Deipara mihi per Arretinum Antistitem tradidit, & huiusmodi indumētum à me vos omnes, eadem mandante Cælorum Regina, spiritu puriori induemini. Quidquid per quietem viderit Guido Petramalius, cuius sub vexillo, ac tessera sit inferēdū inferis bellū, quo nomine, qbus insignibus vrendū ex ordine recēset. Cælestes fauores contemplatur Bernardus, meditantur & ceteri. Iam patet, & clarè innotescit Beato Patri somnium, quod à Fulua eius Genitrice pijsima de Cycno acceperat candidissimo; de neglectis Matris vberibus, ac blanditijs, de virentis Oleæ discerpto ramulo, de sublimi, & pernici ad cælestes orbes volatu. Iam omnes vnà cum Beato Pa-

tre I



tre scalas illas argenteas ab ima Valle ad Cæli apicem vsquè porrectas, sibi, socijsq; monstratas, Iesum Virginemq; Matrem albis in vestibus, Cœnobarum ascensum candidis indutorum amictibus per eadē, Angelico comitatu, iterum pia mente reuoluunt, ruminantur, stupent. Quisquē summissa voce, crebro gemitu, interruptis suspirijs, pulsato sæpius manu pectore, gratias agit ardentissimas. Mirantur cuncti quā benè cohereant omnia, quā inter sese sint congrua; quā consona, & quā denique ordinata, iuxta Pauli Apostoli oraculum, vniuersa, quæ à Numine sūt. Miscet mendacia innumera fallax sæculum, monstrat honores, & infert ignominias; gloriam ostētat præclaram, & atras iniungit iniurias; pollicetur pompas, & parat miseras. Est vera dicens Deus dulcedinem promittit, dulcedinem experieris affluentem. A largissimo benignitatis fonte omne bonum hauries. Iam Acconenses Eremitæ euadunt cœnobarum illustriori insigniti nomine Deiparæ Matris Virginis Montis Oliueti, depositis luctuosis, & obscuris vestibus; nouis, & candidis amictuantur, puriorem ipsi vitam enixius professuri. Beatus Bernardus gratiarum actiones sine intermissione præmittit; regulamquē Monachorum Patriarchæ Diui Benedicti exhibet, admonetquē, quot illustres Viri sub tanto Parente, & pio sacrarum legum latore, Christo Iesu militauere, gloriosiores existimantes sese in pauperimis Benedicti septis, quā in Regnorum augustioribus thronis, lætiores in arctissima, & humil-

Rom. 13.

lima



lima cellula, quàm in auro fulgidis aulis, splendidi-  
 ores in vili spelæo, vel tuguriolo, quàm fastigio-  
 sis in turribus: Nobiliores in rusticis lignonibus,  
 quàm in Regijs sceptris; molliores in villoso cili-  
 cio, quàm in tenuissimo bysso. Amplificat Beatus  
 Pater religionē tanti Cœnobiarchæ ex tot coro-  
 nis, & infulis ex tot Sūmis Pōtificibus, quibus illa  
 diues, qui tot annos agitaram inter varios fluctus  
 Petri naiculā cursu felicissimo direxere. Euehit  
 ex tot Doctoribus, & eruditissimis viris, qui in-  
 scitiæ disiectis caliginosis tenebris, veræ, germa-  
 næquē sapientiæ fulgores toti orbi honorificè in-  
 uexere, & nunc cælesti in regia, tanquā lucidissimi  
 Soles clarissimè effulgent. Extollit ex tot Mundi  
 contemptoribus, quos nūc Mundus ipse sanctos  
 admirabundus veneratur, factos iam spectacula  
 Dei ex alto intuentis, nunc spectacula Mundi  
 obstupescantis. Nolimus, aiebat Beatus Bernar-  
 dus, ò socij; ò filij feracissimo in agro, totquē in-  
 ter fructiferas arbores trunci esse siluestres, ra-  
 muli sterilescentes. Iam ex Oleastris inserti su-  
 mus præpotenti Virginis dextera in bonam oli-  
 uam. Habet miram Virginea manus vim, virtu-  
 temquē ad virentes oleas fecundandas. Manus  
 illæ pudicæ virorem seruant incorruptum, ater-  
 num. Tantæ Virginis afflatus, & tutela inuiolatū  
 nostrum omnium seruabit decorem. Ex harum  
 vestium albedine, ad integerrimum morum can-  
 dorem cohortamur, & ad peculiarem erga illam  
 Beatissimam puritatis Matrem nobis sospitam,  
 pietatem, religionemquē. In trifido albo monte

Rom. II.

fides



fides candida, in virentibus Oliuis firma spes; in sanguinea cruce in cacumine montis locata diuina charitas commendatur: Charitas, inquam, qua cum Deo, & nobis omnibus, purissimo sensu, quid vnum efficiamur. Hæc charitas, hæc vnio nobis indicitur. Charitate dignoscetur nostra fides, spes nostra; Nihil enim prodest nobis fides, & spes sine charitate. Efferuescebant omnes suauiori amoris igne ad hæc verba Bernardi. Conclamant vnâ Dei mirabilia, quæ operatus est, quæ uè ostendit humillimis seruulis suis. Tum veluti in longam aciem ordine binario dispositi, quam Bernardus nouissimo loco regebat, ad sacellum inter Cupressetum Diuæ Scholasticæ sacrum pergunt. Disposuerat Deus, cui omnia ad sunt, cuius scientia æternitate splendet, ut futurorum inscij B. Bernardus, & socij maiores nostri militaturi sub Diuo Benedicto, sorori Scholasticæ aram statuerent. Ibi omnes humi fusi, præcinente Antesignano Bernardo, Te Deum laudamus, religiosè occeperunt; diuinis laudibus responsant rupes, & valles sacro murmure, gaudet quæ resonare canora Echo, quasi cōcauis illis latitās in spēleis. Cōfundūtur, commiscētur quæque suspiria, voces, gemitus, lacrymæ. Nemo nō noctem illam duxit insomnem. Cuncti nocte re in orationibus, cuncti in gratiarum actione immergi, cuncti iugi meditatione versari inter Cælitēs. Serenius rûm fulgere suis pyropis, stellisque videbantur cælestium orbium fornices. Specus, illæq; cavernæ, hortuli iam sunt delicia-

*Oliuetanum  
stemma my-  
sterij referit  
plurimis.*

V

rum,



I. Corinib. 2.

rū, Tépe, ac Paradisi tutissimi, quos nō hesperius  
 Draco, sed Draconis domitrix Virgo custodit.  
 O felices talium vallium incolæ, nō Reges sic hi-  
 lares in auro, gemmisq; radiantibus Thronis, vt  
 pauperrimi Cœnobitæ in illis furuis cauernulis  
 verè diuites. Et tamen miseri nos struimus nobis  
 in hiscè Mundi mēdacibus pompis miserias. Cœ-  
 nolutus homo, & infatuatus hæc ista non percipit,  
 cū non percipiat ea, quæ Dei sunt; etsi aliquan-  
 do ista vel corporis, vel mentis oculis videt, cogi-  
 ratio volubilis auolat, euanesceat, & in sæculi mi-  
 ferrimis laqueis, consilij expers felicitatem locat  
 suam. Iam Eremitæ nunc Cœnobitæ, fuscis reli-  
 ctis moeroris exuijs, videbantur tot Angeli in-  
 albis è Cælo dilapsi inter siluas vitam ducturi. O  
 quàm felices, qui, posthabito mendaci sæculo,  
 Deo inhaerent! Beatos seiplos experiuntur in sen-  
 suum castigatione, vitæq; asperitate. Cur nos vo-  
 citamus, quæ maiores nostri præstitere, difficilia,  
 insuauia, ardua? Mille sunt sapientes qui prædi-  
 cant vitæ austeritatē dulcissimam. Vnus est Mun-  
 di sectator inscius, qui asserit asperam, duram,  
 amaram pœnitentiam. Cui credas?



De



De Antistite constituendo una cum socijs agit  
*B. Bernardus. Abbatis munus, & dotes  
 ipse edisserit.*

## C A P. II.

**I**N vnum collecti Monachi de Præsidente nomine  
 Abbatis ceteris praefecturo, nonnullis prae-  
 uis diuinæ bonitatis supplicibus votis, cepere  
 agere: De B. Bernardi electione ad tantam Pro-  
 uinciam obeundam quisq; non anceps erat. Age-  
 batur de summo munere; idcirco singuli dignissi-  
 mo Parenti, & Duci præclarissimo exhibere in-  
 hiabant Imperium. At Beatus Pater admirabili  
 humilitate semper oneri se imparem fassus. Necti  
 nullo pacto poterat ad supremum inter illustres  
 illos Cœnobitas gradum, clauumq; accipiendum.  
 Dictitabat enim in sacram se contendisse Ere-  
 mum, non ut imperaret, sed ut alijs deseruiret;  
 quare paratus erat ipse à Monachis eligendo Præ-  
 fidi, obtemperare. Eligerent tamen rogabat  
 enixè aliquem, qui scientia, & sanctimonia, & re-  
 gulari disciplina reliquis præstaret. Sit, aiebat,  
 prudens, & vigil. Habeat peritiam, constantem  
 virtutem, mores integros, euangelicam benigni-  
 tatem. Recturus filios lucis, nè versetur ipse inter  
 caliginosas incitiæ tenebras. Arguat, obsecret,  
 toleret, cogat, suadeat, fortitudinem lenitati af-  
 societ. Crudelis erit, si semper rigidus, crudelissi-

*Hist. Olier.  
 lib. 1. fol. 14.*

*Rectoris par-  
 tes doceat B.  
 Ber.*



Psalm. 18.

mus, si semper indulgens. Nimia seueritate radicatus arent subditi; profusiori indulgentia languescunt medullitus. Qui alios gubernat Pastorem se esse sciat, tondeat leuiter ad feracitatem, non penitus ad cruciamenta, ad interitum. Meminerit subiectorum culpas, vel poenas, ab ipsis presulibus expetendas, quod tam longo fletu extimescebat Regius Psalter inquit, Ab alienis parce seruo tuo. Si nauis æstuans ad Maleas, Syrtisque vorticosas allisa frangatur, poena dignus nauclerus debilis. Si dissipati milites trucidantur, Duci vel nimium audaci, vel admodum pauido refunditur mulctando culpa. Ne dignitate superbiendo gliscat, à vulgaribus subditorum exercitamentis nec abstineat Optimus Præsul. Doceat magis moribus, quam voce. Vilescit vel præclara doctrina in ore Doctoris immundi. Non horremus minus coenosam aquam in vase puro, quam pellucidam in impuro. Acies est contra Tartareas cohortes monasticus ordo. Nunquam sine strenuo Duce victor discessit exercitus. Monstruosum quippe corpus sine capite, monstrofi euentus, & calamitosi contingent sine Rectore. Ut autem quælibet sanctè componantur, optimo Principe opus habemus. Detur nostro huic Cælo mystico Sol, qui lustrer, & illustret, ac per huius vitæ dubios cursus demonstret. Ne patiatur siluescere recens conſitam Dei vineam. Sit tolerans laborum, ut eosdem tolerare eius discant exemplo subditi. Efficacius morum, quam lingue testimonium est. Habent opera linguam, & facundiam, ipsa lingua

tacen-



tacente. Doceat sibi subiectos hilares esse sub iugo paupertatis, obedientiæ, castitatis; sit tandem scientia, & virtutibus præditus. Dominaturo homini bestiis terræ, volatilibus Cæli, Marisque; piscibus dedit summus, ac sapientissimus Opifex ingenium nobilius, ac in eū, immisso sopore, omnium rerum infudit scientiam, sapientiam præclarissimam, ita ut nomen cuique Adam imposuerit. Maxima enim Principis virtus est nosse suos. Pareant subditi ad rati nutum Rectoris. Obedientiæ meritum quis dignè explicet? Præclarissimum est sacrificium omni holocausto acceptius, quippe quo non vitulos, vel agnos, sed nos ipsos Deo offerimus, iugulamus. Ordo regularis obedientiæ fulcro ita fulcitur, ut eo amoto, corruat tota ipsa Religio necesse est. Vnus sit, qui omnibus moderetur. Perniciosa imperatū multitudo. Vbi plurium regimina, regimen nullum. Eligite itaque charissimi in Domino, quem maioribus virtutibus inter tot dignos socios præcellentem nouistis. Verum quò magis in hæc effundebatur Bernardus, eò magis in eum mentes omnium dirigebantur; ipse verò oblatam dignitatem profusioribus lacrymis renuebat, se miserum, se inutilem seruulum, se peccatorem fatebatur. Expauēbat, o mira hominis humilitas! ad regiminis umbram. Sed quò magis abnuens erat, eò magis (ut de Nepotiano sacerdotium recusante dixit Sanctus Hieronymus) studia in se omnium & ardentiora vota concitabat, & merebatur negando, quod esse nolebat, eoque dignior erat, quò se ip-

Gen. 1.

Gen. 2.  
Homo imperaturus animalibus sapientior illis efformatus.  
Gen. 4.

Obedientiæ meritum, & laus.

S. Hieronymus de Nepotiano.

se



Ioan. 18.

Heb. 5.

se clamabat indignum. Et re vera Dignitates, Coronæ, Imperia umbræ sunt in hoc sæculo. Rex ipse lucis Regnum suum has inter tenebras non existere asserbat, huiusmodi tamen umbræ prosequentem fugiunt, fugientem prosequuntur. Defleat quisquæ, calcaneoq; semper insistat, & dignitates tanquam Aaron à Deo vocatus suscipiat.

*Eligitur Primus Abbas Generalis Oliuetanus  
Patritius de Patritijs, Templum Deipara  
sacram extruitur, & humile  
Monachis Cœnobium exci-  
tatur.*

## CAPVT III.

**B**Eato Bernardo nimis ab omnibus expetito renuente, ut nuper diximus, Præfulatum, ventum deniquè, sic ipso obsecrationibus efflagitante supplicibus, ad alterius electionem. Inuocato igitur suppliciter Sancti Spiritus auxilio, ut veniret, ut eorum fidelia corda repletet ut cūctorum viseret mentes, ut expelleret tenebras, ostenderetquæ quem essent electuri. Eligitur statim, post effusas preces, vnanimi voto eiusdem Beati Patris socius Patritius de Patritijs Senensis, nobilitate, doctrina, vitæ integritate præstantissimus. Vir hic, ut prænarauimus, per celebrem

illam

*Primus Ab-  
bas Genera-  
lis Oliuetanus  
Patritius de Pa-  
tritijs Senen-  
sis.*



illam de mundi contemptu à Beato Patre habi-  
tam concionem vindicatus, & solutus à sæculi  
laqueis dicauerat sese vnà cum ipso Bernardo  
Eremiticæ asperitati. Genus trahebat præclaro è  
sanguine, eratq; ingenio mitis, & grauis; consilio  
constans, & pollens; in mente non obnubilus; admira-  
bili humilitate, vigilantia inexplata, puritate pe-  
nè Angelica, multis aptus laboribus, austeritatē  
patiens; alacer in suasu, in opere feruentior; virtu-  
tibus tandem scatebat plurimis. Profectò dici  
poterat minister Euāgelicus, qui cælestes thesau-  
ros subditis filiis impertiri valeret. Subijt regendi  
onus Patritius Bernardi precibus, qui ei de Ele-  
ctorum iudicio gratulatus, ante omnes, demissis  
humi genibus, humillimè noni Præsulis exoscu-  
latus est manus. Contendebat inuicem pio cer-  
tamine vtriusq; humilitas. Bernardus indignus,  
qui tanti viri tam ritè electi pareret imperio, Pa-  
tritus indignissimus, qui tot regeret illustres vi-  
ros, ipsumq; Bernardum. Hæc dum sanctissimè in  
sacra Eremo geruntur, aduolat celebris fama,  
& narrat quaquè mores inibi castissimos, miram  
omnium sanctitatem diffulgere, Diui Benedicti  
acceptam regulam summa integritate custodiri,  
horas ad recessum illum siluestrem, tanquam ad  
fortunatæ aternitatis portum traduci; tempus  
esse beatum assiduas inter meditationes, & dul-  
ciora suspiria; euulgabat passim volitans fama cæ-  
lestes illius deserti delicias, frequētes orationes,  
concentus feruentes, fermocinationes, fortuna-  
tos labores, beatissima silentia, suauissimam pacē,

diui-

*Patritij de  
Patritijs Pri-  
mi Generalis  
Abbatis Oli-  
uetanorum  
lauder.*

*Cœnobitice  
vitæ bonus  
odor quaquè  
diffusus.*



*Oliuetani  
Cœnobii se-  
plū extruūt,  
& capaciora  
habiracula.*

*Regularis  
discipline  
custodia sub  
Patritij de  
Patritijs re-  
gimine.*

*Fato cedit  
Patritius de  
Patritijs, &  
Abbas Gene-  
ralis consti-  
tuitur. Am-  
brosius Pic-  
colomineus.*

diuinam quietem, pacatissimam celestis dulcedi-  
nis vbertatem. Quare plurimi, abiecto, pessunda-  
to sæculo, illiusquæ ludricæ scenæ floccifactis mi-  
ferrimis spectaculis, ad Oliuetanas rupes, & cali-  
gantes recessus, habitum suscepturi, confluebāt.  
Nobilis hæc, & sancta multitudo iam inhiabat  
extructa sacellulum, & habitacula tot Cœnobi-  
tarum incapacia amplificare; quapropter pro cu-  
iusquæ viribus insudat quisquæ extruendis ex ar-  
gilla, arborumquæ truncis, ac ramis, mapalibus  
potius, & agrestibus casis, quàm cellis. Accolæ  
illi integerrimi Euangelicam paupertatem per-  
sonabant, viæ humiles, recta pauperrima, cauer-  
nosa tuguriola, obscuræ cauæ, & latebræ. O silue-  
stre antrum diuinioribus viretis sparsum, & pur-  
purascens! O felicissimæ rupes celestium orbium  
scenæ, & Theatra, quoties dignæ, quæ vos inco-  
lerent è Cælis dilapsi Angeli, beatissimi spiritus!  
Annum in administratione exegit Patritius; hoc  
erat sub ea initia constitutum tempus regimini,  
moximè tamen in exiguo cursu præstitit optimus  
Præsul. Sategit ne quid Patriarchæ Benedicti re-  
gulæ relaxaretur. Difficillimum est, Duce labo-  
rioso, sanctis verbis, & sanctiori exemplo præeun-  
te, subditos esse socordes. Patritio, qui post mul-  
tos annos in bona senectute de suo ordine satis  
benemerito ad æterna præmia euolauit, cum vi-  
tæ, tum æstimationis laurea acclamatus, subro-  
gatur (renuente denuò regimen Beato Ber-  
nardo) alter eiusdem Beati Patris consors Am-  
brosius Piccolomineus, qui etiam anno in suo

mu-



munere nimis laudabiliter expleto, Eremitica, & monastica gloria insignis ad coronam in Cælo pro exantlatis paratam laboribus conscēdit. Dignissimus finis gloriosorum facinorum, quibus nati videntur magni Piccolominei. Sanguis horum præclarissimè non modò in Italiæ plagis, sed per vniuersū Virtutes inter, & Palmas rutilat, atq; triumphos, seū de edomitis hostibus nos inter, seū inter Cælites de subactis Inferis. Non vno superbit lux tam effulgēs nitore. Sacra inter Claustra Viri exitere sanctimonia insignes, in Toga Catones Summi cōsiliij, ciuilis fortitudinis, equestris constantiæ; in infulis & tiaris purpurati heroes, & Pontifices maximi; in sago præexcellētis fortunæ, & fortitudinis Antesignani, & Duces strenuissimi. Viuit, dum hæc scribo Octavius Piccolomineus Belgici gloria belli, qui hoc dici potest æuo alter Augustus, quòd Augusto, nempe Cæsari præstantissimum ante omnes armigerum præstat seruitium. Quot inijt prælia, tot retulit trophœa. Cerneret in huiusce dextera victrices pullulare palmas. In fidei rebelles orthodoxæ, pro cuius tutela sanguinem fundere, iugulum ostentare millies non formidat, Thebanos, Epaminondas, Romanos Pompeios hic vnus exprimit. Et hos, & alios innumeros fortes, integros, nobilesq; fama profecquitur diuino munere immortalis. Præficitur, defuncto nostro Ambrosio Piccolomineo omnigenis referto virtutibus Simon de Thure Senensis, qui eadem prorsus via insistens, administratione annua functus, honore,

*Piccolominei  
sanguinis cla-  
ritas, & ma-  
iestas.*

*Octavius Pic-  
colomineus  
nostro sæculo  
belli gloria.*

*Ambrosius  
Piccolomi-  
neus secun-  
dus Abbas  
Generalis  
Oliuetanus  
fatis cedit.*

X

&amp; one-



*Simon de  
Thure tertius  
Abbas Gene-  
ralis.*

*B. Ber. mona-  
stice vite au-  
speritatem, &  
mores Nupe-  
ros edocet.*

& onere se abdicat, vitæq; cedens humatur in sepulcro, ubi ceteri Maiores duo, estq; propè Ecclesiam, quò egressi ab Odæo conveniunt Monachi ad psalmos, precesquè pro defunctis fratribus. Non ocio torpuit hos tres annos B. Bernardus; sua intererat cūctis consulere. Nihil enim, eo inscio, ob viri reuerentiam, & sapientiam agebatur. Ipse ardentissimo studio, & feruentissima diuini amoris percitus flamma, aduenientes ad monasticam Eremum verbo, exemploquè cœnobiticæ vitæ tyrocinia, & sanctæ regulæ custodiam edocebat. Cuncti tanti Institutoris exemplo ad virtutis apicem summo studio contendere, in dies proficere, sanctitatis culmen magis, ac magis attingere. Roborat dextra faciens curren-tes animas, quæ, illa volâte, stare loco nesciunt, itinera inhiant asperiora virtutis. Nullus tamen recenti in Christi condita vinea labore præibat B. Bernardo; nemo maiori zelotypia exardescibat diuini cultus, & monasticæ disciplinæ. Egressos è sæculo hortabatur ipse ad degustandos diuinos amores, cælestes delicias in deserto, in illa loci ariditate ostendebat esse affluentes Sancti Spiritus scatebras, cellam vinariam charitatis, ebrietates animi, suauitates puris dūtaxat labijs, notissimas.

*Quod*



Quod diu construunt Cœnobite, noctu Dæmo-  
nes destruunt. Fundit preces Bernardus  
Beatus, & à Deo loci custos missus  
Archangelus Michael tar-  
tareas fugat larnas.

## CAPUT IV.

**C**hristianæ pietati, & vnioni inimicus Sata-  
nas inuidencia pallens se acerrimum ea-  
cōtrā singularia charitatis vincula hostem parat,  
fremet ira, odio æstuat, & nequit pati, quod inter  
molles mortalium animos innumeris subiectos  
moribus, & casibus pax ea propè cælestis, & vnio  
& tranquillitas admirabilis asseruetur. Illa, inquā,  
pacis dona, quæ ipse nefarij Princeps belli in  
Empyrio pacatissima felicitatis Regia, nobiles  
inter confortes minimè seruare sategerat. Qui  
quondam in iniquum exarsit violentus bellum,  
pacis nomina horrescit semper. Ne fido infido  
Duci, & non nisi casus ex illo præcipiti timeto  
animo. Nequit vaferrimus hostis aciem contra  
tartara optimè structam, apparatus, tantoq; or-  
dine sanctè dispositā contueri. Rabie igitur actus  
effera furit, fumum, & flammæ euomit, dum irri-  
guis sudoribus circa Cœnobij structuram, tem-  
pliquè Deiparæ, (cuius calcaneo contritum sibi  
caput senserat) proprijs manibus elaborat pius,

Satanas pa-  
cis, & chari-  
tatis osor sa-  
cri templi, &  
cœnobij edi-  
ficiū extruē-  
dum ferre  
nequit.

Gregor. Lom-  
bard. in vita  
B. Ber. lib. 3.  
cap. 6.



& venerabundus Coenobitarum Chorus ruinæ  
 fludet sauiissimus umbrarum Princeps. Laborant  
 nobiles coementarij, atqui per noctem quæ con-  
 struunt illi per diem destruunt demolitrices um-  
 bræ. Dæmones ab eorum acciti execrando Prin-  
 cipe sternunt, dissipant, dispergunt omnia ingen-  
 ti labore comparata. Spectabantur manè tecta il-  
 la consternata iacere, dirutæ trabes, transtra hinc  
 inde disiecta, collapsi parietes. Querebatur in-  
 terim pusillus ille grex fusos perperam diurnos,  
 diurnosq; labores. Instabant singuli frequen-  
 tissimis precibus, vt revelaret humilibus seruis  
 suis Deus, quænam eius foret voluntas. An re-  
 nueret peccatorum manibus nouam sibi Matriq;  
 suæ erigi domum. An fortè alibi excitandum san-  
 ctissimum templum; non in spelæis, non in recessi-  
 bus illis horrore squalentibus. Beatus Pater im-  
 pensissimè orationi hac de re dabat operam, sol-  
 uebatur in lacrymas, quasi propria culpa (tanta  
 erat viri humilitas) Dei, Virginisq; opus præpe-  
 ditur. Rogitabat vt diuina affulgeret pietas,  
 panderet eius consilium; non suas culpas, sed so-  
 ciorum pietatem, integritatemquè conspiceret.  
 Distulit diuina bonitas seruo suo Bernardo sola-  
 men oblectatus nimium nimia illius humilitate,  
 & flagrantissimis precibus, quibus se tadem glo-  
 riosissimè & vinci finit, & vinciri. Paucis post die-  
 bus cum propè illa diruta tuguriola, & argillæ  
 aceruum, orationem lacrymosissimam funderet  
 Beatus Pater, diuina quadam ecstasi raptus vidit  
 fixè oculis inter incompasitas eas trabium, trun-

corum

Magna B.  
 Bern. humili-  
 tas. in vita  
 B. Ber. cap. 6.

Greg. Lemb.  
 lib. 3. in vita  
 B. Ber. cap. 6.



corum, spinarum, terræq; moles Iuuenem quem-  
dam nobilissimi aspectus procera staturæ, purissi-  
mæ venustatis. Induebatur bellicis militari more  
ocreis, lorica fulgebat adamantina, casside forti-  
tegebatur parum elata ad frontis gloriosissimos  
aperiendos decores. Natat ore decor plurimus,  
vultus afflatus auræ sunt suaves, candidus verò  
fulgor mare lacteum credebatur. Per tempora  
hinc indè aurei cincinni, floridæ comæ fluere, au-  
ræm carpere dulcissimam, eandemq; suauissimè  
afflare. Gestabat cælestis ille miles stricto capulo  
fulgurantem ensē, sæpiusq; vibrabat dextera; si-  
nistra pectori hærentem clypeum lucidissimum  
sustentabat. Circumibat militari gressu cœno-  
bium, templum, parietes dirutos. Haussit tum,  
B. Bernardus suauissimo mentis excessu mille pe-  
nè Dæmonum agmina ignitis luminibus, exesis  
linguis, nigerrimo ore ruinæ loci inhiantia. Miles  
verò è Cælo dilapsus dulcissimo iuxta, & acerbis-  
simo aspectu, flammiferis oculis modò auernales  
eas turmas ferro indignabundus percutit, modò  
terras faces dissipat, sternitquè: audiuitq; Beatus  
Pater ita loquentem cælestem militem. Laruæ  
nequissimæ estote præcul, itote præcipites in pro-  
fundissima vestra barathra, vestrasq; lugentes se-  
des, pœnarum cubilia. Ego ipse hoc iubeo ve-  
strum iam in Empyrio victor. Citissimos glome-  
ratote gressus, sedemquè hanc pacis dehinc ne  
turbatote. Mandat Deus, Dei; Mater: ipse has  
per auras iussa tuli, me scitis, & ensē hunc mi-  
nacem domitorem. Ad hæc turbæ illæ Inferæ

*Michaelis  
humanam  
subeūti for-  
mam descri-  
ptio.*

*Michael Ar-  
changelus  
Montis Oli-  
ueti cœnobij  
defensor, &  
custos.*

*A Michael  
Archangelo  
fugatur per-  
turbatores  
Dæmones.*

tre-



tremere, pallere, fugamquē vlulatibus tartareis  
 arripere præcipitantem. Fit illicò, reuelâte Deo,  
 palàm B. Bernardo Dēmones nocte in ædificia  
 sæuiffle, Iuuenem illum splendidiffimum, & loci  
 vindicem, effe Michaelē, qui ab Hierufalem  
 beata Luciferum, & rebelles affeclas hafta fu-  
 garat, eiecerat inclytus victor, & triumphator.  
 Tūm descendiffle Cæleftis militiæ Ducem ad no-  
 uam Oliuetani Montis Hierofolymam, vt eofdē  
 hostes Dēmones arceret; quin, & impofterū sub  
 tanti Archangeli patrociniō fore locum. B. Ber-  
 nardus hæc inter mira delibutus dulcedine, flu-  
 pore correptus, humi stratus gratias Deo, Deipa-  
 ræquē perfoluit humillimas, stillaturquē fuauiori  
 fenfu in lacrymas, atquē ad feſe tandem dulciſſi-  
 mē redit. Socios actutum adit, & ad opus proſe-  
 quendū hortatur, teſtaturquē non amplius euer-  
 tendum ad Inferis hoſtibus, nec deinceps præ-  
 nalituras contrā erigendum Deo, Matrique Vir-  
 gini tēplū, Tartareas portas. Irā perfidā, rabiēq;  
 veſanā mali Dēmonis aperit in eos, qui ad Cha-  
 ritatem perfectionis apicem contendunt. Serui  
 verò Dei alacrius pij operatores in opus Deo,  
 eiufquē Genitrici puriſſimę ſacrum incumbunt;  
 & monitu Bernardi Archangelo Michaeli aram  
 ſtatuunt ibi, vbi iam fuit admirabilis illa ſca-  
 larum cæleftium viſio. Quot numerat Eccleſia  
 ſancta triumphos Tibi non referendos Princeps  
 cœleftis militię Michael potentiſſime? Quis,  
 te Duce, non agnoſcet victorias? Ara illa tibi à  
 Religioſis noſtris Patribus extructa animos no-

Archangelo  
 Michaeli a-  
 ram ſtatuē-  
 dam curat  
 B. Ber.

ſtros



stros tibi custodi, & triumphatori te votos habet, & litatos.

*B. Bernardus omnium consensu Supremus Moderator eligitur.*

C A P V T V.

**F**ato iam functo Simone de Thure victus tandem Cenobitarum sociorum iteratis precibus, & peculiari forte Dei, purissimæque Matris consilio regimen Oliuetani Ordinis suscipit denique B. Bernardus. Effulsit in ipso vno quidquid à Summis Monachorum cunctis Præsulibus expeti poterat. Nequæ enim vnica virtute, sed bonis artibus imbutus erat singulis. Exar-descebat ipse sanctissimo igne charitatis, quo ceteros perurera. Patris inerat amor, Iudicis rigor, vtrumque condiebat, ita vt filiali amaretur timore, filiali timeretur amore. Et vt primus in regimine, sic in statutis custodiendis Princeps. Multa voce promebat, maiora præstabat. Vox eius, & ipsum silentium cunctis proficiebat. Decet enim parum loqui Ducem, & multa peragere: facta sunt efficaciora vocibus; si istæ clamant, & illa non clamitant, voces illæ non audiuntur. Surdis canit vox non faciens. Præcipua Bernardi virtus erat charitas, qua percitus infatigato studio, & inexplibili cura solabatur mœitos, sollicitabat desides, accendebat gelidos, occurre-

*Virtutes B. Bern. sacro sceptro dignissima.*

*Bonus Rector paucis innotescit verbis, multa operatur. B. Ber. charitas.*

bat.



*Omnibus om-  
nia fit B. Ber.*

*Sæculi con-  
suetudo Cœ-  
nobitis per-  
niciosa.*

*Galat. 9.*

*Rom. 13.  
Isai. 16.*

bat indigentibus, erigebat lapsos, firmabat fir-  
mius stantes. Per hanc omnibus omnia erat. Si  
prodesse videbatur alacritas, totum se hilarem  
religiosè effundebat; si profuturam notabat tri-  
stitiam, in hanc sanctè incidebat. Si humilitatem,  
huius certiora aperiebat signa. Si pietatem, vi-  
disse amantia viscera. Si seueritatem, dulcè se-  
uerum se præbebat. Monachos, & ad Eremum  
secedentes à profanis curis, & sæcularibus ne-  
gotijs omnimodè arcebat. Nihil, aiebat, est Cœ-  
nobitæ perniciosius, quàm immiscere se munda-  
nis curis. Animis elongemur, suspirabat, fugia-  
mus affumentes pennas diuini adiutorij, euole-  
mus è sæculi turbis; & maneamus non tantum  
corpore, sed etiam mente in solitudine, vt lo-  
quatur ad corda omnium vestrum Deus. Si cor-  
pore erimus in valle, mente verò in Mundo, di-  
stracti, & laniati viuemus. Effundamus ex pecto-  
re preces pro illis, qui procul è portu salutis  
mundanis fluctibus iactantur. Frugi erimus, si  
alijs enixè bonitatem impetremus. Felices nos,  
qui errores reliquimus ad illos amplius non re-  
uersuri. Crucifigamus carnem nostram cum pec-  
catorum sordibus. Abijciamus opera tenebrarum  
induamur arma lucis, vt filij lucis simus, & in lu-  
ce ambulemus. Deponamus fasciculos deprimē-  
tes, & sarcinas, quæ nos in longo itinere, è terra  
nempè ad Cælum, aggrauant, & aditum ab Ostio-  
lo illo arcto, quo ingressus habetur ad vitam, co-  
hibent nobis. Simus pusillus grex per paupertatem  
vsquè ad cutem tonsus, vt expeditius ad mō-

tem



rem cōtemplationis gaudijs vberem, bonis omnibus affluentem, conscendere valeamus. Quam inutillia sunt, & infelicia abrea vellera sæculi. Datur nobis cōsutura, abraditur caput, ut sciamus abijcienda quæ sæculi sunt; non enim quæ gerimus nostra sunt, ipsæ cogitationes nostræ, nec verè nostræ, sed vnius Dei sunt. Non nobis amplius voluntas inest, sed ei, cui voto nos ipsos obstrinximus. Nec caro nostra, nostra est, immo euanescere oportet, ut nō simus in carne, sed in spiritu, in hac omnium pauperissima pauperie diuites, omnium ditissimi sumus, quin Reges sumus, hinc datur nobis raso in capite corona. Eripiamus nos à mundo deuoti Deo, cui vni in solitudine serui-  
tur. Regnamus cū seruimus. Pacem reposcemus quietissimam à salutarī contra nos bello, quod ipsi Dæmones struunt in hac luctæ palæstra, dulcedinem libabimus ab hac vitæ amaritie, beatitatē à poenitentia, somnium à vigilijs. Deponamus nō baiuleius mundi sarcinas, ut Deo fortiùs inhaereamus. His monitis moderatoris Beati Bernardi volitant cuncti in purioris vitæ apicem felicissimum. Incipiunt iam cogitare de ordine amplificando, de construendo capaciōri Coenobio, templo, atque odæo, vbi omnes tanquam latiori in æquore desiderij catbas, & sãctitatis ad æternitatem velificent. Bernardo quippe summo rectore turmatim confluebant ex pluribus nō modò Italiae, sed longioribus tractibus ad Montem Oliuetum sub tãti viri disciplina Deo famulaturi. Peraetis itaque horis in psalmodia, & feruenti

*Coenobitis  
cur detur cō-  
sutura, vel ra-  
sura.  
Rom. 8.*

*Habet Coeno-  
bita in rasi-  
ra coronam.*



Religiosè di-  
stinentur in  
manu opo-  
ribus Mona-  
chi Oliuetani

Oliuetanorū  
manibus ex-  
citatur tem-  
plum Deo, &  
Deipara.

oratione vnà cum Beato Bernardo socij effodiūt  
cretaceas rupes, argillam alij curru deferunt, nō-  
nulli aqua macerant, pleriquē lateres quadrant,  
multi religioso famulatu effossam terram aspor-  
tant (nequē enim struendi, vel ædificandi suppe-  
ditat alia, quàm cretæ materies) cedunt hi ex ar-  
boribus ramos, illi succollant, multi feruentiori  
sub æstu ignem accendunt non vincti in Aegy-  
pto, vel serui, sed ab Aegypto sæculi egressi, & li-  
beri, non in terra captiuitatis, sed in terra promif-  
sionis coquunt lateres, ex quibus pij cœmenta-  
rij, floccifacto terreno fastu erigunt Deo, Ma-  
triquē Virgini testā, templumquē. Iam noua  
Hierusalem illius cælestis imago videtur in valle  
exoriri, & surgere ex viuis lapidibus. Iam vides  
discentos ad Dei Matrisquē gloriam Virginis ser-  
uos Dei in operibus luti, non sub tyrannico Re-  
ge Pharaone, sed sub pijssimo Duce Bernardo.  
Iam cernis in valle, & inter barathra surgere  
oppidulum, quod sic excreuit hac tempestate, vt  
Vibs quædam religiosa magnificentia videatur  
extructa. Redolent adhuc sanctimoniam muri illi  
tanta pierate à maioribus nostris, tot irriguis su-  
doribus elaborati, crediturquē omnibus suauissi-  
ma visio pacis. Vtinam simus, & nos viui lapides  
ædificij beatissimi. Vtinam inter cōcava vallium,  
& prærupta rupium delitescerent inhiemus apici  
perfectionis. Arduum, & accliuē fateberis per  
scabrosa iter, sed charitas complanat omnia.

Montis



*Montis Oliueti Cœnobij in agro Senensi, prout  
nunc extat, descriptio.*

## CAPVT VI.

**P**Ræclaras Parentum memorias haud licet fi-  
lijs, & mente non recolere, & voce, scriptoq;  
non recensere. Antiquus labor diuinæ darus glo-  
riæ, si memoriam sortiatur, habebit & respondens  
imitamen. Non ab re mihi fore censeo describe-  
re Cœnobium illud Montis Oliueti in agro Se-  
nensi celeberrimum cunctis, & summa veneratio-  
ne notissimum. Id & asperrimæ pœnitentiæ pri-  
ma palæstra, & sanctimonix insignioris Princeps  
Oliuetani ordinis Sedes. Horrisonas inter valles  
iam Acconenses, nunc dictas Oliuetanas, interq;  
hiantia præcipitia, præruptosque anfractus, ni-  
grantesque siluas, mœstasque cupressus, ut supra  
memorauimus iacet Cœnobium omniū antiquissi-  
mum, & patēs templum, licet squalidas inter spe-  
luncas, nobili maiestate ad Dei, Deiparæq; ho-  
norem conspicitur fastigiatum. Accessus ad Cœ-  
nobium idem, qui iam erat ad Eremum. Vnus  
enim est illius aditus per pontem ligneum, & pē-  
silem. In vestibulo, quod per eundem pōtem te-  
neretur, supra nimirum ostium, Beatissima Virgo  
Mater ex cocta argilla colorata prospicitur. Vna  
manu pectori hærentem gestat filium, altera Re-  
ligionis Oliuetanæ insignia, quæ ipsamet exhi-



buit, trifidum nēpē mōtē, in cuius cacumine crux sanguinea rutilat; hinc inde viridantibus oleis Mons ipse vallatur. Vestis Virginis cærulea, aptus color Reginae Cælorum. Excitat Matris vultus, Filijq; pulcherrimi intuentes ad Religionem, pietatemquē. Adest tanquam loci tutatrix Beata illa Mater, nec licet Eremū adire ea insalutata ynā cum Filio poplitibus flexis. Post vestibulum dextrā offendis valetudinariam officinam, vbi summo pietatis argumento non Coenobitis tantum, sed circumhabitantibus parantur ad ægritudines medicamina, pauperimis. Læua confurgit turricula, & habitacula multa protenduntur ad hospites præcipuē excipiendos, qui & frequentes, & multi sunt. Lateritia in longum media proteritur via molliter accliuis. E latere villatica piscina spectatur, eam circum latē patent horuli, atq; tramites lateritij, stabula capaciora, varia infimæ genti habitacula; ferrariæ, ac lignariæ officinæ, quæ deserto eo in loco & incolis, & hospitibus opus sunt. Amplior omnium via media, quæ lata, & in ob longum exporrigitur alticomis cyparissis mœstè frondescit; per hanc ad omnium antiquissimam Divæ Scholasticæ iter habetur ædiculam, quæ cypressorum funesta ymbratur siluula; alia ex parte etiam lato calle ad alterum sacellum Diuo Benedicto sacrum pergitur nostris temporibus excitatum. Multi per gyrum, cū labyrinthi sunt tramites, quibus sepitur templum per quos spargebantur iam Eremiticæ cellæ, nunc sunt sacra sacella. Templum autem, & cir-

cum



cū circa cœnobiū nemorosa valles, sacra resqua  
sūt, exesæ rupes. Cæcellatis arundinibus intextis  
floribus, rosis, lilijs, garyophyllis, hyacinthis,  
violis, rosmarino, ceterisque herbulis odoris, ac  
pictis flosculis, seu quæ rerum parens natura  
spontè, seu quæ manu ars edidit operosa, coro-  
nantur areolæ. Spatiantur per tramites illos in-  
colæ, ædiculas sacras inuisunt, captantq; diuinos  
sensus ex frementis ipsius auræ murmure, & ex  
quolibet frondis, florisq; conspectu Deo laudes  
conciunt. Cisternæ aquis exundant vberimæ  
ad sitim arcendam, sudoresq; refrigerandos effo-  
læ. Adhuc pluviales illi recessus lacrymis, sudo-  
ribus maiorum nostrorum commiscuntur, fitq; ea  
cum memoria dulcior vnda potantibus. Cœno-  
bium ipsum magnificum tribus claustris super-  
bit, in quorum primo vita Monachorum Patriar-  
chæ Diui Benedicti, ac gesta, insignis pictoris pē-  
nicillo expicta circūspectantur. Ibi nomina Abba-  
tū Generalium ab origine Oliuetanæ Congrega-  
tionis notantur, & Cœnobîa itidem eiusdem co-  
loribus exprimuntur. Plura cubicula, & spatiosa  
deambulacra admirabili distincta serie superius,  
inferiusquē videbis. Capituli, Scrutinij, Defi-  
nitorij, Triclinij, & Bibliotecæ loca aptè simul,  
& magnificentissimè patent. Cellę itidem plures  
religiosa pauperie refertæ Monachis hospitibus,  
& extero cuicumq; religiosè apparantur. Cœ-  
meterium vbi Cœnobitarum conduntur cada-  
uera juxtà templum iacet, cui diues sacrarium  
nexum. Templum ipsum Deiparæ Matris natali

san-



sanctissimo sacrum, sacella plurima peritioribus  
 pictorum manibus graphicè elaborata. Odœum  
 amplissimum, quò ad comitia tota generalis con-  
 cio conuenit exornatum satis. In prima sede Sū-  
 mo Oliuetanorum Præsuli decreta, erat Archang-  
 gelo Michaeli ara erecta, eodemq; in loco B. Ber-  
 nardo, socijsque Eremicis fuisse Scalæ, Iesus,  
 Virgo Mater, Angelorum Chorus, & cādidi Mo-  
 nachi Sanctorum comitatu Spirituum ad Cælum  
 ascendentes, ostensa, vt supra memorauimus. Et  
 re vera præ omnibus venerabile, & conspicuum  
 templum, ita vt dici possit Domus Dei in magni-  
 ficentia. Hospites habuit; haberquē cœnobium  
 quotidie nobilissimos (& prætermisissis silentio  
 viris principibus innumeris, Magnisque Hetrur-  
 riæ Ducibus) Alphonsus Calabriæ Dux, Neapo-  
 litanorum Regis Ferdinandi Filius ex familia Ara-  
 gonensi, qui, vita functo Patre, Parthenopæo Re-  
 gno successit nostri ordinis amantissimus, & be-  
 neficentissimus, tres dies locum incoluit, & Oli-  
 uetanis comitijs (admiratus nostrorum Maio-  
 rum Charitatem, pacemquē, cōsensumquē vna-  
 nimem, in eligendo summo nostræ Religionis  
 Præsule) interfuit, vt videre est in Oliuetana hi-  
 storia. Inter multa cœnobia Neapolitanum re-  
 giè auxit, plerisque alijs affluentes fructus, &  
 census largitus est, summo nostri ordinis au-  
 steritatis, & monastici instituti amore captus. Per  
 annum millesimum quingentesimum trigesimū  
 sextum eundem locum inuisit Carolus Quin-  
 tus Romanorum Imperator augustissimus ma-

*Alphonsus II.  
 Regni Nea-  
 polis Rex de  
 Oliuetanis  
 optimè meri-  
 tus.*

gno



gno nobilium, equitumq; stipante ceterua ad bis  
 millenos homines, dataq; fuere domicilia proce-  
 ribus, & dynastis omnibus, ceterisq; comitibus,  
 nec defuere equilia equorum millium capacia.  
 Multra Oliuetano Ordini privilegia munificētis-  
 simus contulit Carolus, habuitquē ingressum  
 Monarchæ consonum, voluitq; insignes fauores,  
 & sūmæ liberalitatis monimēta nobis cōferre, &  
 ne vnquam illustrium facinorum memoria exci-  
 deret, erecta tanto Imperatori loquacia marmo-  
 ra sunt. Paulus item III. Farnesius anno millesi-  
 mo quingentesimo trigesimo octauo in eodem  
 Montis Oliueti Cœnobio hospitio excipitur. Per  
 noctem diuersatus est ingenti humanitate. Appa-  
 ratus omnes, & superbos fastus omninò inhi-  
 buit, Abbatis humili cellula contentus, in eadem  
 noctem transegit; nec vnquam se placidiori quie-  
 te testatus est soporatum tranquilla in ea pace,  
 rupes inter illas, & barathra, aulico procul fremitu,  
 & pompa. Fugit quies ab aula, aduolat ad ne-  
 mora. Pius item II. Piccolomineus anno millesi-  
 mo quadringentesimo quinquagesimo nono hu-  
 mili, & penè eremitico splendore inibi excipitur.  
 Obuiam ei facti fuere Oliuetani Cœnobitæ oli-  
 uarum ramos manibus præferentes, canticum  
 lætitiæ concinentes, & gratiarum. Non poruit in-  
 tuitus horrida concava illa Vallium, & præcipi-  
 tes rupes Monasticę solitudinis, lacrymas dulces,  
 piaquē cohibere Summus Antistes. Resonabant  
 interim suauī, dulciquē concentu specus, & an-  
 tra; nulla fremebat aura, & sopitæ tacebant volu-

*Caroli P. mu-  
nificentia in  
Oliuetanos.*

*Paulus III.  
Farnesius  
PP. Max.  
Montis Oli-  
ueti Cœno-  
bium inuist.*

*Pius II. PP.  
Max. susci-  
pietur in eodē  
cœnobio.*

cres,



cres, ætherea scintillabant luce loca. Ita perfusa  
 purpuratorum Patrum, omniumq; hospitum cor-  
 da lætitia, vt cuncti amœnam Eremitæ pacem, &  
 penè beatitatem conclamarent. Cumquē dies  
 ea quinta Iouis esset, noluit Beatissimus Ponti-  
 fex ob loci venerationem carnibus vesci; quin &  
 illas ceteris inhibuit. Quare in triclinio, vbi assi-  
 dent Monachi, maritimis cibis ad esum vsus est,  
 frugalibus epulis; accumbente sanctissimo Pio,  
 iussi sunt musici laudes Beatæ Catharinæ Senen-  
 sis modulari, tantaquē spiritus dulcedine conci-  
 nere laici cantores, vt elicerent, excuterentquē  
 dulces à Cœnobitis, ceterisquē lacrymas. Spiritu-  
 alibus thesauris locum Beatissimus Pontifex  
 locupletauit, atquē Oliuetano Ordini privilegia  
 contulit multa. Trecentos hominēs comites ha-  
 buit, & equos centenos, & videnos, quibus om-  
 nibus nihil defuit ad monasticū victum, ad som-  
 num, quietemquē per noctem. Monachorum hu-  
 meris delatus vsquē ad ianuā discessit Pius Pon-  
 tifex Summus. Libro decimo in Commentarijs  
 de suo itinere, dequē Montis Oliueti cœnobio,  
 situquē fusè agit, fecitquē aspectu, & pontificio  
 calamo monasticam nostram pauperiem multi-  
 plici corona fulgentem. O felices recessus, in  
 quibus pax inuenitur, & Deus, ille Deus, quem  
 per vicos, & plateas inuenire nequiuit Sponsa,  
 sed in plateis, & vicis fuit exuta vestes misera, &  
 vulnerata. Fugiamus ergò turbas, & mūdū in quo  
 spoliāmur veris diuitijs, vitijs obruimur, vulnera-  
 mur tādē inter eius fluctuosas illecebras perituri.

Sin-

Cast. P. 176  
 in  
 176

P. 176  
 in  
 176

P. 176  
 in  
 176

P. 176  
 in  
 176

Cont. 5.



*Singulis annis de more monastico se abdicans  
B. Bernardus regimine, à Monachis sem-  
per confirmatur. Cœnobiticam di-  
sciplinam altius prouehit  
augetque.*

## CAPVT VII.

**Q**UO pluribus, & vberioribus cæli B. Bernar-  
dus affluebat auris, eò humilitate se ip-  
sum deprimebat profundiori. Hoc habet  
sanctæ animæ in culmine positæ, seipsas calcant,  
& spernunt. Lucifer plurimi in Empyrio se faciēs,  
nullum se fecit, ex luce nempè caliginem, hoc &  
vmbra filij affectant. At germina illius, qui cū  
Deus esset formam serui accepit, summam sem-  
per in omnibus redolent humilitatem. Expleto  
itaq; regiminis anno, veniam de bonis omissis, de  
malisq; admissis, Monachorum demississimè pro-  
uolutus ad pedes, enixè petebat, deprecabaturq;  
B. Pater, vt d. cellula pauperula ocium quietis-  
simum se reuerti posse concederent, quod cum ei  
à cunctis cœnobitis vna voce, constanti animo  
denegaretur, septem annos in eo generali mune-  
re exegit. In hoc semper admirandus superior,  
quòd ceteris in omni virtutum genere præibat,  
idcirco mirus hoc tempore extitit monasticæ di-  
sciplinæ profectus; non modo enim ad vnguem.

Philip. 2.

Z

san-



*Regula sanctissimi Patris Benedicti ab Oliuetanis exactissime custodita.*

*Antonius Burgesis historicus Oliuetanus.*

*Admirabilis psallendi viri penes Oliuetanos Cœnobitas.*

sanctissimi Patriarchæ Benedicti custodiebantur instituta; sed tantus erat spiritus ardor, feruorquē Beati nostri Patris, eorumq; sectantium gesta tantus diuini amoris æstus, vt multa præclariora facinora, seu humilitatis, seu charitatis in Coenobitis illis gloriosissimè effulgerent; ad tanti enim Pastoris Bernardi exemplum quisquē benè compositus austeritatē omnem affectabat. Perpauca referā, vt nos, vnā cum nostris Posteris Oliuetanis maiorum nostrorū antiquis vestigijs insistere conemur. Quę autem dicimus excerpta, & comperita habemus ex Antonio Burgesi eiusdem nostri Ordinis Monacho, & historico, qui floruit tēpore Diui Bernardini Senensis, eiusdēq; vt ipse testatur, familiaritate vsus. Psalmis modulatē concinendis illi Patres antiqui matutinis intempesta nocte operam dabant. Tum primo rubentis Matutē ortu, Ortū lucis sideris nūmini decantabant. Vespertinis verò precibus summo meridie, occidente verò Sole finem reliquis psalmis imponebāt, nec vnquā, vel nox horrida tēpestates, vel pallens aurora gelidissimas, & glaciales pruinas attulisset, vel infēlos ardores torridus Sirius psalmodiam in longū protractā prætermittebant. Diuinās modulabantur laudes, ita distinctē, & piē, vt mente in Cælis versante, non voce cantus expenderetur. Ex hoc longo, suauiquē modulamine, cæleste deliquium plurimi patiebantur; ieiunijs fracti, lacrymis vdi, Choroq; laxati procūbebant sæpē humi languentes. Tempus horas inter nocturnas, & diurnas medium, mentis contem-

pla-



plationi decretum habebant, feruidoquē diuini amoris calore æstuentes, rigente Cælo, frigora, vel nimis horrentia non sentiebant. A medio noctis tempore vsquē ad orientis horam auroræ, somnus, vel exiguus languidulus non permittebatur. Ieiunijs non modò ab Ecclesia iussis, à Diuoquē Benedicto Patre statutis in regula, sed infuetis se ipsos macerabant. Cibus verò deliciosus durus panis, & ater; siluestres, & inconditæ herbulæ; olerum quoquē è terra, glebisquē euulsæ radices, vel agrestes fructus. Potus aqua è Cælo collecta, nempè pluuialis. Carnium vsus nullus, nisi grauissimè ægrotantibus, & in seposito loco, vbi infirmi Cœnobitæ curabantur. Non Bromij virebant frondes, arescebat viridis pampinus. Vinū enim singulis interdictum, & nè vlla illud degustandi daretur copia, omnisq; spes tolleretur, radicibus confitas vites extirpauere. Nō pendebant è racemis vix turgētes Mortificatus in illis athletis sēsus excitabat spiritum ad poenitentia seueriorē; pro arescentibus vineis, vidisses confitos cælestiū pomorū hortos amœnissimos. Tēpus, q̃ Odæo, & sanctæ meditationi supererat, manuum operibus impendebatur, tanto silentio, vt desertus penitus, & nulli hominum inhabitatus appareret locus, ibi vox nulla, nullus strepitus, nisi fortè quē ipsa manuū occupatio per murmur edidisset. Vestes omnium abiectissimæ erant, & asperimæ cilicio non absimiles, quibus carni in hærentibus utebantur. Contegebantur hyemali tempore pallio, vt Cæli iniurias libentius sustine-

*Oliuetanorū  
vigilia in  
psalmis, &  
diuinis medi  
tationibus.*

*Cibus potus,  
& quale ie  
iunium.*

*Caro, & vi  
nū interdi  
citur ad eū,  
& potum.*

*Manuum  
operibus da  
tur opera.*

*Vestimenti  
genus quale.*



*Lectus qualis, somnus quantus.*

*Preparatio ad Eucharisticum cibum qualis.*

*Omnium sub Sole rerum fragilis incōstantia.*

rent. Mutua opera manualia spiritali lectione condiebantur, sanguineis flagris sepè lacerabantur, non tamen absquē prudenti Moderatoris arbitrio. Sibi inuicem parebant in omnibus, quæ ad Dei gloriam attinebant. Somnus captabatur ad breues horulas. Stramentitia culcitra, cervical durum erat lignum panno laneo contextum; quiescebant super eo ligno, tanquam in tabula salutis, euolaturi ad vitæ portum per hoc pelagus naufragum. Cum autem ad altissimum nostræ fidei Sacramentum se præparabant, difficillimum explicatu est, quid peragerent, ut mundiùs accederent. Præmittebatur ad cibum illum diuinissimum, terquē tremendum generalis publica poenitentia, & summa animi humilitate quisquē plurimis virtutum actibus insudabat, tùm lacrymosissima confessione, vel à leuissimis labeculis se expiabat, sicquē cibum vitæ Christo solum viuēs capiebat. Plures eo, mirabili ardoris charitate, suscepto, sæpiùs ecstasi suauissima rapiebantur; nec certè licebat ampliùs forinsecùs viuere, assistente Numine in depasta anima. Hæc percenseo & simul ardeo, & algeo. Quin exclamabo. Quàm es labilis humana fragilitas! Ver viret, & fugit; frondes vernant, & arent; ætas floret, & decedit; & omnia tandem in peius sensim ruunt, & ut cum latino dicam Homero: Retro sublapsa feruntur. O quàm verè singula Cæli sub vertigine rotant, & euolant! Nihil sub Luna constans. Fulgor hic solaris rotæ, & ipse rotat, repescit, deficiet. Vtinam nos Oliuetani tantæ humanæ imbecillitatis

me-



memores essemus. Siquidem in ipso spiritus tempore nos ipsos humiliantes eueheremus ad perfectiores nostri instituti apices. Certè, ut maiores nostri, experiremur, quod paucis natura est contenta. Quod supra paucum est, onus est. Quæ quisquè possidet, si affluant, effluunt; dolores augent, quò magis crescunt, suauissima Cœnobitica hæreditas Christus est crucifixus. Quod crucifixum non sapit, angor, pœna, cruciatus est.

*Cœnobitarū  
hæreditas  
quæ.*

*B. Bernardus oculis languens Cœnobitas obsecrat, ut à præfulatu ipsum eximant, sed ab ijsdem, & pontificij Legati auctoritate iterum confirmatur.*

### C A P V T VIII.

**C**arissima luminis dona, quæ ab Oceano fulgentissimo diuinæ pietatis se iam hausisse prodigioso miraculo nouerat B. Bernardus in æternæ itidē bonitatis gloriam voluebat assidue. Ipse oculis diuinitus illustratus, non nisi diuiniora è puro diuinitatis fonte ebibebat. Ex quo enim exitit videns, lacrymas quotidie coram Deo luminum Patre, coram Virgine pijsima ipsius lucis genitrice, officiosissimas pro ipso recepto lumine B. Pater effundebat, nec vnquam destitit ab huiuscè vberima lacrymarum scaturigine, vel retro

*B. Ber. pro re-  
stituta luce  
assiduas in  
gratijs agen-  
dis effundis  
lacrymas.*

adæ



Cant. 7.

B. Ber. datur  
donum lacry-  
marum e. ce.  
lo.

Ioannes  
S. Theodori  
Diaconus  
Card. Lega-  
tus Apostoli-  
cus in Heiru-  
ria.

actæ vitæ meditatione, vel beneficiorum Dei iu-  
gi memoria. Siquidem cetera inter munera, quæ  
B. Bernardo fuere collata, inexhaustū fuit lacry-  
marum donum; quare eius oculi quasi piscinæ  
Esebon soluebantur in fletus, quibus penè obfusi  
oculi iā caligabant, & tabescebat visus acies, ita  
ut cœcutiendo penè, & oculo hærens videret.  
Hanc cœcitatem, sibi de se humiliter sentienti  
suffragaturum ratus, rogat, ut alijs demandetur  
fratribus cœnobitis regendi prouincia. Satis ei,  
superquē satis suæ imbecillitati datum tot annos  
in administratione transegisse. Iam benè currere  
aiebat ceteros socios, festinarequē ad perfectio-  
nis brauium. Se solum dicit imbecillum, se inuti-  
lem seruum, qui ab alijs regi, & viam perfectionis  
ediscere necesse habeat. Nunquam tamen  
Monachi B. Patris dictis, ac precibus acquie-  
uere luminis defectionem non censent obeundæ  
prouinciæ, insigni, & experto moderatori im-  
pedimento futurum. Mens est, quæ regit; o-  
culus minister est fragilis: videat illa, caliget iste,  
omnia erunt in luce. Exiguo lumine corporeo  
fruebatur B. Bernardus; mētali verò affluebat, &  
hoc omnium satagebat prouidentissimus totus  
oculus. Verum ut omnis pauidæ, purissimæquē  
mentis suspicio tolleretur, consulunt Monachi  
Ioannem Sancti Theodori Diaconum Cardina-  
lem Apostolicæ Sedis Legatum à Summo Pon-  
tifici in Heturiam missum. Purpuratus Princeps  
re optimè perspecta, electionē à Cœnobitis ha-  
bitam de B. Bernardo Generali Antistite, litteris

typis



typis cussis ratam voluit, Monachisque regendis aptissimum decreuit, cuius rescriptum fuisse habetur in nostra Oliuetana historia libro primo.

Vtque etiam eradicaretur omnis animi ambiguitas, sciretque B. Bernardus à Deo tanquam Aaron vocari ad regiminis munus; habita fuere consilia Iuris consultorum ea tempestate satis insignium, Pauli nimirum de Azzarijs Decretorum Doctoris, Andreæ de Guâtarijs, & Dini Archiepiscopi Pisani. Horum iuris Doctorum, & Theologorum de hac re decretum extat in eadem historia Oliuetana libro primo, pagina vigesima, quod incipit: In Dei nomine Amen. Petitio religiosorum virorum, &c. Quibus omnibus clarissimis diuinæ voluntatis signis adhæsit tandem B. Pater, fueruntque acriores eidem stimuli ad perfectiora, & sanctiora gesta. Humillimus sensus, quem de se ipso habebat B. Bernardus in causa erat, cur facile alterius Imperio, iuxta Euangelicæ obedientiæ consilium subesset. In omnibus verè gloriosus, seu parens, seu imparens.

Paulus de  
Azzarijs.  
Andreas de  
Guantarijs  
Dinus Ar-  
chiep. Pisa-  
nus.

»

»



B. Ber-



B. Bernardus socios Monachos Auenionem  
destinat, ut à Summo Pontifice diplomata  
impetrent, quibus ordo Oliuetanus, & priui-  
legia à Guidone Petramalio Arretino An-  
tistite concessa confirmantur.

## CAP. IX.

**T**Enellam sui ordinis plātam in Eremo sacris  
Deiparæ Matris manibus beneficentissimè  
cōsitam, gestiebat spiritali perfusus lætitia Ber-  
nardus à Pontificio Throno cōfirmatam videre,  
sperabatq; sic benè omnia cessura. Considerabat  
n. sic probè cælitùs illā protegi, sic belle florere;  
sic amœnioribus virtutum omnium fructibus di-  
tata. Contemplabatur quòd tot mundi aduersa,  
tot hominum inuida molimina, tot Dæmonum  
sæua machinamenta eam euellere, ac destruere  
haud valere. Decevit itaq; diuina providen-  
tia fîsus anno à virgineo partu millesimo trecē-  
tesimo vigesimo quarto aliquos è locijs, qui, &  
bona valetudine, & corporis habitu, mentisq; sa-  
pientia præstarent ceteris destinare Auenionem;  
ut diploma impetrarent à Summo Pontifice Io-  
anne XXII. Caput est vegetans Apostolorum  
Principis solium, hoc Christianæ Reipublicæ  
alimenta ministrat, & vitam hoc sinè nec flos vl-  
lus ridet, nec arbor floret, nec maturefcit fructus,

*Histor. Oli-  
uet. lib. 1.*

*Apostolica  
Sedes prabet  
alimenta, &  
ipsa una ve-  
rum tribuit  
vitam.  
Ioan. XXII.*

nec



nec vlla iacta semina reuiuiscunt. Iure optimo horum conscius Bernardus, radices in Petri Sede, ceu feracissimo in solo, sui ordinis voluit firmare radices. Pedestri ergo itinere missi duo Monachi Auenionem maturant tenui victu, precario pane contenti, litteras B. Patris Bernardi nomine, & totius Ordinis perferunt Summo Pontifici, ijque enixè, & humiliter rogitant Oliuetani instituti confirmationem; quibus humanissimè exceptis, lectisque interrogat Beatissimus Pastor de Bernardo, de socijs, de virtutum, monasticæque disciplinæ incremento, & de ceteris, quorum bonus odor iam vndequaquè gloriosè peruaferat, multisquè alijs ritè expensis, Oliuetanos religiosos Euangelicos nominauit, & Congregationem Sanctæ Mariæ Montis Oliueti confirmatam voluit; & quidquid eidem Guido Petramalius Episcopus Arretinus contulerat, habuit firmissimè ratum. Beneficia igitur, priuilegia, & omnia, quæ possidebantur à nostris Coenobitis in Acconensi valle, vel in monte Oliueto comprobata fuere. Non poterat, sanctis erectus spebus, gaudio non perfundi Pastor Sanctissimus, quòd tantus candidissimi Ordinis fulgor (ipso in Petri Throno sedente) splenderet; & quod monasticum institutum in Italia penè euersum, noua sobole è tenebrosa caligine clarissimam ad lucem emergēs conspiceret. Quidquid Bernardus petijt benigniori diplomate elargitur, concessitq; humanissimè Pontifex Maximus, & plura insuper, & insignia priuilegia, quæ typis data memorantur pe-

*Confirmatio  
Oliuetani or-  
dinis à Ioan-  
ne XXII.  
Histor. Oli-  
uet. lib. I.*

A a

culiari



*Multa à  
Summis Pō-  
tificibus, &  
insignia pri-  
uilegia con-  
ceduntur.  
Confirmatur  
ordo Oliuetā-  
nus iterum à  
Clem. VI.  
Summo Pon-  
tifice.*

*Festus dies  
diue Agnetis  
Oliuetanis  
celebris.*

culiari in libello, vbi omnia à Summis Pontifici-  
bus Oliuetanæ familiæ concessa recensentur.  
Clemens verò VI. nostri Ordinis beneuolentis-  
simus anno à debellatis tartareis vmbreis millesi-  
mo trecentesimo quadragesimo quarto, duode-  
cimo Kalendas Februarij, die, quo festum Sanctæ  
Virginis Agnetis celebratur, eamdem Oliuetanā  
Cōgregationem speciali diplomate comprobat,  
& amplissimis priuilegijs augeat, voluitq; itidem  
ipse omnia rata, quæ constituit Petramalius de  
Cœnobio principe Montis Oliueti, & de vniuer-  
sa Oliuetana familia, cui cōfirmauit omnia Cœ-  
nobio accepta, potestatemquē fecit de alijs reci-  
piendis, & construendis sub regula, & instituto  
Diui Patris Benedicti. Festus dies Agnetis Oli-  
uetanis est celeberrimus peculiaribus officijs, &  
sacrificijs, sacrisquē pompis vsquē ad hæc tem-  
pora. Iam anni fluxerant vigintisex, quibus ordi-  
nem rexerat Beatus noster Pater tanta vitæ inte-  
gritate, sapientia, & exemplo, vt iure sanè opti-  
mo decreuerint cuncti Monachi vnanimi senten-  
tia tribuere illi, dum vitam ipse duceret, regen-  
di ordinis imperium. Omnia ergo illius arbitrio  
dedere, vt ille nempè vnus ageret, pertractaret,  
disponeret, approbaret, atquē improbaret, loca  
noua exhibita acciperet, vel oblata reijceret, pe-  
tētes monasticum habitum susciperet, vel iisdem  
efflagitantibus pro suo arbitratu denegaret; vt  
errantes, à regulæquē custodia declinantes cor-  
riperet, puniret; vt ministros crearet, & pro suo li-  
bito amoueret; vt ipse tandem totius concionis

facul-



facultatem haberet, nisi quod ob viri tanti prudētissimam sanctimoniam omnia consona Dei voluntati essent futura: hæc fusius in libro primo Oliuetanæ historiæ recensentur. Leges sancivit hoc eodem tempore Beatus Bernardus Oliuetano ordini mirè proficuas. Cœnobiōrum familias describendas curauit, Monachos iisdem Cœnobijs designauit diuino cultui deseruiētes. Iura defunctis Monachis, & de iisdem benemeritis pijsimè statuit, vt sacrificijs, precibusquē adiuuantur; multaquē iādem cū ad animæ æternam tū ad corporis tēporariā salutē attinentia statuit. Vsq̃uē adeo vnus eminens multis, & innumeris potis est prodesse. Habet hoc diuina prouidentia, vt millenos seruet per vnum, quod benè quotidie in Cæli facie nobis exprimitur, atquē innotescit. Millena enim ex vno Phœbi bibunt fonte fulgores astra. Solis instar in candido amictu affulsit nobis Beatus noster Pater Bernardus ipse primus, & lucem protulit, & lucem contulit innumeris. Ipse & radios diffudit, immisitquē, & nunc auget amica fulgentia Cælo sidera.

*Plura Monasteria superflite B. Bernardo Oliuetanæ Congregationi conceduntur.*

## CAPVT X.

**T**Racti Urbium proceres cælesti penè monasticæ vitæ odore flagrantissimo gloria-

*Multa B. Bernardus decernit Oliuetanis.*

*B. Bernardus vti Sol in vita monastica.*



Senenses om-  
nium primi  
Oliuetano or-  
dini Mona-  
sterium exci-  
tant.  
Hist. Oliuet.  
lib. 2. cap. 1.  
Primum cœ-  
nobium Oli-  
uetanorum  
Diuo Bene-  
dicto sacrū.

Guido Petra-  
malus Anti-  
stes Arretij  
cœnobij no-  
mine Sancti  
Bernardi Oli-  
uetana Fa-  
milia statuit

bantur, emulabantur certatim intra eorum iura  
confinium Cœnobitas habere Oliuetanos, à qui-  
bus antiqua illa sacrorum claustrorum disciplina  
efflorescebat. Lateat imis, & profundioribus in  
spelæis virtus, surget, perquē omnes aduolabit  
oras sonora fama. Primi ergo omnium fuere Se-  
nenses, qui ciuis Bernardi vitæ, morum, sapiētiae,  
optimè conscij præ ceteris acciuerē Oliuetanos.  
Bonauentura (qui prima incrementa suo nomine  
fausta fecit) Valcherinus nobilitate iuxta, & pie-  
tate insignis Senense Cœnobium à fundamentis  
erexit Diuo Benedicto sacrum, Bernardo eiusq;  
sodalibus tradidit vnā cum redditibus ad vitam  
in contemplatione diuina transigendam neces-  
sarijs. Bello concussis Senensibus, imperante  
Carolo V., hostili furore euersum vnā cum tem-  
plo Cœnobium extrā portam, quam Tufiam di-  
cunt, pristino splendori Nostri restituunt, & per  
hæc tempora augustius splendet nouo adiecto  
ædificio. Suspicitur in templo Sanctæ Catharinæ  
Senensis tabula Mecharini, celebris pictoris  
opus, splendet odœum præ ceteris admirandum,  
in quo diuinas laudes diu, noctuquē persoluunt  
Monachi. Præbuere se insignes cum litteris, tum  
morum sanctimonia, tum regimine nostri Cœno-  
bitæ Senenses, in quos Beati Bernardi virtus sese  
instillauerat. Senensi succedit Cœnobium Arre-  
tinum. Guido enim Petramalius illius Urbis  
Antistes, & Princeps (cui, vt dictum est, Virgo  
Mater apparuit, præcepitquē, quid de Bernardo  
esset acturus) ceteros Tusciæ Antistites, & Viros

prin-



principes ad nouam Monachorum cādidam Sobolem suscipiendam, amplectendam, non modò verbis, sed & opere hortabatur, honorificum sibi ratus, si latius effunderetur Oliuetanus Ordo, ad cuius exordia fuerat ipse à Deipara tanquam inclytus coadiutor ascitus. Extruitur ergo, Authore Guidone, Cœnobium Diuo Bernardo Claraualis Abbati sacrum inter depressa, & solitaria antiquissimi Arretij septa. Loci antiquitas venerationem præfert, præferuntq; monumenta plurima nostri Beati Patris; per muros enim sparsim cernuntur radiantes picturæ vetustissimæ referentes viuam Bernardi effigiem, modò concionantis, modò docentis, quæ sunt eius insignia, & laudum tubæ. Euocantur tertio loco Oliuetani anno millesimo trecentesimo, trigesimo quarto à nobilibus Florentinis, ab iisdemquè traditur locus cuiusdam Sodalitij è Iesu Christi Seruatoris nomine dicti, vt idem pristinae pietatis feruori, è quo ceciderat, Oliuetanorum disciplina seueriori restitueretur. Titulus tùm extitit Sancti Bartholomæi in viridaria, nunc autem ex Oliuetanis incolentibus vulgò dicitur Monasterium Montis Oliueti extrà Urbem. Est porrò Cœnobium Florentiæ nobilissimum, & nostrorum Patrum industria perexpolitum, gaudetquè peculiari magnorum Hetruriæ Ducum patrocinio, colle eminet pulcherrimo, è quo, tanquam ex alta specula, floridum Florentinæ Urbis spectatur theatrum. Accessit deindè Cœnobium Sanctæ Annæ in Camprena agri Senensis Arretinæ tūc,

nunc

*In Cœnobio  
Arretino multa antiquissima monimenta de B. Bernardi cernuntur.  
Hist. Oliuet.  
lib. 2. cap. 2.*

*Monasteriū  
in Florentina  
urbe tertio  
excitatur  
Diuo Bartholomæo sacrum,  
nunc dicitur  
cœnobium  
Montis Oliueti.  
Hist. Oliuet.  
lib. 2. cap. 3.*



Monasteriū  
S. Annæ in  
Camprenā  
in agro Se-  
nenſi, cuius  
meminit  
Pius II. PP.  
Max. lib. 10.  
comm. 4. loco  
ab Oliuet.  
habetur.  
Hiſt. Oliuet.  
lib. 2. cap. 4.  
Verba Pij II.  
PP. Max. de  
monaſt. S.  
Annæ.

nunc Pientinæ Diœceſis. Huius Cœnobij (quan-  
doquē & ad ſanctiora facinora ipſæ vocantur fe-  
minæ malorum duces) fundatrix mira fuit pietate  
Matrona q̄dam nobiliſſima, Vgatia nomine, Ray-  
nutij Ragnoni Patritij Senenſis, vxor. Huius Mo-  
naſterij meminit in ſuis Commentarijs Summus  
Pontifex Pius II. lib. 10. qui in eodem Cœnobio  
fuerat diuerſatus. Iter (inquit Paſtor ſāctiſſimus)  
per Monasterium Sanctæ Annæ fuit illi (de ſe lo-  
quens) quod Monachi Religioſi colunt in monte  
lapidoſo, atquē admodum ſterili, quamuis ſua in-  
dustria in parte aliqua feracem reddiderint, mul-  
tasquē ibi amygdalas plantauerint, & alias infe-  
uerint arbores, ex quibus partem vitæ traducunt,  
pium Deo famulatum exhibentes. Montis Oli-  
ueti horum Religio dicitur, &c. Auſti fuerūt red-  
ditus, vel cenſus à nobili Senenſe Ioanne Marti-  
notio Oliuetanis, annuente Summo Pontifice  
Vrbano V. in cuius diplomate dicuntur Oliuetani  
ſpeculum, & exemplum obſeruantia regularis,  
& vitæ. Datur poſtmodum quarto loco Beato  
Bernardo, atquē Ordini Oliuetano, Monasterium  
Volaterranum à Ramnuſio eiſdem Ciuitatis  
Epifcopo. Hic talibus litteris Bernardum, eiſq;  
in Chriſto filios cœnobitas, compellat. Et quia  
vos Abbatem, Fratres, & Monachos Monasterij  
Montis Oliueti nouimus experientia viros eſſe  
Religioſos, & ſanctæ conuerſationis, & vitæ, per  
quos erudiri Populus ad virtutes, & Clerus ani-  
mari ad ſanctitatem poterit, & augeri verbo pari-  
ter, & exemplo; ac per vos melius reformari; nec

„  
„  
„  
„  
„  
Diploma Vr-  
bani V.  
Monasteriū  
Volaterranū  
quarto loco  
Oliuetanis  
erigitur ab  
eiſdem Vr-  
bis Antiſtite  
Ramnuſio.  
Verba Ram-  
nuſij Antiſti-  
ti.  
Hiſt. Oliuet.  
lib. 2. cap. 5.

„  
„  
„

ſint I



sint ad præsens alij Religiosi Diui Benedicti, aut alterius Ordinis, nec inueniri potuerint (itã corruerat in Italia monasticum institutum, regularis disciplina) per vos, per quos posset ipsum reparari, & regi, ac salubrius gubernari vllò modo facta super his inquisitione, &c. Tanta erat zelotypia, tactus ergà tenellam illam plantulam, & morum reformationem Beatus Antistes. Ijs litteris rogatus Bernardus destinat Monachos, vt nomine totius Ordinis Cœnobium ab optimo Præsule datum excipiant, qui multis priuilegijs ipsum locupletat, anno salutis millesimo trecentesimo trigesimo nono. Additur præterea cœnobium Sāgeminianense, cuius Fundator fuit Ioannes Saluccius, & Margarita Bardia Florentina, ipsius vxor, qui pari prædita nobilitate, orant, & exorant Antistitem eiusdem Ciuitatis, vt Beatus Bernardus suos compelleret Monachos in illam Vrbem admittendos. quod Beatus Pater summa totius præstitit populi lætitia, & plausu, templumquē Sanctæ Mariæ in Vico de Barbiano dictum est. Accessere cœnobia præterea Sancti Donati de Fauce in Eugubina Diœcesi, cuius Author Petrus Gabriellus, eiusdem vrbis Episcopus. Sancti Nicolai de Fulgineo à Paulo Trinacæo Antistite Oliuetano Ordini concessum. Sanctæ Mariæ in Domnica Romæ, hæc, pleraq; alia cœnobia Beato Bernardo, & Oliuetanæ tunc exortæ familiæ omnia penè Tusciæ intra fines coercita, data fuer, & in eadem socios Monachos Beatus Pater destinauit. Ipse vero sæculi auræ infensus sem-

*Monasteriū  
Sāgeminia-  
nense Oliue-  
tanis erigi-  
tur.  
Hist. Oliuet.  
lib. 2. cap. 6.*

*Cœnobium  
Eugubinum  
à Petro Ga-  
briellio exci-  
tatur eiusdē  
Vrbis Episc.  
Monasteriū  
Fulginese,  
& alia. lege  
Historiam  
Oliuet. lib. 2.  
per totum.*

per



*B. Bern. sēper  
se in solitu-  
dine Oliueti  
Montis con-  
tinuit.*

*Multæ Epi-  
stolæ B. Ber.  
ad varios  
charitate ro-  
fertæ.*

*B. Bern. sua  
Cœnobia in  
solitudini-  
bus erigenda  
curauit.*

*Monachos  
solitudo de-  
cet.*

*Mundus  
ipsa quæ fu-  
git, & odit  
adorat.*

per se in Eremitio continuit, & tanquam è centro diffudit ad circumiecta cœnobia suæ seuerioris vitæ, & monasticæ disciplinæ exempla, ad cuius custodiam iugi cura suos exhortabatur assecclas. Extant adhuc Beati Patris Bernardi non modò ad Monachos, ad Populos, sed & ad principes sæculi viros epistolarum fasciculi multi vndeunde charitatis visceribus conspersi. Nunquam etiā passus Beatus Bernardus sui Ordinis loca intrā Oppidorum, vel vrbium mœnia erigi, vbi frequēs turba; nihil enim cœnobiticum institutum profitentibus perniciosius, nihil magis ad monasticos pudores, vel mores violandos ratus, quàm inimi- ci sæculi, & malefidæ Babelis facies, & consuetudo. Quod esse potest monasticum silentium tan- tas inter strepentium sæculi fluctuum concussio- nes? Quæ eremitica pax tot inter tumultus? Quis regularis ordo, & constans perfectionis tenor tot inter Mundi turbas, & insidiatrices illecebras? Sæculum videre, & odisse arduus conflictus, ar- dua pugna. Si sæculi fueris contemptor, & ab eo aufugeris, ab eodem honorabere. Si honore illud prosequeris, ab eodem sperneris. Nudis pedibus pessundauit, calcavitq; sæculum Franciscus, ado- ratur Franciscus à sæculo. Terga vertit illi Beatif- simus Benedictus, confluit suis opibus Mundus vniuersus Benedictum sanctissimum adoratum; terit pedibus sæculum Bernardus, turmatim ad Bernardum confluit sæculum, & quas filuas, & rupium prærupta, Eremiticosquè labores, ac pœ- nas odit Mundus, adorat tamen in solitudine de-

gen- I



gētium austeritatem. Spargebant in terram poenitentiae semina Bernardus, & socij; ibant euntes, & flentes per deserta loca, serebant cineres, flagra, cilicia, ieiunia, macerationes, & lacrymas; sed veniebant cum exultatione portantes manipulos suos, collecturi tandem fructus beatitatis. Pauperrimè vivebant, vel ex spontè oblati, ex ijs nèpè, quæ illis pietas elargiebatur humana, vel ex ijs, quæ à prædiolis colligebant operantes manibus suis; tamen opiparè cælesti nectare saginabatur. Etsi in Mundo erant, tanquam non essent, humili fastu illum calcabant pedibus, & facundius insonuit eorum silentium quàm eruditæ Oratorū cōcionatorū Tubæ; magis enim eorū opera valebant, quàm aliorum grandisona verba. Ea igitur exitere tantorum Patrum gloriosæ sanctitudinis facta, vt, vita functo Antesignano Bernardo, mirabili incremento eius ordo quaquè splenderit. Pietas enim plurimorum Nobilium, & diuitum virorum claustralia plurima loca erexit, de quibus fusissimè historia Oliuetana agit secundo libro per totum: quare hic ea percelsere arbitror superuacaneum.

*Psal. 125.*





*Ambitionis, & Avaritiæ tētatur B. Bernardus  
à Dæmone, sed diuina gratia de utraq̃  
triumphum refert.*

C A P V T X I.

*Greg. Lomb.  
in vita B.  
Bern. lib. 3.  
c. 7.*

*Dæmon no-  
bilem se ta-  
bellarium si-  
mulat ad B.  
Ber. perniciē*

**B**Eatum Bernardum spiritali, ac temporaneo regimine distentum duplici tentatione, ut à perfectionis culmine deiiceret, atque proster- neret, aggressus est Satanas. Quadam enim die cum de sui muneris onere, & suæ imbecillitatis viribus nimium, ut semper, humiliter cogita- bundus sentiret, ecce quasi de longè veniens vir equitans, aspectu nobilis, more gallico indutus, seruatorum numero stipatus affluent, eum humil- limè ad usque pedes veneratus nomine Summi Pontificis Ioannis XXII. salutem impertit; mox addit à Summo se Pastore missum, ut nunciaret Auenionensem Ecclesiam sibi clarissimæ famæ Coenobitæ fuisse demandatam. Rumor, inquit, incorruptæ tuæ vitæ, optime Præsul, summæ in regendo prudentiæ, maximæ sapientiæ amplitu- dinis, remotas Galliæ partes iampridem peruasit. Summus Pontifex non aliorum precibus, quàm proprio motu te Episcopali dignitate cohonestare decreuit, ratus non sub modio tantam tuæ vir- tutis lucem, splendoremq; obregendum, sed super candelabrū locandā, ut pluribus lucens, pluribus profit. Nimis arctè inter cancellos, huiusque opa

ca in-



cæ inter vallis fines, exiguum circà gregem, tanta sapientia occluditur: paruum huic velum sufficit coenobiticæ cymbulæ; carbasa verò ingentia aptissima sunt Petri naui mundi vndas circumuolitantis, sonoras procellas spreturæ furētes. Ad res inclytas es natus, magna adito, & maiora tibi manebunt. Quid torpere in hoc siluestri terræ angulo? Cur non turbidum nauigantem pelagus Petri cymbam tueris? Surge, tolle gressus, accurre, euola quò Dei gerentis vicem mandata te aduocant. Parendum Beatissimo Antistiti est, deferenda hæc tetra vallis, ad sublellium pontificium. Auenionensis Ecclesiæ tu vocaris; sic Petrus à Christo à piscium ad hominū rete susceptus. Extrahit his dictis è pectore mendax Dæmon diploma piscatorio obsignatum anulo, Bernardo ostēdit, aperit, legitquē totum. Precabatur intereā Beatus Pater Deum, vt lumen largiretur ad illius dignoscendum consilium, sequē clanculū in corde crucis signo munit. Aperit tunc ei Deus, nuncium illum ex inferis vmbis profectum, ministrum erroris; & fraudis comites, quibus cum aduenerat, perfidos item esse Dæmones; quare tanto irradiatus Cæli lumine Beatus Pater sic minitabundus respondit. Apagè male Dæmon, non hic Dei seruos tentato. An oblitus, deserto in loco tam benè quondam fuisse te victum, & prostratum? Christum Iesum, qui beauit Eremum, qui in eadem de te, vobisque, vestriquē de Regno triumphauit, hic adstat, & excubat, ipse vos ex hac solitudine arceat, eiiciat, ipse Iesus. Ad tanti

*Dæmonis  
fraudes co-  
gnoscat B.  
Bern. celesti  
persusus lu-  
mine.*



nominis sonitum Demon nuncius vaser, detectas ob fraudes excandescens, & frendens ululans in horribiliorem anguis figuram mutatus, vibranti lingua, tumido collo, igneis oculis strepit, & perfurit, vnaquē cum foedis comitantibus monstris in Bernardum sauire coepit, & facti dein gigātes horribiles, silvarumq; foeda mōstra, crebris, & diris verberibus terræ sternunt semimortuum Beatum Patrem, & proculdubio interemissent, ni Archangelus Michael peculiaris Beati Bernardi Protector, & Eremi Patronus, aduenisset, qui postmodum pretiosissimo liquore concussa, & tunsa Beati Bernardi liuentia membra vnxit, à quibus tumor omnis, ac lior è vestigio recessit. Amica manus, quæ vel animi, vel corporis lethalia vulnera non restauras?

Altera die cum anceps esset, an coeptum Cœnobij ædificium ad finem quandoquē esset perducendum; fatiscere siquidem videbat nonnullos in elaborando Fratres, qui extrema in pœnitentia extremos etiam auderent in manuum operibus labores: sollicitus ergo de fabris lignarijs, de cœmentarijs, & de multis ad prosequendum opus, quæ haberi nequibant absquē pecunia, turbabatur Beatus Pater, eūquē, hac iactatum cura, Dæmon malus Ambrosij Piccolominei, cuius satis dabat Beatus Bernardus cōsilijs, mentitus vultū, adit, precatur secum per desertum aliquantulum excurrat, in præcipitem rupem ducit, ibiq; agrestes inter cæspites, & horrida dumeta thesaurum, quasi nuperrimè effossum, indigitat. O benefactū!

*A Demonibus dirè verberatur B. Ber. Archangelus Michael B. Ber. defensor.*

*Omnia ex Greg. Lomb. ubi supra.*

*Dæmon tentaturus B. Ber. Ambrosij Piccolominei vultū simulat.*

*A Dæmone thesaurus B. Ber. ostenditur, ut desertū destituat. Greg. Lomb. ubi supra.*

non



nō poterat alibi, quā inter præcipitia, & spinas  
 aurum, & gēmas ipse Dæmon ostēdere. Consulit  
 præterea, ut insalutatis ceteris cœnobitis, expor-  
 taret thesaurum, & vnā simul, tanta vitæ austeri-  
 tate posthabita, in Urbem contenderet; at Bea-  
 tus Bernardus diuino conspersus lumine suasio-  
 nem pietati dissonam audiens, signo se crucis,  
 prout eius erat moris, primū se muniuit, tum  
 vade, exclamat, quisquis es, nec bonus eris, qui  
 aurum suades. Sanctam egestatem hic profiteor,  
 Deo votus in hac solitudine, nec aurum, nec vr-  
 bem curo. Ad tartareas vmbas fuge velociter.  
 Ad hæc verba vlulatu euauit Dæmon, euane-  
 re thesauri; Bernardus verò feruentioribus ausis,  
 summæ diuinæ prouidentię filius, ad pugnas ipsa  
 barathra laceßere non formidabat.

*Signo crucis  
 B. Bern. Dæ-  
 monē fugat.*

*Sutrium petit B. Bernardus iussu Summi Pon-  
 tificis eius pudicitia malus Demon  
 insidiatur.*

## CAPVT XII.

**O**ptimè callebat Ioannes XXII. Summus  
 Pontifex quanta cū virtute, tūm probi-  
 tate emineret Beatus noster Bernardus, & quan-  
 to præterea religiosa dexteritas viro inesset in-  
 re, is vel difficillimis pertractandis; hinc peculia-  
 rib litteris sub violandæ obedientię poena  
 Beati Patrem Sutrium destinat, quæ est Ciui-

*B. Bern. in ne-  
 gotijs pertrac-  
 tandis ma-  
 gna dexteri-  
 tas.  
 Gregor. Lom-  
 bard. in vita  
 B. Bern. lib. 3.  
 cap. 9.*

tas



tas Tusciae vetustissima, illiusq; saepe meminit Li-  
uius. Hæc civilibus discordijs crudeliter æstua-  
bat, quibus sedandis nullus prorsus erat modus.  
Iussus ergo Beatus Bernardus arduam eam expe-  
dire Prouinciã, pacem nempe componere, &  
ciues inter infirmata amoris, & mutæ beneuo-  
lentiaë foedera stabilire. Illuc se confert satis nu-  
ribus pontificijs facturus non minùs, quàm cha-  
ritatis præcepto, quo feruenter erga proximum  
flagrabit. Quieris igitur, & pacis cultor mirus  
omnia placidè mira integritate sedauit; inter in-  
ueteratos hostes ferrum, & faces anhelantes, ami-  
cam pacem, euangelicam charitatem inuexit,  
commonstrans modò familiarum orbitates, & in-  
extinguibilia incendia, & probrosas ruinas, modò  
ipsius Patriæ lacrymandum excidium, & præ om-  
nibus animarum, quæ Cælo creatæ sunt, quæ  
Christi sanguine profusissimo redemptæ, iacturâ.  
Lacrymis fatebatur, nullam in ferro esse salutem,  
pace orbem regi vniuersum. Exterorum hostium  
armis seueriora, & atrociora esse armâ domesti-  
ca. O ferinam legem, ad putrescenti medendum  
vulnere nouas semper moliri interneciones! O  
inhumanum vnico pro crimine tot insontium  
capita mulctari! Satis esse sæuitum. Magnanimi  
pectoris esse offensas negligendo condonare.  
Christiani athletæ intestinis animi obluctari a-  
victoriam certaminibus. Tanta fuit dicendi  
Beati Patris vt, quod vellet, exoraret, vt cele-  
er  
euanescerent odia, iræ, & efferatissimæ hosti-  
tes. Affulsit illicò sub nostro cælesti Her-  
e di-

nus

*Pacem inter  
hostes firmat  
B. Ber.*



uinus radius pacis. Retulit postmodum inexple-  
 tas gratias ciuitas omnis Summo Pastori, quod  
 tantum virum, tam faustam alitem, tam benignum  
 fidus, Sutrium misisset. Pontifex verò maximus  
 Beati Bernardi prudentem admiratus probitatē,  
 paternum erga eum amorem mirè auxit. Verum  
 sub iter non desuere in Bernardum mali Dæmo-  
 nis machinamenta seuiissima; per Solis enim oc-  
 casum cum Volsinium, Hetruriæ oppidum, mi-  
 ferrimi Seiani Patriam, peruenisset, recepissetq;  
 se in humiliori tecto noctaturus, fessus pedestri, &  
 mendico itinere, in lasciuientem feminam, mali  
 Dæmonis ministram, gradum offendit. Pergit ad  
 virum impudico oculo petulans mulier, illum  
 plurima prece aggreditur vehemētissimè, nihilq;  
 reliquit ad labefactandum illius castimonie bo-  
 num odorem pedore libidinis. Verè Dæmon erat  
 in femina, dum Bernardum etate, annisq; grau-  
 tum, & austerissima penitentia perfractum, ma-  
 cieq; squalentem, libidine tentare audet. Senes  
 ediscant in portu nō esse, quando annosum Bea-  
 tum nostrum Patrem tam seue effrons scortū, vel  
 Dæmon ipse adoritur. Captas auram? Timeto ab  
 hoc halitu tartareo. Spiras adhuc? Hostis huius  
 tecum commoritur anhelitus pestiferos expa-  
 uescas. Beatus noster Bernardus pauidus, algens,  
 diuina ope fretus ad bonam frugem malam fe-  
 minā adhortatus, crucis signo dimisit, eiecit; illa  
 tamē, ductore Satana, vix lapsa erat horula, iterū  
 regressa ardentius arietare conatur viri prestan-  
 tissimi constantiā. Beatus Bernardus feruētius in-

*Lasciua re-  
 tatur B. Ber.*



crepans, iramquē Dei, ac læuissimas Inferi pœnas minitans, iterato Crucis signo, exturbauit; nec tamen toties eiecta destitit famosa mulier; tertio enim nostrum Ducem humi iacētē adit. Quid non audet? Quid non molitur Satanas cōtra Dei seruos? Impudentissimē reuersa est consecuturam se rata vi, & furtim, quod blanda prece, & apertē nequiverat. Beatus noster Bernardus stupēs perucax illud pessimæ mulieris ingeniū, nihilq; & hortamētis, & minis se profecturū, arrepto bacillulo, cui gradiens adnitebatur, in illius caput illisit, clamans (imitatus Bernardum Claruallis Abbatem sanctissimum) accurrite, aduolate, tenete furem, iniquum furem, furem, pertinacissimum. Festinat hęc inter præproperā viam pessima mulier ter eiecta, effecitq; Beatum nostrum Patrem triplici victoria de inferis triumphantem; neque enim prælianti, sed illi, qui fidē perseuerat in pugna, manent trophæa.

*Vidit B. Bernardus Empyrii Reginam, à qua tutus de sua salute redditur.*

### C A P I T U L U M XIII.

Greg. Lomb.  
lib. 3. cap. 8.

**I**mmenso pietatis ardore ergā Beatissimam Deiparam Virginē deflagrabat Beatus Bernardus. Ad illam quacumq; in re, vel aspera, vel atroci, fidenti animo obsequiosissimē confugiebat, eam sæpissimē sic largo lacrymarum imbre

vene-



venerabundus orabat. Tu, inclyta Virgo, gratias quaque effundis, in mari, in monte, in solitudine, in turbis, inter lucos, & nemora, inter Vrbes, & oppida, hostes inter, & feras. Tu infirmis celesti medicamine accurris; tu cadentibus diuino auxilio adstas, tu pressis beato leuamine feropem, te nunquam inuocans expertus est socors dem, vigilem quisquē, & amantissimam semper te sensit. Adstato mihi clemens miserrimo seruulo. O admiranda tutelar, & sospita nunquam capias mei obliuionē. Celebrabatur solēmnis dies etheream in aulam Assumptæ Virginis; & cum hoc mysterium contemplaretur impensissimē Beatus noster Pater Bernardus, precabatur dein pientissimam Virginem, vt ei faceret sua benignitate notum, an quæ ipse præstabat, grata sibi, eiusquē Filio forēt, quidvē de propria salute esset futurum. Tanti siquidem animam Dei serui æstimant, vt a quocumquē leuissimo euentu sæuissimam timeāt calamitatem, iacturam. Qui se ipsos posthabent miseri, & terrenis sordescunt illecebris, rem tantam nec vident, neque curant. In ea mentis ecstasy, & feruentiori contemplatione apparuit ei Beatissima Virgo, qualis, & quanta in Cælum quondam translata visa fuerat Cælicolis. Stipabatur Angelorum candidissimo exercitu, aureis nitebat in vestibus triumphalibus, radiorum, gemmarumq; lucidis fulgoribus renidebat tota. Nūquam mortalis oculus talia conspexerat, calcabat argenteam Lunam pedibus, erat circumualata auricomo Sole. Caput redimitum stellis

*Die Assumptæ Virginis in Cælum eadē B. Bern. gloriosissimē apparet.*

*Greg. Lombard. ubi supra.*



duodecim, quæ purioribus astris iniiciebat ruborem. Cælestes circum aligeri sonoris concinebant fidibus harmonicis, replebantq; aera omnē diuinissimis plausibus. Inter scepra, & plectra, erat Augustissima Virgo; ad suauissimum concētū, & iucūdiſſima spectacula videbatur Bernardo obfuso dulcedine in ipso Empyrio esse; sed cum non posset linguam rumpere, & Mariam adsalutare summo stupore oppressus (nequē enim immortales voluptates sustinēt corda mortalium) tunc ipsa Virgo Deipara vltro Bernardum compellat, & in eiusmodi voces prorumpit: Iſequere Bernarde, inceptum iter. Accipies cælitēs inter Heroas tuorum laborum præmium gloriosum, à Mundi constitutione paratam in cælo beatitatem assequeris. Charissimo viscerum nato meo, mihi, totiquē cælesti Curia grata sunt opera tua. Electus es, Diuinæ æternūm plaudito clementia. His dictis diuinissimo inter fulgentissimas nubes evanuit visio. Beatus Bernardus interim animæ suæ dulciter loquebatur. Quàm pulchra, & decora, quàm felicia, & beata, quàm admiranda sunt cælestia, quàm beati Cæli incolæ; sordescant tibi hæc sublunaria fragilia. Melius certè est per horulam Cæli limina tãgere, quàm hic sublimioribus, regijsq; in Solijs esse ad annos longæuos. Quid tibi cum Mundo? Quid cum carne? O Deus? O Deipara? Beatus Pater Bernardus auctior ex hac visione virtute factus videbatur ex ipso aspectu, magno ex lucis Regno rediſſe ad idē regressurus gressibus festinātibus.

Qua-



*Quædam arcana Deus B. Bernardo ante obitum manifestat.*

## CAPVT XIV.

**D**ies Veneris maioris hebdomadæ pallore, & planctu circumobducta illuxerat. Bernardus ante pedes Christi Domini Cruci confixi flexus genibus orabat, & irriguis lacrymis amarissimam Seruatoris collacrymabatur passionem. Pensitabat singillatim tot Iesu dolores, tot pœnas, vulnera, irrisiones. Cum ex ea sacratissima Imagine hæc audiuit in illa amoris, dolorisque ecstasi. Bernarde, nosco, nimia tenerescis erga me Mundi Redemptorem, pietate. Video oculos tuos vndantes fletu pluuios fontes. Cerno è pectoris fornace anhelantia tua suspiria. Mea in te munera, mea erga humanum genus beneficia, tam gratè rependes, recenses. Dona augebo, addam præmia, cum tam benè respondeas. Hauri animo, quæ nunc tibi pando. Cresces tu cum tua Sobole integritate, exemplo, virtutibus cunctis. Requirēt, & aduocabunt filios tuos viri principes, & procures, & populi. Current in odorem monasticæ disciplinæ, sanctæquæ vitæ. Sed, deplorato Bernarde, erit enim tempus, quo ab antiquis, & sanctissimis institutis seuerioribus recedet tuus Ordo, non perseverabunt tui successores in hac arctiori, in qua nunc sunt, vitæ au-

*B. Bernardus Christi passionem, fletibus meditatatur.*

*Christus benedictus B. Ber. alloquitur.*

*Gregor. Lombard. lib. 3. in vita B. Ber. cap. 11.*

*Multa diuinitus nouit de suo ordine B. Ber.*



steritate. Sed latere iterum, nam charissimæ meæ sub Genitricis auspicijs resurget semper tua Soboles, eritq; meæ Ecclesiæ peculiaris fulgor. Sic alloquebatur tanquam amicus alterum amicum Christus Bernardum, reuelauitq; plurima schismata, & scissiones in Ecclesia, futuras infectiones in Summos Pontifices, regressum sanctissimæ Sedis Apostolicæ Auenione Romam opere Sanctæ Catharinæ Senensis. Sic multa detexit de Sanctis Senensibus, & quanto futuri emolumento essent Ecclesiæ. Superaddidit vniuersalem luem qua vexāda erat Italia, pestiferas Senæ contagiones. Multa insuper de fame, bellis, incendijs, necibus in italicis plagis; multa de factionibus, cladibus, falsis seductoribus, fidei perduellibus, Ecclesiæ calamitatibus in Anglia, Flandria, Gallia, Germania, multisquē alijs in locis differuit. Lacrymabatur ad hæc profusè Bernardus Beatus, texitq; omnia summo venerabundus silentio; morti tamen, & tandem proximus Cycnus felicissimus, qui moriens cantus recinit diuinos, quæ audiuit, aperuit.

*Apparuit B. Bernardo Diuus Benedictus, eiq; diem sui obitus patefecit.*

#### C A P V T X V.

**A**Nnus nostræ salutis millesimus trecentessimus quadragesimus octauus agebatur,

cum

*Diuina secreta humili silentio contemnit B. Ber.*



cum Deus etsi pius, & misericors, tamen aliquādo Iudex, & Vindex totam Italiam peccatis foedam, sceleribusq; sordescens ubique flagello saeuissimo pestis diuexabat. Tanta erat hominum nequitia, vt nequiret, nisi generali absumi contagione. Vita hominum tam obscena, vt communi morte videretur solummodo depuranda. Rogabant viri sancti, & praesertim Beatus Pater noster supinis ad Caelum manibus veluti alter Moyses, vt Dei ira cessaret à Populis, à Prouincijs tam miserè corruentibus. Non sinebat ardentissimis lacrymis diuinam clementiam suppliciter orare, vt vindictæ gladium pietatis in vagina recondere. Oranti ergò solemni, & festiua die gloriosissimo sacra Diuo Benedicto, Monachorum Patri, apparet idem sanctissimus Patriarcha gloria vndequaquè præcinctus aurea, & caelesti interfusus lumine, sicquè illum est alloquutus. Fili Bernarde ad arboris radices securis peruenit, iam Deus Italiam suis flagellis plectere decreuit, iam sanctum indixit bellum, tuq; tuiq; filij in Christo geniti voluntati diuinæ inhærere debetis. Ne pro corporibus seruandis preces amplius effundite, pro tot miseris animarum fluctuantium turbis, sceleribus exagitatis, diuina viscera obsecrate. Peribit quoad corpus vnà cum impio iustus, iā vidisti, & in dies videbis dehinc. Tu etiam Creatori tuo vitam restitues die Augusti vigesima. Sic iubet, sic decernit Deus. Lætare, pro tua Anima ad Dei volatura solium descendens caelestes Aligeri, veniet Bernardus Cla-

ræual-

*B. Ber. preces  
Deo effunde-  
bat pro lue  
Italiam Tu-  
sciam, & Se-  
nensem Rem-  
publicam di-  
uexante.*

*Sanctissimus  
Patriarcha  
Benedictus  
B. Bern. allo-  
quitur.  
Greg. Lom-  
bard. in vita  
B. Ber. lib. 3.  
cap. 15.*



ræuallensis Abbas, quem præcipuum colis Patronum. Adstabit defensor, & stellatæ viæ lucidissimus comes. Esto fortis, & robustus, lumbos præcingito, & attollito facem per hoc breue tēpus. Esto in aduersis constans, egenis consulito, accurrito miseris. Merces tibi magna manet, & cita manet. His prolatis, in tenues iuit visio nebulas. Vocem eleuat tū Bernardus sublata ad sidera, vtraquē palma, atquē in hæc prorupit. Amor sancte, amor dulcis, suavis amor, quò me vocas? En venio, venio. Vror mi Deus, vt tua facie perfruar, posthabeo terrea, cælestia intuens. O inclyte mi Patriarcha Benedicte, ter benedicte. O verè Pater, qui tam paternè ergà me te geris. O vtinam ego dignus filius tuus. O Sanctus Nuncius accelerato, quas dixisti vias, dies, horas, momenta, ardeo, languco, consumor, offertur mihi iam nunc quod tam longo temporis interuallo exsuspiraui toties. Eiusmodi preces, & suspiria coepit dehinc Beatus Pater sanctiori disciplina, & feruentioribus operibus comprobare. Incumbebat totus ad pietatis opera, ad lōgissimas orationes, & ad animarum languentiam salutem. Pulcherrimus phoenix diuinos inter ardores è suo cinere aucupaturus vitam, aduolaturus ad vitam.

B. Bern. pro  
Nuncio mor-  
tis latissimus

Moriturus  
B. Bern. im-  
pensis in  
charitatis  
opera incum-  
bit

Cæno-



*Cænobitis ad infirmos peste laborantes destina-  
tis, in agrotantium opem se totum confert*

*B. Bernardus.*

*C A P V T XVI.*

**P**ost exceptam cœlitus visionem, & de sui obitu propinquo reuelationem, toto eo Martij, vel potius Martyrij Mense in oratione, contemplatione, pietatisq; operibus supra consuetudinem perseueravit, carnemq; etsi ætate flaccidam, pallentem, insolitis tamen afflictationibus premebat, vt humanum corpus, quasi in Angelicam speciem commutaret. Interim signa dabat clarissima immensæ cordis latitiæ ex consideratione auditi Nuncij, quod scilicet breuissimè carnis inuolucris, mundanisquè fallacijs exsolutus, Dei conspectu esset fruiturus. Quarè initio mensis Aprilis in vnum Monachis ante se conuocatis, sic cœpit. Verissimum est, Fratres, & Filij dilecti, vt mea viscera, Deum ab homine perfectè amari haud posse, si perfectè proximus non diligatur. Nec benè quis Deo deseruit, qui proximum deserit, eiusquè necessitatibus non auxiliatur, non accurrit. Si bellua in præcipitem foueam incidens, aut sub sarcina fatiscens, adiuuanda amica manu; quanto magis homo ad Dei imaginem conditus, si necessitate prematur? Homo, cuius finis æterna beatitudo; Homo, cuius anima

Dei

*Greg. Lomb.  
in vita B.  
Bern. lib. 3.  
cap. 16.*

*Noluit B.  
Ber. sine pœ-  
nitentia ab  
hac vita di-  
scedere.*

*B. Bern. suos  
Monachos  
alloquitur,  
& ad chari-  
tatis opera,  
infirmosquè  
adiuandos  
peste labo-  
ranteshorta-  
tur.*



Dei sanguine redempta est. Psaltes ille regius videns populum languescens, morientem, rogabat, ut diuina pietas ultionis virgam ab eodem auerteret, ad se solum conuerteret ardentissimo charitatis igne. Quis ergo nostrum erit, qui Christi sectamur vestigia charitatem nos docentis, qui pro tot seruandis animis hoc luis tempore nolit sanguinem in undas effundere, millies obire mortem? Christi exemplo per oppida, & rura, per compita, & vires festinemus, famulatu humillimo, operibus seruilibus, adhortationibus pijs, o filij mei, seruiamus languentibus, ne, nullo iuuantem, sine spe pereant, & una cum corporibus animas amittant. Vobis autem singulis Dei nomine firmè spondeo, quod dum in hisce operibus impliciti eritis, nemo ex vobis subiacebit morti, etsi considerè, vos charitatis stimulis ad illam alacriter ituros. Redibitis, Deus mihi dicit, incolumes. Intuitus est Beatus Pater in cœnobitico grege animi hilaritatè, & ad tabefactos adiuuandos benè cunctos paratos: quare illos, sicut Christi Discipulos, & Apostolos binos misit, ut agris operire, & sermone opitularètur. Ipsè quoque dimissis mandatis, ut die ante puigiliū Sāctissimæ Virginis Mariæ Assumptæ in cœnobium se cōferat. Ipse autem ut optimus Dux ante omnes sua exequitur iussa, & una cum pauperculo socio ad infirmos curandos properat. Quot verò efficacibus exhortationibus adiuuerit, quot è mortis faucibus vindicauerit, quot fuerit perpeffus labores diu, noctu què quaque vocatus, quot proprio exemplo ad exi-

mia

B. Bern. suos  
Cœnobitas  
tutos reddit  
de non con-  
trahenda lue  
tabefactis  
deseruiens.  
Gregor. Lom-  
bard. in vita  
B. Bern. lib. 3.  
cap. 16.

B. Bern. om-  
nia pietatis  
opera tabe-  
factis exhi-  
bet.



mia charitatis opera inflāmauerit, quot insignia  
argumenta præstiterit fortitudinis, tolerantia, paupertatis, humilitatis difficile dictū est. Expectantq; hæc omnia calamum eruditorem, feliciorem. Inter centenos tabefactos tuto gressu obambulat, vulcus palpat horrendum, totus amor medicas apponit manus, & leuamen quodquē fert. Verē fortissimus Christi athleta Bernardus, cuius charitatem nec pericula, nec mors tepefaciūt. Phoenix diuini amoris festinat ad obitum, & non nisi inter flammātem dilectionis rogiū mori exardet. Viues immortalis, qui lucidas inter istas flammās interitum anhelas. Te Sol diuinus à tanto charitatis fulgore expectat redeuntem, vt te æthereas inter illas flammās parili statione æternū faciat fortunatum.

*Tertiadecima die Augusti Monachis Senas in  
Cœnobium Diui Benedicti aduentantibus  
diem, horamquē sui obitus B. Bernardus aperuit, animamq;  
eius purissimam effudit.*

C A P V T X V I I .

**I**N vnū collecti Monachi in cœnobio Sācti Benedicti in teneros cælestis ardoris amplexus effusi, Deo gratias reddidere, & post exantlatos

D d

ergà



ergà miseros ægrotos labores innumeros, quod in tanta tabefactorum multitudine, & putrescentium cadauerum aceruo, nemo periisset, vt prophético spiritu illis Beatus Pater prædixerat. In peruigilio ergo sanctissimæ Virginis Matris Assumptæ congregatis Monachis sic suprema concione exorsus est, & locutus Beatus Bernardus. Munus est boni Patris, atquè Pastoris à Filijs, ouibusquè suis discessuri aliqua præmonere, quæ utilia, quæ sancta sint. Abiturus sum ego, ò Filijs, quos Deo peperì, ab hac mortali vita, iam mea mors imminet, grandis restat mihi via, ex hac humili terra ad Cæli apicem. Vt autem lætior ante diuinum tribunal sistam ad vestra prouolutus genua, irriguis lacrymis vos obtestor per Christi crucifixi viscera, vt mihi ignoscatis quidquid mali ergà vos peregi, siquid ore mali protuli, siquid opere mali detuli, siquid inscius non boni, vel omisi, vel commisi. Ignoscite vas iniquitatis ego sum peccato obnoxium; nam cum inutilis essem seruus (parcat vobis Deus) me super gregem vestrum constituistis Principem. Homo extiti, nihil à me humanæ miseriæ alienum puto, plurimo crimine scatuì, ad malum festinus, ab bonum torpens, ni Deus suæ pietatis manus exhibuisset. Obsecro vos extremis hisce colloquijs, siquid meum ergà vos amantissimum studium, siquid vestra integritas potest, & charitas, vt condonatis mihi culpas meas. Præ omnibus amate, & time Deum, nihil Dei amore pretiosius, nihil Dei timore sapientius. Credite, omnia, præter

Deum,

*B. Ber. mori-  
turi ad Cœ-  
nobitas om-  
nium supre-  
ma concio.*

*Greg Lom-  
bard. in vita  
B. Ber. lib. 3.  
c. 16. & 17.*

*Mira B. Ber.  
humilitas.*



Deum, qui verè omnia est, esse nihil. Pro Deo cō-  
temnite terræ scenica oblectamenta, laruas ina-  
nes, fugitiua mendacia. Paruipendite poenas, tor-  
menta, Tyrannos, ludibria, & quidquid moliri ip-  
sa possunt Tartara. Recogitate hominum, vel  
Demonū molimina, & vires non posse vobis au-  
ferre, nisi hanc breuem, & se ipsa fugacissimam  
vitam, & mundana hæc constanti cursu labentia.  
Vera animæ vita ipsius Dei est, qui illam vel ad  
barathra dare potest ob crimen præcipitem, vel  
immortalem illi conferre gloriam, si strenuè cer-  
tauerit. Omnia ergo pro anima posthabenda.  
Quid corporis robur, quid diuitiæ, deliciæ, pom-  
pæ? Omnia tandem cinis, vmbra, vapor, nihil.  
Custodite Filij mei regulam Diui Patris Benedi-  
cti, quæ nobis à Deipara custodienda fuit exhi-  
bita, in illam dirigite mentis obtutum, sit vobis  
militantibus pro Iesu, pro Ecclesia, pro monasti-  
ca disciplina, pro vestris animis, militare vexillū,  
labarum augustissimum. Egregiam præstate Su-  
perioribus vestris obedientiam, sicut mihi vigin-  
ti septē annis, quibus vestri curam habui, parui-  
stis. Vos inuicem euangelica diligite charitate;  
ea enim si inuicem, vt par est, colligabimini, po-  
tentes eritis in Domino, & invincibiles crescetis  
de die in diem, augebitur charitate noster Ordo,  
secus si in dilectione tepueritis, minorabimini,  
desolabimini, dicente Iesu, omne Regnum in se  
diuisum desolabitur. Estote pauperes, plèdidoq;  
animo negligite omnes, quas conferre potest  
Mundus, diuitias; tunc enim diuites eritis, quan-

Lucæ II.



Plurimorum  
Cœnobitarū  
futurā mor-  
tem denun-  
ciat B. Bern.

do animas lucrabimini vestro exemplo, vestris  
p̄cibus. Sitis vigilēs, nē ab immanissimo mortalis  
generis hoste, qui semper circuit quærens quem  
deuoret, decipiamini. In Fide fortes estote, & ad  
mortem libentiori memoria animum figite, sit  
eius meditatio peculiaris vestra scientia, qua do-  
cti sapientiores eritis ijs, quos sapientes Mundus  
stolidus veneratur. Pleriquē vestrū vitam com-  
mutabitis citissimē, à tenebris ad lucem profe-  
cturi estis, à malis ad bonum, à bello ad pacem,  
ab aduersis ad solamina, ab vmbatili morte ad  
veram vitam vocabimini. Ante, & post meum  
obitum, nonnulli alij ex hac vita discedent vni-  
uersali hoc pestis flagello Mūdi è peccatis exor-  
to. Crastina albescente luce, cum sit solemnis  
Virginis Matris in Cælū Assumptæ festiuus dies,  
operibus sanctis in eiusdem Virginis gloriam  
alacrius insistamus omnes. Ipsa Beata Mater, &  
me vobis dedit, & me nūc vocat, & pro vestrū  
omnium salute tota pia excubabit tota miseri-  
cors. Non poterant sancti illi Monachi, hæc  
Beato Patre memorante, continere lacrimas,  
cumquē audirent imminere tanti Patris obitum  
excruciabantur, nisi tamen diuinæ clemētiae eius-  
dem voluntatis sensum retinebant vnanimem.  
Die igitur immaculatæ Matris Virginis astra su-  
per, chorosq; super Angelicos translata, Beato  
Patre iubente, omnes Monachi retroactæ vitæ  
vel ipsas labeculas lacrymosissima confessione  
expiarunt, diequē sequenti Diuo sacra Roccho  
religiosos viros pestis inuasit, & ante decimum

octa-



octauum diem eiusdē mensis plurimi ex ijs obire Cœnobitis, vt Beatus Bernardus prænoscens cœlitūs prædixerat, iuxtā cuius prædictionem, etiam alij, vita functo Beato Patre, concessere Fato. Ipse verò omnibus cōtagioso morbo pressis perimmenso spiritus ardore deseruiebat, solabatur, naturæ verò deniquè cedentibus sepulcrales honores soluebat, vltimaq; christianæ pietatis officia religiosissimè præstabat. Appetente autem die Augusti decima nona sui obitus benè conscius lectulo se composuit pauperrimo, & penitenti. Ibi statim sanctissima Ecclesiæ sacramenta flebundus rogitaui. Eucharistico pane genibus prouolutus, obfusus lacrymis vberimis, & ardentissimis suspirijs, purgata leuissimis maculis anima, piè satis reficitur, sãctoq; oleo perũgitur. Incipiebant vires absumi, animus tamè ergà Deũ ardentior. Ligneam crucem, in qua Seruator humanæ mortalitatis pendebat crucifixus sanctè amplexus, ipsum Iesum, & foraminata illa membra sæpiissimè deosculabatur, inclinabatque languidum caput animum efflaturus; præferebat purioris amoris notas pijssimas, solutus in sanctissimas voces, & dulcissimos planctus. En dies, aiebat, mihi omnium charissima, ò mi Deus, ò mi Amor. En dulcissima dies. O me felicè inter hæc tua viscera pro me laniata flagellis, & ferro, quā libèter exspiro: sint meæ animæ tumulus tua vulnera. O Iesu, Iesu, Iesu accelera, cur tardè mecum agis? Languéo, morior, quia non morior, exsolue hanc animam, moriar Iesu mi, vt tecum uiuam.

B. Ber. tabe-  
factus lectu-  
lo. decumbis  
Ecclesiæ sa-  
cramēta pe-  
nit, & accipis

Inter Cruci-  
fixi ample-  
xus moriem  
exspirat.



*Exerat B.  
Bern. Mona-  
chos, ut pro  
sua anima  
egressu Deū  
precentur.*

*Obitus Beati  
Patris Ber-  
nardi.*

*Arnoldus in  
ligno vite  
lib. 2.*

*B. Ber. obitus  
ab omnibus  
piis lacry-  
mas exciuit.*

uam. Tu vita, te sine pœna omnis hæc vita est. Die postmodum vigesima Augusti Diuo Bernar- do sacra, anno millesimo trecentesimo quadra- gesimo octauo, persolutis Primæ à Monachis psalmis, & precibus iterum eos ad se aduocari præcipit, oratquè, vt secum in ardentiori oratio- ne per illud breue vitæ spatiolum persistant. Pre- catur, vt pro animæ suæ egressu Deo viuudas pre- ces effundant. Solansquè gregem, nè de sua mor- te tristaretur, pia monita dedit, & ad pacem filios adhortatus, eleuatis in Cælum oculis, ridenti vultu, tanquam Angelus æternitatis claresce re videbatur; sicquè orantibus, & psallentibus Mo- nachis pijsimius Pater, Bernardus Beatus, effla- uit animā. Anno ætatis suæ septuagesimo sexto. De cuius egressu sic refert Arnold⁹ in ligno vitæ.

*Inter psallentium Filiorum manus simul, & mœrentium, & inter verba orationis gaudens in Domino, & exultans beatum spiritum reddidit Creatori suo.* Anno, quem supra notauī. Perge, sanctissime Patriarcha, quo te Deus, te tua virtus inuitat, quæ toties anhelabas iam felix, iam tutus possidendo vides. Sis etiam felix tuis, & te ne vnquam nostro subtrahe patrociniō. Decens ex- titit, Augusti te mense mori, qui monasticam au- steritatem feceras augustam. Tu viuis extinctus, adstato semper nobis vera vita non dum viuis, vt tecum veri viui æternū simus. Concurritur interim, audito B. Bernardi obitu, Senensis Ciui- ras luctu, statquè vbiquè mœror. Defleuere Se- nenses ereptum sibi Patriæ decus, munimentum,

morum



morum exemplar, specimen charitatis. Ingemuit Oliuetanus grex suo orbatus Pastore. Nemo illo mortis nuncio non effusus in lacrymas. O quā benè viuunt, o quā gloriosè serui Dei animam afflant.

*De quibusdam miris post B. Bernardi gloriosum obitum, & de eius tumulo.*

### CAPITULUM XVIII.

**M**anifestauit Deus Beati Patris gloriosum transitum plurimis monasticæ vitæ austeritate insignibus Monachis. Fratri Pio Tancredo Senensi, Fratri Alexandro Messanensi, & Siluano Alemanno. Hi omnes, præter alios plurimos, adfuere Beati Patris obitui, hi multis postmodum retulere, se conspexisse eodem in instanti horæ nempè tertiæ, quæ Iesus immisit sanctum Spiritum Apostolis, eundem Christum Dominum descendentem duplici gemmea corona, quas manibus gestabat, iisdemq; Beati Bernardi caput cinxisse aurea nimirum, & aureolæ; erat ad Christi Domini dexteram Cæli Regina candida amicta veste; à sinistris verò aderat Archangelus Michael excipiens Beati Patris animam candida luce effulgentem, atquæ ad Empyrii aulam euolantem ingenti Angelorum, & Beatorum turba constipante; quos inter videbantur clarissimo fulgore scintillare Diui Benedictus, & Bernardus, exaudiebatur

*Greg. Lombard. in vita B. Ber. lib. 3. cap. 19.*

*Hora tertia obiit B. Bern. qua Christus Spiritum sanctum Apostolis immisit. Apparuit in egressu animæ B. Bern. Iesus, Maria, & Michael Archangelus*



*Visa in egres-  
su anima B.  
Ber. celestis  
multitudo,  
inter quam  
Beatissimi  
Benedictus,  
& Bernar-  
dus Clara-  
uallensis.*

*B. Ber. ani-  
ma visa est  
conuolare ad  
Cælum, au-  
ditæq; sacræ  
voces.*

batur mellifluus concentus per viam, per quam anima illa sanctissima progrediebatur. Frater Hieronymus Neapolitanus, & Christophorus Bononiensis monastica vita celebres, qui peste laborantes Beato Patri agenti animam interesse nequiverant, testati fuere in Domino suis in cellulis, lectulisque pauperrimis eandem visionem summo stupore prospexisse. Beata Ginoccia Ptolemæa, eiusdem Beati Patris consanguinea, cuius vitam conscripsit Lombardellus, cum in domus suæ oraret angulo in eadem horæ morula, qua Fato celsit Beatus noster Pater, vox sibi intonuit clamans. Cælum ò Ginoccia sulpice, oculos leuato in sidera. Ipsa surgens lumina acturum in Cælum conuertit, notatque cælirüs illustrata Beati Bernardi animam ad supremam beatitatis aulam per efflorescentes vias conuolantem, easdemq; voces audiuit, quæ in obitu Patriarchæ Diui Benedicti exauditæ fuere, nimirum: hæc est via, per quam Bernardus ad Paradisum ascendit. Frater Christophorus ex familia Ptolemæa Ordinis Prædicatorum cum etiam peste laborans ipse animam ageret, dixit adstantibus Religiosis inclytæ familiæ Dominicanæ animam se videre Bernardi Ptolemæi ad cælum conscendentem ingenti pompa, & maiestate. Et re vera fas erat, ut, dum Cælum omne progredienti Beato pandebatur, oculi etiam aperirentur plerisque sanctis viris, qui Firmamenti sunt stellæ ad illum conspiciendum. Interea effunduntur lugubres voces, & lacrymæ per Urbem Senā;

quare



quare admirabundi omnes, antequam corpus illud Angelicum humaretur ad Diui Benedicti templū frequētissima turba conuenere, vbi Beati Patris cadauer sabau exspirans odorē iacebat, nec solum Senēses, sed Exteri affluentes conspergebant lacrymas, lamentabantur amissum Parētem egeni, infatigatum Opitulatorem miseri, sublimē Antesignanum Cœnobitę, nobilissimum Patritiū Ciues, firmam columnam virtutes. Pergunt omnes illum veneraturi, quem benē credebant felicissimē donatum immortalitati. Deferunt humeris Monachi in templum feretrum, splendent accensæ longo ordine faces, accurrit venerabunda non modo Senensis Nobilitas, Præsules, Sacerdotes, sed turba promiscua, mulieres, infantes, Populus omnis, dant feretro plenis manibus lilia, oculis lacrymas, pectore gemitus, corde suspiria, spargunt innumeros flores, ornantquē tumulum pretiosiori siluarum, & hortorum illecebra. In preces fusi cuncti, vel pedes, vel vestes exosculabantur, quisquē vocabat in sua vota. Beatum Bernardum, tanquam aulæ cælestis gloriosum iam incolam. Summa vi cadauer fuit seruatum, omnes enim in illud impetum fecere aliquas excepturi sacræ reliquiæ notas, humo tandem venerabundi Cœnobitæ Filij præclarissimi Patris corpus recondunt; quod etiam suo tempore coli ipse Pius II. Pontifex Maximus luculentē testatur. Hic Sanctorum finis. Qui es gelidus ardeas, qui ardes inflammare. Ne sacram pœnitentiæ faciem horreas, pia est, amata, dul-

*Confluit ad B. Ber. cadauer innumeri venerabundi.*

*Pius II Pontif. Max. de B. Ber. cadaueris cultu, testis luculentissimus lib. 2. comment.*

E e c i s ,



cis, fugit momentum pœnæ, immortale est pondus lætitiæ .

Tertij Libri Finis.



BEATI



BEATI  
BERNARDI  
PTOLEMAEI

VITAE

Liber Quartus.

B. BERNARDI VIRTUTES.

*Eius Humilitas.*

CAPUT I.



Quoniam virtutum basis humilitas,  
in qua celsitudo erigitur, & fa-  
stigium ad beatitatem, nec quis-  
quam ea sine vnquam Numini  
gratus, quod cum in Cælo, tum  
in terris humilia tantum respicit.

Emicuit hac in virtute mirum in modum Bernar-  
dus; quod ex dictis, & ex aliquibus mox dicendis  
innotescet. Quæ humilitatis exempla non præ-  
buit in septis Cœnobij Diui Dominici in cam-  
po regio, in quo molliores annos trāsegit? Quam  
humilitatem non redoluit in sæculo adhuc ephē-

E e 2 bus ?



bus? Nouerat humanæ salutis infensissimus hostis Satanas superbiæ Pater, se tumidum seipso è Cæli Empyrîj apice deiectum fuisse ad sulphureas Tartari valles; proindè non destitit vicibus alternis, humilitatis in Bernardum quaterere fundamentum, vt, hoc labante, ceteræ euerterentur virtutes. Quod etsi in sæculo semel est malignus, & vafer spiritus affecutus; tamen pientissimus Deus adiunxit cœcitate Bernardū, ne apertis oculis præcipitè daret sese in mille vitiorū scopulos. Resipuit in caligine, & lucis cōpos vidit se Beatus Pater semper vno humilitatis oculo, quo vulneratus Deus virtutes ei auxit innumeras. Seipsū Beatus Bernardus indefessè deplorabat peccatorem omniū miserrimum, indignumquè, qui non modò cælū Creatoris sedem, sed terram, eius scabellum, vallesq; illas, & rupes, quas incolebat, circumspiceret. Sāctitatis principum est, aiebat, Theodoretus, infirmitatem sentire. Vocabat se vnum imbecillum, inutilem in Domini vinea feruum. Et cum esset omnium in scientiarum generibus versatissimus, gessissetq; iam summa prudentia Senēsiū Rempublicam, iuraq; sanxisset admiranda; nihilominus à suis Eremicis socijs rogatus, vt eis leges præscriberet aliquas, noluit tamen, sæpè dictitans indigere potiùs statuta accipere, quàm sancire. Hæc saipsius opinio abiectissimæ vilitatis erat in causa, vt eius verba humilitatem sonarent, vel alios monendo, vel consolando, vel ad quid exhortando. Nunquam laceratus, vel ab infimæ sortis hominibus, excan-

duit,

Theodoretus  
in Hier. 3.



duit, eos vel floccifaciens, vel suprà alios de seip-  
 so quid magni sentiens. Renuit pluries, & pluries  
 in alios regimen, etsi coactus toto suæ vitæ tem-  
 pore constitutus fuerit ab Eremicolis, & Cœno-  
 bitis Rector, Caput, & Princeps Eremitæ, Cœno-  
 bijquæ, quotânis tam è oneri, & muneri profusis-  
 simo fletu renūciabat. Nihil in eloquio, in cunctis  
 operibus Bernardo humilior. Ostendit hanc vir-  
 tutem multoties in abiectissimo præstando famu-  
 latu, vel terram fodiens, vel ramos amputans, vel  
 sepes, & sportulas texens, vel lateres coquens,  
 vel curriculum devehens, vel ligna succollans,  
 vel terram scopis verrens, vel cetera rusticalia  
 exercens vir alioqui doctissimus, nobilissimus.  
 Eandemquæ virtutem prætulit in infirmis tabe-  
 factis adiuuandis, in abluendis, detergendis, pro-  
 cumbens genibus, hospitum pedibus, eos demis-  
 sissimè exosculans. Sed quædam alia humilitatis  
 signa infra tangemus in miraculis ipsis, quæ di-  
 uino munere edidit, humilitatem redolentibus.  
 Voluit ex die conversionis appellari (In fonte  
 enim baptismatis dictus fuit Ioânes) Bernardus,  
 quod nomen humilem fontem sonat, ut in humi-  
 litatis virtute adamussimè imitaretur Bernardum  
 sanctissimum Clareuallis Antistitem, qui & hu-  
 milis fuit, & in scientijs, profundisque doctrinis  
 fons vberissimus, Eremicola iuxta, & Monachus.  
 In asperrima pœnitentia leniter deguit, vigil in  
 suo munere, in orationibus, & studijs, in ieiunijs,  
 & flagris assiduus; à vino abstinuit, cibi parcissi-  
 mus; pauperrimus censu, & spiritu, effusus in cha-

*Diui Bernar-  
 di Clareual-  
 lensis imita-  
 tur B. Bern.  
 eiusdem lau-  
 des.*

rita-



ritatem, & exemplar bonorum operum, huius  
tanti viri, Diuiniq; imitator vsquē ad mortem no-  
ster Bernardus, qui & obiit die eadem, qua Bea-  
tus Bernardus Clarauallensis.

*Beati Bernardi sobrietas, ieiunium.*

C A P V T II.

*Ieiunium vir-  
tutum Pa-  
tris.*

**N**ihil aptius ad vitia eradicanda, ad virtutes  
comparandas, quā ieiunium, quo caro  
ceū in spiritū transit, vt velocius mēs eleuetur ad  
Deum. Sic Moyfi, Eliæ, Samueli, Danieli, & cete-  
ris ieiunio insignibus, sanctitudine præclaris ar-  
cana Dei fuere patefacta. Verē ieiunium cibus  
est animæ, quo ipsa enutrita nihil sapit præter  
Deum. Claruit hac virtute Beatus noster Bernar-  
dus; tempore enim esuriali, vel quadragesimæ  
quater tantum in hebdomada cibum vel parcif-  
simē capiebat; bis nempe die Dominico, semel  
die Martis, semel die Iouis; ceteris vero diebus  
nihil penitus degustabat. In peruigilijs à Sancta  
Ecclesia decretis, quatuorquē Anni temporibus  
ab omni cibo abstinebat; Reliquis vero diebus  
hæc erant Beati Patris ieiunia, die Lunæ in ho-  
norem Archangeli Michaelis sui peculiaris Pro-  
rectoris, & Angeli sui Custodis, semel tantum, &  
vilissimē, & parcissimē edebat; Die vero Veneris  
ob reuerentiam Seruatoris Iesu Passionis nullo  
vescebatur esculento; Die vero Sabbati Virgini

Matri



Matri sacra in ediam fortiter sustinebat. Die Dominico, & Iouis cibabatur atro pane, & aqua plu-  
 uiali è Cælo collecta, quâdoq; ad sūmas delicias  
 adhibebat ad esū incōdita legumina, excussos ex  
 arboribus fructus, herbas, olerumq; radices absq;  
 sale, vel oleo, vel condimentis ceteris. Die tantū  
 Paschatis ingenti data lætitia ob deuictā à Chri-  
 sto mortem, triumphanteq; de inferis, vnā cum  
 fratribus, tanquam Iesus cum Discipulis, parcissi-  
 mē paschali Agno vescebatur, & modico vino  
 itā aqua delibuto, vt vix illius perciperetur odor,  
 vel sapor, refocillabatur. In itineribus euangeli-  
 co consilio nixus, quod ei apponebatur summa  
 parsimonia degustabat.

*In diuinas lectiones nauiter operam impendit*

*B. Ber.*

### CAPVT III.

**M**irificē oblectabatur Beatus noster Pater  
 Bernardus sacra, diuinaq; scriptura, quæ  
 est tutissima nostræ vitæ regula, & dūctrix. Dedi-  
 gnabatur iam in sæculo profanis se doctrinis fuis-  
 se distentum, sordescebant ei ceteri calami, præ-  
 ter quos sanctus Spiritus per Prophetas, & Apo-  
 stolos exercuisset. Si in sacra scriptione quid dif-  
 ficilis experiebatur, vt illud lucidiūs perciperet,  
 ad orationem, ad peculiare preces, ad ieiunia,  
 confugiebat. Multoties seipsum pro trito labore  
 in Academijs in sæculo habitis increpabat. Me

mise-



miserum, aiebat, vt quid incalsum dies perdidi  
 vanis in philosophijs, in flosculis, & illecebris  
 poeticis, & Musarū lenocinijs. Quid mihi cū Ma-  
 thematicis disciplinis, & astronomicis? Quid in  
 voluminibus Ethnicorum euoluēdis? Quā partē  
 habet infidelis cum fidele? Quæ conuentio lucis  
 ad tenebras, Cæli ad terram, spiritus ad carnem?  
 Quomodo conuenient Christus, & Dæmon, Ve-  
 ritas, & mendacium, Aeternitas, & momentum?  
 Quid Plato cum Euangelio? Quid Aristoteles  
 cum Apostolo? Quid Ptolemæus cum Psalmista,  
 quid Bartolus, & Baldus litigantes cum Aposto-  
 lis pacificis non habentibus argentum, & aurum,  
 zonam, peram, calceamentum? Indutus Beatus  
 noster Pater Iesum Christum, cuius vestes sunt  
 sacræ litteræ, in has mirificè incumbibat, & ita il-  
 larum studiosus erat, & discendi cupidus, vt mul-  
 toties post ieiunium, & orationem, Mater lucis  
 Beatissima Virgo, & Archangelus Michael ipsi  
 apparuerint, & secretiora veteris, & noui testa-  
 menti arcana detexerint. Sic habemus, Diuo  
 Thomæ Aquinati Doctore angelico (cuius do-  
 ctrinā sequebatur, & venerabatur Beatus noster  
 Bernardus, qui & suos Cœnobitas iussit illam  
 ad vnguē sequi) Petrum, & Paulum Apostolos  
 difficillima sacræ Scripturæ declarauisse. Post di-  
 uinorum voluminū studia, spirituales elucubra-  
 tiones peragebat, & mirum hoc fuit in Beato no-  
 stro Parente, vt ab eius præsertim conuersione  
 vsq; ad diem obitus semper aliquid voluerit, vel  
 intra septa Cœnobij, vel in ipsis itineribus lege-

re, si

Greg. Lom-  
 bard. in vita  
 B. Ber. lib. 2.  
 cap. 10.



re, si forte à lectione ipse esset fessus, libenter aliquius Sancti, vel Sanctæ vitam audiebat, ut disceret ex ijs, quæ alij ritè gessere, viuere sanctius, & progredi in viam Dei æmulator semper bonorum operum.

*De Austeritate eius vite.*

C A P V T IV.

**M**eminerat Beatus Bernardus paludatas incoluisse iam aulas in sæculo, somnum captaffe molliter in eburneis lectis, sericis in conopœis auro textis, lasciuiffe inter tabularum picturata miracula. Tantam vitæ molitudinem duxit Eremiticolas, defleuit Cœnobita, lectos illos luctus cadauerosæ animæ appellabat. Quare in cauernula, specuq; cretaceam effodit cellulam ita arctam, breuemquè, ut vix eum, exporrectis cruribus, caperet. Hoc in loco somnum inibat breuissimè, pro varijs picturis circumcircuità collocauit cadauerū capita, ossa, fragmēta. Lectulus ipse ex eorūdē funestis cadauerū ossibus erat cōtextus. Vbi reclinabat caput, hæc verba descripsit: *Memento, quod mors non tardat.* Vbi verò extendebantur pedes hæc legebantur: *Memento mori, & non peccabis.* Circà verò ipsum lectum hæc notabantur: *Omnis homo fœnum, & gloriæ illius tanquam flos agri.* Stragula verò, qua tegebatur, horridum erat cilicium; cervical ligneū cylindrum, ut irreque-

*Greg. Lombard. in vita B. Ber. lib. 2. c. 11. & 12.*

*Somnus, & lectulus B. Ber.*

*Eccl. 14.*

*Isai. 40.*



*Effatum Ar-  
senij Mona-  
chi.*

Flagellis se  
cedit septies  
in die B. Ber.  
Psal. 118.

Cilicio præ-  
cingitur.

tus esset in ipsa requie. Otiolum illius vel cellulæ, vel tumuli, erat ex arbusculorum ramis contextū, nè quispiam ipsum orantem, vel flagro se cædentem spectaret, neuè à nemoris feris læderetur. Per totam noctem tres horas ad summum somno languidulè indulgebat, memor quod Arsenius Sanctus dixit, sufficere nempè Monacho vnam somni horam, esse què Cœnobitas filios dici, & lucis, nō verò noctis, & tenebrarum. Die Veneris Christi ruminās angores ab exiguo etiam sopore Beatus Pater noster prorsus abstinuit, inquiens, de decesserem dormire ea nocte, qua Dominus eius tot perpeffus inter inimicos tormēta vigiles traduxit horas. Sæpius, nè somno grauaretur, non iacebat, verū sedens capiebat somnulum; dixisset potius soporom illum somni imaginem, quàm ipsum somnum. Aiebat cum Diuo Bernardo Clarauallesi, Monachum dormiētem mortuum esse Deo, sibi, ceterisque inutilem; secūs dum vigilat. Multoties stans dormiebat alicui rupi, vel arboris trunco innixus, nè sopor fortè protraheretur.

Septies in die cædebat se ferrea, & ponderosa  
catena, quæ è membris copiosè sanguinem excu-  
tiebat; septies enim, iuxta Psalmistam, Deum lau-  
dabat, & totidem arripiebat flagrum carnem la-  
ceraturus. Musicam ictus illi efformabant, & me-  
los erat omnibus numeris absolutum auribus Dei  
dulcissimè concinens.

Antequam monasticum institutum iniret pul-  
lo tegumento amiciebatur, horridoquè cilicio ad

nudam



nudam carnē adhibito, intorto fune præcinctus, nudis pedibus, incompta coma; sic & eius Eremitæ focij. Cum verò Cœnobiticū induisset habitum, horrentiori cilicio, & ferrea catena asperioripectus, humeros, & lumbos preffit, & hypocritisim declinaturus, candida & mollia erant integumenta extrinseca. Latens cilicium, & catena usq; ad mortem, nemini, nisi Deo, & qui erat à confessionibus, & sibiipsi innotuere. Post eius obitum, sciuere omnes, vt omnes insignia, & instrumenta illius sanctimonie venerarentur.

*De orandi studio, & diuinis contemplationibus  
Beati Bernardi.*

C. A. P. V. T. V.

**C**ontemplationis mater solitudo, & Eremitus. In hac animus quiescit, seq; ipsum ad altiora eleuat solutus sæculi curis, & turbis. Vix explicari potest quantum in diuinis raptibus, rupiū, nemorumquē amantissimus Beatus noster Pater profecerit. Totum tempus quod ei à precibus, & orationibus, quas vocales vocitant, & à concinendis psalmis, vel ab operibus manuum supererat mentis eleuationibus solū Deo fruebatur. Non erat quod vel intellectus, vel corporis oculis obijciebatur, & ad cælestia eius mens non efferebatur. Lilij candor spinis circumsepti, rosæ purpura aculeis obuoluta, violæ pallor, prati ri-

*Mira B. Ber.  
contempla-  
tiones ex om-  
nibus, quæ  
mētē, vel ocu-  
lis obijciebā-  
tur.  
Greg. Lombard.  
in vita  
B. Ber. lib. 2.  
cap. 5.*



sus, ruentis è muscosis rupibus argenteus riuulus,  
 flumini inter saxula strepentis fragor, squalor val-  
 lium, vel nemorum, arborum frondescētes comæ,  
 mortuū iuga, præceps aquarum inundantiū torrēs,  
 specus, & antri horror, Cæli aspectus, Solis iubar,  
 Lunæ fulgor, siderum radiantium ordo, elemen-  
 torum dispositio; ignis, aerisq; leuitas, aquæ, ter-  
 ræq; grauitas, ceteræ creaturæ; Diuina Sacramē-  
 ta, Sanctorum gesta, Angelorum Chori, Beatorū  
 gloria, Dei maiestas pernices erant penne, quibus  
 ad Creatorem euolabat Bernardi mens. Quæcū-  
 què ad mores, & ad virtutum incrementum sa-  
 pientissimè refundebat. Sed vnum ex multis suffi-  
 ciat hic referre, suprā enim alia tetigimus. Die il-  
 la, quæ Innocentibus infantulis est sacra summa,  
 animi intēsiōne meditabatur sæuissimam cladem  
 Herodis nefario patratam imperio, pensitabat  
 minutatim Beatus noster Pater quod gessere vix  
 hausi lucem in lactea illa ætatula omnis volunta-  
 rij criminis expertes pueruli. Querebatur ipse  
 tanquam omnium miserimus Pectator se consti-  
 stenti in ætate, annisq; matorum, fractumq; nihil  
 pro Deo suo tot gratiarū largitore peregis-  
 se. Pie inuidebat lilia illa dirè lacerata etsi purissima,  
 proprii sanguinis esse cohonestata purpura. Ador-  
 abat eiusdem sanguinis omni murice tyrio pre-  
 tiosiores riuulos, & guttulas effusas in Christi  
 Seruatoris testimonium fidei, vocabat stragem  
 illam Innocentium angusta incarnandi Verbi tri-  
 buta. Miserebatur eum Genitricum infantulorum,  
 inter quarum vbera trucidabantur cara pignora

Contempla-  
 tur B. Bern.  
 Innocētium  
 stragem, &  
 à Demone  
 saeuissimè fla-  
 gellatur.

Greg. Lom-  
 bard. in vita  
 B. Ber. lib. 2.  
 cap. 15.

inno-



innoxio foedata cruore machæris barbaris. Reboabant eius auribus gemitus, ululatus, suspiria. Cum has inter meditationes flebūdus versaretur Beatus Pater, ecce procerissimæ staturæ Dæmon impius, aspectu nigerrimo, exsufflans sulphureas ab ore, & naribus faces, oculos hinc indè ciens flammantes, cuius pedes capripedes, cuius frons armata cornibus, cuius manus horribili gravatæ flagello, & mastige. Irruit rabidè, & horridè in Beatum Bernardum monstrum tartareum, & nefario pede in terram sternit, flagroquè sæuissimè percutit, crebrisq; flagellat ictibus ad numerum duorū millium ducentorū, ita vt semimortuus humi stratus iaceret liuescētibus mēbris, ore cruēto, cumquè surgere niteretur hærenti terræ manu, mox recidebat dolore, lassitudine, haud potens seipsum regere, vel pedibus consistere. Sed ecce deturpato verberibus, iacentiquè penè exanimò Beato Bernardo apparuit Christus Iesus. Cruci confixus à planta pedis, vsq; ad capitis verticem cruento purpurascens amictu, ita flagris dilaceratus, vt singula legerentur in humeris ossa, liuoribus membra tūta, sputis erat foedata facies, què intuens Beatus noster Pater in irriguas prorupit lacrymas, atq; in hæc verba. O mi Iesu, o Christe mi Redemptor, o Cæli risus, o Angelorum decus, & amor, o Empyrii venustas, & pulchritudo, candidus, & rubicūdus mi amor electus ex millibus, o speciosus inter filios hominum Verbum Patris, Fili Virginis quis te ad hæc adegit? Quis te o beatitudo deturpauit? Agnosco, agnosco vulne-

*Christus Crucifixus apparuit B. Ber. humi fratre verberibus, & doloribus confecto.*

*Greg. Lombard. in vita B. Ber. lib. 2. cap. 15. Cant. 5.*



B. Ber. Chri-  
sti alloqui-  
tur.

Isai. 53.

Cant. 1.6

ra hæc inter, & sæuæ tuæ passionis angores, tuæ  
diuinitatis fulgores, & radios. Non habent hæc  
mea verbera verba, quibus tuam pietatem eue-  
ham, tuos dolores exprimam. O quam male, &  
quàm dissimile meum fragile corpus, hæc mea  
côcussa caro flagellis, tuo exemplari collata, tuis  
membris scissis, laniatis. O verè virum dolorum,  
principem angorum. O mi Iesu nihil prorsus sūt,  
& apparent hæc mea vulnera, dum tuā intueor  
Archetype tormentorum. O myrrhæ fasciculum  
posthæc semper commoraberis inter meos am-  
plexus, inter mea vbera. Ex tanta apparitione, ita  
repentè conualuit, vt ne vestigium quidem liue-  
scentium verberum in Beati Patris membris cer-  
neretur, quin vegetioribus viribus, atquè animo  
alacriori diuinis cōtemplationibus dedit operam  
paruipendens minas, & iras, & quidquid in ipsum  
moliri, & struere furentia Dæmonum possent  
agmina.

*Diuina contemplans B. Bernardus per sæpè cæ-  
lesti corripitur ecstasi.*

### CAPVT VI.

**S**æpissimè in ecstasim rapiebatur Beatus no-  
ster Pater Bernardus sublato è terra corpo-  
re, supinis manibus, in cælum oculis defixis, eiusq;  
anima inter Angelicos Choros Deo fruitura  
versabatur, & admirabile fuit in ipso vt ecstases

Greg. Com-  
bard. in vita  
B. Ber. lib. 3.  
cap. 10.

eni-



enixè, humillimè occultaret. Deus autem, qui  
 seruum suū glorificare volebat etiam inter mor-  
 tales degentem, multis spectantibus è terra fra-  
 gilia carnis inuolucra sapissimè attollebat. Præ-  
 fulgebat dies illa inter ceteras faustissima. Virgi-  
 nis Matris sacra natali, orabatq; meditabundus  
 Beatus Bernardus, & intensissimè solemnitatem  
 Cælo, terræquè celeberrimam in suæ cellulæ an-  
 gulo pensitabar, cum Ambrosius Piccolomineus  
 cum Beato Patre acturus illuc perrexisset, offēditq;  
 Beatum Bernardum in aere pendentem brachijs  
 expansis, capite erecto, ad sidera conuersis oculis,  
 ridenti ore, ceterum videbatur tāquam lapis,  
 & silex immobilis. Obstupuit Piccolomineus,  
 Deiquè fauores ergā Beatum Parentem admira-  
 tus festinauit, citissimè socium vocaturus. Pa-  
 tritium de Patritijs, reuersusq; tandem vidit iam  
 Beati Patris animam ad corporis munia rediisse.  
 Cognouit Beatus Bernardus Ambrosium ec-  
 stasis fuisse inspectorem, & humilitate per-  
 fusus aliquantulum subtrixit, erubuit, lætioriquè  
 vultu tandem dixit, En dulcissimo somno Frater  
 mi Ambrosi fui correptus, illumq; secretò allo-  
 quēs in hæc effudit. Carissime soci, qui in via Dei  
 proficere exoptat Dei arcana, fauoresq; cælestes  
 silētio tegat, nec tu vocare debebas quempiam.  
 Altera itidem die Christo conscendēti in cælum  
 dicara ecstasim pariter perpeffus est Beatus Pa-  
 ter in ipso odceo, omnibus Coenobitis spectanti-  
 bus, admirantibus. Die festo Diui Benedicti Mo-  
 nachorum Patriarchæ cum oraret Beatus Ber-

*Quò magis  
 affluebat cæ-  
 lestibus fauo-  
 ribus B. Ber.  
 eò magis hu-  
 militatis ex-  
 hibebat ex-  
 pla.*

*Cælestes fa-  
 uores humi-  
 liter contegit  
 B. Ber.*

nar-



nardus in ædícula Sanctæ Scholasticæ, cuius sæpè meminimus, visus est pluribus è terra in altum elatus quatuor horarum periodo. Idè die Diuo Bernardo Claræuallensi Abbati nuncupata in spelunca, in qua orabat passus est raptum, constititq; in aere spiritus libratus dulcedine ab hora nonæ usquè ad completorium. Resurrectionis die Dominicæ post susceptum sanctissimæ Eucharistiæ Sacramentum statim feruentissimo spiritu sursum effertur, Christum Iesum Cruci confixum amplectitur, cum ipso què visus est Beatus Pater colloqui, etsi quæ dicebat à pluribus ibi adstantibus non perciperentur, videbatur tamen oris suauissimus motus, cælestisquè vultus hilaritas. Nimia teneritudine prouoluti in genua Cœnobitæ percutiebant pectora, fluentibus interim ex roscidis oculis dulcissimis lacrymis, fruebantur illo aspectu, & spectaculo tanquam inter cælitres essent, Dei mirabilium inspectores, admiratores. Sed in se reuersus Beatus noster Pater Bernardus purpura humilitatis obfusus genis, deiectis in terram luminibus, complicatis brachijs ad cellulam festināter perrexit, ibiq; triduo delituit, nec per id temporis quidquam vel comedit, vel bibit Paradisi saginatus nectare. O felix anima, quæ in terris degens cælestibus vescebatur, & adhuc viator gloriæ videbatur assecutus brauium! Inter multa hæc pauca sufficit enarrasse, ut sciamus etiam in hac vita degentes seruos Dei perfrui riuulis Pelagi immensæ beatitatis.



*Diuinitus B. Bernardus cordis arcana  
dignoscit.*

## CAPVT VII.

**V**Nius Dei per omnia illabentis, suaq; sciē-  
tia comprehendentis vniuersa, est imper-  
scrutabilia cordium arcana, & abyssos intueri, &  
nosse obscurissimas; non tamen eius vis ita coer-  
cetur, vt impertire nequeat creaturis quod ipse  
suopte ingenio, & sua virtute possidet. Elargitus  
est igitur sua munificentia Beato nostro Parenti  
Bernardo hoc munus, vt cordium secretiora pe-  
netralia multoties penetraret, atque detegeret.  
Quidā Monachus genere Sarmata nomine Pla-  
cidus ē suæ Patriæ longissimis tractibus ad Ac-  
conenses valles perrexerat Christo Iesu deserto  
in loco deseruiturus, cumquē plures per menses  
monasticum gessisset habitum à malo Dæmone  
tentabatur, vt abiecto cœnobitico indumento, &  
posthabito Eremita, ad sæculum quantocius re-  
uerteretur. Beatus noster Pater cœlitus irradiatus  
nouit quid Placidus mente reuolueret, quare,  
duobus adstantibus Cœnobitis, sic eum alloqui-  
tur. Placide fili voluntarias oblationes suscipit  
Iesus, qui voluntariē nos genuit, & sua spontē pro  
nobis Deo Patri in Cruce oblatus est, neminem  
ipse cogit ad sui in his nemoribus, & rupibus fa-  
mulatum. Quid ergo sic mente hæsitās? Quid

*Greg. Lom-  
bard. in vita  
B. Ber. lib. 2.  
cap. 13.*

*Iacob. 1.*

*Isai. 53.*

Gg

non



non hinc abis, si liberè Deo inservire non statuis?  
 En patent fores, quis te detinet? L. discede, abi.  
 Micabant è vultu, oculisque ignes, & radij, cum  
 hæc Beatus Bernardus loquebatur; sciebat enim  
 fratrem illum non esse è sacris septis discessurum,  
 etsi malus Dæmon omnem lapidem movebat, vt  
 sacram solitudinem ille desereret. Obstupuit  
 Coenobita cordis sui cogitationes nemini ab ip-  
 so detestas, sic benè Beato Patri innotuisse. Eru-  
 buit de sui tepore, & ad Dei viri humillimè pro-  
 cumbens genua, & pedes, veniam precabatur pol-  
 licitus se in Dei servitio in Religione persevera-  
 rum, in qua, & sanctè vitæ curriculum transegit,  
 & in Domino tandem obijt. Frater Damianus  
 Venetus ab eodem Dæmone foedis cogitationi-  
 bus dirissimè quatiebatur, nec tamē vim omnem  
 ad eas propulsandas adhibebat; cui ad se vocato  
 B. Pater Bernardus ait. An ignoras, quæ Christus  
 protulit, arborem nempe non ferentem fructus  
 esse recidendam, radicitus euellendam, atque  
 demum proijciendam igni? Non audisti seruum  
 inutilem torpentem ocio, ligatis manibus, & pe-  
 dibus in tenebras exteriores, vbi est fletus, & fri-  
 dor dentium detrudendum? Non est nobis d. Fi-  
 li in harum vallium vallo colluctatio aduersus  
 carnem, & sanguinem, sed aduersus Principes, &  
 Potestates tenebrarum harum. Putasne tibi osci-  
 tanter vitam docenti paratum gloriae ferrum?  
 Quid non abigis umbras illas foedissimas, quas  
 ad tui perniciem tuæ menti immittit Sathanas?  
 Discute caliginem, vt sis verè filius lucis. Fla-

gris,



gris, & ieiunijs precibus, & suspirijs evanescent  
 pravae cogitationes, enutriuntur ocio. Obstupuit  
 Coenobita ille, quod Bernardus sic probè sciret,  
 quæ ipse mente voluebat, egitq; poenitentiam, &  
 alacrius Deo exhibuit famulatum Beati Patris  
 monitis adherens. Catharina ex nobilissimo Pto-  
 lemaeorum stipite, & Beato Bernardo consangu-  
 nea cum eiusdem quadam die ferventioribus pre-  
 cibus commendaret quamdam clarissimam femi-  
 nam innumeris pressam erumnis, respondit noster  
 Beatus. Quid mirum ò Catharina si tot diuexatur  
 angoribus, quæ meis indignis orationibus com-  
 mendas? Meminerit bene nobilis ista mulier in  
 adolescentia se vota Deo nuncupasse, & pollici-  
 tam inter sacra claustra vitam ducturam, & nihilo-  
 minus voti contemptrix sponso terreno nupsit;  
 arumnarum spinæ è peccati radice germinant.  
 Caveat nè defuncto sponso (moriatur enim quā-  
 tocius) alteri nubat, ut ipsa iam decrevit, violen-  
 to enim letho peribit. Nimio stupore Catharina  
 correpta quomodo voti emissi ab illa femina es-  
 set Bernardus conscius. Fato cessit sponus, & pia  
 mulier, Mundi floccifactis ludibrijs, vni Deo seip-  
 sam sacrauit iuxta Beati Patris consilium, & san-  
 ctè nouissimos vitæ dies conclusit Cæli gloria  
 fruitura. Quidam Augustinus de Luciniano Bea-  
 tum Bernardum humillimè adiuit, & poplitibus  
 flexis vestes, manumquæ exosculatus in Crucem  
 efformatis brachijs rogabat, ut ipsum inter sacra  
 telqua reciperet, in quibus Deo servire statuerat  
 omnibus, vel abiectissimis in operibus vitam trā-



facturus, vt post momentaneos in Eremo labores  
perennem in Empyrio coronam consequeretur.  
Cui Beatus Pater respondit. Quid effutis miser?  
Non ex corde efflagitas habitum, nequè huc per-  
rexisti Deo famulaturus, sed vt hominum vindi-  
cem iram declines. Abi hinc, & quod furripuisti,  
redde. An putas confugium, asylumq; esse scele-  
stium, & malè operantium Religionem. Pœniteat  
te malè gestorum, & sanctæ conuersionis vestem  
deposces, vt defleas, quæ contrà Deum, & proxi-  
mum molitus es, & malè patraisti. Ille rubore ob-  
fusus statim atquè discessit. Nobilis vir Mediola-  
nensis ait Beato Patri se à Deo vocatum, vt in  
Oliuetano Ordine religiosè viveret, quare sup-  
pliciter monasticum indumentum flebundus pe-  
tebat subdens, nè me piissimè Pater proijcias, nec  
me certè proijcies si verus es Christi Domini  
imitator, ipse enim dixit, qui venit ad me non ei-  
ciam foras. Quem intuens graui supercilio Bea-  
tus Pater ait. O fraudis plenam petitionem!  
Guelphica factio te huc miser destinauit, vt no-  
stros ritus, & mores perscruteris, vt contrà Ere-  
mum quid moliaris. Responde his, qui te miserunt  
nos hoc deserto in loco pro Mundi salute, & infe-  
ctatorum preces ad Dei pedes iugiter effundere;  
tu vero si Creatori famulatū exhibere volueris,  
fuge Mundi tenebras, & fraudes, exue lupi mores,  
quos pelle tegis ouili. Homo ille mirabilia Dei  
factus, qui seruis suis machinationes detegit, à  
Beato Bernardo veniam petijt, & ab Eremo di-  
scessit.

Lucas 24.

Quanto



Quanto amore in Deum, ac proximum effe-  
buerit Beatus Bernardus.

## CAPUT VIII.

**E**X ijs, quæ pro Deo reliquit in sæculo oble-  
tamenta, opes, delicias, ex nobili honorû,  
ac dignitatum repudio, ex suipsius generoso cõ-  
temptu liquet nosse, quæ charitate, quauè dile-  
ctione erga Numen æstuauerit Beatus Pater. Ab  
incendio enim diuini amoris nunquam feriaba-  
tur. Nullæ erant aquæ, quæ extinguere possent  
ignem sollicitæ suæ charitatis. Totus in Deum ra-  
ptus, mira cælestium deliburus dulcedine, quæ  
Dei tantum erant sapiebat, anhelabat. Quoties  
verba Doctoris gentium repetebat; Cupio dis-  
solui, & esse cum Christo? Quoties cum eodem.  
Quis me liberabit de huius tetro, foedoq; carnis  
carcere? Quoties cum Psalte Regio, Quid mihi  
est in coelo, & à te quid volui super terram? Quo-  
ties cum eodem. Heu mihi quia incolatus meus  
prolongatus est? O Deus meæ vitæ vita, discum-  
pe huius vitæ ligamina fragilis, vt tibi perenni vi-  
tæ viuam. Quid mihi cum hac vitæ umbra, O mi  
Sol, ò mea sine caligine lux? Nulla Mundi occu-  
patio euocabat. Beatum Patrem à Dei medita-  
tione, ab amoris igneis iaculis, hinc tot raptus,  
tot ecstases, tot cælestia deliquia. Hinc tantus ar-  
dor Catholicæ Fidei, Eucharistici panis cultus

Philip. I.  
Rom. 7.

Psal. 72.

Psal. 119.

exi-



eximius, Virginis Matris, & Sanctorum, reliquia-  
rum, & sacrarum Imaginum veneratio, tanta erga  
Præpositos, qui Christi vices gerunt, obtempe-  
ratio, tanta paupertas census, & spiritus. Circum-  
uentus falsis criminibus gestiebat lætitia memor  
quod per ærumnarum pelagum, per iniurias, & ad  
malam famam ad littus omnimodæ pacis, & ad  
Dei conspectum peruenit. Triumphabat in  
Mundidudibrijs, in tot sui corporis laniensis. De  
Torrente riguo diuinæ voluptatis iugiter ebibe-  
bat. Nihil quærebat, nisi Dei gloriam. Lat essebat  
Dæmonum legiones, ut legitimè militans corona  
immortalitatis perfrueretur. Dire torquebatur  
ex vnius peccati memoria quippe quo Deum  
summum bonum læderetur, cuius præsentia sem-  
per ob eius oculos versabatur, quia seipsum com-  
ponebat tanquam rationem de omni re, vel leuissi-  
ma labecula redditurus. Ex hoc amore mira-  
boriebatur erga proximum charitas, inhiabat  
omnium saluti, volebat, ut disiectis culparum te-  
nebris, omnes æternam illam lucem agnoscerent  
glorificarent, & in centro illo beatitatis humani  
genus ad Dei imaginem efformatum conquie-  
sceret. Hinc tot orationes, tot preces, ut Dei vin-  
dicam iram flecteret, peccatoribus ignosceret.  
Hinc tot labores suscepti, tot effusi sudores, tot  
itinerum discrimina, tot exempla bonorum ope-  
rum exhibitæ. A salure proximi hec fames, necessi-  
tis, nec pluvia, venti, vel niues, frigus, vel æstus,  
homines, vel Dæmones eum detinebant. Nec  
modò in animæ salutem nauiter dabat operam,



sed in ipsis corporibus subleuandis quod clarissime pater in ijs, quæ erga ægrotos ipse gessit; cum enim, ut supra fassus sumus, tota Senensis Ditio lethali pestis esset obnoxia Beatus Pater, & suos Monachos filios in Christo genitos, tabefacis opem laturos destinavit, & ipse omnium primus in eorumdem curam indefessè se dedit, ita ut tabe confectus (nescio an dicam mortifera, an salutifera) in rogo charitatis animam efflaret, verè Martyr Amoris.

*Beati Bernardi corporis habitus, statura, & aliquæ animi dotes.*

## CAPUT IX.

**E**ffigies Beati nostri Conditoris Bernardi colligi potest ex ijs, quæ antiquiores expriment de illo picturæ, ut in cathedrali Senæ templo, ubi inter ceteros illius Urbis Diuos, & Patronos spectatur sanctitudinis insignibus honestatus Beatus Pater. Idem in coenobio Oliuetani Ordinis Principe. Similiter in vetustissimis Diui Bernardi Arretij septis, vel ædiculis, passim quæ alijs in locis. Circumferuntur plurimæ etiam Imagines eiusdem typis cussæ. Staturæ fuit proceræ, & benè compactæ, faciei decoræ, & magnæ, & ad proportionem aliquantulum oblongæ, & ex senio rugosæ, coloris subfusi pallidi, pellis ossi hærentis. Inerat eidem sinciput decoratum caluitie,

BEATI

frons



frons lata, nasus aliquantulum oblongus, oculi nigri, & semper ferè flebundi, os mediocre, labia aliquantulum tensa, collum latum. Actio gravis, & maturitatem præferens, & ad monasticam severitatem tendens, ingenium perspicax, & in peragendis negotijs religiosè versatum, comitas timorem, & amorem incutiens. Dixisses ab aspectu virum ad Dei gloriam exortum, ad disciplinæ coenobiticæ reparationem, sacra Patrem Eremitæ, spectaculum tandem poenitentiae.

Quarti Libri Finis.



BEATI I



BEATI  
BERNARDI  
PTOLEMAEI

SENESENSIS

VITAE

Liber Quintus.

BEATI BERNARDI MIRA.

*Ad necem penè vulnerato sanitatem restituit.*

CAPVT I.



Sic ritè tota Beati nostri Patris expendatur vita, fateri debemus, eandem penè fuisse miraculum. Homo ferè non edens, non bibens, insomnis, cilicio maceratus, catena præcinctus, macie confectus, coopertus flagris, orationi, contemplationi addictus, pænitentiae imago, Deo viuus, Mundo defunctus, sepultus in vallibus. Hæc omnia mira sunt. Voluit tamen Deus, coruscaret nihilominus admirandis signis, & virtutibus, vt

H h

serui



serui sui sanctitudo cunctis amplius innotesceret, quæ in huius opusculi calce breuiter recensemus.

Gregor. Lombard. in vita  
B. Ber. lib 3.  
cap. 14.

Degebat Beatus Bernardus adhuc Eremita inter Acconenses rupes, & barathra, cum vnus ex suis socijs deserti illius incola, Pacificus nomine, arborum stipites, truncoſquē securi cædens ad ignis vsum, seipſum ita acerrimè ferro illo percussit, vt spalmo penè terræ stratus periret; altero enim pede quislibet eum destitutum proculdubio ex illo ictu putabat. Beatus noster Pater vulnerati misertus lineis frustis vtitur concrematis, oleoq; lucernæ (quasi verò tali pharmaco, & medicamine foret ille curandus) factoq; sanctissimo Crucis signo, conualuit Pacificus, omnisq; dolor, & vulnus, & cicatrix statim euauit. Egit Deo gratias innumeras Beatus Pater, rogauitq; fratrem illum (studio regendi miraculum) vt pedem iam vulneratum fascijs obduceret. Quod libenter præstitit seruo Dei obsecuturus.

*Dæmones à corporibus obsessis signo Crucis expellit.*

### C A P V T I I.

Gregor. Lombard. in eodē  
libro, & capite.

**A** Venione rediens, quò maturauit à Ioanne XXII. Pontifice Max. vti diximus, accersitus, cum Vercellis esset, quæ est Vrbs Transpadanæ Italiæ, sit ei obuiam quædam mulier dirissi-

mè



mè à Dæmone vexata. Spumabat ore, extorquebatur hinc indè, se ciens misera, passis crinibus, oculis ad horrorem vibrantibus. Ait què Beato Patri, ò serue Dei impende mihi tua dextera benedictionem, qua data signo Crucis, aufugit illico malus Dæmon toties à deserto eiectus, & de quo toties retulit Beatus Pater triumphum. Præcepit Beatus Bernardus mulieri, nè alicui miraculum detegeret, sed tuba fuit mulier, & Dei admirabilium, & Beati Patris sanctitudinis buccinatrix.

*Signo Crucis febrem arcet.*

C A P I T U L U M III.

**Q**uidam frater re, & nomine Bonus, quarta laborabat; alternisq; vicibus frigebat, & æstuabat. Indigebat eius opera Beatus Pater, cūq; ille lectulo stratus, fractus viribus, ad labores fateretur se ineptum, nec cœnobio deservire posse: Surge, inquit, dato Crucis signo, Beatus Pater in nomine Iesu, qui est omnium salus, & vita, & resurrectio nostra. Vix prolatis his vocibus, statim ille surrexit tanquam nulla febre correptus, & sanus, & viribus pollens munia, quæ ei præceperat Beatus Bernardus, hilarè obiit, nec vnquam, eo tempore febris illum detorsit.

*Idem Lombard. eodem libro, & capitulo.*



*Cæco lumen restituit.*

**C A P V T I V.**

*Lombardel-  
lus ibidem.*

**C**Um esset Beatus Bernardus Sutris (cuius  
Vrbis Hetruscæ supra meminimus) vbi ce-  
leberimus eius sanctitudinis percubuerat ru-  
mor, quidam nomine Romulus, oculorum orba-  
tus luce, aliorum ductu ad Beati Patris pedes fe-  
stinâter prexit, & ad eos genibus puolutus rogi-  
tabat, vt suis p̄cibus à Deo amissū lumen sibi im-  
petraret. Cui Beatus Bernardus respōdit, effūde  
tu preces tuas vnā cum suspirijs, & gemitibus, &  
corde omni culpa abluto, coram Beatissima Vir-  
gine Matre, & exaudieris, ipsa enim, quæ veram  
lucem peperit, mihiq; in tenebris iam versanti lu-  
men reddidit, visus etiam te compotem faciet;  
ipse verò Beatus Bernardus pro cæco orauit,  
nec ab oratione destitit, donec cæco illi lumen  
restitueretur, qui Beati Bernardi admiratus est  
sanctimoniam, eiusq; meritis visum se recepisse  
testatus est.

*Ex*



*Ex pituita claudicantem curat oratione.*

C A P V T V.

**E**X pituita claudicabat deformiter quidam Monachus, nomine Marinus Parisiensis, & dolore maximo distorquebatur, qui Beati Patris precibus humiliter se commendabat, ut dolor ille, vel penitus evanesceret, vel mitesceret aliquantulum, cui Beatus Bernardus: Indignus, inquit, ego sum peccator miserrimus, qui à Deo exaudiar, melius tu ab eodem gratiarum largitore, o fili, obtinebis, quod petis. Orauit tamen Beatus Pater, & infirmo claudicanti Fratri impetravit optata.

Greg. Lombard. in lib. 3. cap. 14.

*Dat precipitem Demon ad mortem quemdam cementarium qui B. Bernardi precibus vita potitur.*

C A P V T VI.

**C**Um tēplum in Oliuetano Ordine Princeps inter Acconenses rupes exædificaretur, sæuientibus, ira actis stygia in ipsos parietes, Dæmonibus, vnà cum lateribus, lignis, saxis, rastrisq; datus est præceps quidam ex cémentarijs, nomine Stephanus è valle Luciniana, interquē illas

Greg. Lombard. ibidem.

rui-



ruinas, lapsusq; & fato fungitur, & inuenit pariter  
tumulum. Ingemuit Beatus Pater, & flexis popli-  
tibus, expansis manibus, lacrymarum imbre irri-  
guis oculis, enixè orauit, donec Iesus vitam re-  
stitutam defuncto ipsi reuelauit, qui ad cadauer  
illud pergens, vbi plurima lugentium turba ade-  
rat, tetigit manu pectus, & adstantibus ait: Cessa-  
te à lacrymis, non est hic mortuus, sed viuit: per-  
cipio manu alternos cordis ictus; & hoc præsti-  
tit, nè suis vel meritis, vel precibus vitam Stepha-  
no datam quis excogitaret, vel fateretur. Plura  
in vita præstitit Beatus Bernardus, & præcipue  
virtutem ei largitus est Deus, vt omnes febribus  
laborantes, vel suarum tactu manuum, vel qui  
eiusdem tetigissent vestimenta, curarentur.

*Idem in eode  
libro, & cap.*

*Peste laborantes sanitati restituit.*

## C A P V T VII.

**N**on modò cum inter nòs degeret mortales  
Beatus Bernardus miraculis plurimis per-  
claruit, verùm postquam eius anima euolauit ad  
Cælum, iisdem nobilissimè coruscavit; antequam  
enim illius cadauer tumularetur, voluit Deus,  
eius sanctitas nouis innotesceret signis. Fratres  
Hieronymus Neapolitanus, Christophorus Bo-  
nonienlis, Gregorius Pauensis, Ranerius Roma-  
nus, omnes Oliuetani tabefacti, & morti propin-  
qui vt vt potuere gressus trahētes anhelos perre-

*Greg. Lom-  
bard. in vita  
E. Ber. lib. 3.  
cap. 20. &  
ultimo.*

xere



xere ad Beati Patris cadauer, exosculaturi in fe-  
retro iacentis manus, & effusi in suspiria, & lacry-  
mas aiebant. O Pater, ò Dux noster, mortuus es,  
& cui nos deseris? Statim atque tetigere cada-  
uer, fuerunt à tæbe, pesteq; liberati, & multos an-  
nos in Domino vitam duxere.

*Arescentem manum pristino vigori restituit.*

### C A P V T V I I I .

**A**Ntonio de Chino Senensi manus dextera  
aruerat, multisquæ annis suæ familiæ inu-  
tile pondus vixerat, hic magna fide Beati Patris  
mox tumulandi vestes humillimè tetigit. Mirum,  
reuiruit manus, & iam ad sua munia redijt, ingen-  
ti sui, domusq; totius lætitia.

*Greg. Lom-  
bard. eodem  
lib. 8. cap.*

*Cingulo Beati Bernardi Dæmones eijciuntur.*

### C A P V T I X .

**I**oanna Petri ex Bonconuento, Tusciæ oppi-  
dulo, multis annis fuerat à Dæmone torra, qua  
ad Beati Patris cadauer ducta; vlulatibus cuncta  
replebat malus Dæmō, quo arrepta mulier mise-  
rè fremebat requei impatiens, sed cingulo, quo  
Beatus Pater se præcingebat circumligata statim  
discessit Dæmon, & femina illa Deo omnium

*Greg. Lom-  
bar. ibidem.*

Autho-



Authori gratiarum, & eius seruo Bernardo gratias reddidit.

*Sanguinis fluxum patiens corpus Beati Bernardi inuisens curatur.*

### C A P V T X.

**F** Austina de Monte Sancti Sauini quatuor annos fluxum sanguinis fuerat perpeffa, perperam Medici medicamina plurima ad illius adhibuere curationem; ipsa verò auditis Beati Patris sanctitudine, & miris, quæ ob illius merita operabatur Deus ad Beati Patris corpus orabunda peruenit, & statim sanguinis abiit fluxus.

*Idem Greg.  
eodē ultimo  
lib. 3. cap.*

*Hydrope femina laborans curatur.*

### C A P V T XI.

**D** ominica Griffoli ex Monterone hydropica videns tot miracula, quæ operabatur Deus Bernardi Beati meritis ad illius corpus genuflexa orabat magna fide, ut ab infirmitate, qua detinebatur eius intercessione liberaretur vix hac oratione prolata adepta est sanitatem. Multa alia admiranda patrauit, & dum viueret, & post obitū, præsertim erga tabefactos. Quæ narrauimus pauca fortè sunt inter multa quæ Beati Patris nostri meritis præstitit admirabilem Author Deus, qui in Sanctis suis glorificatur eisdem in Cælorum apice glorificaturus per æternitatem.

*Greg. Lombard. in vita  
B. Ber. lib. 3.  
cap. ultimo.*

Libri Quinti, & ultimi Finis.





# INDEX LIBRORVM,

ET CAPITVM.

LIBRI PRIMII.

Bernardus in sæculo.

- E**ius patria. cap. 1. pag. 1.  
 Bernardi Ptolemai genus. cap. 2. pag. 9.  
 Bern. Ptolemai mira conceptio festiuissimus natalis  
 dies. cap. 3. 16  
 Ber pueruli in ade sacra educatio, eius progressus in  
 spiritus pietate, & studijs litterarum. cap. 4.  
 pag. 23  
 Ber. in patrijs laribus pubescens omnigenis studijs im-  
 pensus operam nauat, mirè proficit, quæ discit uni-  
 uersa ad Dei gloriam religiosè refundit. cap. 5.  
 pag. 27  
 Puber Ber. in sodalitis Sancti Ansani operibus pieta-  
 tis strenuam dat operam. cap. 6. 32  
 Bern. nondum ephebus doctoratus laurea honestatur,  
 & inter Caesaris Equites ascitur. Occupationibus

Ii

Eque.



<i>Equeſtribus diſtentus pietatis ſenſum inter arma tepeſcentem nouit. cap. 7.</i>	34
<i>Diuina gratia munitus Bernardus militiam deteſta- tur, ſecum ſermones miſcet pios, pietatiſque operi- bus iterum impenſius ſtudet. cap. 8.</i>	38
<i>Ber. è cathedris docet publice, eius doctrina vndique referta pietate. cap. 9.</i>	44
<i>Bern. conſpicua munia Senenſis Reſpublica ſtatuit, de eademque optime meritis iura plura ſancit, egregie ſe gerit in omnibus. cap. 10.</i>	47
<i>Hac inter glorioſa geſta, inani gloria, mali Demonis artibus miſere ſuccumbit Bernardus. cap. 11.</i>	50
<i>Multis intentus ludicris Ber. miſerrime deſpicit. cap. 12.</i>	53
<i>Ber. ad inanis fomitem gloria difficillima axiomata tradit diſcutienda, ſed diuinitas excœcatus ſe om- nium inſipientiſſimum, &amp; miſerrimum nouit. cap. 13.</i>	56
<i>Ber. Ieſu, &amp; Deiparæ votum nuncupat pro amiſſa lu- ce, ſitque diuinitus lucis compoſ. cap. 14.</i>	60
<i>Concio de Mundi contemptu in Schola ſapientia Senæ à B. Bern. Eremum conſeſſuro habita. cap. 15.</i>	63
<i>Bernardus pauper ad Eremum contendit. cap. 16.</i>	76



251

LIBRI SECVNDI.

B. Bernardas in Eremo.

- B.** Bern. in Acconam, una cum Ambrosio Piccolomineo, & Patritio de Patritijs Senensibus, Deo deseruiturus contendit. cap. 1. 79
- B. Bern. in Eremo indumentum, corporis maceratio, vite genus. cap. 2. 82
- Pie B. Bernardi in Eremo exercitationes. cap. 3. pag. 85
- Confluunt plerique in Acconae valles B. Bern. visuri, quos ille ad eremiticam vitam hortatur. Rogatus renuit sociorum regimen, nec peculiare leges statuit, conciones plures, & pias ad Eremitcolas habet. cap. 4. 89
- Venenata dona mittuntur B. Bernardo, ut pereat in deserto, sed diuinitus ea dignoscit, signoque Crucis toxicum depellit. cap. 5. 96
- Grassantur adhuc mali Demonis insidiae, inbiatque iterum Bernardi, sociorumque Eremitarum victoria. cap. 6. 101
- A Demone malo tentatur, ut in lasciuiæ labatur cœnum, sed diuino munere victor euadit. cap. 7. pag. 107
- Celestibus fauoribus post carnis victoriam Deus solatur Bernardum. E terra ad Cælum scalas argenteas videt erectas, Iesum, Matremq; Virginem. Sclarum fastigio harentes, & nouæ sobolis habi-



tus, & gloria apertissime ei ostenduntur. cap. 8.  
 pag. 112  
 Aerumnas patitur iterum Bernardus tanquam noua,  
 & detestanda sectæ Princeps. cap. 9. 115  
 Auenionem contendit B. Bernardus à Pontifice Ioan-  
 ne XXII. precipientibus litteris euocatus. cap. 10.  
 pag. 121  
 Narrantur aliqua, quæ B. Bernardo sua per itinera  
 obuenerunt. cap. 11. 130  
 Arretium tenet Bernardus, Antistiti Guidoni ponti-  
 ficias exhibet litteras. Triduanum indicitur ieiu-  
 nium. cap. 12. 134  
 Reducem Bernardum letanter accipiunt Acconenses  
 Eremitæ, quibus ipse omnia aperit, quæ Summus  
 Pontifex, & Arretinus Antistes decreuerunt, cuius  
 nomine ieiunium, & orationem denunciat. cap.  
 13. 137  
 Beatissima Virgo Mater in somnis Arretinum Anti-  
 stitem admonet quid de B. Bernardo, & de Accon-  
 ensibus Eremitis ipsa statuerit. cap. 14. 140  
 Guido quæ per somnium uidit B. Bernardo aperit,  
 D. Benedicti regulam, candidas vestes, & insignia  
 Religionis Deiparæ iussu tradit. cap. 15. 143  
 Priuilegium B. Bernardo, & socijs conceditur extru-  
 endi templum, & vitam instituendi cœnobiticam.  
 cap. 16. 147



LIBRI TERTII.

B. Bernardus Cœnobita.

**B.** Bernardus Diui Benedicti regulam ab Arretino  
Antistite Guidone Petramalio iussu Deipara  
acceptam, fratribus exhibet obseruandam. cap. 1.  
pag. 149

De Antistite constituendo unâ cum socijs agit B. Ber-  
nardus. Abbatis murus, & dotes ipse ediderit.  
cap. 2. 155

Eligitur Primus Abbas Generalis Oliuetanus Patri-  
tius de Patriijs, Templum Deipara sacrum ex-  
truitur, & humile Mönachis Cœnobii excitatur.  
cap. 3. 158

Quod diu construunt Cœnobita, noctu Dæmones de-  
struunt. Fundit preces Bernardus Beatus, & à Deo  
loci custos missus Archangelus Michael tartareas  
fugat laruas. cap. 4. 163

B. Bernardus omnium consensu Supremus Modera-  
tor eligitur. cap. 5. 167

Montis Oliueti Cœnobij in agro Senensi, prout nunc  
extat, descriptio. cap. 6. 171

Singulis annis de more monastico se abdicans B. Ber-  
nardus regimine, à Monachis semper cõfirmatur.  
Cœnobiticam disciplinã altius prouebit augetque.  
cap. 7. 177

B. Bernardus oculis languens Cœnobitai obsecrat, ut  
à præsulatu ipsum eximant, sed ab iisdem, & pon-

tificij



tificij Legati autoritate iterum confirmatur . cap. 8.	181
B. Bernardus socios Monachos Auenionem destinat , ut à Summo Pontifice diplomata impetrent, quibus Ordo Oliuetanus, & priuilegia à Guidone Petra- malio Arretino Antistite concessa confirmantur . cap. 9.	184
Plura Monasteria superstite B. Bernardo Oliuetana Congregationi conceduntur. cap. 10.	187
Ambitionis, & Auaritia tentatur B. Bernardus à Dæmone, sed diuina gratia de utraq; triumphum refert. cap. 11.	194
Sutrium petit B. Bernardus iussu Summi Pontificis eius pudicitie malus Dæmon insidiatur. cap. 12. pag.	197
Vidit B. Bernardus Empyrj Reginam, à qua tutus de sua salute redditur. cap. 13.	200
Quedam arcanà Deus B. Bernardo ante obitum ma- nifestat. cap. 14.	203
Apparuit B. Bernardo Diuus Benedictus, eiquè diem sui obitus patefecit. cap. 15.	204
Cœnobitis ad infirmos peste laborantes destinatis, in egrotantium opem se totum confert B. Bernardus. cap. 16.	207
Tertiadecima die Augusti Monachis Senas in Cœ- nobium Diui Benedicti aduentantibus diem, ho- ramq; sui obitus B. Bernardus aperuit, animamq; eius purissimam effudit. cap. 17.	209
De quibusdam miris post B. Bernardi gloriosum obitum, & de eius tumulo. cap. 18.	215



LIBRI QVARTI.

B. Bernardi virtutes.

<b>E</b> ius humilitas. cap. 1.	219
B. Bernardi sobrietas, ieiunium. cap. 2.	222
In diuinas lectiones nauiter operam impendit B. Bernardus. cap. 3.	223
De Austeritate eius vita. cap. 4.	225
De orandi studio, & diuinis contemplationibus B. Bernardi. cap. 5.	227
Diuina contemplans B. Bernardus persæpè celesti corripitur ecstasi. cap. 6.	230
Diuinitus B. Bernardus cordis arcana dignoscit. cap. 7.	233
Quanto amore in Deum, ac proximum efferbuerit B. Bernardus. cap. 8.	237
B. Bernardi corporis habitus, statura, & aliquæ animi dotes. cap. 9.	239

LIBRI QVINTI.

B. Bernardi mira.

<b>A</b> d necem penè vulnerato sanitatem restituit. cap. 1.	241
Dæmones à corporibus obsessis signo Crucis expellit. cap. 2.	242
Signo Crucis febrem arcet. cap. 3.	243
Cæco lumen restituit. cap. 4.	244

Ex



Ex pituita claudicantem curat oratione . cap. 5. pag. 245

Dat precipitem Dæmon ad mortem quemdam cæmentarium, qui B. Bernardi precibus vita potitur. cap. 6. ibid.

Peste laborantes sanitati restituit . cap. 7. 246

Arescentem manum pristino vigori restituit . cap. 8. pag. 247

Cingulo B. Bernardi Dæmones eijciuntur . cap. 9. pag. ibid.

Sanguinis fluxum patiens corpus B. Bernardi inuisens curatur . cap. 10. 248

Hydrope femina laborans curatur . cap. 11. ibid.







# INDEX

## Rerum memorabilium.

### A

- A** Bbas Generalis primus omnium inter Oliue.  
 tanos Patritius de Patritijs. pag. 158.  
 Acconensis Eremita descriptio. pag. 79.  
 Adam post culpam vilissimus terra fossor. 9  
 Aegypti Regni descriptio antiquitas, pulchritudo,  
 feracitas. 13  
 Eius stemma luna. 15  
 Alexander Magnus moriturus Regno distribuit.  
 pag. 12  
 Insipienter dictus Magnus. 65  
 Dedisset pro pallio Diogenis regiam clamydem.  
 ibidem.  
 Alphonsus II. Rex Neapolis ad Montem Oliuetū  
 de eodem benemeritus. 174  
 Aluarus Episcopus Siluensis de planctu Ecclesiae.  
 pag. 120

KK

Am-



<i>Ambrosius Piccolomineus secundus Abbas Gene-</i>	
<i>ralis .</i>	160
<i>Angeli B. Bernardi comites .</i>	127
<i>Eum solantur in carcere detentum .</i>	133
<i>Anima quanti valeat .</i>	73
<i>S. Ansanus Senæ Patronus ibi martyrio coronatur .</i>	
<i>pag.</i>	60
<i>Antonius Burgenfis historicus Oliuetanus .</i>	178
<i>Anulus aureus digito insertus nobilitatis argu-</i>	
<i>mentum .</i>	15
<i>Apostolica Sedes, quo pacto translata Auenionem .</i>	
<i>pag.</i>	121
<i>Ipsa una est, quæ tribuit, &amp; alimenta, &amp; vi-</i>	
<i>tam.</i>	184
<i>Archangelus Michael B. Ber. Tutor.</i>	196
<i>Aristotelis præcipuos errore deplorat B. Bernar.</i>	
<i>pag.</i>	28

B

<b>B</b> <i>Aiazetus Turcarum Imperator Tamurlani</i>	
<i>mancipium vilissimum.</i>	66
<i>Balestricus Ptolemæus ex Regio genere sui stipi-</i>	
<i>tis Senæ primus .</i>	14
<i>Belisarij felicitas, &amp; miseria.</i>	65
<i>Bellici apparatus descriptio .</i>	36
<i>S. Bernardinus Senensis seraphica familie instaura-</i>	
<i>tor.</i>	8
<i>B. Bernardi Ptolemæi encomium .</i>	ibid.
<i>Nascitur sæculo Ecclesiæ funestissimo .</i>	19
<i>Reparator instituti monastici .</i>	21

Eius



259

<i>Eius natalis dies festiuiffi nē celebratur.</i>	<i>ibid.</i>
<i>Adhuc infans vagiens quid magni praeferbat.</i>	
<i>pag.</i>	22
<i>Eius educatio in aede sacra.</i>	23
<i>Operibus pietatis studet, adhuc puerulus.</i>	24
<i>Litterarijs studijs operam nauat.</i>	25
<i>Humilitas in scientijs.</i>	26
<i>Religiosum habitum inibat.</i>	<i>ibid.</i>
<i>Iussu Mini Genitoris claustra sacra deserit.</i>	
<i>ibid.</i>	
<i>Impensius scientijs vacat.</i>	27
<i>Quae discit ad animi salutem, &amp; Dei gloria</i>	
<i>ref. ndit.</i>	28
<i>Stagyritae dogmata deplorat.</i>	<i>ibid.</i>
<i>Platonica doctrinae studiosus.</i>	29
<i>Christianos Philosophos Aquilis, Gentiles com</i>	
<i>parabat noctuis.</i>	30
<i>In ius pontificium, &amp; caesareum incumbit.</i>	
<i>ibid.</i>	
<i>Astronomicis moralibus, &amp; theologicis discipli</i>	
<i>nis operam impendit.</i>	<i>ibid.</i>
<i>Eius nomen quaque diffusum.</i>	31
<i>In sodal. tio S. Ansani pietatis opera exercet.</i>	
<i>pag.</i>	32
<i>Exercitamenta virtutum in eodem sodal. tio.</i>	
<i>ibid.</i>	
<i>Inter caesareos milites ascitur.</i>	35
<i>Inter equos, &amp; arma lasciuit.</i>	37
<i>Mollibus curis distinctur.</i>	38
<i>Isdem armi, quibus tepuerat ad diuina ardē</i>	
<i>tus excitatur.</i>	39



*Militiam detestatur, & humiliter, quæ malè  
patrarat confitetur.* 41

*Impensius pietatis operibus studet B. Virginis  
studiofissimus.* 42

*In sodalitis S. Mariae de Scala Senæ, mira præ-  
bet exempla virtutum.* 43

*Quanta eius sapientia.* 45

*E cathedris omnes scientias Auditores suos edo-  
cet.* ibid.

*Eius scientia habuit virtutem comitem.* 46

*Ad munia præclariora Senensis Reipublicæ eue-  
hitur.* 47

*Multa decernit ut eadem Respublica immunis  
esset à vitijis virtutibus effloresceret.* 48

*Multa misericordie exercet opera.* ibid.

*Scientia miserè inmescit.* 51

*Ludicris vacat.* 52

*Venatui piscatui studet.* 53

*Lasciuit in vigilijs nocturnis Senensibus.* 55

*Superbia turgescens è cathedris de rebus abdi-  
tioribus se promittit disceptaturum.* 57

*Diuinitus excecatur.* ibid.

*In cæcitate suam agnoscit miseriam, & erro-  
res detestatur.* 58

*Quanta viderit in sua cæcitate.* 60

*Votum nuncupat pro luce deperdita.* 61

*Fit lucis compos à B. Virgine.* ibid.

*Orationem habet luculentam de Mundi ludi-  
brijs.* 62

*Omnia pauperibus erogat.* 75

*Habet comites in desertum contendens Ambro-  
sium*



261

sum Piccolomineum, & Patritium de Pa- tritijs.	77
Quo anno in desertum secessit.	82
Eius amictus, & vita austeritas.	ibid.
Eius contemplationes, & exercitationes in Ere- mo.	85
Notior in deserto, quàm in saculo.	89
Ad Ereum aduenientibus dant monita salu- tis.	90
Respuit inter Eremicolas sceptrum.	92
Pios sermones habet de Eremico instituto.	93
Epulas venenatas diuinitus agnoscit.	100
Eis vescitur, & non leditur.	101
Tentatur à Dæmonibus, ut deserto Erema ad se- culum reuertatur.	102
Dæmones tentatores eijcit ab Erema.	105
Fæda libidine à Dæmone tentatur.	108
Victor euadit.	111
Videt post victoriam erectas inter rupes argenteas scalas, & in cacumine Iesum, & Deiparam, An- gelos, & Monachos ascendentes in albis.	113
Defertur, ut hæreseos reus ad Sancti Officij tribu- nal Auenionem maturat.	123
Quanta in itinere toleret.	126
Ad pedes Summi Pontificis verba habet feruentis- sima charitatis, & humilitatis.	127
Taurini ut fur triduo in carcere detinetur.	132
Furem, & furtum diuinitus patefacit.	133
Angelos habet in custodia consolatores.	ibid.
Arretium pergit iussu Ioannis XXII. Summi Pō- tificis.	134

Anti.



Antistitem Arretinum adit, eique exhibet litteras pontificias.	135
Letanter excipitur ab Eremiticis Accanensibus.	137
Eius concio ad eosdem.	ibid.
Isdem ieiunium denunciat nomine Arretini Prae-	139
fulis.	146
Cenobitico habitu induitur.	150
Eius concio ad Eremiticos fratres mox induturos	155
vestem monasticam.	162
Ad eosdem sermonem habet de constituendo Re-	164
ctore.	167
Edocet verbo, & exemplo monasticae vitae austeritatem, & mores.	168
Eius humilitas quanta.	177
Omnium consensu unanimi Abbas Generalis eligitur.	178
Eius modestia, & charitas.	181
Concionem habet ad Monachos.	182
Singulis annis monastico se abdicat regimine.	187
Cenobiticam disciplinam mirè prouehit.	ibid.
Oculorum lumine languet.	192
Habet donum lacrymarum.	194
Multa decernit Oliuetanis.	195
Fulsi ut Sol monasticae vitae.	
Multa pia cōscripsit de vita monastica, ad principes viros.	
Sua cenobia in solitudinibus erigenda curauit.	
Ambitione, & Auaritia tentatur in deserto à Demone.	
Cognoscit fraudes, & laruosos demones fugat.	

Dirè



263

Dirè à Demonibus verberibus conficitur.	196
Ab Archangelo Michaele defenditur, & curatur.	
ibid. pag.	ibid.
Demonem tentantem signo crucis fugat.	197
Sutrium iussa Summi Pontificis petit.	ibid.
Pacem inter hostes firmat.	198
Tentatur à petulca femina, eamquè fugat.	199
Virginis Matris Assumptę in Cælum gloriam vi-	
det.	201
Christi passionem lacrymosissimè meditatur.	203
Eundem Christus alloquitur.	ibid.
Multa ei reuelat.	204
Preces effundit pro peste Italiam, & Senensem Rē-	
publicam deuastantem.	205
D. Benedictus ipsum alloquitur, & imminentem	
prænuñciat obitum.	ibid.
Pro mortis nuncio lætissimus.	206
Moriturus impēstus in operibus se charitatis exer-	
cet.	ibid.
Cenobitas ad agrotantium curam destinat.	207
Eius concio ad Monachos profecturos ad opera,	
exercenda pictatis.	ibid.
Omnium primus in tabefactorum curam incum-	
bit.	208
Moriturus concionem habet ad fratres.	210
Sanctissimo Sacramento refectus inter crucifixi	
amplexus Monachis psallentibus, & ploranti-	
bus agit animam.	213
Eius obitus ab omnibus lacrymas excutit.	214
Morienti B. Bern. apparet Iesus, Maria,	
Michael Archangelus, S. Benedictus, &	

S. Ber-



891	<i>S. Bernardus Clarae uallensis.</i>	216
	<i>Anima eius ad Cælum contuolans multis visa.</i>	
8101	<i>p̃s̃ viris.</i>	ibid.
791	<i>Eius cadauer piè colitur.</i>	217
8101	<i>Quanta extiterit eius humilitas.</i>	220
891	<i>Cur appellari voluerit Bernardus in sui con-</i>	
991	<i>uersione.</i>	221
101	<i>Mira abſtinentia eiusdem.</i>	222
105	<i>Studium in lectiones ſacras.</i>	223
805	<i>Secretiora oratione aſequitur.</i>	224
8101	<i>Eius vite quanta auſteritas, ſomni parcitas,</i>	
405	<i>discipline cilicium.</i>	225
81	<i>Mirum orandi ſtudio.</i>	227
805	<i>Contemplans Innocentium ſtragem ſtagellis cæ-</i>	
8101	<i>ditur à Demone.</i>	228
8101	<i>Persæpè celeſti ecclaſi corripitur.</i>	231
805	<i>Cordis arcana dignoſcit.</i>	233
8101	<i>Mira eius charitas in Deum, &amp; proximum.</i>	
8101	<i>pag.</i>	237
701	<i>Eius corporis effigies.</i>	239
8101	<i>Multis miris, ſignis, &amp; virtutibus coruſcat per</i>	
8101	<i>totum librum quintum.</i>	

# C

	<i>Carolus V. ad Montem Oliuetum. In Oliueta.</i>	
	<i>nos eius munificentia.</i>	175
	<i>S. Catharina Senenſis virgo ſeraphica.</i>	8
	<i>In Galliam cum Summo Pontifice agit de reſti-</i>	
	<i>tuenda Apoſtolica Sede Romæ.</i>	20

Cbri-



265

<i>Christus in Cælum ascensurus suas ostendit plagas .</i>	
pag.	145
<i>Christus Crucifixus apparet B. Bernardo verberibus à Damone confecto .</i>	229
<i>Eundem Christus alloquitur .</i>	ibid.
<i>Christus in deserto Nazareth, &amp; Aegypti eremiticam vitam ducit annos triginta .</i>	106
<i>Cleopatra nouissima ex Ptolemæis Aegypti Regina .</i>	13
<i>Infaustum Orbis fidus , monstrum portentoſe libidinis .</i>	ibid.
<i>Seipſam Aspide necat .</i>	14
<i>Concio B. Bernardi ad ſeipſum laſciuientem in armis, veſtibus , &amp; equis .</i>	39
<i>Ad ſeipſum diuinitus excecatur .</i>	57
<i>Eiuſdem concio de Mundi conſemptu in ſchola ſapientie .</i>	62
<i>De perſeuerantia in Eremito .</i>	93
<i>Ad Fratres Eremitas .</i>	137
<i>Concio deferentium B. Bernardum ad Sancti Officij Tribunal .</i>	115
<i>Concio Ioannis XXII. Pontificis ad B. Bernardum .</i>	128
<i>Concio Guidonis Petramali Episcopi Arretini ad B. Bernardum .</i>	135
<i>Coronæ Regum magis ſpinis, quàm gemmis texuntur .</i>	68



## D

- D** Aemon pro nullo animam expetit. 73  
 Ementito vultu B. Bernardum, & socios  
 monet, ut Eremitum deserant, & ad seculum  
 reuertantur. 102  
 Subit puella formam impudicissimam, ut in la-  
 sciua cœnum labatur B. Bernardus. 109  
 Crudelius seuit in Dei seruos. 115  
 Conatur ut B. Bernardus ab incepto itinere in  
 Galliam desistat, & nè Summo Pontifici  
 pareat. 130  
 Charitatis osor in monastica vite professores  
 seuit. 163  
 Quod Monachi extruunt per diem, Dæmones  
 per noctem destruunt. ibid.  
 Tabellarium se fingit Dæmon ad perniciem  
 B. Ber. 194  
 Vultum Ambrosij Piccolomini simulat tenta-  
 turus B. Bernardum. 196  
 Meditantem B. Bernardum Innocentium stra-  
 gem seuissimè flagellat. 229  
 Darius aureis compedibus vinctus vulneribus  
 confoditur. 66  
 Deus Mundo ostendit humiles suos seruos etiam  
 in hac vita effulgentes gloria. 89  
 Dei admirabilis in Catholicam Ecclesiam cura.  
 pag. 20  
 Dei fauores, & arcana humili silentio contegenda.  
 pag. 204

Dio.



267  
Dionysius Syracusanus ex Tyranno ludimagister.  
pag. 66

**E**ctasis B. Bernardi multiplex. 231  
Educatio filiorum in sacris Religiosorum  
septis mos laudabilis, & antiquus penes vi-  
ros nobiles. 23

Elia ad Calum euolaturus proijcit pallium. 75

Eiusdem triumphantis descriptio. 39

Eremita felicitas. 90

Habet desertum horrorem venustum. 91

Eremita ab Eremita discessuri cecitate plexi, preci-  
bus B. Bernardi lumen recipiunt. 106

**F**esta in natalibus mos apud Barbaros. 21

Fridericus II. Imperator ex Gibellinis.  
pag. 98

Fulvia ex stipite Tancredorum Mater B. Bernar-  
di post votum, foetum gerit. 16

Eius somnium seu visio de candidissimo Cycno.  
pag. 17

G

**G**ibellinorum, & Guelphorum in Italia fa-  
ctio seu secta. 97

Quam perniciofa, & execrabilis. 98

Ll 2 Gre.



*Gregorius XI. Apostolicam Sedem Romæ resti-*  
*tuit.* 20

*Gregorius IX. concionem habet pro extinguendis*  
*factionibus pugnantibus pro Gibellinis, &*  
*Guelphis.* 98

*Guido Petramalius Episcopus Arretinus.* 134

*Eius concio ad B. Bernardum.* 135 & 144

*Idem Oliuetanis Arretij Cœnobium erigit.*  
*pag.* 188

*H*

**H** *Aeresis quàm perniciofa.* 116

*Quæ fuerit Fraterculorum Begardorū,*  
*& Beghinarum.* 120

*Herodes nihili facit Regnum pro saltu.* 71

*Homo ne superbiret diuina imagine, formatus ex*  
*luto.* 10

*Homo rector cetera animalia illis sapientior*  
*efformatus.* 157

*Humilitatis basis virtutum.* 219

*Plurima humilitatis exemplū exhibuit B. Ber.*  
*pag.* 221

*In ipsis celestibus fauoribus humillimus exti-*  
*tit.* 231

*I*

**I** *Esus iturus ad Patrem deponit suas exuias.*  
*pag.* 75

*Ieiunij virtus.* 222

*Ieiū.*



269  
*Ieiunij laudes.* 135

*Prima lex in orbe lata fuit de ieiunio. ibid.*

*Iezabel è turris data præceps, sit canum cibus.*  
pag. 68

*Ioannes Columbinus Iesuatorum Auther.* 8

*Ioannes Baptista in deserto, ut Messia adoratur.*  
pag. 90

*Ioannis XXII. ad B. Bernardum concio.* 128

*Ioſeph elabatur è manibus impudicæ mulieris fa-  
cto Crucis ſigno.* 76

*Iridis mendax pulchritudo munda designat eius  
descriptio.* 71

L

**L** *Ibido omnium vitiorum spurcissima.* 108

*Nec ſenectute perfractio parcat.* 199

*Luna ſignum nobilitatis, penes priſcos Romanos.*  
pag. 15

M

**M** *Aria lucis Mater B. Bernardo lucem re-  
ſtituit.* 6

*Dicitur Mater lucis.* 42

*Apparet Episcopo Arretino, & quid ſtatuen-  
dum de Acconenſibus Eremiticis ſtatuit.*

pag. 140

*Eius deſcriptio.* ibid.

*Ipsa prima fundatrix Ordinis Oliuetani.*  
ibid.

Maria



<i>Maria Virginis Assumpta in Caelum videt glo- riam B. Bernardi.</i>	201
<i>Eiusdem descriptio.</i>	ibid.
<i>Marij de Iugurta Triumphatoris infelicitas . pag.</i>	66
<i>Michael Archangelus cœnobium Montis Oliueti Tutator Demones fugat.</i>	165
<i>Eiusdem militari forma descriptio.</i>	ibid.
<i>Altare erigitur ipsi à B. Bernardo .</i>	166
<i>Minus Ptolemæus , &amp; Fulcia Tancreda B. Ber- nardi Parentes.</i>	15
<i>Mitridates Rex Ponti sibi mortem infert.</i>	66
<i>Monachorum hereditas quæ.</i>	181
<i>Monachorum exercitamenta manuum ad otium fugandam .</i>	170
<i>Monachi Oliuetani extruunt Deipara cœnobium, &amp; cellulas cœnobiticas .</i>	160
<i>Monachis cur detur tonsura, vel rasura .</i>	169
<i>Habent in rasura tonsuram .</i>	ibid.
<i>Monachos solitudo decet .</i>	192
<i>Monothelitarum hæresis .</i>	6
<i>Moyse in fisco cellula vagiens Imperium præfere- bat .</i>	22
<i>Ab Aegypto egressurus tulit secum ossa Iosephi. pag.</i>	76
<i>Eius frons radiat, et si velo præcingatur.</i>	90
<i>Montis Oliueti insignia à B. Virgine traduntur, est quæ eius Fundatrix.</i>	141
<i>Dicebatur prius Accona .</i>	144
<i>Eius stemmata mysterijs plena .</i>	153
<i>Eius descriptio.</i>	181

Mun-



271

<i>Mundus vniversus punctus.</i>	65
<i>Eius gloria, fumo similis.</i>	68
<i>Similis somnijs.</i>	ibid.
<i>In somnis ostensa.</i>	ibid.
<i>Mundana omnia in cinerem tandem abeunt.</i>	69
<i>Mundus adorat, quæ fugit, &amp; odit.</i>	192
<i>Omnia, quæ in ipso sunt fragilia.</i>	180

N

<b>N</b> <i>Abuc ex homine, &amp; Rege euadit fera, &amp; vilissima bellua.</i>	67
<i>Nobilitas spreta.</i>	9
<i>Vera in virtute sita est, habetq; ab illa originẽ.</i>	ibid.
<i>Nobiles saepe ex Nobilibus ortum ducunt.</i>	11

O

<b>O</b> <i>Ctavius Piccolomineus belgici belli gloria.</i>	pag. 161
<i>Oliuetana Religio, quo tempore fuerit instituta.</i>	pag. 146
<i>Quando confirmata.</i>	184
<i>Oliuetani Ordinis insignia à B. Virgine traduntur, estquẽ eius prima Fundatrix.</i>	153
<i>Oliuetanis præclara priuilegia à Summis Pontificibus conceduntur.</i>	186
<i>Oliuetani exactissimẽ D. Benedicti regulam custodiunt.</i>	178
<i>Admirabilis psallendi ritus.</i>	ibid.

Eorum.



*Eorundem vigilia, & vite austeritas.*  
pag.

179

P

- P** *Atritius de Patritijs Senensis primus Abbas*  
*Generalis Oliuetanus.* 158  
*Eius laudes.* 159  
*Pauonis descriptio, Mundi pulchritudinis ima-*  
*go.* 71  
*Paulus III. Farnesius Cœnobium Montis Oliueti*  
*inuisit.* 175  
*Persus Regis Macedoniae Filius Fabriferrarij*  
*famulus.* 66  
*Piccolominei sanguinis claritas.* 161  
*Pius II. in eodem Cœnobio quomodo ab Oliuetani-*  
*is excipitur.* *ibid.*  
*Meminit in suis commentarijs eis cœnobium,*  
*illudque describit.* 176  
*Agit de Cœnobio S. Annae eiusdem Ordinis Oli-*  
*uetani.* 190  
*Cultum ossium B. Bernardi memorat.* 217  
*Plato multa supra Stagyritam agnouit sacra*  
*Scripturae consona.* 29  
*Arridebant eius placita B. Bernardo.* 30  
*Policrates Samniorum Tyrannus fune suspen-*  
*sus.* 66  
*Pompeius Mundi Triumphator sepulcro indi-*  
*get.* 65  
*Ptolemai Senenses ex Regibus Aegypti.* 11  
*Post nauale praelium triumphante Augusto ej-*

*ciun-*



ciantur à Reguo.	14
Eorum in Vrbe Senens. preclara monimen- ta.	15
Habuerunt multos sanctitudine insignes.	ibid.
Eorum Stemma.	ibid.
Ad maxima nati.	46
Ex factione Guelphica.	99
R	
Rebecca formosissima deformatissimi filij pa- rens.	9
S	
Saul seipsum interficit.	67
Scientia quædam necessaria Rempublicam gerentibus.	44
Humana immerito dicitur scientia, cum nihil certi habeat.	73
Saculum cœnobitici inimicum.	178
Sedechias ex Rege mansipium excœcatus diem obit.	68
Seiani infelicitas.	67
Sena B. Bernardi patria eiusdem descriptio.	1
Eius positus.	2
Vrbs vetustissima à senio Remisilio erecta.	ibid.
Eius Stemma, Lupa.	ibid.
Sub Romano Imperio.	3
Sub Gothis.	ibid.



Sub Græcis.	4
Semper constans in fide Catholica.	5
Sub Longobardis.	ibid.
Condecoratur titulo Urbis à Ioanne I. Pontifice	
Maximo fide Catholica imbuitur à D. Ansa-	
no.	6
Sena sub Francis libertate donatur.	7
Armis, & viribus florida de Florentinis poti-	
tur victoria.	ibid.
Discordijs ciuilibus scissa Mediceo Imperio	
subest.	ibid.
Illustris à togis, & sagis, à purpuris, ab insulis,	
& sacris viris.	8
Eiusdem luctus ob B. Bernardi cæcitatem.	
pag.	59
Eadem hilaris ob restitutum eidem lumen.	
pag.	62
Eiusdem squalor in obitu B. Bernardi.	217
Senenses omnium Primi Oliuetano Ordini Cæno-	
bium excitant.	188
Seruis Dei amara Mundi dulcescunt.	84
Sodalitium Sanctæ Mariæ de Scala, Senæ semina-	
rium virorum sanctitudine illustrium.	
pag.	42
Exercitamenta virtutum in eodem.	43
Somnia iniecta à Deo, vera portendunt.	17
Offenditur multis exemplis.	18
Fulvia B. Bernardi matris somnii interpreta-	
tio.	ibid.
Sponsa celestis in canticis exuta pallium, sponsum	
inuenit.	65

Exui-



<i>Exuitur vestem, ut eius pulchritudo innotescat.</i>	
pag.	89
<i>Superbia omnium malorum origo.</i>	50
<i>Superioris partes, quales esse debeant.</i>	155

### T

<b>T</b> <i>Arquinius superbus miserrime obit.</i>	66
<i>Tentatio seruis Dei utilissima.</i>	107
<i>S. Thomas Aquinas educatus apud Monachos Cassinenses.</i>	23
<i>Thracas natalia deplorabant.</i>	21
<i>Quorum natalitia festiue Ecclesia celebret.</i>	
pag.	22
<i>Tuscia augurandi artis magistra, &amp; inuentrix.</i>	
pag.	8

### V

<b>V</b> <i>Enatus, &amp; piscatus Rudia, &amp; friuola occupationes.</i>	53
<i>Vigiliarum Senensium descriptio.</i>	56
<i>Virtutis quanta sit praestantia.</i>	99
<i>Vitalianus Senae Antistes Concilio Constantinopolitano interest.</i>	6
<i>Vitium aptissimum ad bonum nomen deperdendum.</i>	56




**Z** Enobia ex filio Ptolemaeo in triumphum  
ducitur ab Aureliano. 67




26505











005647618



